



8  
3-6  
26

17

Bibliotheca

Coll. Rom.

Societ. Jesu



~~14~~ M

18  
14\*  
8-3-26







IANI DOVSÆ  
 NORDOVICIS  
 CENTVRIONATVS,  
 SIVE  
 PLAVTINARVM  
 EXPLANATIONVM  
 LIBRI IV.

In quibus præter PLAVTVM, multorum  
 veterum scriptorum loca, POETARVM  
 inprimis, variè corriguntur,  
 illustrantur, explicantur.



LVGDVNI BATAVORVM  
 EX OFFICINA PLANTINIANA  
 Apud Franciscum Raphelengium,  
 CL. MDLXXXVII.

*ex legato J. M. Cocchini*



At tu cum Musis Phœbe, & cum Matre  
Cupido,

Tuq<sup>3</sup> hederâ vinctus, COME iocose,  
comam,

(Sic semper croceis madeant tua pulpita  
nimbis,

Sic veniat Genio nulla senecta tuo)

Huc agedum vestrum pariter nostrumq<sup>3</sup>

ROGERTEM

Ducite, ut his sese lusibus exhiberet.

Tunc ego crediderim vobis, quoscunque  
dolores

Sollicitis hominum demere pectoribus.



I N



IN IANI DOVSAE  
CENTVRIONATVM

PLAVTINVM ADRIA-  
NVS BVRCHIVS.

**S**VNT alij, qui Plantinos numerosq; salesq;  
Innumeris mendis, quibus hos fœdaverat ætas,  
Purgauere, bonoque operam impendere labori.  
Sunt &, qui facilem per commentaria multa  
Scriptorem multo studio sunt reddere nisi:  
At loca multa tamen vel non tetigere, vel ungue  
Percurrere leui. Nunc DOVSA polygraphus, arte  
Ingenioq; valens, cui turba nouena sororum  
Castalidum blandè ridens alludit alumno,  
Admonuit digitos, nihil intactumq; reliquit;  
Sed maculas dextrè & nauos feliciter omnes  
Abstulit, usq; adeò ut toto iam corpore mundum  
Auctorem exhibeat, priscoq; colore nitentem.  
Multa quoque insigni limâ planauit in usum  
Plantophilon; hi dant gratanti murmurare plausum.  
Maeste animo ingenioq; isto, doctissime DOVSA,  
Egregio properans porro indulgere labori,  
Promeritamq; tuo capiti petere inde coronam,  
Vnde prius nulli donarunt præmia Musæ.  
Sic erit, ut pulchrè rediuiuis pristina seclis  
Florescant opera, & redeat sua gloria Scenæ.

IN PLAV-

# I N P L A V T V M

V. NOBIL. IANI DOVSÆ

*operâ emendatum, Iani Gruteri*

*Carmen Elicium.*

Gaudete Aonidesque, Gratiaque,  
Et quantû est virûm ubiq; cultiorum.  
In lucis redit ecce PLAVTVS oras;  
PLAVTVS, quem tineaque aranciq;  
Dudû ergastulo in improbè maligno  
Catelloque situque manciparant.  
DOVSÆ at vindiciis sagacioris  
Pristinum asseritur modò in suum ius.  
Videtisne, vt vtrique olor Diones  
Alæ remigio potente plaudat?  
Videtisne, Iuuenta vt impedita  
Frontem perpetui viroris berbâ  
Viarum reseret moras, humique  
Crocum quâ graditur rosasq; spargat?  
Videtisne, columbulorum vt agmen  
Rostro atq; vngue ferant suæueolêtes  
Arboris Cythereidos corollas,  
Ac iis grauitè hûc & hûc obumbrêt?  
Ha quid? nû comitâte Amore magno  
Cæteraque Cupidinum phalange,  
It aduersum etiam Venus duobus,  
Et nunc basia dat trecenta MARCO?  
Et nunc

Et nunc basia dat trecenta I A N O ?  
Sic sane est. labio, excere, vtriusque  
Vt sensim immoriatur, impotente  
Præque gaudio amœnus ex ocellis  
Ipsi depluat imber; vsque quo omnes  
Ambobus faciem lauant lepores,  
Absterguntque suis deinde plumis?

Et vos Aonidesque, Gratiaque,  
Quantumq; est virum vbiq; cultiorum,  
Immoto hæc pede quitis intueri?  
Quin ite ipsi etiã obuiã, huncq; & illũ  
Salutate animo lubente & ore;  
Reginæ meritissimoque Cypri  
Gratulamini. Enim illa, Sarfinate  
Perdito, cruciauit haud secus se  
Ægritudine, quàm si Adonis alter  
Interemptus Apri furente dente.  
Siq; tantulum adhuc modò irreperitus  
Mansisset, lepidissima illa Diua  
In totum occiderat; simulq; cum ipsã  
Lusus, Blanditiæ, loci Lepores.  
Quod si vos quoq; non ruina raptim  
Traxisset similis, die atque nocte  
In luctu in lachrymis tamen fuisset  
Vobis Aonidesque, Gratiaque,  
Et quantũ est virum vbiq; cultiorum,  
Ætatem miserè terenda vita,

A D

AD LECTOREM.  
IN PLAVTVM Nobiliss. & doctiss. viri  
IANI DOVS Æ operâ restitutum.

PLAVTVS Latinas fecerat Comœdias  
Plenas lepore, & omnibus faciliis,  
Quas magna sepe Roma terrarum caput  
Spectavit effusis soluta risibus.  
Aetas, sed heu, sæclis iniqua posteris  
Reliquit arrosas malignis dentibus:  
Venus iocosa, risus omnis & lepos  
Tristi iacebant obnoluti pulvere.

Quin illa quondam maximo Quiritium  
Plausu Comœdia acta squallebat situ,  
Induta vultum flebilis Tragœdia.  
O dura fors! Quid non edax tempus potest?  
Comœdiam mutarat in Tragœdiam.

Nunc ecce DOVSA seculorum iniurias.  
Vlterius, acrioris ingeni face  
Densis tenebris Accium reconditum  
Illustrat ipse maior aut par ACCIO.  
Cedit verustas victa, succedit vetus  
Splendor, iocundq; & omnis elegancia,  
Togata, palliata, Gratiis comes.  
O lata fors! quid DOVSA vates non potest?  
Tragœdiam mutavit in Comœdiam.  
Agnosce Lector. hanc prior PLAVTVS dedit:  
Nunc illi & hancce DOVSA. plus debes viri?

Georgius. Benedicti Harl.

IN IANI DOVSÆ  
PLAVTINAM RESTITV-  
tionem Epigramma.

Planxerat Eurydicen tendisse ad tartara coniunx,  
Scilicet & solido stare adamante vias.

Planxerat: at ciitharā plectro ut tentauit eburno,  
Vxorem vati restituere Dea.

Sed misero, Stygi violatâ lege Tyranni,  
Excidit è manibus coniugis umbra sua.

PLAVTVM etiā passim cariōsa admorderat etas  
Dente malo, Tyrias cen pateretur aues:

Thessalicis valuere iugis nil gramina lecta:  
Profuit auctori nil medicina suo:

DOVSA lyrâ elicuit, Phœbao pollice, cantum,  
Carminaque Orphæis æmula pectinibus.

Protinus Eumenides (ô quantū carmina possunt!)  
Demulsi, Stygium perdomuitq; Canem,

UMBRIQVE excinuit manes, umbramque  
latentem

Ex Acherontæis eripuit latebris.

O quantum Orphæis præstant tua carmina

DOVSA,

In quæ nil diri iura valent Erebi?

Fr. Bredius.



INDEX R E R V M  
ET V E R B O R V M I N  
H O C C E N T V R I O N A T V  
M E M O R A B I L I V M.

<b>A</b> B I R E	530	Abitio	530
Ab re consulere			542
Abuti cum accusatuo			51
Actij Sinceri elogiuni			399
Ad pro Ob, & contra		53, 61, 190	
Ad istam faciem			372
Adiuuare			421
Admodum quàm			29
Adolescens esca maxima			310
Adr. Turnebi Laus	214. 455.	489	
Adscriptiui ad Legionem			291
Ædes, ab edendo			432
ÆDES PROBÆ, PVLCHRE QVE			
AEDIFICATÆ			372
Ædes pro capite seruili			339
Ærumnule	522	Ætate	229, 310
Agere cubito	218.	Agere satis	370
Agitare custodiam, vigiliis, excubias.			495
Agitare facillimè			176
Alea generatim accepta			171
Alieno uti nihil moror			124
Aliquì ablatius			465
		Alter	

<i>Alter pro aduersario</i>	163
<i>Amabo</i> 325.	<i>Amara</i> 325
<i>Amica amanti suo somnus</i>	158
<i>A Milite, Sene</i>	336
<i>Amphoræ editiore loco collocatæ</i>	358
<i>Ampulla &amp; Strigilis supellex Parasitica</i>	461
<i>Andræ Schotti error</i>	439
<i>Anilis status Iridi comparatur</i>	153
<i>Anteambulonũ seu Saluatorũ officia.</i>	37
<i>Anus fere vinosæ apud Plautum</i>	106
<i>Aram tenendi ritus</i>	510
<i>Architecto</i>	8
<i>Arcturi vehementia</i>	487
<i>Argentata querimonia</i>	388
<i>Armorum virtus</i>	65
<i>Arnobij locus</i>	460
<i>Assentatio</i>	274
<i>Attigas pro Attingas</i>	280
<i>Audientiam facere populo</i>	421
<i>Aululariæ commendatio</i>	86

B

<b>B</b> ACCHABATUR hama	359
Bacchides Plauti	290
<i>Bellè</i> 219.	<i>Bene habere</i> 384
<i>Benignè.</i> 299.	<i>Bona atas.</i> 488
BONA FORTVNA	91
<i>Bona res</i>	470
<i>Brissouij Elogium</i>	510

Brissouij

Brissonij Formulæ	510
Buchanani Epigramma	160

C

<b>C</b> ADERE obscæno intellectu.	475, 477
<i>Calidum consilium</i>	253
<i>Calularij</i>	113
Capitonum familia	457
<i>Carere temeto</i>	75
<i>Casteria &amp; Portisculi differentia</i>	63
<i>Catillare</i> nouo modo explicatum	203
<i>Catilla</i> 203. <i>Cauitio</i>	10
Cerâ obsignabant veteres	286
<i>Cera pro Tabellis ceratis</i>	278
<i>Ceraria</i>	355
<i>Chlamydem undantē quassando facere.</i>	257
<i>Cerinum</i> 114. <i>Ceruinum</i>	253
<i>Charientismus</i>	91
<i>Cibicida</i>	526
Ciceronis dictum de Plautino adumbratum	157
<i>Cicilendrum</i>	— 409
Circumpotandi mos	79
Cistellaria Plauti	223
<i>Clementer non potest; quin</i>	355
<i>Cogere quasi Coigere</i>	338
<i>Colere absolute</i>	386, 421
<i>Commoda argenti mina</i>	415
<i>Commouere Sacra</i>	382
<i>Comprecari</i>	347
**	
<i>Concha</i>	

<i>Concha</i>	429	<i>Conciliatio</i>	358
<i>Condicere aliquo ad cœnam</i>			523
<i>Cōiunctio copulatiua sæpe Veteribus neglecta</i>			485
<i>Consilia, prout bene aut male cedunt laudantur vel improbantur</i>			595
<i>Coquus nundinalis</i>	44, & seq.		405
<i>Consueuisse cum aliquo</i>			224
<i>Consulere &amp; Respondere relatiua</i>			372
<i>Conuicium</i>			367
<i>Cribrum pollinarium</i>			429
<i>Criticorum quorundam ineptiæ</i>			484
<i>Cubitum longus litteris signare</i>			508
<i>Cuiatis pro Cuias</i>			308, 321
<i>Curculio</i>			148. 558

D.

<b>D</b> <i>A bibere</i>	483	<i>Dapsilus</i>	392
<i>Dare vel Donare pro dedicare</i>			126
<i>Decet cum Dativo</i>			467
<i>Deinuare</i>	543	<i>Delicatus</i>	312
<i>Deliquum opponitur Reliquo</i>			188
<i>Demissis manibus</i>			258
<i>Demittere amphoram</i>			357
<i>Detexere aliquem pallio</i>			22
<i>Detruncare cibum</i>			526
<i>Dic dare</i>			422
<i>Diem comburere</i>			251
<i>Diem luculentè habere</i>			251
<i>Difficultas pro paupertate</i>			176

Dionysij Lambini <i>à d'orvalia</i> . 453. laus	529
Dirumpere se	192
Discumbendi mos & ordo	78, 480
Domi &: <i>In mundo esse eadem.</i>	451
Dona	486
Dona & Munera quid differant	486
Doni & Sacrificij differentia	486
Dotalis servus 53 Drachmissare	405
Ducere sese pro adolescentulo	528
Duritia & Parsimonia	297
Duri Capiones	457

E.

<b>E</b> BRIA coena	214
Edere sermonem	118
Electare	369
Elephantorum furor	294
Enicare suspiritus	369
Eosum genere natus	324
Ephesiorum elegantia	352
Ergo pro Certe	333
Errores per abbreviationem scripturae commissi	313. 415
Esum vocare	164
Euertere aliquem Bonis, Fundis, Familiis, adibus	541
Exemplum alicunde petere vel sumere.	445
Exuerria F.	99
FACTIOSI.	283
FACTIS SVIS MONVMENTVM	155
***	Fami

<i>Famidiatio</i>	casu	414
<i>Ferocem</i>	facere	311
<i>Flagitium</i>		261
<i>Flos</i>		430. 442
<i>Fluctuatim</i>		257
<i>Follem obstringit</i>	ob gulam	92
<i>Fons</i>	fæminino genere	534
<i>Fores</i>	conserua	59
<i>Formidolosum</i>		408
<i>Formula</i>	Legis Mancipiorum	471
<i>Fortunatum</i>	oppidum	232
<i>Fortis</i>	pro formoso	363
<i>Frigide</i>	factare	437
<i>Fugitare</i>	à simplici Fugo	380
<i>Fullonia</i>	83 • <i>Fundis exornata</i>	116
<i>Funditaria</i>	pugna Militis	425
G.		
<b>G</b>	A B R. Faërne laus	315
	Gannire	38
<i>Gradibus</i>	grandibus esse	240
<i>Grandiri</i>		222
<i>Gravida</i>	gratia	131
H.		
<b>H</b>	A B E R E pro cibo	375
	Habere pro matulâ	299
<i>HAEC</i>	MVLTAEI ESTO	55
<i>Haud</i>	ferme	440
<i>Hem interiectio</i>	verberantis	159
<i>Henrici Stephani</i>	error	57
	<i>Hira</i>	

<i>Hira</i>	162
<i>Histrionica à seruis tractata</i>	4
<i>Hoc noctis</i>	12
<i>Homo militaris Scurra</i> opponitur	243
<i>Hostes</i> pro peregrinis	538 <sup>n</sup>
<i>Hui</i> olfacientis gestus	8
<i>Humerum pallio onerare</i>	231

I.

<b>I</b> GITUR pro Deinde	282
<i>Impædire</i>	41
<i>Immune facinus</i>	336
<i>Immunis</i>	342
<i>Incolere</i> cum ablatiuo	301
<i>Indere</i>	334
<i>In digitis percoquere</i>	300
<i>Inëbra</i>	467
<i>Ingenium habere</i> in numerato	446
<i>Inferior guttur.</i>	93
<i>In se fugam conuerti</i>	19
<i>Iniurius</i> pro Iniuriosus	252
<i>Intercedere</i>	149
<i>Ioachimi Camerarij laus</i>	114. 122, 149
<i>Ioci</i> pro Næniis	76, 282
<i>Ire ereptum, opitulatum</i>	225

K.

<i>Kálendæ Martiæ</i>	402
<i>Καλῶς οὐ πλῆρης</i>	33
<i>Koxtghchielt</i>	476

## L.

<b>L</b> ANIONES	134
<i>Laniones Lenonum amuli</i>	134
Lares Penatesque cum Pilis pinguntur.	127
<i>Largiri</i> cum ablatiuo	391
<i>Lacinia auro literata</i>	490
<i>Latrones</i>	175, 435
<i>Latrocinari</i>	434
<i>Laudis laute</i>	350
Lauationes veterum ante rem diuinam	350
<i>Labitur res</i>	542
<i>Lecti sine probro</i>	292
Lemniorum rusticitas	235
<i>Lepada</i> piscis genus	194
<i>Lessum ducere</i>	419
<i>Lessus</i>	420
<i>Lex Talaria</i>	337
<i>Lingua venditaria</i>	517
<i>Literata</i>	490
<i>Longa litera</i>	508
<i>Lopades</i>	195
<i>Lubentes</i>	478
<i>Lucre</i>	387
Lucernæ quomodo extinguī solitæ.	280
<i>Ludere luto</i>	340
Lucæ Fruterij Brug. Verisimilia.	137, 540
Lucæ Fruterij emendationes.	99, 126, 138, 540.

Lustratio



<i>Lustratio</i>	350
<i>Lydi Barbari</i>	274
<i>Lucillij lib. i. Satyrarum argumen-</i> <i>tum</i>	59, 453

M.

<b>M</b> A D F R E	214. 455
<i>Madidum</i>	214
<i>Mala crux</i>	314
<i>Mala etas</i>	488
<i>Mala res pro inopiâ</i>	470
<i>Malacum pallium</i>	113
<i>Malè conciliare</i>	384
<i>Malè meditato malè dicax</i>	175
<i>Magnificare</i>	514
<i>Malè viuere</i>	176
<i>Malum</i>	4. & seq. 497
<i>Mani ablatius</i>	309
<i>Manus inqu. nata</i>	340
<i>Manum exurere sibi</i>	495
<i>Matronis incomitatis in publicum prodi-</i> <i>re crimini datum</i>	187
<i>Meâ causâ</i>	326
<i>Medius fidius</i>	85
<i>Medicina</i>	36
<i>Mensa à cibo sumto remouebatur.</i>	481
<i>Mina exta</i>	390
<i>Mina oues</i>	390
<i>Militum insolentia</i>	243, 448
<i>Meretricium genitiuus pluralis</i>	270

\* \* 4

*Militia*

<i>Militia</i>	368
<i>Miser ex animo</i>	263
<i>Miserari se</i>	263
<i>Mirum, quin</i>	303
<i>Monere</i>	332
<i>Morus &amp; molestus</i>	416
Mulieres, meretricium instituentes no- men mutabant.	443
Mulieres, meretricio quæstui renuncian- tes, ingenuum sibi nomen assume- bant	444
Mulieres Scenicæ oblatrices	492
Mureti audacia	513
<i>Multimodis</i>	478

## N.

Nævius Plauto ætate aliquantò supe- rior	198
Nævius quo tempore in vinclis Centum viralibus fuerit	199
<i>Nasiterna</i>	520
Natalitiorum Munerum ritus	402
<i>Natus nemo</i>	299
<i>Neptuni templa</i>	501
<i>Nullus pro non</i>	315. 516
<i>Nunc id est, quum</i>	423
<i>Nummus</i>	320. 406
<i>Numerò vnde dicatur</i>	446
Nuptiæ Cereris sine vino celebraban- tur.	105
	Nuptiæ

Nuptiæ Cereris diuersæ ab Ambarbali-  
bus sacrificiis 105

O

Obambulare 421  
Obafinos argentum ferre 267  
Obducere 54  
Obletare aliqui vitam suam 461  
Occedere 61  
Occideras 332  
Occidis me cum istuc rogitas 410  
Obnoxius 512  
Oenophorum pro Ampullâ 377  
Orca 304  
Orcus 404  
Os pracidere 472  
Onerare se voluptatibus, hilaritudine 525  
Ostillare 16

P.

PACES in rebus diuinis 488  
Patera intus 34  
Patricè amiciri 209  
Peculium 465. 534  
Peculiare aliqui 464  
Peculatoria oues 64  
Pellis pro zonâ 377  
Peratim ducitare 256  
in Perdendi verbo acuta ἀμφιβολία no-  
tata 141  
Permingere aliquem 299  
Pernicitas

<i>Pernicitas pedum inflexa</i>	32
Pet. Victorij error	356
<i>Peniculum tectorium</i>	331
<i>Pigritia prauortii</i>	368
<i>Pila</i>	126
Pet. Nannij error	420
Πλαῦ diphthongum quomodo extulerint veteres	185
Plautina genera loquendi è Græco fonte deriuata	33, 34
<i>Plautus cum Latranti nomine</i>	184
Plautinæ sententiæ de Menandro expref- sæ	486. 533
Plauti Comicum artificium	431
in Plauto decori obseruatio	250. 304
Plautus theatralium plausuum capta- tor	43
<i>Plaga pragnantes</i>	56
<i>Pollens Deum</i>	151
<i>Præcia</i>	289
<i>Prædicare</i> proprium præconum verbū	289
<i>Portifculus</i>	62
<i>Polluctus virgis</i>	489
Pseudolus Plauti	397
<i>Prima hostia</i>	440
Prudentij imitatio Plautina	333
<i>Puncto</i> vnde dicatur	511
<i>Pyra</i>	102

*Quan-*

Q.

Q V A N T V M potest	111
Quarere pro acquirere	227
Quane, quine	305, 498
Quia enim	363
Qui	180
Quid nomen est tibi	322
Quid me faciam	220
Qui potius, quàm?	373

R.

R A T I S pulchrè collata	288
Receptitius servus	53
Receptor Mortuum	304
Rex absolute	436
Ridiculi homines	515
Rostra	139

S.

S A C R O R V M vasa Dei illius, cui infer-	
uebant, imagine insignita	474
S A N E S A R T E Q V E	45
Sandaligeruli	112
Salute horia	502
Sal vilissimum	201
Sat esse	452
Salissatores	281
Salus damni	328
Sapere ad Genium	459
Sauium pro Saluâ	73
Sauium pro oro	74
Sedere	

<i>Scdere apud hostes</i>	31
<i>Servi inter se flagellabant</i>	66
<i>Servorum in compellendis Dominis libertas</i>	29
<i>Servorum post Manumissionem sup- plicatio</i>	474
<i>Servorum Athenis insolentia</i>	5
<i>Servorum insolentia Legibus Roma- nis coercita</i>	524
<i>Servilis supplicij ratio</i>	442
<i>Servilium conuiuiorum ritus</i>	83.337
<i>SI QUID OPVS FVERIT</i>	55
<i>Silicernium</i>	96.98. & seq.
<i>Sculponea</i>	195
<i>Scurra</i>	242.447.541
<i>Seria</i>	260
<i>Scaphium</i>	273
<i>Scelus viri, pueri</i>	364
<i>Sic dedero</i>	449
<i>Solere cum aliquo</i>	224
<i>Sic sine</i>	322
<i>Sorum pro eorum</i>	72
<i>Suprema</i>	67
<i>Spernere à se</i>	136
<i>Subrostrani</i> 139	<i>Subdiu</i> 308
<i>σπῡρα</i>	326
<i>Strufertarij</i>	T. 383
<b>T</b> ABELLAS obfignandi ratio	286
<i>Talis vir</i>	146
	<i>Tamen</i>

Tamen in fine	364
Tenere & Tendere eadem	217
Turtur quid sit in Plauto	273
Thesaurus stupri	40
Teruerunt pro Triverunt	408
Tegillum vel Tectum togæ genus	491
Testa 102 Tegula 102	351
Tempestatu montes	247
Tributum pendu solitum à ditioribus	116
Tricosus	177
Tristis pro illo	190
Tenax	217
Tumultuari	430
Tumultus quasi Tumor multus	46.431

# V.

V A P V L A peculium	534
Vbi pro ubique	29
Velum passum	520
Vino se deuincire	387
Venditare	517
Victus & cultus necessariæ humanæ vitæ	421
Vimen à viendo	505
Vinnula seu Vinnulata vox	49
Vinnuli Longobardi dicti	50
Vti pro Vbi	19
Vlterò pro procul	23
Vlmorum virtute	65
Volens	

<i>Volens propitius</i>	150
<i>Vrbicapus</i> cognomentum Militis	291
<i>Vulturij</i> Senes cur dicti	310
<i>Volturio</i> plus humani est	362
<i>Visitatus</i>	400. 553
<i>Vus</i> negorij	423
<i>Vietor</i> pro <i>Lictore</i> .	505

# ERRATA.

Pag. 56. lin. 16. factum, emenda: factura. pag. 82. lin. 2. ubique leg. utique. ibid. lin. 15. actu em. astu. pag. 87. lin. 21. aliquando em. aliquanto. pag. 231. lin. 7. societatem corrige: satietatem. pag. 300. ea ipsa cor. ea ipsa.



# LOCA AVCTORVM,

## QVÆ IN HOC

### CENTVRIONATV

#### AVT ILLVSTRANTVR AVT EMENDANTVR.

**A**FRANIVS 190, 413, 423.  
Aurelius Victor de Cæsaribus.

439.

Aufonius Burdigalensis 278

Appuleius 433, 491. 553. lib. xi.

Metamorph. 289

Cæcilius in Plotio 212

Cato De re rustica. 222

apud Festum 297

Catullus 497

Cicero 46. In Bruto 156

Epist. ad. Atticum 558

Curtius 552

Ennius 321, 367, 368

Festus Pompeius 61, 126, 346. 543

Gannius verus Poëta 153

Horatius in Sermonibus 139, in Epi-

stolis 411

Isidorus 49

Licinius Calvus 151

Lucilius

Lucillius	57, 162, 177, 247, 363, 453 514, 422, 526.	
Liuius lib. 1.	Decadis 1.	116.
Martialis		55
Næuius		113
Nonius Marcellus	41, 100, 502	
Ouidius	494. In Amoribus 59, 468, 510. In Fastis	102
Petronius Arbiter	85, 465, 473	
Plautus	locis extraordinariis: Asinaria 304.	
Curculione	347, 489, 538,	
Epidico		116
Bacchidibus		44
Menechmis	409. Pænulo	128.
Perfa		79
Truculento	391, 465. Clitellaria.	241
Propertius	71, 473, 496	
Sallustius	Oratione ad Cæsarem	225
	in Iugurtha	512
Terentius.		492
Titinnius		66, 491
Virgilius		481

I A N I D O V S Æ  
N O R D O V I C I S  
C E N T V R I O N A T V S,  
S I V E P L A V T I N A R V M  
E X P L A N A T I O N V M  
L I B E R I.

A D A M P H I T R V O N E M  
C A P V T I.

*Prologus Amphitruonis saltuatim per-  
cursus; & ex eo quadam inlustrata,  
alia emendata. Architecto, onis. Fa-  
utores. Cautio.*



M E R C V R I O auspi-  
cabimur hoc Caput;  
cum bonâ spe, imò  
firmâ fiduciâ fore, vt  
si non lucris, at bo-  
nis certè nuntiis, &  
qui maximè in rem  
nostram communem, hoc est, Litera-  
riam sient, Deus iste D O V S A M ali-  
quando

quando afficiat suum. Ait igitur *λογιζόμενος* ille à suapte primum & (quæ ratio est maxima) Iouis patris personâ Plautinam Amphitruonem Quiritibus haud tralaticie cōmendans

*Ut vos in vōstris vōltis mercimoniis*

*Emundis, vendundisq; me letum-lucris*

*Afficere, &c.* Doctè (Iuppiter)

ac Mercurialem in modum planissimè: sed verò *Letum* istud parum nobis herculè lētū videtur: nisi quòd promptum prothymumq;e, scū volentem propitium potius, hoc est, bono publico lubentem, ac lætificantem Quirites suos, animum Mercurij intelligere possumus, ab effectu scilicet.

*Et ut res rationesq; vōstrorum omnium*

*Bene expedire vōltis.* Huc perti-

Scenâ: net illud è Pœnulo: *Is explicavi meam rem*

*Suspendit postillà lucro.* Nisi si quis *Explicavi* ibi

*omnes.* pro *Extendi*, & quasi *Dilataui*, hoc est, ampliaui atque auxi dictum deputet.

*Hæc ut me vōltis approbare, annitier,*

*Lucrū ut perenne vobis semper suppetat, &c.*

Artificiosè concludit aliquando inchoatam prius obtestationem Mercurius; tribusq; ferè verbis complectitur, quæ

quæ pluribus amplificata persequutus fuerat modò. ne pendeat videlicet, longioris Hyperbati vitio, iam inde à principio deducta, porroq. ad sextum ac decimum vsque Senarium per ambages Poëticas perpeti serie & quasi protelo continuata sententia. Eadem panè repetitio apud Catullum nostrum, cuius locum (quò res omnis planior ac facilior fiat) integrum haud grauabimur adscribere:

*Cœnabis bene, mi Fabulle, apud me  
 Paucis (si tibi Dî fauent) diebus,  
 Si tecum attuleris bonam atque magnam  
 Cœnam non sine candidâ puellâ,  
 Et vino, & sale, & omnibus cachinnis:  
 Hæc si inquam attuleris Fabulle noster,  
 Cœnabis bene, &c.*

Pergamus porrò Comicotragœdiantem auscultare Mercurium:

*Etenim ille, cuius insu huc venio, Iuppiter,  
 Non minus quàm vostrum quivis formidat  
 malum,  
 Humana matre natus, humano patre,  
 Mirari non est æquum, sibi si pratimet.  
 Atque ego quoque etiam, qui Iouis sum filius,  
 Contagione mee matris metuo malum.*

Malum, utrobique serviles pœnas interpretor; *ulmos* putâ, *stimulos*, *laminas*, *crucesq;* *compedesque*.

*Nervos*, *catenas*, *carceres*, *numellas*, *pedicas*, *boias*,

ac cætera de genere horum passim obvia in hoc Comico. neque id mirum adeò cuipiam videri volo: vterq. enim, Iuppiter inquam ac Mercurius iste sine Genio ac gente; nullisq; potius, quàm humanis parentibus sati editique: quippe serui, ne dicam, capite diminuti; quibus, iure civili, cognationis ius nullum, nulla sanguinis necessitudo. neque aliorum trahenda ioci istiusce festiuitas. Ab hoc enim plagigero hominum genere rem ferè Scenicam, siue *Histrionicam* tractari ac frequentari consuevisse antiquitus, abundè argumêto fuerit, nobis locus iste Senecæ Epist. 81. qui viam mihi ad huius coniecturæ fulcimentum communiuit primitus: Ille qui in Scena elatus incedit, & hæc resupinus dicit:

Imperito Argis, regna mihi liquit Pelops,

Qua ponto ab Helles. atque ab Iōnio mari

Urgetur Isthmos.

servus est quinque  
modios

*modios accipit & quinque denarios.* Hactenus Seneca. unde haud absurdè Petronius: *Grex agit in Scena Mimum, &c.*

Quâ dere in Satyricum illum Præcidea nostra, qui volet, consulito. *Gregis* enim nomine Ludionum iuxta ac mancipiorum manipuli comprehenduntur, catastorû præsertim ac venalitorum,

*Et quorum titulus per barbara colla pependit,*

*Celati medio quàm saliere foro :*

quos malam rem utique, hoc est, virgidemiam assiduè plagasque ac tali-fragium metuere sibi, imò cauere convenit potius, siquidem vitales sese ac bonæ frugiperhiberi, herisq. ex sententiâ inseruire postulent modò. ut fiat illud, quod de semet in Mostellariâ cautè cogitatè que cum imperij herilis, tum officij sui memor prædicat Phaniscus his notis:

*Servi qui cum culpa carent, tamen malum*

*Metuunt, hi solent esse heris vitibiles.*

*Nam illi qui nihil metuunt, postquâ sunt malû Meriti, stulta sibi expetunt consilia.*

*Exercent sese ad cursuram, &c.* quæ ibidem totâ illâ Scenâ leguntur, ad Mala

istiufce Rei, supplicij dico ac cruciatus  
 feruilibus explanationem cum primis faciunt.  
 Neque aliter *τὸ Malum* in Hecyrâ Terentianâ accipiundum commonuit nos auctoritas Donati cui & hanc quoque ad Simonis illa ex Andriâ verba: Propterea quod seruibus liberaliter: suspicioni nostræ firmandæ interpretationem debemus: Liberaliter, id est, bene, quia omne bonum libero aptum est, malum seruo. Sed video fore, qui *Malum* hocce potius ad locum illum Cistellariæ referri oportere contendent; vbi Gregem istum Scenicum, hoc est, Seruolorum Histroniam facientium chorum, Caterue Titulo honestum, supremam spectatori- bus huiusmodi verbis denuncian- tem inducit Comicus:

Ne exspectetis spectatores, dum illi huc ad vos eant.

Ne mo exibat, omnes intus consicient negotium.  
 Vbi id erit factum, ornamenta ponent. post id ea loci

Qui deliquit, vapulabit. qui non deliquit, bibet.  
 Gnarum enim, eos qui bene egerant Histrones secundum actionem præmio affici, nec sine corollariis victores discedere;



discedere; qui secus, multari ac vapulare solitos. Quæ sententia si cui a misere-  
rit impensius, ei verò pugnare ego, vel  
contentionis funem ducere haud po-  
stulo. Pax mihi tecum potius ô bone,  
quisquis eris, cuiatis eris. Etenim in re Co-  
micâ paratragediare non est meum.

Aurea porro Sententia illa. Videas  
è cælo descendisse Mercurij talaribus  
subuectam:

*Nam iniusta à iustis impetrare non decet:*

*Iusta autem ab iniustis petere insipientia est.*  
Rectum est Impetrare. Sequitur enim  
Petere, non Peti. vt à Dionysio, ac Fru-  
terio nostro hâc quidem in parte leni-  
ter ac leuiter dissentiamus.

*Quis benefactor meus pater,*

*Deum regnator, architectus omnium.*

Hoc est: Quorum omnium beneficio-  
rū pater meus Iuppiter ille Opt. Max.  
auctor, dator, imò verò largitor atque  
opifex cluit; Datio pro generandi  
casu posito, more antiquis haud igno-  
ro. Verbi gratiâ, apud Ciceronem in  
Oratore ex innominato veteri Poëtâ:

*Qui est omnibus princeps. nec non Sallu-  
stium meum denique; de Clodio (id*

quod nos expiscatos primitus verè atque audacter possumus dicere) ità IV. Historiar. libro scribentem :

*Et uxori eius frater erat.*

Monet autem hoc loco nos Lambinus in nonnullis manuscriptis suis reperi-  
tum abs se, *Architector*. ex quo ipse por-  
rò *Architecton*, architectatus est nobis.  
Cæterum non persuadet. Credibilius  
enim ac probabilius Latinâ forma-  
tione vocem eam in Theatrum pro-  
ductam à Comico:quem ad hunc mo-  
dum scriptitasse opinamur:

*Architecto'st omnibus. Architecto, recto*  
*casu, non Architecton, vt volt Interpres.*

*Teneo quid animi vòstri super hac re fiet.*  
Similem pænè loquendi formam in  
Ludicro illo Sergij Polensis Testamento reperias  
apud Georg. Fabriciũ. sic enim inibi :

*Teneo iam vos risum dare, Sitio : hui sentio.*  
*vbi τὸ Hui, Interiectionis notam esse*  
*haud obæse sanè videor subodoratus,*  
*quâ venaturam naribus facientis, hoc*  
*est, olfacientis Parasiti gestus exprimi-*  
*tur, & quidem posthumus. Itaque*  
*post Hui, distinctio collocanda.*

Restituo mox in Plauto:

*Conqui-*

Conquisitores, singula in subsellia

Eant per totam caueam, spectatoribus;

Si cui fautores delegatos viderint,

Vt ab his in cauea pignus capiantur toga:

Sine etiā qui ambiſſint palmā Hiſtrionibus, etc.

Hinc, atque ex iis porrò quæ ſequuntur, opertum illud apertum ſit in Petronio: Néve planſor in Scena

Sedeat redemptus, Hiſtrionia addictus.

Quibus illuſtrandis inſuper accedat illa item Comica Hiſtrici Imperatoris Ediſtio è Pœnulo:

Quodq; ad Ludorum curatores attinet,

Ne palma detur cuiquam artiſici iniuriā:

Néve ambitionis cauſſa extrudantur foras,

Quò deteriores anteponantur bonis.

& qui cum primis tum Plauto, tum Petronio interpretandò facturus eſt Suetonius, locupletiffimo illo de Nerone, planè Hiſtrioniam exercente, teſtimonio: Aduerſarios quaſi planè conditionis eiſdem, obſervare, captare, inſamare ſecretò nonnumquam, ex occuſis maledictis inceſſere, ac ſi qui arte præcellerent, corrumpere etiā ſolebat.

Fautores porrò ibidem, non Fautores, rectè legi iam antea obſervatum Lambino. Ab eādē ratione Canitionem, prò

Cautione veteres vsurpasse auctor est M. Terentius.

*Similem rem ipse in legem inſit eſſe Iuppiter,  
Quæſi magistratum ſibi alterive ambinerint.*

Nihil inquinatius: & quanto rectius Lipſius, ac Fruterius noſter? quorum hic, *Sirempſe lege*; alter interiecta Præpoſitione, *Sirempſe in lege*, principes reſcribendum curauere. idq; potiſſimum ex Feſto, qui *Siremps* interpretatur, *ſimilis res ipſa*. vt gloſſa in contextum obreperit. id quod pluries, credo, in Plauto perpetratum. Ego tamen Lipſio meo aſſentior; niſi quòd accuſandi potius quàm auferendi caſu Lectionem conſtitui malim, hoc modo: *Sirempſe in legem inſit*, &c. Atque eò mehercle confidentius, quò ad receptæ ſcripturæ ſimilitudinem propius hæc noſtra accedit. Nam de phraſi quid attinet iterare? cui ſimilem, ne dicam *ſirempſe* videas in Aſinariæ verbis illis: ſed in leges meas dabo, &c.

Scenâ:  
Unum  
iſtorum.

*Quantuſq; amator fiet, quod complacitum eſt ſemel,*

Subaudiendum hoc loco, *Eius, quod complacitum eſt*; non vti Lambino complacitum,

citum, In eo quod complacitum est semel; aut  
Bosio: Si quid complacitum est semel. Sic  
enim plus milles credo alibi Poëta  
noster, ut vel in hoc ipso Prologo:

Cubat complexus (scilicet eam) cuius cu-  
piens maximè est.

AD AMPHITRIONEM  
CAPUT II.

*Locorum aliquot obscuritates discussa.*

Offillare. Conuerti fugam in se.

Pallium detexere. Vtrò, pro Pro-  
cul. Usufacere.

**S**O. QVI me alter est audacior homo; aut  
qui me confidentior,

Inuentutis mores qui sciam, qui hoc noctis solus  
ambulem?

Magnum verò solidi atque im-  
pauidi animi argumentum, per in-  
festas tenebras ac mediâ de nocte  
iter ingredi audere idque latere inte-  
cto, hoc est, solum ac sine comitatu ali-  
quo; eum præsertim, cui iuuentutis  
mores experimento cogniti ac prouisi  
iam

iam antea. Hoc enim dicit Sofia: Est ne  
verò insignita audacia hæc mea; qui  
quum sciam, *Quàm afflictentur homines noctu  
hicin via* (vti idem loquitur Stricho) de-  
prensî, vt sit, à proteruâ istâ ac passim  
vagabundâ perditissimorum iuuenum  
multitudine: quibus tenebrarum præ-  
fidio fretis.

Nox, ætas, vinumq; nihil moderabile suadet;  
illud solum prò oblectamento haben-  
tibus sibi, obuios quosque, domuitio-  
nem parantes scilicet, vi de viâ ac gra-  
du deiectum porrò ire ac deturbatum:  
simul, pedem struentes sibi pugnis  
contundere; restantesq; plagis malè ac  
verberibus mulcatos dimittere: pror-  
sus; prætereuntes *sic quasi pilas habere*; ac  
tantum non Dentilegos omnes mor-  
tales facere, quemquè offenderint: ipse  
tamen solus atque in comitatus publi-  
co committere me audeam; nec pla-  
teas declinem; periculosè adeò imò  
perniciosè commissæ iuuentutis  
lasciuia, ne dicam grassaturâ infestas,  
idque de nocte, ita præsertim serâ at-  
que intempestâ: sic enim (*Hoc noctis*)  
tâm hîc, quàm Curculione, potius  
quàm

quàm cum Lambino & aliis, *Hoc noctis tempore*, interpretari lubido est nobis. id quod nos patrio idiomate diceremus: *So laet inden nacht.* [compegerint.

*Quid faciam nunc, si Tresviri me in carcerem*

Ecce & hoc, erunt, qui controuersum facturi; quidnam homini seruo, præsertim alieno, cum Triumuiris capitalibus negotij? quam' ve adeo causam Phylacistæ illi habituri denique, in carcerem compingendi Sosiam? an quòd tempore alienissimo fortasse, hoc est, de mediâ atq; intempestâ nocte (vt Phæcasiatus ille apud Petronium Eucolpius) conspiciatur ambulans in publico: ita vt prò grassatore nocturno, sicario putâ, aut qui vesticulariam vitam colat, parietum perfossore iniquo, à tesserariis seu excubiarum præfectis collo obtorto in neruû aut robur abripi indénatus atq. intestatus possit, atq. inde porro in carnificinam rectâ:

*Vbi viuos homines mortui incurfant bones:*

Itaque pendens causam dicere cogatur aduersus octo.

*Validos Lictores ulmeis affectos lenis virgis.*

Opinor hercle seriò: neque enim aliud habeo.



habeo quod dicam. & verò haud absurdum sit credere, ad solemnem aliquam Populi Rom. Legem pertinere iocum istum seruilem, quâ fortasse cautum fuerit, ne cui homini noctis conticinio per Urbis vicos, seu quascunque adeò vias publicas iter facere liceret. id quod in ciuitatibus ritè & ordine constitutis strictè etiamnum hodie coli atque obseruari videmus, præsertim si quando ex vicino hostilis accedit metus, qui in concordia ac bonis artibus rerum nouarum cupientissimam retineat plebem. id quod de Rep. illâ Rom. prudenter non minus, quàm verè quo loco de Plautinis istis, ac Punici Belli secundi temporibus serium sermonem serit Historicus noster, quibus optimos sanè mores ac sanctissimas cum primis Leges viguisse, idem nobis multo certissimus est autor. quas quum suâ ex parte personatus iste in Scenâ migret Sosia, alieno ac vetito tempore per vias noctuabundus incédēs scilicet; id quod Thebis, non Romæ in Comœdia accidisse assimulabatur, præter instituti rationem,



nem, à Palliati argumenti spatiis Comi-  
câ quâdam licentiâ exorbitans, ad  
Togatam utique ac præsentem sui sæ-  
culi consuetudinem, risus concitandi  
gratiâ, non sine Satyrico urbanitatis  
sale, vernilibusque planè facetiis de-  
rorfit.

*Ità peregrè adueniēs hospitio publicitus accipiar.*  
Sic, *In publico, seruari*, dicebantur, qui in  
phylacâ, siue ad eò custodiâ publicâ at-  
tinebantur.

*Noctes diesq; assiduo satis superq; est*

*Quo factò, aut dictò adest opus, quietus ne sis.*

*Assiduo*, pro locuplete, & facile munus  
suum fungente interpretor ex Gellio,  
quem vide: id enim satius esse duco,  
quàm Dionysio, reliquisq; Coniecto-  
ribus accedere, prò aduerbio nomen  
istud pariter accipientibus planissimè.  
Et verò explicat seipsum Comicus, qui  
Opulenti Domini ac diuitis mentio-  
nem præmisit antea.

*Ipse dominus dines operis, & laboris expers.*

Mira sunt, nisi tò *Operis*, hoc loco,  
plurali auferendi casu pro *Seruis*, siue  
*Operariis*, positum à Plauto. Sic enim  
*Operas*, sumi solere, quis verò usque  
adeò

Ser. lib. II.  
Sat. VII.

adeo literariæ humanitatis expers qui ignoret? Horatius cèrtè:

*Accedes opera agro nona Sabino.*

Malé proinde à Lambino nata distinctio illa:

*Ipse dominus diues, operis & laboris expers.*

Pergit Plautus: *Aliquem hominem allegent, qui mihi aduenienti os oscillet probe.* Quid si, *Oscillet*, vocabulum ab *Osse* potius quam ab *Ore* formatum rescribamus? id est, sic quasi *ossatim*, seu *frustulatim* totum porrò caput comminuât seu concipilet mihi.

*Qui multa Thebano populo acerba obiecerunt funera.*

*Acerba* hoc loco, prò crudis & immaturis, hoc est, ante diem in *Libitinæ* censum relatis, haud cunctâter accipio. Quid enim certius, quàm

*Delectos iuvenes* (*Thebanæ robora pubis*) vi hosticâ à perduellibus *Thelebois* cœsos atque interfectos: nec fato suo, sed violētâ & manufactâ morte *Orci thesauro* transcriptos *Charonioque* traditos, intelligi? quod genus (*Iuvenes* inquit) ad patranda bella scribi, deligiq. potissimum solere, vel *Ovidianum*  
illud

illud indicio abundè fuerit nobis; ex libro Amorum I.

*Qua bello est habilis, Veneri quoque conuenit atas:*

*Turpe senex miles, turpe senilis amor.*

Ait porro Comicus: Vt gesserit rempublicam ductu, imperio, auspicio suo. Simile huic de Metello illud Sallustij:

*Ut sese & exercitum more maiorum gereret. id est, administraret: propriè nimirum atque ex Formulâ, cui respondet quoque Horatianum istuc:*

*Epist. li. I  
Epistol.  
VIII.*

*Posthac, ut valeat, quo pacto rem gerat, & se.*

Progrediamur aliquanto vltèrius:

Continuo Amphitruo delegit viros primorum principes, [suam.

Eos legat Telebois, iubet sententiam ut dicant

In quo postremo versu (vt & ego sententiam meam in hoc Senatu Munifico dicam liberè) nouam distinctionis rationem inducendam pronuncio, exemplo quod vides: Eos legat, Telebois iubet sententiam ut dicant suam. contra præiudicatâ Montroliensis Censuræ opinionem; qui, Legat Telebois, prò, Ad Teleboas Legatos mittit, positum, in Commentarios retulit suos.

Nos nostras more nostro & modo instruximus  
Legiones.      Modo, arbitrato nostro

*Carm. lib.* interpretor, ad tautologiae crimine li-  
*1 v.* berandum Plautum: sed & Horatium  
*Oda 11.* quoque, si semper prorsus exemplo in  
Lyricis suis concinentem:

—Ego, apud Matinae More modoq;

Grata carpentis thyma per laborem

Plurimum.      de cuius principis

item Poetae sententiâ, in illâ quoque  
Sofiae nostri narratione:

Quisque ubi steterat iacet, obstrictq; ordinem,

Vti, prò, Vbi positum, haud grauatim  
sanè à me impetrare posse videor, vt  
credam. Enim; quod ad sententiæ  
ipsius rationem attinet, eam verò à  
Sallustio quoque in Catilinariorum  
Militem virtute prædicandâ huiusce-  
modi Elogio adhibitam videor de-  
prehendisse: Sed, confecto prælio, tum verò  
cerneres, quanta audacia, quantaq; animi vi  
fuiſſet in exercitu Catilinæ. Nam ferè, quem  
quisque vinus pugnando locum ceperat, eum,  
amissâ animâ, corpore tegebat.

Quibus consentanea prorsus de ex-  
ercitu Atheniensium Iustinus lib. 111.  
sic vti ipsissima hæcce verba Trogo  
tantum

tantum nō praeiuisse videri queat Sal-  
lustius: Non tamen immemores pristinae gloriae  
cecidere, quippe aduersis vulneribus omnes, loca  
qua tuenda à ducibus acceperant, morientes cor-  
poribus texerunt. praesertim quum mox  
noster ille ibidem subiungat protenus:  
Omnes tamen aduersis vulneribus conciderant.  
Quam Classicae notae scriptorum inter  
se conlationem neque infructuosam  
sanè neq: iniucundam arbitror euen-  
turam iis, quibus ad istiusmodi scita-  
menta palatum aut pectus sapit.

*Sed fugam in se tamen nemo conuertitur.*

Probo ex parte opinionem doctissi-  
mi Turnebi. Fugam in se nemo con-  
uerſam inclinatamq. habet, exponen-  
tis; parte dico, nam omninò haud pla-  
cet. in causa est primitiuū Pronomen  
illud *se*: quod quidem ego non *In se-*  
*metipsum*, verum potius, *In suos* dictum  
accipio. Quis enim obsecro ignorat,  
*Se* istud, tam multitudinis, quàm vni-  
tatis numero passim ab scriptoribus  
vsurpari? Sed & *Eamus ad me*, apud Co-  
micum nostrum reperias non semel,  
pro, *Domum meam eamus*. In *se*, ergo idem  
erit, quod *In castra*, seu *post principia sua*;  
B 2 fronte

fronte scilicet exercitus in contrariam partem, hoc est, in tergum obuersâ, quem fugitantium, atque ad cursuram exercentium sese, non verò statim rem gerentium morem esse, desertores ac fugitores sciunt, quorum animi timor auribus officit, vti callidè à Sallustio nostro in Catilinæ oratione demonstratum.

*Mens pater nunc pro huius verbis rectè & sapienter facit,*

*Qui complexus cum Alcumena cubat amans, animo obsequens.*

Cuius postremit ac succidanei versus hanc vult esse constructionem Iambinus: *Qui cum Alcumena cubat, eam complexus scilicet.* Sed verò errat in eâ quidem sententiâ. etenim *Cum* illud, cum

Scenâ: *Cōplexus*, construendū. Sic idem Milite:  
*Nisi quidem.* *Atque ego illà aspicio, osculantem Philocomasium cum altero*

*Nescio quo adolescente.* Atque equidem, quum recogito, credo *Complexus* istud Participij passivi (vti loquuntur Grammatici) significatu sumendum hoc loco; haud quidem *Complexor*, sed verò *Complecto* potius, cuius simplex

simplex est *Plecto*, legitimè deriuatum,  
proinde vti ab *Implecto*, *Implexus*. Neque  
multò sanè aliter *Lucretius*:

*Qua complexa viri corpus cum corpore iungit:*  
de cuius etiam *Poëtæ* *synthesibus* τὸ,  
*Complexus cum Alcumena*,

*Implexus validis Veneris compagibus herens,*  
arctoquæ ac tenaci brachiorum ac to-  
rius denique corporis *symplegmate*,  
hoc est, ambitiosissimo membrorum  
omnium complexu compressuque,  
per rem voluptatum, sic quasi glutino,  
cum *Alcumena* copulatus, ac veluti  
ferruminatus,

*Interpretari commodum in mentem venit.*  
*Pergamus cum Plauto:*

*So. Quum in mentem venit,*  
*Illic hoc homo denuò volt pallium detexere.*

Id est, Proinde quasi hoc pallium  
meum *Textoris* operâ adhuc indigeat,  
ille autem, vt *textor*, id sit perfecturus;  
eo me despoliare, ac nudum statuere  
cogitat. neque multò aliter *Lambinus*.  
Quod nisi communis librorum om-  
nium consensus obstaret, næ ego per-  
lubenter hercule reposuerim:

*Illic hoc homo me nunc volt pallio detexere.*



Mouet quippe me auctoritas Seruij,  
hoc Plautinum dicendi genus disertè  
laudantis; verùm ex aliâ, vt reor, Fa-  
bulâ. Sic enim est apud illum:

” Ego hunc hominem detexam pallio, hoc est,  
” exuam & spoliabo.

Agite pugni, iam diu est, quod ventri victum  
non datis.

Imitatur verba ac minacias velita-  
res Plani, siue præmiatoris nocturni,  
cuiusmodi se esse assimulat Mercurius:  
quibus moris est, homines in viâ affli-  
ctare de nocte, pessimisque exemplis  
mulcatos, ac vestimētis detractis, (hoc  
enim *Nudos* est) in soporem sic quasi de-  
positos conlocare: atque ita ex pugno-  
rum messe & gladiatorum licentiâ vi-  
ctum sibi porro ac vitam quæritare.  
Vnde & aliquantò post malū sibi præ-  
timens Sosia, solus secum frigitur pa-  
uidus:

So. Cingitur, certè expedit se.  
prò Accingitur, aptatque se pugnae, hoc  
est, gradum ad præliandum componit:  
Si pugna est, ubi tu pulsas, ego vapula tantum.  
quod tamen non ex meâ, sed verò, ver-  
beralissimi Sosiae personâ pronuncia-  
tum cupio. Idem etiam postea quoq.  
amoliri



amolari ab se omnibus modis satagens  
odiosum illum hominum Exossatorem:

*Vlrò istic, qui exossat homines: perij, si me  
adspexerit.*

inquit. *Vlrò*, id est, procule esto; seu  
longiſſimè absit à me & capite meo.  
Estque malum metuentis sibi hominis  
tenebrionis deprecatio, notanda ob ra-  
ritatem nouæ significationis in voce,  
*Vlrò*: quam planius itidem expressam  
habes in *Casina*:

*Vlrò te amator, apage te à me.* Nec non  
*Captiuus: Vlrò istum à me.* Vtrobique  
autem cum accusandi casu, vt vides.  
Vnde & hoc loco prò *Istic*, *Istunc*, legi  
debere, non de nihilo suspicio est mihi,  
vel certè, *Istinc*.

MER. *Vox mihi ad aures aduolauit.* So.

*Næ ego homo infelix fui,*

*Qui non alas interuelli, volucrẽ vocem gestito.*

Hoc eò mutit secum Amphitruonis  
Sofia, quoniam Mercurius dixerat an-  
teà, vocem sibi ad aures aduolasse. vt persistat  
in Metaphorâ, quam eidem alter ille  
præiuerat prior; proinde ac si de bestiâ  
aliquâ volaticâ loqueretur. Aduolare  
enim & Anolare, vni pinnis apto sæculo (En-

niano more fari me scito) hoc est, haud aliis quàm *pemipotentum* ac volatilium corporibus, ab orbè iam inde condito à Naturâ, communi illâ omnium parente inditum, vel potius tributum diuinitus: ne quis Dædalos porrò, Perseúsve, aut Bellerophontas somniet nobis, inania Poëticarum, Allegoriarum ludicra. Quò etiam pertinet iocus

Scenâ: *illè Cistellariæ: H A. Cistella hîc mihi, adoles-*  
*Nisi quid scens, enolauit. L A. In caneam datam oportuit.*  
*mihi.*

Nunc ad Amphitruonem denuò:

ME. *Na tu istic hodie malo tuo compositis mendaciis*

*Aduenisti. Emendato audacter meo periculo, Istuc, prò Istic, id est, Huc.*

Eâdem Scenâ haud placet illud, quòd Mercurio post pugnos aliquam multos quibus ab eodem, sic quasi aduentitiâ, nimis vtiq; benignè ac prothymè adueniens acceptus fuerat modò, cuius demum heri famulus esset, sci scitanti responder Sofia:

*Tuus: nam pugnis usu fecisti tuum.*

Neque enim bene, sicuti ego arbitror, concurrunt gemini ablatiui illi; *Pugnis & Vsu.* ideoq; perlubenter, (si quid

quid tamen mihi positum est in his rebus iudicij) τὸ *Vsu*, cum verbo insequente ( *Fecisti* inquam ) coniunctim atque vnâ dictione scribundum cōtenderim. Quæ vox etsi auribus nostris paullò insolentior obiiciatur, non idcirco tamen à Plautini Theatri Genio aliena iudicari debet, illis præsertim qui probè norunt, quàm idem ille *liber harum rerum multarū fiet*. Quid ? quòd *Manufactus* ac *Manuductor*, haud nimis fanè dissimiliter composita vsurpamus, & *Vsucapio*, atque etiam *Vsufuctus*, multaqué alia modi illius ? Non infiteor, diuisim etiam, *Vsu suum facere*, dici posse; & quidem oppido Latine : fidem nobis facientibus Pomponio, & Iureconsultis; nec non vnico illo, fidei præclaro in primis, *Romana sapientia magistro*, ità disertim in Epistolis illis suis ad Lucilium scribente :

*Pacuvius, qui Syriam usu suam fecit, quum vino & illis funebribus epulis sibi parētauerat, quemadmodum & Vsu capere. ad quod indubiè Poëta respexit hic noster. hoc tamen loco nescio quī magis animo meo satisfacit compositio illa quam*  
B 5
dixi.

dixi. Cæterùm de hâc Lite pronunciant doctiores : Dicere quæis promptum est, quid distent æra Lupinis.

Sub eiusdem Scenæ finem, sententiam concinnant perplēxabilem verba Sosiæ, ita secum fabulantis:

*Vino sit, quod numquam quisquam mortuo faciet mihi.*

Quæ hunc in morem exponenda pronunciauit Lambinus: Mihi, vel me vino, imago mea præfertur, quod numquam quisquam faciet, me mortuo. Iocus ex Imaginis mentione, & nomine quæsitus: & ad consuetudinem Rom. referendus. Hactenus ille. Ego verò ab Auctore ipso potius germanam loci huiusdem explicationem arcescendâ autumo, ità in Mostellariâ suâ semetipsum disertissimè interpretâte:

Scenâ:  
Iuppiter  
supremus.

*Ludos ego hodie vino præfenti hîc seni*

*Faciam, quod credo mortuo numquam fore.*

Scimus enim Ludos Funebres Romæ; hoc est, Gladiatorios, in illustrium virorum funeribus, sic quasi in luctu publico, ad rogam fieri consueuisse antiquitus. ad quos respectans Sosia, per ioculum & ludum inquit, argutè sanè & vernilem in modum: Nunc mihi  
funt

*sunt Ludi, hoc est, nunc ego ludificor probè, cui nullus postea Ludos facere volet in morte. Quod quidem exemplum quum haud ignorauerit Lambinus, mirum verò, vnde illi loco tam alieno, Imaginosum istud, Ludorum enarratione explosâ, in Commentarios suos collibitum fuerit referre.*

# A D AMPHITRYONEM

## CAPVT III.

*Carptim quedam declarata, partim etiam correctâ. Apud hostes sedere. Herile imperium simitu cum vino ebibere. Corij bubuli. Matutine Toze officium, proiecta patientia ac plusquam seruilis obsequela contumeliis effertissimum. Exemplorum aliquot conlationes.*

**S**CENA II. narrationem occæptam continuans Mercurius pergit porrò proloqui.

*Nunc de Alcuniæna dudum quod dixi minus, Hodie illa pariet filios geminos duos.*

Fuit

Fuit opinio quondam mea, Minus  
*dudum*, prò Non ità *dudum aut pridem*, posi-  
 tum hoc loco. Cæterum hanc inter-  
 pretationem sententiæ ipsius ratio ab-  
 horret, quæ postulare videtur, vt acci-  
 piamus, quasi Mercurius dixerit: Nūc  
 de Alcumenâ quod vobis nondum  
 etiam edissertaui. cui haud absimile  
 Terentianum illud:

*quod intellexistis minus.*

Scena III. Nimis hic scitu' st sycophanta,  
 qui quidem meus sit pater.

Quod eodem ferè modo dictum de-  
 puto, quo Nasonianum hocce:

*Quæ tua nequitia est, non his contenta fuisset.*

Sequitur mox acris Alcumenæ con-  
 questio, cum Amphitruone subditicio  
 vxorium in morem expostulantis;  
 eundemquæ de præpropere ac repen-  
 tino discessu muliebriter accusantis  
 his verbis:

*Ecastor te exerior, quanti facias uxore' tuam.*  
*εἰς αὐτὴν αὖτ'.* Sed videtur legendum: *Ecastor*  
*te exerior.* idque haud paullò efficacius  
 fore, quis non videt?

Habes ibidem: *Nequiter panè expeditis*  
*prima parasitatio.* prò quo à Lambino  
 editum

editum (*Experiuit*) quod quidem verbum eodem pænè significatu ter in hacce Tragicocoincædiâ vsurpatum Plauto, vt sit sensus: Pænè malè & infæliciter sub manus successit mihi prima mea parasitatio. Cæterum mihi volgatam lectionem defendere placet potius; interpretorquæ, *Expedit*, expedita est, id est, peracta, eâdem propè sententiâ cum Lambino. Sequitur:

ME. *Ex amore hic admodum quàm sanus est?* Sine interrogationis nota scribendum: & errat Lambinus cum glossemate hoc suo: *Quàm valdè iracundus est?* Est enim liquido affirmantis, hoc modo, *Perquam sanus*, id est, insignitè oppidò iracundus, animique perciti ex amore, & quod alij, *Quamlibet impotens, immodestus*; Catullus *Quamuis* dixisset, vt ibi:

*Quamuis sordida res & innenustra est:*  
Id est, impensè ac nimis sordida.

MER. *Eamus!* Amphitruo: *luciscit hoc iam.*  
Obserua, amabo, Dominum hoc loco nomine Amphitruonis à seruo suo compellitari: satis pòl familiariter: quomodo item Sosia multò etiam licentius Alcumenâ, non Heram, sed *Mulierem*



liere vocitaturus postea illis in versibus :

*Sed, mulier, postquam experrecta es, Prodigiali Ioni*

*Aut mola falsa hodie, aut thure comprecatam*

*oporrui. præter rationem decori,*

*morumque quibus hodie utimur com-*

*mitatem, Aulicasque elegantias : si*

*quidem seueras & ingenuas illas pri-*

*scorum hominum consuetudines ad*

*effatum huncce iudicioli nostri captum*

*ac præsentis sæculi disciplinam fasti-*

*diosius exigamus. Sed profecto ve-*

*rum est nimis oraculum illud nostrum,*

*permulta antiquitus vitio data, quæ*

*cupidiissime à nobis hodie appetuntur,*

*laudi que sunt & honori : alia è contrà*

*in opprobrium versa, quæ singulari*

*apud cæcun illud sæculum gratiâ*

*summisque laudibus florere.*

*Sic voluenda ætas immutat tempora rerum*

*Prò captu cuiusque, & moribus ingenioque.*

*id quod nos cum aliâs ac nominatim*

*in Hōratio demonstrasse, tum planius*

*etiam suo deinceps loco in Plauto de-*

*monstrassere, est cōfidentia. Pergamus :*

*Iam ego sequar : numquid vis ?* AL. *Etiam*

*ut actum aduenias.* Mirum, nisi in-

*terpuncti vitio laborat hoc Alcumenæ*

*manda-*



mandatum. Mihi certè haud paullò concinnior voti istius vxorij sententia fore videtur, si ad hoc exemplū quod ponam distinguatur pòtius:

*Nunquid vis? A L. Enā; ut actutū aduenias.*

Etiam, scilicet, volo (neque aliter nos hodie) vnum illud scilicet, vt ab exercitu quamprimū reuenias domum, vtq. ad vxorem tandem tandem vorforiam capias denuò.

Actu 11. Scenā 1. quærit porrò Sosia:

*Quid malissim, here, tuā ex re promeritus?*

Id est, quod in rem tuam esse possit.

Habes deinceps: *Ordine omne uti quicquam actum est, apud hostes dum sedimus,*

*Edisserant.* Legendum, *Quidque*, id est, vnumquodque. Sic enim ferè vbi-que Plautus, non *Quicquam*, vel *Quicquid*, proinde uti edidit Lambinus. *Sedimus* autem, id est, *desedimus*, *confedimus*

cum exercitu copiisque nostris milita-ribus. propriè. Vnde composita illa: *Obsidere, Insidere, tum Prasidere* deflexa.

*Apud hostes sedere*, nihil aliud proinde fuerit, quam quod nos patrio sermone edisertare soliti: *voor de vrant ligghen* cui respondet: *Castra mouere; hoc est,*

*Hinc, quod Latinis, Obsidium, proavis nostris, Besit, dictum, hodie, Beleg*

*aliū*

aliud porrò in locum transferre. Vfus  
eo loquendi genere & Plancus ad Ci-  
ceronem quo loco scribit: Itaque copias  
prope in aspectum Lepidi, Antoniūq; adduxi; qua-  
dragintaq; millium passuum spatio relicto, con-  
sedi, &c. hoc est, *Ter neer gheslaghen*.  
Adde huc Fragmentum istud Catonis  
Censorij ex Oratione DE SVO CON-  
SVLATV à Charisio citatum: Omnia  
tumultu plena, (veteris codicis lectionem  
sequi me scito) simul hostium copie magnæ  
contrà me sedebant, usquequaque laceſſebamur.

Sub eiusdem Scenæ finem ita hero  
suo respondens idem inducitur Sosia:

*Non ego cum vino finitu ebibi imperiū tuum.*

Quod ipsum in Persa quoque imita-  
tus videtur, quum scribit:

*Quamquam ego vinum bibo, at mandata non  
consueui simul bibere.*

Actu. II, Scen. II. Alcumenæ illa  
de obuiam itione deliberatio, parum  
adeò legitimè concepta videtur mihi:

*Magis nunc meum officium facere, si huic,  
(scilicet viro meo, Amphitruoni) eam  
aduorsum arbitror.*

Proinde & ego tam honestæ vxoris  
officio facturum arbitror impensius, si  
cāmpſe

campse hunc in modum potius lo-  
quētem concinnemus : *Magis nunc meo*  
*officio facere, si huic eam aduersum, arbitror.*

*Magis facere, est, conducere conuenire*  
arbitror magis officio meo. quo signi-  
ficatu id verbi etiam Propertio acce-  
ptum versu illo :

*Non faciet capiti dura corona meo.*

Quamquam quid eo est opus, in re  
perspicuā imò clariore,

*Quam solis radij esse olim, cum sudū est, solent?*

E âdem mox Scenâ, itâ Alcumenæ  
prægnanti peregre domum adueniens  
ex amore & more congratulatur Am-  
phitruo:

*Et cum te gravidam, & cum pulchrè plenam*  
*adspicio, gaudeo.*

Sic & Menander apud Suidam, il-  
lam quæ vterum gestat ac saburrata est  
probè, καλῶς ὁ ὠλέηκε vocat.

Addam & alterum, Graio (vt vide-  
tur) fonte deriuatum loquendi genus  
ex personâ Seruili:

*Non tu scis? Bacchæ bacchanti si velis ad-*  
*uersarier,*

*Ex insana insanio rem facies, feriet sepius*

*Si obsequare, una resoluas plaga.*

C

Huc

Huc enim Lucianicum fortasse illud, è veteri (nî fallor) Poëtâ aliquo desumptum, haud inscitè applicari posse ex Fugitiuis:

ὁ μὴ γὰρ κέραιον ἀπάγει μίαν πλάγην,  
καὶ ὁ θάνατον παχύνει.

Et verò non conducit huic instituto meo, quod bis iam prosperè sub manus successit, relinquere. Itaque astruatur & tertium.

A L. Fiat. in Thessala intus pateram proferto foras.

nam & hoc ex Hellenismi formula interpretandum, qua dicunt, τὸ ἐντὸς ποτήριον. vt fiat, Proferto pateram eam quæ est intus. Lambinus post interrogationem illam Amphitruonis, Quid est? huncce versum, præter Nonij laudationem, in nonnullis Codicibus antiquis repertum interponit hoc loco:

Nihilne te pudet scelestâ populi in conspectum ingredi? cui non subscribo, atque cò minus, quod in Nonianis exemplaribus non Scelestâ, sed, Scelestè, legatur.

A M. Vbi tu cubuisti? A L. In eodem lecto tecum unâ in cubiculo.

Lecto diuerso scilicet à Tricliniar illo

illo cuius antea commeminerat modo  
his verbis:

AL. Cæna apposita est, cœnasti mecum,  
ego accubui simul.

AM. In eodem lecto? AL. In eodem.

SO. Hei non placet conuiuium.

Eâdem verò Scenâ, vbi haud multò  
post legitur:

AM. Vir ego tuus sim? ne me appella falsò,  
falso nomine. hoc modo scribi mauelim:

Ne me appella falsa, falso nomine.

Falsa, hoc est, aut mendaciloqua, aut  
imagine veri decepta atque à rectâ ra-  
tione vagans quàm longissimè.

Ad Scenam II. Actus tertij ali-  
quando veniamus. ait ibidem suppo-  
siticius iste Amphitruoni Iuppiter:

IVP. Faciundum est mi illud, fieri quod  
illac postulat,

Si me illam amantem ad se studeam recipere.

Hoc est, Si cupio, mutuum mecum  
ut faciat Alcumena, id est, amet pari-  
ter simul: vel certè hoc modo con-  
struenda sententia: Si studeam illam  
recipere ad sese me amantem, hoc est,  
me qui eius amore distineor. Sic Lu-  
cretius libro I.

*Te sociam studeo scribundis versibus esse.*

In illis verò Amphitruonis verbis  
Act. i v. Scenâ i.

*In medicinis, in conſtrinis, apud omnis ades  
sacras*

*Sum deſeſſus queritando, &c.*

notabis Medicinas, prò Medicorum, seu  
Chirurgorum etiam (nondum enim  
bipartita hæc munia id temporis, vti  
hodie) pergulis, aut officinis poſitas  
hoc loco. Sic enim Menechmis:

*Facite vt ſublimis in medicinam raptus ſiet.*

Alterâ verò eiſdem Actus Scenâ  
has reperiſas minacias:

*Faxo, vt bubulis coriis onuſtus ſis Saturni hoſtia.*

Sic & Pœnulo:

*Tres corios in me contriniſti bubulos.*

Vide Noniũ in Voce, Coriũ. Sce. i i i.

So. Videſis, herus ſalutator oppreſſulatas an-  
te fores graditur.

Alludit ad officium Togæ, quod qui  
obibât, Anteambulones ſeu Salutatores clue-  
bant, ab hac cauſſâ, quoniam clientes  
ac Salutigerũlos ſe facerent potentio-  
rum, voluntariæ ſeruituti quaſi ad-  
dicti, ne dicam mancipati ſpe ſportu-  
læ, aut Cœnæ Rectæ: quam vt adipi-  
ſcerentur

ſcerentur aliquando, manè, vel à mediâ nocte interdum præ foribus, aut in vestibulo ſaltem egreſſum Regis ſui deducendi porrò, ac proſequendi gratiâ, præſtòlabantur; officiâ ſuâ ex parte quiſque æmulanter inter ſe atque adèò ambitioſè intendentes, quò videlicet contemnifico illi ac faſtidioſo domino morigeros ſeſe & obſequèntes præberent probarentque: nihil non contumeliarum interim à Ianitoribus Atrienſibusque, atque id nugis hominum indigniſſimè, pertolerantes ac deuorantes taciti. Quò etiam referendum Petronij illud:

*Clienſq; canas impotentium capiet.*

Plura & compertiora noſſe qui volet, conſulat de toto hoc genere Senecam, Martialem, Iuucnalem, alios; denique Lucianum in Mercede conductis. Sequitur:

**BLE.** *Nihil eſt, famè expectat obambulans.*

Id quod nos patrio ſermone efferremus: *Hy gaert een appetjken al wandelende.* Cui item locus ille Ciceronis ex v Tuſcul. reſpondet planiſſimè:

*Socratem ferunt, quum uſque ad veſperam*



*contentius ambularet, quæsitumq; esset ex eo,  
quare id faceret, respondisse, se quò melius cæ-  
naret obsonare ambulando famem.*

Habes subinde:

BLÈ. Og gannis. SO. Nec gannio, nec  
latro.

Gannio, Canum propriè; quamuis  
sint qui Vulpium malint. nobiscum  
certè facit Lucretius:

*Gannitu vocis adulant.*

Ibi enim de Catulis est sermo.

Pergit ibidem Comicus noster:

AMP. Vbi? BLE. Ante oculos: nō vides?

AM. Vix video præ irâ: adeò me istic deli-  
rium fecit.

Confine huic illud ex eiusdem Ag-  
nariâ:

*Non hercle te prouiderã, quæso ne vitio vorras,  
Ita iracundia obstitit oculis.*

A D



PLAVT. EXPL. LIB. I. 39  
AD AMPHITRIONEM  
CAPVT IV.

*Plautini distichi quâ ad sententiam, quâ  
ad numeros integratio, ductu atque  
auspiciis Marcelli maximè indidém-  
que verbo Impediuit, virtute insiti-  
tia Diphthongi, de nouo interpreta-  
mento facta gratia. Lances, Men-  
sam detergere. Corruptus ex  
amore. Locorum inter se conlatio.  
Sartam mentem gestare. Men-  
dum sublatum de Plauto. Cicero in  
Tumulti Etymo de coniectura re-  
stitutus.*

Act. IV. Scen. IV. vbi legitur:

SO. Dixin' tibi hunc venescum?

AMP. Imò hunc ego Thebani ciues, quì do-  
mì uxorem meam

Impudicitia impedivit, per quem teneo the-  
saurum stupri.

Scribo, emendoque, & Ego, & Hunc,  
modò in priore versu transpositis, po-  
steriore autem gemellis monosyllabis  
illis quia malâ à manu esse videbantur,

vnâ liturâ inductis; simul, Trochaicorum ratio vt constet tibi:

Imò ego hunc Thebani ciues, qui domi uxorem meam

*Impudicitia impedit, teneo thesaurum stupri.*

Quorum verborum, in cōstructione putà, hæcce fuerit œconomia: Imò ego hunc, ô ciues Thebani, (manifestum) teneo thesaurum stupri, qui uxorem meam, &c. Quod quidem facinus eò à me patratum cōfidentius, quoniam alterum istud è duobus, τὸ Per inquit, nullum adeò in Marcelli, laudatoris sui Exemplaribus apparet, quo loco Literator ille etiam *peſſimæ rei copiam Theſaurum dici poſſe* contendit, quomodo & hic noſter in Mercatore, *Theſaurum mali*, & Euripides *ἡγορεύει κακῶν* ſcripſere. *Theſaurum* igitur *ſtupri*, pèr appoſitionem dictum accipio, conuenienti in mæchum cōuicio, quem quidem ſe manifeſtâ in noxiâ prò deprehenſo tenere, nequicquam clâmat verus iſte, haud perſonatus Amphitruo. Sed enim videtur Nonius, *Impedit*, hoc loco nouâ, vel antiquâ potiùs ſignificatione accepiffe, inauditâ certè uſque

vsque adhuc Grammaticis nostris; sed nequē à quoquam etiam Antiquariorum, sat scio, intellectā. Atque hanc adeò coniecturam de ipsius glossis facio; quibus, *Impediuit* istud, præter morem receptum, *Sordidauit atque ad probrium duxit*, visus est enarrare. Quæ interpretatio si ab antiquis est (vti ego sanè esse non dubito) quid relinquitur porrò, quàm vt archaicum aliquod, Plautinæ & Nonianæ sententiæ accommodatius quod sit, aliud nobis etymon comminiscamur? hoc loco quidē (alibi enim istiusmodi explicationem nullus morror) & verbum istud haud quidem ab *Impedimentis* aut *Pedicis* (quas porrò vt efugiamus cautio est) verum à *Pædore*, hoc est, illuue & sordibus, vnde item vetus adiectiuum, *Pædidus*, deductum: originationem habere ostendamus? tametsi iam id satis superque demonstratum deputo; eademque Lectori nostro fidem factam, *Impediuit* istud, non per simplex E, sed verò per Æ diphthongum rescribendum serio. vt Nonianæ explanationi etiam scriptura in Plauti exemplaribus respondeat.

Vide Festum in voce *Pachidos*, quam ille,  
*Sordidus* atque obsoletos, interpretatur, à  
 Græco fonte originem, ut apparet, de-  
 torquens; quia *παχιδης*, id est, pueri talis  
 sint ætatis, ut à sordibus nesciant absti-  
 nere. Satin' certa res eodem quoque  
 respexisse Latinorum Lyricorum prin-  
 cipem, quum canit: *Sordidosq; natos:*  
 item Martialem meum:

*Vicina in ipsum fylla descendet focum,  
 Infame cinctum sordido.*

Eadem Scenâ ubi Amphitruo noui-  
 rate rei attonitus pergit quærere:

*Pro summe Iuppiter, ubi hodie  
 Mibi formam adimis, perge quærere: tun' Am-  
 phitruo?*

In nonnullis editionibus est: *Perge  
 quærere.* idque haud paullo integrius,  
 quam Dionysiacum istud.

Præcesserat eâ ipsâ Scenâ:

*Lances detergam omnes, omnesq; trullas  
 hauriam.*

Simile Parasiticæ rationi illi, quam  
 in Menechmis sibi reddit Peniculus:

*Inuentus nomen indidit Scorto mihi,  
 Ideo quia mensam, quando edo, detergeo.*

Interius

Interius demùm operæpretium fuerit penetrare.

BLE. *Antequam cum Taphiis à te pugna sit inita, quid mandasti mihi?*

AMP. *Parata naui, (id est, ad fugam præparatâ atque instructâ) clano: hareres sedulò.*

IVP. *Ut si nostri fugam facerent, illyc metutò reciperem.*

Strenuum verò exercitûs ductorem, & qui non quod ante pedes discrimen est modò, prouisum habeat probè, verùm & cautione in tempore, vel potius longè ante tempus adhibitâ sedulò, suæ ac priuæ magis, quàm communi securitati prospexerit in futurum:

*Quiq; Fabi cunctatoris documenta secutus*

*Haud temerè ponat rumores ante salutem*

scilicet. Sed enim respondendum huic obiecto, consultò id ipsum à Poëtâ nostro, Theatraliũ plausum, si quis alius, aucupatore, satis pòl Satyricè in Palliatum Imperatorem detortum videri posse: quippe qui sciret non cū Graio, sed cum Romano pop. Scenicum esse negotium sibi

*Matrigena*

*Martigena Populo, cui publica crimina curæ,  
Iactaqs in ignavos opprobria grata Strategos.  
Dixit ibidem Sosia:*

*Uterque rem tenet probè.*

*Intus in crumena clausum alterum esse oportuit.  
Cui geminum propè est superius il-  
lud ex personâ eiusdem Sosia: itidem  
mirantis pronunciatum :*

*Mira sunt, nisi latuit intus illic in illac hirneâ.  
Actu v. Bromia semet miserans in-  
ducitur cû hâc muliebri querimoniâ:  
Animo malè est, aquam velim, corrupta sum,  
atque absumpta sum.*

*Hinc comprobatur eius lectionis in-  
tegritas, quæ in Bacchidibus compareret  
huiusmodi:*

*Me ex amore huius corruptum esse oppidò.  
Ibidem habes :*

*Vbi quisque institerant, concidit crepitus.  
Quam loquendi viam etiam Sallu-  
stium instituisse videmus Histor. I I I.  
Locum nullum, nisi in quo armati instiissent.  
Habes non multò post :*

*A M P. Hæc sola sartam mentem gestat mea-  
rum familiarium. Ita enim cum  
Lambino scribo, pro integrâ, sincerâ,  
& sanâ. Cui correctioni adstruendæ  
fuerit*

fuerit vel cum primis vetus illa Augu-  
 ralis loquutionis Formula; (SANE  
 SARTEQVE) à Porphyrione ex Ver-  
 rio & Festo laudata apud Charisium  
 Grammaticum. Cæterum vereor, vt  
 Plautus Meorum potius scripserit; vt Fa-  
 miliarium nomine, non Alcumena cum  
 Bromiâ modò, & reliquo fæmineo co-  
 mitatu, verùm Sosia etiam, cæteri que  
 eiusdē socienni, ac conserui domestici,  
 omnis deniq; Amphitruonis familia,  
 vnâ quasi strue cōprehenſi cenſeantur.

Vorſoriam capiam aliquando; or-  
 dineque velut inuerſo, quod primum  
 in hoc choragio fuit ad poſt principia  
 traducam, atque adeò in tergo collo-  
 cabo denique; ὅτε ἔργον πρὸ τῆς ἔργου ὡς ὅτε ἔργον ὡς ὅτε ἔργον ὡς ὅτε  
 ſcilicet: de Argumentis Fabulæ præ-  
 ſentis loquor, in quibus & hæc quoq;  
 iudicij facio tui,

O & præſidium & dulce decus meum,  
 eruditiffime L I P S I: qui hoc, quic-  
 quid eſt, literariæ controuerſiæ haud  
 paullò certius æquiusq; opinor es de-  
 ciſurus, quàm Amphitruonis illud  
 cum Ioue certamen Ἀγῶνις iſte Co-  
 micus cui Blepharoni nomen inditum  
 à Plau-



à Plauto. In priore itaque Argumento, ubi *Tumultus* mentio est, Tullianam vocis eius originationē producit Laminus, in hæc verba conceptam:

*Quid est enim aliud tumultus nisi perturbatio tanta, ut maior timor oriatur? unde etiam nomen ductum est Tumultus.*

Mendosè. Ego enim deierare vel Iouem lapidem sum paratus, Cicéronem à *Tumore multo*, nomen istud potius deduxisse: atque ad hoc quod posui exemplum etymologiam istā tam apud Plautum, quā Cicéronem, integrandam censeo, prò quod omnes libros omniumq; adeò mentes obsedit, *Timor multus*. Sic idē *Tumorem* verum iterat alibi, item *Negotia tument*. quam eampse metaphoram à *Negotiis* ad *Bella*, Ovidianā operā traductam alicubi in *Heroidum* Epistolis etiam meminisse obseruare.

Ab eodem in tertio posterioris Argumenti versu,

*Prò patria Amphitrno dum cernit cū hostibus. rō Cernit*, pugnat seu certat, explicatum cernimus examussim certissimè. Quid mirum? Certo enim à *Cerno* frequentatiuum esse: videri potest.



PLAUT. EXPL. LIB. I. 47  
A D A S I N A R I A M.  
CAPVT V.

*Ad germanam tē Vinnuli notionem & (quod rei caput est) Etymologiam, Isidori manuductu peruentum tandem inq̃ Epitheti istius Plautini expositione cum P. Diaconi, tum Lambini ac Turnebi, sublestam librorum suorum appellantium fidem, frustrationes detecta, auctoritasq̃ explosa. Plautus interpretatus ex Seneca. Dotalem seruum apud Plautum eundem prorsus cum Catonis Receptitio videri. Ob, prò, Ad, & contrà. Obduci siue Obductari, de Candidatis, Scortis, Pellicibus dictitari solitum. Alia quedam.*

**I**N Asinariâ Plautinâ Lena introdu-  
citur, adolescentem foras ædibus  
iectum, ac propterea multis malis  
verbis ne dicam pipulo, de iniuriâ  
istâ, imò contumeliâ stomachosè ac  
minaciter exostulantem præ foribus  
ludos

ludos faciens, compluribusque lenoniis argumentis exclusissimum illum concastigans insuper; ostendensque, immeritissimo suo utrique accusari sese, quum nihil præter officium ac disciplinam suam faciat mulier lena, si amatorem inanem à datis, & cui Noemia de bonis dicta fiet, spernat segregetque à se procul, & quasi prò infrequenti militiâ domum remittat. Quid enim? quæstum hunc suum aucupij oppidò quàm simillimum esse, atque proinde ut aues lentissimis vinculis illis escariis in fraudē illectæ & præmium, aræ pedetentim assuefunt, donec arundo alas verberet, quâ viscata atque irretitæ rem tandem soluunt aucupi; itidem amatorum turbæ usu venire in ædibus Lenoniis, qui meretrice sibi prò escâ, lecto prò illice obiecto, ipsi in exitium suum sponte pessum, & quasi præcipites ruunt. neque id adeò mirum, re quippe voluptatum, ac delinimentis meretriciis fascinati; delinimentis inquam, quæ vel continentissimum illum Thesei filium, vel ipsum adeo Xenocratem, statuam veriùs quàm

quàm hominem, Veneri mollire, ac malacifare possint. Ea verò sunt huiusmodi :

*Benefalutando cōsueſcunt, cōpellando blanditer  
Oſculando, oratione vinulâ vennſtulâ.*

Quid autem eſt, *Vinula*? Nihili verbum quidem illud ac nugatorium. quocircâ *Vinnula* cum Nonio potius reſcribi placet. Neq; verò Turnebi nōs, aut Lambini auctoritas à rectè conſulendo atque intelligendo diſtrahere debet, qui Longobardi illius Pompeiani inaniffimâ hariolatione ſubnixi, à vino eam vocem deriuare pertendunt, quod ſcilicet ità ad ſenſus amatoris permānet ſenſiloqua atque illecebrosa meretricis oratio, quemadmodum vinum in venas. Quod tamen opinorego viros ſagaces adeò ac perſpicaces nunquam hercule in Aduerſaria ſua relatuſos fuiſſe, ſiquidem Iſidorus iis in mentem fuiſſet modò, 11. Originum ſuarū libro ità nos docens :

*Vinnolata* (reſtituo *Vinnulata*) Vox eſt lenis, & mollis, atque flexibilis : & *Vinnolata* dicta à Vinno, hoc eſt cincinnò molliter flexo.

Vnde nunc primùm certè addiſci-  
mus, Vocem *Vinnulam*, ſiue *Vinnulatam*, ad  
D fractas

fractas & concisas illas effæminatissimis modis in concentu Musico flexiones propriè pertinere, quod modulationis genus *Chroma* indigitat Boëthius, quasi tu *coloratam vocum compositionem* interpretere, *Minutioni* citandæ vni-ter accommodatam: & scitè, festiuèq; Plautus noster, qui ab hac formâ *Vinnulam orationem* appellitet blanditias meretricias Chromaticæ illius Musicæ in modum flexuosas, cincinnatasque, nec nisi affectibus commouendis excogitatas, hoc est, dicta infractâ, & quasi modulatâ voce labiis tenus modò, non verò animis, aut è pectore penitissimo enunciata; notâ meretricularum arte. Adde ad superiora Erymon vocis *Vinnulorum*, qui patrio idiomate Longobardi dicti postea à promissis quas aalebant barbis. Quid apertius? quod tamen à nemine vlq; adhuc interpretû nostrorû animaduersum demiror.

Hæc quoque capse Scenâ habuimus antea:

AR Vbi illac quæ dedi antè. LE. Abusa.

Verbi istius proprietatem satis superque à Nonio, ac Donato excussam deputo.

deputo. vnum hoc monendus Lector,  
Plautini huiusce exempli similitudine  
fulciri correctionem quandam Tur-  
nebi apud Catonem hisce verbis con-  
ceptam :

*Donec omnem caseum cum melle abusus fueris.*

Et quoniam iam semel in gratissi-  
mam Turnebici nominis mentionem  
Catoniani testimonij occasione inci-  
dimus, haut pigebit & alterū eiusdem  
potissimum scriptoris auctoritate sta-  
biliendum exemplum adscribere, si-  
rempse ex Scenâ, trium abhinc modò  
versuum interuallo :

*Quum à pistore panem petimus, vinum ex  
cenopolio ;*

*Si as habent, dant mercem.*

Rectè, sic & Cato: *Vendat* (inquit) *oleū  
si pretium habeat* : quod est, si præsentem  
pecuniam quis ei offert. Haftenus  
Turnebus, cuius sententiæ firmandæ  
haud incommodè spero euenturus  
Hellenismus iste Luciani in Gallo vbi  
legitur :

*ἰατὰ ὀβολὸς τ' μισθὸν ἔχων ἐπαπαντᾷ  
αἰεὶ δείλην ὀψίαν :*

*Habes mox :*

*Aliam nunc orationem despoliato prædicas.*  
 quomodo & Martialis meus lib. Epi-  
 gram. XI.

*Nulla est hora tibi, qua non me Phylli rogatus*  
*Despolies: tantâ calliditate rapis.*

Age ab ultimâ huius Actûs Scenâ  
 inuerso ordine ad primam retrogra-  
 diamur denique, capto ab ipsis, vsque  
 carceribus auspicio, hoc est, à sollenni  
 illâ ac Romanæ superstitionis plenif-  
 simâ Libani conceptâ aduersus he-  
 rum obtestatione:

*Sicut tuum vis unicum gnatum tuæ*  
*Superesse vitæ sospitem, & superstitem:*  
*Ita te obtestor, &c.*

A quâ non nimium quoq; abhorre-  
 re, vîla nobis illa Martialis cōprecatio:

*Sic ad Lethæas nisi Nestore senior undas*  
*Non eat, optabis quem superesse tibi.*

Ait ibidem porrò Demænetus:

*Quamquam illū mater arctè, conueniēq; habet,*  
*Patres ut consueverunt.*

Interpretandum de illis Senecæ ver-  
 bis ex lib. de Diuinâ prouid.

*Non vides quanto aliter patres, aliter matres*  
*indulgeant? Illi exercitari iubent liberos ad*  
*studia obeunda maturè, feriatis quoque diebus*

non patiuntur esse otiosos, & sudorem illis & interdum lachrymas excutunt. At matres fovere in sinu, continere in umbra volunt.

Sequitur in Plauto :

*Dotalem servum Saurean uxor tua*

*Adduxit, cui plus in manu sit quàm tibi.*

Hic idem prorsus esse videtur, quem *Receptitium servum* de Catonis Censorij sententia appellat Gellius: qui quidem servus in mariti potestate non erat, ut reliqui omnes, sed matronæ peculiaris & proprius, quippe *Receptitius*, id est, *exceptitius*, & cum reliquâ pecuniâ exceptus, nec datus doti, sed retentus. quò ex genere fuisse etiam videtur nequissimus Chalinus ille in Casina. Vide Gellium lib. XVII. cap. VI. Cæterum notandum *Adduxit* pro *Obduxit*, positum non hoc loco modo, sed & illo Rudentis :

*Quæ me pellices adduxer dicet ante oculos suos.*

*Ob enim pro Ad, & contra frequens apud antiquos verbi causa, Ennius:*

*Ob Romam noctu legiones ducere capit.*

Neque expers istiusce Latinitatis Ovidius ita in Heroidibus scribens:

*Ante meos oculos adducitur advena peller.*



Est verò *Obducere* in Plauto, aliquem contra ducere qui alteri aduersetur; fumum scilicet, hoc est, dolorē æmuli, seu competitoris sui oculis concinnaturus. Cicero ad Atticum I.

*Vt mihi videatur non esse à δυνάτω Curium obducere.* Vbi videlicet translationem esse à Candidatis, quam planius item in Mercatore expressam habituri sumus postea, non animaduersam Lambino nostro. Sic enim inibi, in ipsius fabulæ argumento primitus:

*Enim putat uxor illius obduxisse sibi scortum.* deinde etiam sub finem ex persona uxoris zelotypæ:

*Nec pol ego patiar sic me nuptam tam malè,  
Measq; in ades sic scorta obducatier.*

Denique alibi compluries: quæ exempla conuenientiora sanè in superiorem Tullij locum, quam quod ex Comici nostri Pseudolo producit Bosius, meo quidem iudicio fuissent. Ad Scenæ exodium transeamus denique:

DE. *Audin' tu? apud Archibulum ego ero argentarium.*

LIB. *Nempe in foro?* DE. *Ibi si quid opus fuerit.* LIB. *Meminero.*

Et hoc



Et hoc quoque de sollennibus Romanæ illius Antiquitatis Formulis depromptū, eodem M. Tullio teste indiceque, quo loco ad Atticum scribit:

*Erat enim si meministi, in Consulatus petitione per te mihi pollicitus, SI QUID OPVS ESSET.*

Vnde puto iam claret, quidnam Celtiberus Poëta voluerit sibi in largiloquâ illâ Baccharæ pollicitatione mordacis styli naso exagitandâ:

*SI QUID OPVS FVERIT, scis me non esse rogandum:*

*Bis nobis dicis, Bacchara, terq; die.*

Sub i i. porrò Scenæ finem istæcce verba ab irato amatore expromuntur:

*At scelestâ, viden' ut ne id quidem me dignum esse existimat,*

*Quem adeat, quem colloquatur, cuiq; irato supplicet.*

Genus hoc loquendi disertissimè expressum epistola x i i i. à M Cælio, de Appij Claudij hominis ingratiissimi iniuriis seriò apud Ciceronem suum conquerente his verbis: Posteaquàm illum, ne cui satisfaceret quidem, me dignum habere sensi; malui collega eius, &c.

Plagæ prægnantes. Fores conseruæ.  
*Naso emendatus. Lambiniana corre-  
 ctioni tam in Plauto, quàm Appuleio  
 repudium denunciatum. Sallustiani  
 loci cum Plautino assimulatio. Ob-  
 uiam occedere. In splendorem  
 dare bullas, compedes. Portisculi  
 ac Casteriæ differentia; inibiq; meri-  
 tam obnoxiam castigatus vetus Pa-  
 pinij Interpres.*

SCENA II. ACTÛS II. Vernile  
 cumprimis illud ac festiuum nimis.  
 Etiam de tergo ducentas plagas prægnantes  
 dabo.

hoc est, eminentes ac protuberantes,  
 vt prægnantium vteri solent. quò facit  
 Varronianum illud VI. de Ling. Lat.

*In Fugitiuicis age, euge, spectata vibices quantas.  
 iam inspexi quid essent. vibices, alij excitatũ  
 verberibus corpus.*

Præcesserat modò:

L E. *Ætatem velim seruire, Libanum ut  
conueniam modò.*

Henric. Stephanus in Expostul. de  
Lat. suspectâ, *Modò* istud pro *Nunc* po-  
situm hoc loco asseuerare non dubi-  
tat, parùm (sicuti ego existimo) ex  
Poëtæ sanè huius nostrî sententiâ.

Porro, *Ætatem seruire*, pro diutissimè,  
siue æternùm seruire; aduerbialiter  
positum: nam quis hebeti adeò inge-  
nio, qui ignoret, Nonium qui triuerit  
modò. cui videor gratificaturus, si Fra-  
gmentum quoddam Satyrographo-  
rum principis, ab eopte Grammatico  
productum, (vbi idem loquendi genus  
Persios nostros fefellit vsque adhuc)  
& auctius & emendatius in commune  
dilargitus fuero de meo. Id est huius-  
modi:

*Non tamen atate, tempestatem hanc scelerosi  
Mirentur.*

Hæc enim Iunianæ Editionis scri-  
ptura; mendosa illa quidem, nec quic-  
quam ad Lucilliani Genij luculentita-  
tem; sed quæ veluti è spississimis tene-  
bris aliquantam lucis scintillam tamen  
nouo huicce præluxerit Oedipo, vir-  
tute

tute Donati maxime, in quo quum  
priorē huius hexametri partem, etiam  
præmisso Hemistychio auctiorem, BO-  
NA adminiculante FORTUNA, re-  
peritasset, hacce formulâ cōceptam:

*Vt multos mensesq; diesq;*

*Non tamen atatem.*

verborum ac sententiæ ductum cali-  
dis vestigiis persequutus, statim id  
quod res erat subodorari institi, nimi-  
rum Lucillium scripsisse:

*Vt multos mensesq; diesq; ,*

*Non tamen atatem tempestate hac scelerosi*

*Latentur.*

Sic enim postrema hæc-  
ce verba à reliquo corpore suo diuol-  
sa, apud eundem quem dico optimum  
Terentij Interpretem, alibi comme-  
mini me lectitare. sententiâ aptissimâ  
ac apertissimâ, quæ nulla antea ex Fra-  
gmenti vtriusque distractione electari  
poterat, haud indignâ sanè, quàm non  
in ore assidue modo, sed verò in peni-  
tissimis medullis promptam gerant  
homines Christiani. vt quam ab Ioue  
ipso cœlitus descendisse, sit verisimile;  
lento quidem atque ad scelerum vin-  
dictam cunctabundo, cæterum hancce  
temporis

temporis tarditatem grauitate suppli-  
cij compensare solito. quem (teste Ser-  
uio) in cōcilio Deorum verba facien-  
tem, deque interitu Lupi cuiusdam in  
Rep. ducis consultantem, primo Saty-  
rarū suarum libro, (vnde & Fragmentum  
hocce desumptum) induxerat  
Lucilius. Lepidè ibidem *Fores domus  
herilis*, *Conseruus suas* appellat seruus mul-  
tò verberatissimus, cuius dicti festiui-  
tas haud inìdigna visa quam ad Amo-  
res Naso traduceret suos; scribens di-  
fertim:

*Duraq; conserua ligna valere fores.*

ità enim à nobis ex manuscripto Co-  
dice emendatus hic locus; cum in om-  
nibus impressis *conserta* pro *conserua* lega-  
tur ineptissimè. qua de re nos plura in  
Poëtam illum & tempore & loco suo  
dicturi. cur autem fores, quāsi planè  
conditionis eiusdem, eodem quo se  
ponat & paret tam Ouidius ex suā,  
quam Plautus ex serui nequissimi per-  
sonā, planum, vt spero, fiet ex illo Cur-  
culionis loco:

PH. *Lenonis hæ sunt ades.* PA. *male istis  
eueniat.*

Scenā:  
*Quo te  
hoc noctū.*

PH. *Qui*

PH. *Quî?* PA. *quia scelestam seruitutem  
seruiunt.*

ME. *Quâ facie noster Saurea est, si  
is est, iam scire potero.*

Potius est, vt veterum editionum auctoritati subscribamus, voster, manifestò referuntium. neque alienus huic opinioni Lambinus.

Idem Casanti prò Quassanti supposuit nobis hoc versu :

*Atque hercle ipsum adeò conior, quassanti  
capite incedit.*

Inficetissimè, ac præter Comici nostri mentè vtique, qui Sauream istum supposititium non *casabundo*, id est, demisso ac deiecto vultu, vti Lambino placet, verùm *quassanti* potius, quem minitantium ac stomachantium habitum esse scimus, capite incedentem in Scenam induxerat. Idem de binis Appulei locis ab Monstroliési illo de eadem quam dixi fideiâ dealbatis dictum postulo. Sequitur :

*Siquidem hercle Æacidinis minis expletus,  
animisq; incedit.*

Id est, Etiam si Pelide stomacho (vti apud Horatium est) *cedere nescio*, fastuque & iracundia

iracundiâ Achilleâ plenus ac sufflatus ambulet. Sic Mamercus Æmylius de Sullâ Dictatore apud Sallustium :

*Quare igitur tanto agmine, atq; animis incedit?*  
Scenâ proximâ :

*Næ tu hercle cum magno malo mihi obviam  
acceßisti.*

Vnde paret, vbicunque ferè *Obviam* *acceßit* habes in Plauto, *Occeßit* reponendum. Et *Occedamus*, pro *Contrà cedamus* Plautum dixisse, notat Festus. Ita enim vbique verbum istud inductâ diphthongo rescribendum res ipsa ratioque efflagitant. Idem habuimus & Scenâ proximâ, tametsi me non nescire *Ad pro Ob* & *contrà Ob pro Ad* operas inter se mutuas quasi vicissatim tradere, alterumque prò altero promiscuè passim à veteribus frequentari, satis superque iam superiore Capite demonstratum. Ibidem:

*Vtinam nunc stimulus in manu mihi sit.*

Hic *Stimulum*, mox *Fustem* dari postea exoptat sibi: imò verò & cum *Fuste* assiduò sibi ambulandum esse, facetissimè conqueritur, quo conseruos suos verbalissimos imperium suum negligentes



res pro comméritâ noxiâ castiget scilicet. Vtriusque gestamen ab eodem copulatum reperias in Aululariâ, vbi Euclionem malum ancillæ suæ interminantem inducit his verbis :

*Si hodie hercle fistem cepero, aut stimulum in manum.*

Ibidem:—

*In sine in splendorem dari villas has foribus nostris?*

Genus loquutionis Plauto solitum. Verbi gratia: *In ruborem*, *In timorem dare aliquem*. Item, *Ad languorem*. Sed & Aululariâ:

*Nec suâ operâ rediget unquam in splendorem compedes.*

Portisculum Actûs I I I. Scenâ I. plerique omnes pro remigum hortatore siue etiam Pausario (vti Seneca appellat) eoque qui perticam, siue, vt aliis placet, malleum sibi cognominem manu tenens, *Requiemq; modumq;* (vti apud Ouidium .est)

*Voce dabat remis, accipiunt.* Ego perticam ipsam, nō autem perticæ gestorē designari autumo. Ea enim (Pompeio, ac Marcello superstitibus) Portisculus.



*sculus* cluebat. quam rem studiosis faciliorem ut faciam, visum est mihi integrum Poëtæ locum palam in commune proponere :

PHI. Et meam partem loquendi, & tuam irado tibi.

Ad loquendum atque ad tacendum tunc habeas portisculum.

Quin pòl si reposui remum, sola ego in cæsteriâ Vbi quiesci, omnis familiae causa consistit tibi.

Cæterum audiendum magis hoc loco, quam auscultandum censeo. Interpretem Statianum, qui Cæsteriam perticam quandam esse in navi credi, postulat sibi, quam hortator remigum tenet, quam si incusserit, remiges non desinunt, si deposuerit, quiescunt à labore. quando ea omnia ad Portisculum, non verò ad Cæsteriam referri debeant. Quid enim Cæsteria quæso attinet ad Perticam hortatoris? Nihilo sanè plus arbitror, quam Pertica ad Cæsteriam. Argumento est illud Nonij: Cæsteria locus ubi cum navigatio conquiescit; remi & gubernacula conquiescunt. Vnde liquido est perspetare, quæ quantaque inter Cæsteriam & Portisculum discordia sic quasi sortitò obtigerit.

PHI.

PHI. Etiam opilio qui pascit, mater, alienas oves,

Aliquam habet peculiarem, quâ spem soletur suam.

Peculatorias oves, hoc genus indigitat Varro, quæ nimirum seruis aut filiis familias sunt in peculio:

## A D A S I N A R I A M.

### CAPVT VII.

*Bosianæ correctioni, quamvis suffragante Lambino, in Virtute vltimorum, assensus palam denegatus: additâ item alterius loci, contra præiudicatam Monstroliensis illius persuasionem, nouâ ac succidaneâ interpretatione.*

ACTVS III. Scenâ II. Vbi Leonida ac Libanus conserui, interuorsâ ab Asinario illo Mercatore pecuniâ gloriabundi, Persidiæ almæ nurrici suæ ob meritum vitulantes onusti cum prædâ inducuntur, receptam mehercules scripturam tueri decretum est mihi illo versu:

Scapula-

*Scapularum confidentiâ, virtute vlmorū freti.*  
 contrâ opinionem Lambini, qui Bo-  
 sianâ auctoritate deceptus, *Armos* siue  
*Humeros* pro *Vlmis* nobis supponere ve-  
 ritus non est: offensus, vt videtur, in-  
 solenti istâ *Vlmorum virtute*, qua non mi-  
 nus se quàm collegam suum fretum  
 omnem in tergo confidentiam habe-  
 re, seruiliter gloriatur Leonida. Me-  
 ritò: quippe qui sese ac scapulas suas  
 frequente, imò verò quotidianâ virgi-  
 demiâ ita ad sufferendas plagas ad sue-  
 fecerant indurauerantque, vt iam ad-  
 uorsus quæuis etiam suppliciorum ge-  
 nera examissim patientissimi ac fir-  
 missimi, vsûs diuturnitate & consue-  
 tudine redditi viderentur: callo hu-  
 meris scilicet, tergoque ac lateribus  
 obducto, prægnantium plagarû mul-  
 titudine. Quod si cui *Virtute armorum*,  
 arriserit impensius, ei verò auctor sim  
 ego, vt potiore sententiæ suæ *F V N-*  
*D V M*, non *Lambinum*, verùm *Isidorum*  
 aduocitet sibi, eamque planè dicendi  
 formulam, notione tamen diuersâ,  
 concinnantem nobis hoc exemplo:  
*Armilla, propriè virorum sunt, collata victoriæ*  
*E. causâ.*

causâ militibus, OB ARMORVM VIR-  
TVTEM, vnde & quondam vulgò virilia  
dicebantur. De verbis verò illis:

Vbi sepe ad languorē tuâ duritiâ dederis oſto,

Validos liētores, vlmeis affectos lentis virgis.

haud inſcitē Titinnianum iſtuc, à Fe-  
ſto in voce Rediniā productum, inter-  
pretabimur:

*Laſitudo conſeruum*, (itā enim locus ille  
interpungendus) *rediniā flagri*. id eſt, qui  
deſaſſare, ſiue (cum Libano Plautino  
vt dicam) duritiā, tuā ad languorem  
dare conſuetus valentiſſimos virgato-  
res, conſeruos tuos. Solent enim Serui  
olim inter ſe flagellare. id quod ex hac  
ipſā Comœdiā edocti ſumus iam an-  
teā: *Rediniā flagri*; addit; quaſi circā ver-  
beronem illum vlmeæ virgæ & flagra  
ſe reſoluant, tergi eiufdem firmitudine  
contritæ ac diſſupatæ ſcilicet, vnde &  
*Reluuium* ῥῥῶ & *Luo*, id eſt, ſoluo, aliis  
probāri potius, idem Feſtus teſtatur.  
quæ vtraque tamen, ſi literarum D. &  
L. affinitatem preſſius conſideremus,  
eiufdem ſe originis ac notionis eſſe, fa-  
cilē nobis fidem factum. *Conſeruum* au-  
tem, prò *Conſeruorum* patrio caſu poſi-  
tum

tum in Titinnio, quæ rogo stultitia sit, ostendere? Hæc pluribus ideò sum persequutus, quod Ant. Augustinum (at quem virum?) Festi Editorem, nec rectè, nec acutè satis collimasse videam ad hunc scopum: qui verbis Titinnij mendum subesse suspicatur, quum sint planissima. Est enim conuicium in verberatissimi illius ordinis, quem dico, tenebrionem detortum; quod genus, *Flagritriba* passim, *Vlmitriba*, *Bucæda*, *Restiones*, *Sutricula flagri*, ac *Tribuni vapulares* denique, nominantur à Plauto.

Ad Argyrippi porrò, Herilis filij, amationes aliquando veniamus, ita apud Philenium suam lamentantis Scenâ sequente:

*Mater mihi supremum tua dixit, domum ire iussit.*

Vbi *Supremam* ex Iudiciorum consuetudine corrigendum & alij iam antea admonuerunt, & adstipulatur Isidorus v. suarum Originum scribens:

*Partes diei tres sunt, Mane, Meridies, & Suprema. & cætera quæ sequuntur.*

Ibidem:

*Viderim', v'gini minime quid pollent?*

E 2

Id est,

st. v=st. st. v=st.

Id est, quantum pollentiæ valentiæ-  
que habeant. Consimilis huic, quam  
& hodie nimis nimisque veram expe-  
rimur quotidie, meri illius Iambici  
sententia è Sticho:

*Videte quæso quid potest pecunia.*

altera item Aululariâ, ex personâ &  
opinionem sordidissimi illius Euclionis:

*Dij immortales, obsecro, aurum quid valet!*

Neque abludit ab his Plautinis ver-  
sus iste Aristophanis Ranis:

Φεῦ ὦς μέγα δυνάσθον παύεχ' τὸ δ' ὄ-  
λολ'.

Sub eiusdem Scenæ exodium, vbi  
adolescens animo æger, amore fau-  
cius, per seruos paternos, nequissimos  
illos intempestiuæ libidinis, ac senilis  
nequitiae internuntios, Demæneto pa-  
renti ac riuali suo, renunciari iubet,  
paratum se ei de communibus amori-  
bus gratiam facere: vt in partem vide-  
licet noctem vnâ modò Philenio  
potiretur, quæ furtiuo in lecto retri-  
tum emeritumq; rutabulum tractans,  
feruore ac morigeratione iuuenilitatis  
suæ accenderet senem; à Leonidâ in-  
terrogatus, an animum porro vnquam  
inducere

inducere possit ætate & igne feruidus  
adolescens, ut à parente Demæneto  
amores suos se præsentē, ac propē in-  
spectante tractari, atque exerceri pa-  
tiatur: palamque delicias ac libidines  
in communi amicā facere Acherunti-  
cum senem: hoc est, in lustris ac lupa-  
nari publico riualem, imò commari-  
tum filio patrem fieri scilicet; officiosè  
respondet minis porrò extis placatus  
Argyrippus;

*A R. Hæc facile faciet ut patiar.*

*Hæc, subaudi, Bulga, siue adeo cru-  
mena viginti minis efferta. quam ver-  
satam identidem manu tenens, ac per-  
tractans δειπνῶς librando designat  
adolescens. hoc eò fusius visum est ex-  
planare, ne quis à Lambino persuasus  
forsitan, designationem eam ad Phile-  
nium, contra Poëtæ sententiam maxi-  
mè, non verò ad pecuniam quam dixi  
pertinere existimaret.*



## CAPVT IIX.

*Plautus & Propertius explicati simul,  
& emendati. Sorum, prò Eorum,  
Saium, prò Saliua; nec non prò  
ore ipso. Antiqui intellectûs vsurpa-  
tio in verbo Carere, perquàm curiosè  
excussa. Nugæ, & loci prò simulatis  
illis Præficarum Naniis accepta.*

**A**ETVS IV. Scenâ I. inter cæte-  
ras leges Lenæ atque Amicæ præ-  
scriptas, & hæc conditio ab animi im-  
potente ac suspiciosæ æmulationis  
amasio refertur in Syngraphum :

*Ne epistola quidem ulla vspiam sit in edibus,  
Nec cerata adeò tabula, & si qua inuicilis  
Pictura sit, eam vendat.*

Iconicum haud dubiè ex cerâ pictu-  
ræ genus intelligit,

*Quæcumq; alterius sexus imitata figuram est:  
Imaginesque, ac nescio quæ Deorum  
simulachra, aut eorum etiam quos ca-  
ros habebant sibi, vultus repræsentan-  
tia, quorum ne vestigium quidem to-  
tis adeò*



tis adeò in ædibus, nedum in cubiculo  
amasiæ suæ spectari vult Diabolus iste  
Plautinus: ne prætextu religionis, ac  
pietatis velamento effigies amatoris  
nescio cuius, supposititij Dei titulo,  
imaginariâque inscriptione istâ occul-  
tetur, & fallat. Vnde interpretandum  
etiam Propertianum illud libri III.

*Me iuvenum facies picta, me nomina ledunt.*  
vbi tamen Numina quàm Nomina scribi  
malim, vt ad Deorum simulachra re-  
feratur. De Cereâ autem Picturâ agi,  
argumento sunt ea, quæ mox his ipsis  
ibidem subiunguntur:

— Nî quatriduò

*Abalienarit, quo ex te argentum acceperit,*

*Tuus arbitratus sit, comburas si velis,*

*Ne illi sit cera, ubi facere possit literas.*

Hoc est, ne pictura illa inutilis mate-  
riam scortillo suppeditet ac submini-  
stret, vnde ceræ tantum abradat sub-  
dola, in quâ literas ad amatorem por-  
rò dirigendas clanculum, conscribilla-  
re possit scilicet. Cæterum restituen-  
dum videtur: Quo abs te argentum acceperit.  
Cui suspicioni firmandæ eccam hanc  
Langiani Codicis scripturam tibi, Abs-

te: hoc solum peccantis quòd binæ (vt vides) voces perperam in vnum coo-  
luerint. Nam:

Ex aliquo pecuniam accipere, Plautus  
vti dixerit, —Credat Indeus Apella,  
Non ego.

Habes in eodem Syngrapho versu  
interposito modò :

*Vocet conuiuiam neminem illa, tu voces.*

*Ad eorum ne quem illa oculos adiiciat suos.*

In Langianarum Lectionum farragi-  
ne non Eorum sed Sorum, planè & probè  
procusum extat. idque verum puto,  
Festi adeò auctoritate in hanc opinio-  
nē adductus, ità disertim scriptitantis:

Sos prò Eos antiqui dicebant, vt Ennius lib. I

Constitit inde loci propter sos dia Dearum.

Et lib. I I I. Circum sos que sunt magnæ  
gentes opulenta.

Lib. V I I. Dum censent terrere minis, hor-  
tantur ei sos.

Lib. X I. Contendunt Graios, Gracos me-  
morare solent sos.

Interdum prò suos ponebant, vt quum per  
Darium casum idem Ennius effert:

Postquã lumina sis oculis bonus Ancu' reliquit.

Sorum ergò prò Ipsorum à Poëtâ scri-  
ptum

ptum credi quid vetat, eo præsertim  
qui Ennianæ ætati suppar vixerit, &  
(si Liuium Næuiumq; exceptes mo-  
dò) omniū Latinorum Poëtarum iure  
meritoque suo antiquissimus cluat.

In eâdem Syngraphâ illâ Parasiticâ  
legitur :

*Quod illa autē simulet, quasi grauedo profluat,*

*Hoc ne sic faciat : tute labellum abstergeas*

*Potius, quàm cuiquam sanium faciat palâm.*

Ego rò *Sanium* hoc loco longè diuer-  
sum à communi vsu significare autu-  
mo, & *Salinam* expono, quam suspicio-  
sus amator vitio Zelotypiæ; quo ferè  
hoc genus hominum laborare vide-  
mus, aliorum oculis prodi, aut palâm  
fieri non vult. Ei interpretationi hoc  
argumentum dico, quòd c L. Sambu-  
ci Codex ms c. item Exemplaria pri-  
dem, ante annos putà octoginta, for-  
mis excusa *Salinium* siue *Salinum* disertè  
nobis etiamnum repræsentant, quòd  
ab imperito quopiam Librariolo *Saniij*  
loco inculcatum verisimiliter suspicari  
lubet, qui nouâ dictionis elegantissi-  
mæ significatione non intellectâ glos-  
sam porro in contextum retulerit. Sed

& Catullus non alio sensu vocabulum istud vsurpasse liquidò videri potest, vbi scribit:

*Sed nunc id doleo quod pura impura puella*

*Sauia coniunxit spurca salina tua.*

idque ad exemplum illius, quod narrat Lucretius lib I V. — *Iunguntq; salinas*

*Oris, & inspirant pressantes denibus ora.*

Tametsi non ignorem *Suauium* pro Ore ipso, quemadmodum & *Osculum* haud rarerè à Poëtis acceptari. Nam & Plautus Milite :

*Maiorem partem videas valgis suauis.*  
nec non Rudente:

*Tum quæ indoles in suauio est !*

Quid ? nonne in carmine Iambico, quod Virgilio tribuitur :

*Os usque lambis suauis.*

item quod citatur à Gellio :

*Dum semihulco suauio*

*Meum puellum suauior.*

idipsum apertissimè dilucet ? cui loquutionis generi linguæ quoque nostratis idiotismus planissimè etiam nū hodie respondet. Hic tamen Plauti locus aliam explicationem haud dissimilem illi, quā dixi postulare videtur.

Sequitur

Sequitur porrò:

*Nec mater lena ad vinum accedat interim,  
Nec ulli verbo maledicat: si dixerit.*

**HÆC MVLTÀ EI ESTO,** vino  
*viginti dies. Vi careat.*

Quæ quidem verba de Iudiciariis Legum Formulis adumbrata, in vsum suum sibi conuertit doctissimus Poëta. Eundem loquendi modum inter alia Romanæ antiquitatis monumeta, quæ ex Italia nobis retulit Fabricius, obseruare licet. in eo dico ludicro Testamento, quod Sergio Polensi parasito adscribitur. Verba sic habent:

*Qui non paruerit, HÆC MVLTÀ EI ESTO: Teste altero careat.*

Quo loco notandum, quod & superius in Plauto, *ut Careat*, antiquo more dictum videri posse, nimirum eo ipse illò quo Ciceronem quoque lib. I V. de Republica vsum constat, vnde hæc verba à Nonio Marcello deprompta obseruauimus:

*Ita magnam habet vini disciplina verecundia:  
Carent temeto omnes mulieres.*

Cui germanissimum quoque Plautinum illud ex Truculento:

*Qui*

— Qui improbus est, aquam si bibit.

Sine adeo caret temero, tamen ab ingenio est improbus.

Sic, Carere culpâ, noxiâ, pro vacare atque expertem esse, identidem apud Comicum nostrum, aliosque priscæ monetæ scriptores passim lætitamus. Neque aliunde Horatiani illius interpretatio arcessenda in Epodis :

*Quæq; carent ventis, & solibus ossa Quirini.*  
item alterius: *Gelidaq; Dinos Morte carentes,*  
Tertij huius denique :

*Malis carere quæritis laboribus.*

Vide quæ ad locum illum ex primo Quæstionum Tuscul. Ciceronis libro annotauimus.

*Hæc sunt non nugæ non enim mortualia.*

Nugas accipio, quæ à conductis in funere præficis ad sepulchra cantari solitæ. Cui rei declarandæ opportunissimus locus iste Agellianus. Vos Philosophi mera estis (ut M. Cato ait) mortualia glossaria : nam qui (f. Namque) collegistis & lætitastis res tetras, & inanes, & frivolas, tanquam mulierum voces Præficarum.

Eadem quoque & Ioci nomine veniebant, cui rei liquidissimo testimonio fuerit

fuerit hicce è Bacchidibus locus :

*Tùm quum meà illud nihilo pluris referet,*

*Quàm si ad sepulchrum mortuo dicat iocum.*

Vbi simulatum illum Præficarum  
 Lessum denotari videmus, Iocum at-  
 que Nugas modò vel ad raurum vsque  
 mortuis occurrentium in publico, hoc  
 est, Nænias, siue lamenta funebria, ac  
 fæmineos vlulatus, ad aures eorum  
 quibus dicuntur nullo vnquam porrò  
 tempore penetraturos.

A D

## CAPVT IX.

*De discumbendi, deq; circumpotandi more in conuiuiis agitari solito antiquitus. Emendatiuncula aliquammulta Plauto condonata. Alia quadam ad vini Regna, siue Magisteria, nec non ad Legem Talariam pertinentia. Αιχρολογία quadam Petroniana obscurior in voce Mediusfidius è latibulis suis quasi sub diu protracta.*

**A**CT V V. Scenâ II.

A R C. Pater,

Iube dare vinum, iam dudum factum est,  
quum primum bibi.

D E. Da puere ab summo, tu interibi ab infimo da sanium.

Ab summo, nempe ab Argyrippio filio, qui summam lecti cōuiualis partem premebat: haud quidem in biclinio (vti Bacchidibus) multò minus triclinio, quando singularis Lectisternij modò mentionem hîc fieri videmus, in quo Senex ipse medius (vt æquum erat



erat patrem) loco putà honoratiore;  
Philenium interior porrò, hoc est, in  
gremio capularis amasij sui ima accu-  
bitaret, more amantibus nimis quàm  
solenni, qui locus item legitimis vxo-  
ribus debitus temporibus illis. quā de  
re adeundus Lipsius meus tibi ad XI.  
Annalem Taciti Commentario. Vnde  
*Suanium ab infimo dari sibi postulat Demæ-*  
*netus, ab eâ scilicet parte, atque ex eo*  
*loco, vbi basiatura decumbebat. Huic*  
*confinibile illud Persæ :*

*Age puer, à summo septenis cyathis com-*  
*mitte hos ludos.*

Hoc est, In orbem fac cyathisses,  
initium porrò ex ordine faciēs à sum-  
mo, & (quod Varro autumat) *Circum-*  
*fer potionem: & Plautus eâdem in Fabulâ:*

*Age circumfer mulsum bibere*  
*(ego, Puer ἀντὶ τῷ Bibere, malim)*

*Da usque plenis cantharis.*

Id est, quod Græci perhibent: ἐν κύ-  
κλῳ πίνεin, ab eo conuiuâ scilicet, qui  
summis accumbit ad imum. Quem  
morem Romanis solennem in omni  
conuiuio fuisse, quoties paullò dapfi-  
lius inuitare se vellent, abundè confir-  
mat

mat idem ille Choragus noster Lipsius Antiquarum libro 111. Cui adiectes licebit insuper hocce à Mostellariâ exemplum :

*P H . Age tu interim da ab Delphio citò cantuarum circum.*

Nam & ibi, itidem vt hîc, ad puerum pocillatorem directus est sermo.

Suprà hâc ipsâ Scenâ illud penè præterieram immemor ex Artemonæ personâ prolaturum :

*At scelestâ ego præter alias meum virum fuerata*

*Siccum, frangi, continentem, amantem uxoris maxime.*

prò quo, Alios, in aliis est editionibus, atque ita legendum paret ex eo, quod mox quasi ex trauerso respōdens imitatur Parasitus verbis illis :

*Ante omnes mortales.*

Eâdem Scenâ aliquanto pòst nescio quid mendi latere suspicor, cui rei vt fidē inueniam, locum integrum, proinde vt in Camerarij ac plerisque editionibus cusus legitur, adscribam. quò nempe facilius & minore cum negotio id quod res est videamus.

ART.

ART. *Ecquid matrem amas.* DE. *Egónē? illam nunc amo quia non adest.*

ART. *Quid cūm adest?* DE. *Perisse cupio.* PA. *Amat homo te hic, ut prædicat.*

Primò *Ζητήματα* illa Demæneto posita: *Ecquid matrem amas?* item: *Quid cūm adest?* nihil minus quàm Artemonæ partibus conuenire, res ipsa arguit planissimè. Ea itaque (pæce Librariorum quòd fiat) Argyripo filio redonanda censuerim, vnius modò literæ, T. nempe in G. commutatione vsque ad locum illum, qui iure suo Artemonæ debetur. Deinde non placet loquutio illa, quâ viro suo malum daturam sese, idque cum fænore eadem sufflata interminatur his verbis:

*Næ ille ecastor fænerato funditat.*

Nam *Funditat* istud absolutè positum modò non cerebrū excutit mihi. quod quò minus inducar, à Plauto factum vt credam, in causâ est alter eiusdem locus, qui *Amphitruone* extat huiusmodi,

*Cum cruciatu tuo isthæc hodie verna verba funditas.*

Item *Pœnulo*: *Tantula tanta verba funditat.*

F Quorum

Quorum duorum ego locorum virtute fretus vbique, prò ille, illac, repositum ire non dubitauerim, vt subaudiamus Verba, aut aliquid tale. Cæterum quod ait *Fæneratò funditat*, haud incommodè arbitror explicari posse ab eo, quod paullò prius eadē Artemona ista muliebri iracundiâ in virum alièni fundi exercitorem effuderat :

*Ædepol na tu istuc cum magno malo iuo  
Dixisti in me, &c.*

Non dissimile est, imò penè geminum germanum huic, quòd in Menæchmis quoque pallam sibi à viro actumanticulatam, conquerens nescio quæ mulier meritò comminatur :

*Næ illam mecastor fæneratò abstulisti.*

Sequitur porrò eadē Scenâ, versus singulari interposito modò:

*AR G. Iace pater talos, vt porrò nos iaciamus.*

Vbi Talos *lusorios* significari videmus, quorum *Venerio* seu *Basilico iactū Regna vini* (cum Flacco dicam) *fortiri*, hoc est, Dominum ne an Modimperatorem, siue adeò bibendi *Arbūrum* creari mos erat, idque in omnibus ferè tempestiuis conuiuiis.

uiuus obseruabatur, solis (puto) seruilibus exceptis. Ab his enim tam in Stichō, quàm in Persa (vbi exemplorum copiae nobis in mundo) Sympo-  
siarcho, seu Dictatori creando prorsus exulant Tali, (Lege Talariā opinor vetiti) sed eorum vicem in alterā coronae impositio, in alterā verò sola nominis enunciatio Strategum conuiuio facit. Et mirum, necodem à Plauto allusum in Milite, vbi item de Seruorum conuiuuiis agit Periplectomenes:

*Atque adeò, ut ne Legi fraudem faciant  
Talaria,*

*Accuratore, ut sine talis domi agitent con-  
uiuuium.*

Vide quæ ad illum locum dicturi  
sumus postea. Habes deinceps:

P A R. Si non didicisti fullonicam

Non est mirandum.

Ita enim Editiones tam veteres  
quàm nouæ: Ego tamen Fulloniam ma-  
liam. sic Histrioniam potius, quàm Histrioni-  
sam facere, idem in Amphitruone dicen-  
do usurpauerat antea, Latinâ forma-  
tione, non Græcâ.

Addam vnum de dictis melioribus  
 Parasiti Plautini iocantis in re trepidâ,  
 præter speciem atque ætatem iuue-  
 nantis, ne dicam catulientis Demeñeti,  
 ab vxore in lustris, hoc est, in ganeo,  
 locoque latebroso, ac libero manife-  
 stissimè apud amicam deprehensi: ac  
 propterea Pollinctore seu Libitinario  
 indigentis, qui decrepitum ac capula-  
 rem Senem, iamque adeo Iunonis suæ  
 interuentu, nimio simul tum pudore,  
 tum metu modò non ad mortem da-  
 tum, cadauer verius, quàm hominem,  
 eluendum, commundandum, vngen-  
 dum, atque exornandum suscipiat, ex  
 more funeribus curandis faciundisque  
 adhiberi consueto antiquitus, cui con-  
 finis prorsus urbana illa Petroniana  
 Circes irrisio, Poliæni amatoris sui (qui  
 de thoro eius sine voluptate surrexe-  
 rat) *membra sine viro*, hoc est, *lorum in aqua*,  
*non inguina, aut neruos*, huiuscemodi con-  
 uicio exagitantis:

*Narrabo tibi adolescens: paralyfin caue. nun-*  
*quam egrum tam magno periculo vidi. medius*  
*fidius iam peristi. Quod si idem frigus genua, ma-*  
*nusq; tentauerit tuas, licet ad iubicines mittas*

Vbi & hoc in transitu admonendum, rō *Mediusfidius*, quamvis iurisiurandi specie primā fronte intuēti positum videatur, nescio quid vernilius tamen ac Petronianum magis in recessu habere conditum : atque ad *mediam partem* illam, quā viri sumus, vocabuli multō honestissimi ambitu obnuptum, applicari posse *Haud sanē illepide, nec inuennstē.*

Hæc nos nauci non esse, adeoque tricis, atq; apinis viliora ingenuè confitemur publicitus : & tamen huiusmodi, vt Lectori haud nimium laborioso moræ molestiæq; plurimū obii- cere inter legendum possint. Proinde ea in medium dare ausi fuimus, non (Iuuentus vt solet) inani gloriæ cupiditate adducti; verū potius vt comitate & prothymia hâc nostrâ aliorum porrò studia, atque ingenia excitemus. Quod si consequamur, abundè nobis satisfactum putabimus. sin ; sic nos etiam lubricini nostræ morem gessisse haudquaquam pœnitebit.

*Plautina Aulularia commendatio. Inibi  
BONÆ FORTVNÆ mentionem  
ad Charientismū Diomedis accom-  
modandam videri. Lambini frustra-  
tiones reiectæ reiectæque. Follem  
obstringit ob gulam. Inferior  
guttur pro pygâ Horatianâ.*

**I**T A me Diî Deæque omnes amas-  
sint, vt quidem ego Plauti Aulula-  
riam maximi feci semper; eamque  
adeò præ cæteris dignam censui, quam  
non modò Iuuentus hæc nostra, ve-  
rùm etiam ætas omnis studiosissimè  
expeteret; nec vnquam de manibus  
deponeret. Neque id adeò iniuriâ.  
Nam præter dictionis genus verè Ro-  
manum, tota Ethica esse, & ad pud-  
icos (vnum alterumve locum exceptes  
modò) honestosque mores facta videri  
potest. Quî enim aliter, obsecro, in-  
duci possim, quàm diu in animo ha-  
beo tot singularias sententias, tantum  
exem-



exemplorum denique ad vitam rectè  
 atque ordine instituendam conducen-  
 tium ? Atque vt alia hîc compluria  
 studio breuitatis præterfluere sinam,  
 quid Megadori sermonibus confide-  
 rarius vel prudentius fingi potest ? eâ  
 præsertim Scenâ, vbi grauissimas istas  
 in magnis dotibus incommoditates,  
 sumtusque Matronarum intolerabi-  
 les ob oculos spectatoribus ponens, ni-  
 mis sanè lepidè verba facit ad parci-  
 moniam. Quæ quotiescunque legere  
 ac ruminari est copia, idem ferè vsu-  
 uenire compèrior mihi quod ibidem  
 Euclioni nostro, vt metuam videlicet,  
 ne desinat memorare mores mulie-  
 rum. Atque vtinam facta recta, ac pro-  
 inde vti in Scenam Romanam à Poë-  
 tâ introducta fuit, in manus porrò no-  
 stras peruenisset. hoc ita si foret, faxim  
 leuiore aliquando inuidiâ Plautus vta-  
 tur, quàm vtitur; minoreque adeò fa-  
 stidio à plerisque lectitetur. Nunc in  
 tantâ mendarum ac vitiorum segete,  
 bonâ insuper Comœdiæ parte amissâ,  
 tædium legenti subinde obreptare ne-  
 cessum est; non dico mihi, cui mel me-

rum est, tantumque non pro cibo Lepos orationis Plautinae; sed iis morosis, imò imperitis potius, qui soli ac sine rivali ad Genium sapere videntur sibi; quique nihil adeò nisi ad suum stomachum quod facit, vinctum satis aut lautum putant. Et tamen, ne quid dissimulem, sunt in eâ quædam haud satis ad concoquendum facilia, non quidem Poëtæ ipsius vitio, sed verò sciolorum audaciâ, an peruersitate interpolantium scripturas, quorum contagionis labes ad secundæ quoque in hac Fabulâ Scenæ locum permanavit. Nam ubi Euclio ait, inuitissimum sese, nimisque adeò aduorsus animi sui sententiam pedem eliminare ex ædibus, ob nimiam curam scilicet, improbamque animi anxietatem, quam prò Aulâ illâ suâ perdius & pernox sordidissimus Senex habebat: *ceterum scire quid agat*, neque temerarium aut de nihilo esse, quod in publicum subinde prodiens conspiciatur; à legitimo Tribûs suæ Diuifore (quem *Diribitorem* perhibet Cicero) vnâ cum reliquis Curialibus nummulum petiturus: quo abs  
se om-

se omnes videlicet suspiciones de thesauro reperto segreget quàm longissimè: deprauata Camerarianæ Editionis scriptura Lambinū porrò in fraudem errationemque induxit. cuius equidem compendium me manu ductore maximè Iuuentus aliquando ut faciat, locum rescribendum censeo hoc modo:

*Nimis hercle inuitus abeo: sed quid agā, scio. sententiā eā quam dixi. Quid? quod mecum faciunt Editiones iam olim exoletæ? Neque illud minus admonendus Lector, haud utique satisfacere nobis enarrationem Lambini, eo loci, ubi Staphyla Anus hero. Euclioni; quoniam is ædes suas se absente ita, quasi Manlianâ habitâ Edictione, omnibus occlusas, obseratasque esse iusserat, vel vsque eò, ut ne Bonam quidem Fortunam ad se intromitti velle diceret: urbanè nimis, ac Comædicè respondet, pòt eiusce rei periculum non esse: etenim pro certo se credere cautionem & quidem paratè ab HERA illâ RESPICIENTE adhibitam iam pridem, ne ad Senem triparcum adeò, ac sordidum*

F ;

didum in hospitium diuortere vlla  
 porrò vnquam aut lubido ipsi aut ne-  
 cessitas eueniat. cui persuasione suæ  
 hoc argumentum dicit:

*Nam ad ades nostras nunquam adiit, quan-  
 quam propè est.*

Vnde Lambino oborta suspicio, pro-  
 pè ades Euclionis aut Templum, aut signum ceriè  
 aliquod fuisse BONÆ FORTVNÆ. No-  
 dum in sirpo. quàm simplicissimè ac-  
 cipiendum: vt innuat Staphyla, Deam  
 illam Largitricem ne id quidem Eu-  
 clione dignum habere, cuius domum  
 non dico introire, sed neque adire sal-  
 tem, aut respectare sustineat vel semel:  
 sæpe etiam quanquam prope sit, imò  
 in viciniâ eius fortasse, ipsam tamen  
 oculo irretorto oppidò, cursuque haud  
 vnquam intermisso limen Euclionis  
 raptim præteruolare affiduè. Cæte-  
 rum cur BONAM FORTVNAM  
 potius, quàm aliam Dearum quam-  
 piam nominitarit Euclio, in quæstio-  
 nem video trahi posse. cui per tempus  
 vti occurratur, aio hoc ipsum haud  
 aliò magis, quàm ad prisci illius sæculi  
 consuetudinem, ac publicam loquendi  
 formu-

formulam detorquendum. Eam in-  
 quio, quam ex fugitiuis Diomedis  
 Grammatici sanctuariis eruisse videor  
 mihi, ita pòl nobis Charientismi Fi-  
 guram definientis. *Charientismos* est, quo  
*dura dictu gratius proferuntur, ut interrogantibus*  
*nobis: Nunquis nos quaesierit? responsum detur;*  
 BONA FORTUNA: exinde intelligitur,  
 neminem nos quaesisse.

Inter cæteras autē plus quàm Poë-  
 ticas Hyperbolas, quibus Comicus hic  
 noster triparcam Euclionis auaritiam  
 insignem facere amat; narrat, ipsum,  
*quoties dormitum recipit sese, follem obstringere*  
*ob gulam, ut nequid animæ, id est, spiritus fortè*  
*per somnum imprudens amittat scilicet.* In  
 cuius rei enodatione, incredibile est  
 memoratū, quàm frustrā fuerint in-  
 terprètes nostri Plautini; imò verò  
 præ cæteris Lambinus, qui vaniloquis  
 aliorum dictis acceptor, *Gulam* prò Fi-  
*stulâ Follis*, quo quidem etiamnum ho-  
 die ignem accendi mos est; siue adeò  
 foramine per quod spiritus vel anima  
 efflatur, accipiendum autumat; præter  
 haud dico meam, sed Poëtæ ipsius sen-  
 tentiam; quem non de ventoso, ac  
 Lambi-

Lambiniano isto Vulcani suscitabulo, verum potius de Folliculo scorteo (quem Macrobius Fundam, Vegetius cum Plauto Follem indigitat solens) hoc est, sarto consutoque probe nummorum receptaculo, disertè loqui, confirmant ea quæ ordine deinceps consequuntur. Ait proinde Comicus, Euclionem ita prodigiosè parcum, ac sordidum vivere, ut priusquam cubitum receptet sese, follem sibi metipsum suum, hoc est, sacculi genus ex alutâ, coriove confecti obstringat ob gulam, suam dico, non *folliis*. Quid opus est verbis? τὸ *Gulam*, iugulum, fauces, siue gutturem ipsius Euclionis interpretor, per quod sibi imprudenti (id quod per somnum usu venire solet) animæ spiratui exitum aut effugium esse nullus sanè vult callidus: metuens videlicet, ne de eâ ipsâ inter dormiendum deperdat quidpiam. Quod quidem omne planius uti fiat, locum integrum Lectori discutiendum proponam.

*Quin quomodo dormitum, folle obstringit ob gulam.*

COC. CUR? STR. Ne quid animâ fortè amittat dormiens.

COC.

COC. *Etiã ne obturat inferiorem gutturem  
Tum, nequid anima fortè amittat dormiens?*

Quò & hoc quoque loco notandum,  
per *Inferiorem gutturem* eâdem ferè meta-  
phorâ, quamvis improprie, (honos sit  
auribus) *Anum* siue *Podicem* designari,  
quâ apud Priscum (Censorium illum  
Catonem inquit) *Superiorem alium* deii-  
cere, hoc est, stomachum, siue ad eò  
ventriculum nausêâ gravem vomitu  
leuare atque exonerare, scriptum re-  
peritamus. *Superiorem* enim ad disci-  
men *Alui inferioris*, qui proprie *venter* per-  
hibetur, positum. quemadmodû con-  
trâ, *Inferiorem gutturem*, hoc loco ad diffe-  
rentiam *Superioris*.

A D



## CAPVT XI.

Cocus nundinalis. *In eiusdem dicti  
 explanatione Lambinus cum repudio  
 dimissus. LIPSIANÆ Auctoritati  
 tum SCALIGERÆ subscriptum.*  
 Nouendialis Sacri cum SILI-  
 CERNIO, seu Feralis Epuli con-  
 fusio sublata: Ouidio lux impartita.

EADEM Scenâ Megadori nuptias  
 apparantis Seruus Strobilus non  
 sine obsonio ac cocorum pompâ sti-  
 patus, introducitur, Anthracem cum  
 Congrione interrogans, vter ipsorum  
 celerior fiet tandem: cui cum Con-  
 grio prior respondere occupasset, se  
 haud paullò meliorem, proinde & ce-  
 leriozem esse; alter (Anthrax inquit)  
 ambitiosam hâc congerronis sui inso-  
 lentiam non ferens, simul gratiæ refe-  
 rundæ paratus; illum *Cocquum Nundina-*  
*len* cluere prædicat: additâ insuper abs-  
 se tam nebulosi dicti explicatione:



*Cocus ille nundinalis est, in nonum diem.*

*Solet ire coctum.*

Quibus verbis Lambinus non quidem tarditatem coci (proinde ut aliis placet) aut segnitiam; sed verò ignobilitatem eius atque impèritiam fugillari existimat, ideoque *Nundinalem*, siue adeò *Nouendialem* faceret appellitari, qui nono quoq; die modò, hoc est, *Nundinis* solis, quum plebes rustica ex agris ad Leges quæ promulgatæ fuerant, cognoscendas, & ad mercatum in urbem conueniebant undique; ob pretij vilitatem conducatur, reliquis octo diebus in macello ferietur, quasi vnus *obfessor fori* scilicet. Promptè quidem ille: neque mirum; quippè *Alciatæ*, hoc est, alienæ potius, quàm suæ ipsius mentis succidaneus Interpret factus. cæterum ego haud paullò argutior sententiam subesse auguror: ut tametsi ad quæstum illum *Nundinarium*, ob frequentes agrariorum confluges coquino huic generi id temporis in Urbe obuènire solitum, allusum videatur à Comico; tectè tamen & quasi per transennam *Congrionem* istum *Bustuarij* ordinis.

ordinis coquum esse, intelligi velit. quem nos *Semirasum vstorem* cum Catullo indigitare possumus, qui mortuis cœnam coqueret, hoc est, qui recens iam ad rogam elatis, pyræque suppositis modò, hoc officij præstaret, vt cœnam illam feralem, epulasque funebres *Vstrinæ* siue busto (quem locum *Culinam* antiquitus vocitatâ docuit nos Festus) vnâ cum ipso cadauere cremandas, largiter porrò aceruatiq̃ue iniiceret; panarias putâ, escariasque struices plusquàm decumanas scilicet, thure, myrrhâ, oleo denique, nulloq̃; non odorum & aromatû genere condiendas porrò ab iis, ad quos parentandi siue exequiandi ius, curatioque spectabat: *iisdem nempe ignibus* (vt quidem doctè Tertullianus argutatur) & *promerentes pariter* & *offendentes* *Cærorum suorum funera*: Cœnamque istiusmodi condigno *SILICERNII* vocabulo insignientes, quod videlicet *Silentes eam cernant*, id est *umbræ possideant*; vel, quod qui hæc inferant cernant, neque degustent. vti clarè in Adelphorum tractatione præitum nobis à Donato. Quod quoniam nono demum

demum die fieri solenne erat (vnde & *Nouendiales pulueres*, apud Horatium, *dissipatos* legimus) causam ioci Comico huic nostro præbuisse videtur, vt Coquum Nundinalem diceret Congriorem, quem insubidum prorsus atque imperitum, tantòque ad viscerationes illas Nouendiales, & inconditos *Culina* mortualis apparatus, quàm ad ingeniosæ gulæ Genium sapiëntiorem esse, videri cupit Strobilus; quantò procluius est vilissimo illo Vstoris munere defungi hominem mercenarium, quàm quæsitam sollemnem coqui operam, aut condignum Archimagiro officium præstare ad Nuptias. Auctor sententiæ istius vnicus, imò potior fundus Douisæ Festus Pompeius. nec Douisæ modò, sed verò & Duûmuis illis omnium mortaliû expertissimis, SCALIGERO inquam ac LIPSIOME, quorum quidem ego nuperas ac nouitias Auctoritates haud minoris fanè, quàm veterè illam ac Pompeianam, faciundas censeo. Quibus si quicquam insuper astruendum putarem, nullum aliud huicce rei vtique accom-

G. modatius

modatius ducerem, quàm exemplum  
istud ipsius Poëtæ è Pseudolo; non  
exemplum, verùm hercle interpreta-  
mentum loci superioris, explicari à  
nobis modò. Id verò sic habet:

*Nam si ego iuratus peiorem hominē quærerem,  
Coquum non potui, quàm hunc quem duco,  
ducere,*

*Multiloquum, gloriosum, insulsum, inutilem.  
Quin ob eam rem Orcus recipere hunc ad se  
noluit,*

*Vt esset hic, qui mortuis cenam coquat.*

*Nam hic solus illis coquere quod placeat, potest.*

Atq; equidem, cùm recogito, vnum  
venit in mentem mihi, dubitare scili-  
cet; Silicernia ista Nouendialiane fuerint, an  
Denicalia potius, id est, vtrumne ad Fer-  
cula illa Funerum, quæ (vt Probus tra-  
dit) ad rogam delata pariter cum ipso  
defuncto cremabantur (vnde & *Feralis  
cena* meruerint appellationē) an verò  
ad diem proximè sequentem, qui Fe-  
riarum Denicalium nomine colebatur, per-  
tinuerit hoc Epulationis genus, ad Fu-  
neris contagionem procurandam re-  
pertum, hoc est, ad domum familiam-  
que certo genere Februi, quod voca-  
bant

bant EXVERRIAS, perpurgandam  
expiandamque, ritè atque ex prisco  
Pontificum instituto. Priorem sen-  
tentiam si sequimur, quidnā ad hancce  
Festi definitionem responsuri simus,  
nullus equidem dispicio :

*Silicernium erat genus farciminis, quo fletu (quo-  
ius est legendum, de Fruterio olim  
adolescentes didicimus) familia pur-  
gabatur. dictum autem Silicernium, quia,  
cuius nomine ea res instituebatur, is iam sili-  
cem cerneret. Cæcilius : Credidi Silicernium  
eius me esse esurum.*

De cuius Testimonij auctoritate, nec  
non certissimā illā Fruterij restitutio-  
ne, hoc etiam cognoscimus insuper,  
Cenam istam Sepulchralem, mortuorum  
quidem tumulis apponi, siue inferri  
potius; cæterum a viuis ac superstiti-  
bus absumi, ne dicam abliguriri, soli-  
tam. Cui rationi nostræ propemodū  
succentat Nonius, nisi quod ille, pro-  
prietate verbi (de se si creditur ipsi) paullo  
pressius excusā, *Silicernium istud, conuiuium esse  
vult funebre, vniis senibus modò exhiberi consue-  
tum, unde Meleagris scripserit Varro : Funus ex-  
sequiari iam è ad sepulchrum antiquo more Sili-*

cernium confecimus, id est, *περὶ δειπνῶν* (Curiacianam correctionem sequi me scito) quo pransi discedentes dicimus alij, *Vale*. Vbi *περὶ δειπνῶν* haud incitè *Circumpotationem* interpretabimur, prò conuiuiuo funebri, quòd ante funeris elationem in orbem biberetur. Cuius moris vocisq̃ue meminit & Cicero II. de Legibus, ex conceptissimâ illâ XII. Tabularum Formulâ: VTI SERVI-  
LIS VNCTURA OMNISQVE  
CIRCVM POTATIO TOLLATVR. Quæ quidem argumenta in vnum conglobata faciunt vt Inferias illas Nouendiales,

*Parentalia fercula illa ; lignis  
Infelicibus vri, & in fauillas  
Ac fumos, cineresq̃ abire sueta;  
Diuersa à Silicernio fuisse,*

verè utique ac iure persuadeam mihi: ambigam tamen haud iniuriâ, utrò demum locum illum Tertulliani, à doctissimo Lipsio fidei causâ in Corneliano Commentario prolatum, referendum atque accommodandum autumem potissimum:

*Vocas securos mortuos, si quando extra por-  
tans*

*tam cum obsoniis, & mattiis tibi potius parentans ad busta cedis, aut à bustis dilutior redis.*

Nam ad Silicernium, quî pote, si quidem aut Donati, aut GLOSSARIILLIUS VETERIS, à Ios. Scaligero dilaudati, sententiam, sententia est sequi? quibus funebre hoc quidē conuiuium fuisse conuenit, Manibus defuncti ab exequiis oblatum, sed quod cernere silensio tantum (vnde & etymon nomini) non etiam degustare fas esset parentantes; ab hac causâ, ne funestarentur: persuasi piacularē scilicet, pipuloq; ac publicæ execrationi obnoxium reddi, quisquis eorum quæ Diuis Manibus libabantur, furtim inuolare, seu tuburcinari quidpiam in animum induxisset suum. Vt ut est, Ouidiana quoque illa Feraliorum commemoratio ab hâc Silicernij descriptione aliena sanè videri non debet. Sic igitur ille

II. Fastor.

*Est honor & tumulis animas placare paternas,  
Paruaq; in exstructas munera ferre pyras.  
Parua petunt Manes, pietas pro diuite grata est  
Munere, non anidos Styx habet ima Deos.*



Tegula porrectis satis est velata coronis,  
 Et sparsa fruges, paruaq; mica salis.  
 Inq; mero mollita Ceres violaq; soluta :  
 Hæc habeat media testa relicta via.

Nec maiora veto, &c. Et mox:  
 Nunc anima tenues, & corpora functa se-  
 pulchris

Errant: nunc posito pascitur umbra cibo.

Vbi Pyras, Vstrinas illas in sepulchre-  
 tis interpretor, quas monumentis ipsis  
 Silicernio coquendo applicitas, Culma-  
 rum titulo venisse, à Ios. Scaligero  
 iam inde à Catullo eius publicato di-  
 dicimus. Quibus omnibus, tum sin-  
 gulis lux ab Honorati Commentariis  
 fænerandâ, Silicernij originationem à  
 Silice deriuantis, super quâ cæcis mor-  
 tualibus positis, vino defuso, rosisque  
 sparsim profusis Sacra illa quotannis  
 instaurari solita, prisco Quiritium ri-  
 tu, idem nobis solidissimè persuadet.  
 Testam proinde, siue Tegulam, in Ouidia-  
 nis versibus siempse planè cum Ser-  
 uianâ Silice esse, quis hinc non videt, nisi  
 qui ipse sit silex?



CAPVT XII.

*Aliud esse, Libare Cereri, Festumque annuum Ambarualiorum occasione instaurare; aliud, Nuptiarum eius memoriam, hoc est, Eleusiniarum orgiorum concelebrare Mystera: inq, vtriusq, Sacri ritu (praeunte Servio, facemq, Dea illius Tadisera ritè nobis quasi adlucente) & Macrobij, & Lambini hallucinationes detecta. Ab eodem discessio facta in duorum eiusdem Scenula locorum exegefi.*

**S**CENA, cui initium: Hæc Staphyla prodi, atque ostium aperi. miris modis sese torquet Lambinus in verborum istorum enodatione:

STA. Cereine Strobile istas facturæ nuptias?

STR. Quæ? STA. Quia temerè nihil allatum intelligo.

Nodumque inexplicabilem obiectum fatetur sibi, Censoriæ Catonianæ

nianæ disciplinæ obiectione in fraudem, imò in latam culpam inductus scilicet: qui capite c x x x i v. Rei Rusticæ, Extâ Cereri, vinumq; insuper addendum præceperit. Et vix illuc tãdem delabitur vt credat aliũ in hac re Graiorum, alium Romanorum fuisse ritum: neque illõrum opinionem reiectandam, quibus Cererem eandem planè cum Vestâ, seu potius Terrâ esse persuasum; autumat. Sed enim ille incautus, nec præter solitum Trico; incautus utique, qui in lectione veterum vsque eò indiligenter fuerit, vt ignorarit rei istiusce controuersiam iampridem ab Honoratæ prærogatiuæ viro, Seruio inquam, perpetuo potius, quàm arbitrario iure decisam:

*Vt contrà si quis sentiat, nil sentiat:*  
in loci illius Virgiliani propugnatione:

*Cuncta tibi Cererem pubes agrestis adoret*

*Cui tu lacte fauos & miri dilue Baccho.*

Quo loco prò Dilutis istis principis Poëtarum *Fanis*, caussa acerrimè dicta; exemplumque hoc ipsum de Plautinis *ἱεροφωγίας* depromptum minus nihilo facere ad aduersariorum obstrigillantium

gillantiū calumnias, disertissimè ostensum. Neque enim de Libatione aut Sa-  
crificio ritè in honorem Cereris peragendo, agere  
id loci Poëtam nostrum: verum potius  
de Nuptiis Cereri celebrandis, in quibus venerā  
vinum adhiberi, religio planè erat ac nefas, ut qua  
Orci Nuptiæ dicebantur, quas præsentia suā Pon-  
tificates ingenti sollemnitate celebrabant. Et hæc  
quidem Honoratus ille noster quem  
dixi, ob filiam (vti credibile) matri per  
vim ereptam, Orcoque raptori, siue  
Diti (id quod Poëtis placet) Acheron-  
ticis Nuptiis multò teterrimis copula-  
tam. Sed neque Pontificalium libro-  
rum cautione

Lepidissimum istum Liberi patris florem  
à Magnis illis ac sollennibus huius  
Deæ Sacris, quibus ritè faciundis XII.  
illos Fratres Aruales præfuisse com-  
perimus, exesse vnquam aut emanere  
iussu, idem more suo planissimè  
iuxta ac scientissimè ostendit. Qua-  
rum Feriarum amænissimas festiui-  
tates, vereque Ambarualementem licentiam  
cum nocturnis *ἱεροσπορίοις* istis, hoc  
est, cum reconditissimis Initiorum  
mysteriis, ac Ceremoniis confundas

caue: Ceremoniis dico, quæ ob amissionem Proserpinæ à Baptis ac Matronis summâ cum religione ac sanctimoniâ de noctu quotannis celebrabantur. Nihil enim alienius aut absurdus. Siquidem hæ sollennitates abstemiæ prorsus ac sine temeto, ex qua *ὑσσία καὶ φάλοις* Graiis Eleusiniorum Auctoribus indigitatæ; ad quod hoc loco respexit etiam Poëta noster: illæ alteræ cōtrâ festis rurantium plausibus, iubilis, cantibusque personare, liberâque ac inconditâ quâdam agrariorum Cereri vitulantium lasciuiâ, multâque potus intemperantiâ, ne proluvie dicam, diffuitare consuetæ. Qua de re plura qui volet, v. Præcidaneorum meorum Caput ad Tibullum consulito. Sed enim nos ad cœptam Staphylæ interrogationem conuertamur denuò, in quâ raram quoque decori observationem mirari, sanè haud leuiter subit, nusquam (licet Inuidiâ audiente ac gemente hoc dicam) temerè à Comico nostro aut incogitanter neglectam: nedum in personâ anili: quod quidem genus ille multibibum ferò

ferè ac merobibum inducere amat, ne non antiquum obtineat solens, aut ab ingenio vel latum vnguem vsquam discedat suo. suo dico? imò verò Cascarum potius, quæque eius ætatis sient, quam vetustate edétulo (vtri ipsæ edentulæ sunt) vino dico irrigare, quarumque adeò pantices nocturnâ ac diurnâ amyrtide perfusum ire largiter, ne dicam inundare oporteat assiduè: nihil quicquam peius odio habentium sibi, quàm Legem illam Romuli, quæ temere *carere iubet omnes mulieres*. Et scitum est vernaculum illud nostrum, quo vulgò dictitare consueamus, *Dude leerssen be-  
hoenen veel smcers*: hoc est: Ocreis situ ac vetustate randicis murcidisquæ, imò verò mucidis, multâ demum adhibitâ adipe, an aruinâ opus esse.

Siremps porrò inficetia in alterius quoque; eiusdem Scenæ loci Dionysiacâ expositione cõparet. nam vbi stomachosæ castigationis responso Strobilum retundit Staphyla:

*Quid impurate, quanquam Vulcano studeas,  
Cenæ ne causâ, aut inæ mercedis gratiâ,  
Nos nostras ades posuias comburere?*

huius-

huiusmodi (si Diis placet) interpreta-  
 mentum ad secundi illius erotematis  
 caput subdit Mōstroliensis hic noster.  
*Tuæ mercedis gratiâ, id est, ut incendium adium  
 nostrarum sit tibi pro mercede?*

Ridiculè. quasi verò difficile fuerit  
 diuinare, de manupretio, hoc est, de  
 nummi illius binos circiter aureos no-  
 strates pendentis mercede, quā vnā  
 cum discipulis suis, ad cœnam Nuptia-  
 lem apud Euclionem coquendam, an-  
 teà à Megadoro cōductus fuerat Con-  
 grio, loqui Euclionis Ancillam? quæ  
 tamen si non Srobilo, sed Cocis illis prò  
 locatâ operâ persoluēda esset denique;  
 tamen quoniam seruū illum Lycōnidis  
 huic coquinali prouinciæ, quo videli-  
 cet Cōgrioni reliquisq; discipulis eius,  
 quid in re præsenti agēdum, quidq; ob-  
 sonio faciundum fiet, præscribat atque  
 præmonstret, præfectū videt Staphyla,  
 eum pse velut in partem quoque eius  
 pretij venturum sciscitatur callida: an  
 tantilli lucelli gratiâ, quod prò coctâ  
 demum cœnâ pendendum foret, *ades se  
 heriles postulet comburere?* cuius rei pericu-  
 lum sanè haud mediocre futurum vi-  
 debatur,

debatur, si quidem Strobilus afferes, scandulasque omnes, hoc est, fissiles planearum laminas ac tabulata domus, lignorum inopiâ, ad Vulcani violentiam ire appositum porro perpetraret atque pertenderet, succidanea pro lignis subdenda scilicet. Merito proinde *Tua mercedis gratiâ*, inquit; quam quidem ille nullo porro iure auferre poterat sibi, nisi coctâ prius cænâ. Cæna autem madere, probèque percoqui haud poterat absque operâ Vulcaniâ, focique ritè splendentis luculentitate, cui dapticè ac genialitèr exstruendo haud paucillâ sanè lignorum strue, aliâque consimili materiâ opus fore homini præsertim Coco ad Nuptias, longæ ætatis usu compertissimum habebat Staphyla: neque aliter huiusce modi Sacra constare. Vt ut est, ex Incendio certè illo *ædium Enclionis*, quod à Lambino nobis conflatum, quidnam emolumenti, aut lucri Strobilo obuenire potuerit, haud sanè video. Quorum autem mercedem manifestè significari præter aliâ plus satis argumento esse poterant verba illa, *Quantum*



quam Vulcano studes, hoc enim cōuitium, incredibile est memoratu, quantopere in coquini illius contubernij sordem fæcemque conueniat. cui quum *Impuritia* opprobramētum præmiserit Anus multo scelestissima, à *MAGIRO* Strobilum (sicuti in Fescenninis est) *CONCISVM*, stuprisque intercutibus flagitatum rectè videtur innuere: imò tantas eius impuritas esse, vt ne ignis quidem ille, cuius penetrabili virtute solidissimorum quoque corporum metalla defæcatiora, ac puriora concinnari, sordesque omnes intestinas excoqui, ac recrementa penissimè absumi videmus, iisce ipsis, vllò porrò tempore expiandis, purgandisque sufficiat, tamen si cum (ignem dico) colat ac tractet solens, domiq; inter coquos *Tardipedi* Deo operetur assidue, dum in culinâ, hoc est, in *Præfecturâ* suâ focariæ prouinciæ impositus versatur. Desinat hîc proinde fluctuare *Lambinus*; & *Quāquam* illud, ævri & *Quoniam* nescio quâ auctoritate fretus,

*Obitusum nobis ire supersedeat.*



PLAUT. EXPL. LIB. I. III  
AD AULULARIAM.  
CAPVT XIII.

Quantum potest. Sandaligeruli.  
Caltularij. Cerinarij. Cedere,  
*prò Incedere. Locorum aliquot in-  
ter se conlationes facta.* Fundis ex-  
ornatæ. *Attributa Milii pecunia.*

EADEM Fabulâ aliquantò post, vbi  
Anthrax cocus, non quidem So-  
ciennis, verùm discipulis suis Edictio-  
nem satis prò imperio habens, & viri-  
tim sua cuique didens ac distribuens  
munia inducitur :

*Dromo desquama pisces, tu Machærio*

*Congrum, murenæ ex dor sua, quantū potes.*  
haud placet alterius Senarioli clausu-  
la, putoque non hîc modò, sed enim  
vbicunque apud Plautum, *Quantum po-  
tes*, legitur, in *Quantum pote-si*, commu-  
tandum: id est, quamprimum, & qui-  
dem celerissimè, fieri potest. Loquu-  
tio Plauto, tùm priscis illis nimis op-  
pidò quàm familiaris.

*Ancillæ, mulos, muliones, pedissequas,  
Saluigerulos pueros, &c.*

Scenâ :  
Narratis  
amicis

Vltrò

Utrò à me *Salutigerulos* istos. & quanto meliori vsui matronis nostri *Sandaligeruli* futuri? quibus *Salutigerulos* istos commutari quid vetat? *Plautinæ* potius quàm *Apuleianæ* auctoritatis fiducia suffultis; quam quidem ego pluris æstimo, quàm quindecim coniectorum sententias. Eius enim in *Trinummo* manifestò hæc sunt verba:

*Vestispica, vnctor, auri custos, flabellifera, Sandaligerule.*

quod genus hominum etiamnum hodie nostris matronis in vsu esse consuevit, vernaculo sermone dictum, *Trippedzaghers* ad eundem nempe modum composito, quo *Sandaligeruli* isti *Plautini*: quos facile locum & ius suum ad *Salutigerulos* illos obtenturos spero. & certè, vt quod res est fabuler, non video quidnam ad vulgatæ scripturæ lectionem propius accedere possit.

In eâdem Scenâ cum *Violariis Carinarios* à *Megadoro* introduci videmus; qui quidem postremi mihi atque oculis meis æquè ignorabiles obiciuntur, ac *Charmidi Plautino Sycophanta* ille *Trinummius*: nec mihi solum sed verò & aliis:

& aliis: quibus quàm minus benè cum Carinariis istis conueniret, placuit reponi *Calulariis*, à *Caltulæ* nimirū colore. Quod quò procliuius adducar vt credam, facit capse illa Plautina auctoritas, ita in Epidico suā apertè scriptantis:

*Indusiatam, patagiatam, calculam aut crocotulam.*

Quem locum si quis cum hoc ipso paullo diligentius conferre, pressiusq; considerare voluerit, næ ædepòl ille præter fructū cum operæpretio quod faciet, voluptatem haud mediocrem sanè meo iudicio est reportaturus. Et enim hîc *Patagiorum*, *Indusiariorum*, tūm *Crocotariorum* manifestè expressa mentio. Quò item applicare possis Næuiannum illud ex Nonio :

*Pallis, patagiis, crocotis, malatiis, morinalibus.*

Quo loco prò *Malatiis*, *Malaciis* emendandum videtur, subscribente coniecturæ huic nostræ altero Poëtæ testimonio è *Bacchidibus*, vbi ab eodem fonticulo *Malacum pallium* derivatum reperias, à *Colore Maluæ* scilicet, quam & *μελάχλω*, & veteribus *μελόχνη* vocitam

tam docuit nos ex Athenæo flos ille  
Germaniæ suæ, imò vniuersæ adeò  
Europæ ornamētum Camerarius no-  
ster. Alij, atq; in his Turnebus, Diony-  
siusq;, ductore ac doctore Baptistâ Pio,  
non *Calcularios*, sed *Cerinarios* prò *Carinariis*  
Plauto condonauêre: à *Cerino* nempe,  
quod vestimenti muliebris est genus,  
itâ à colore *cereo* appellatum antiquitus.  
Auctor Nonius, cui Quidianum illud  
ex Arte etiam accedit insuper:

*Et sua velleribus nomina cera dedit.*

Quam lectionem temerè labefactare  
non ausim, tot ac talium præsertim vi-  
rorum præiudicatâ quasi opinione  
fundatam, constabilitamque.

Cæterùm hic quoque nobis obiter  
admonendus Lector, malè lectitari  
vulgò in postremis Ioachimi nostri  
editionibus:

*Ibi ad postremum redit miles, et petit.*  
repugnante nimirum numerorum ra-  
tione, & (quod grauius argumentum  
videtur) exëplaribus ante annos octua-  
ginta excusis, in quibus planè & probè  
etiamnum impressum legimus:

*Ibi ad postremum cedit Miles, &c.*

**Quod**

Quod cuiusmodi sit, declarat nobis ipse Megadorus protinus eodem ferè in loco, quum ait:

*Incedunt infectores-crocotarij:*

Idem enim esse istic, *Incedunt*, quod illic *Cedit*, neminem porro inficias iturum arbitror, qui vel micam saltem antiquarij salis possideat, & qui sciat *Simplicia* passim pro *Compositis* frequentare, & item contra, solenne habuisse Latinos scilicet. Cor probat hoc EnnI, scribentis manifesto:

*Cedunt ter quatuor de calo corpora sancta.*

Sed enim mirari possit aliquis (de me ipse coniecturam facio) quidnam cum Dotatis Matronis negotij intercedat homini Militari, nisi omnem rem hancce planam iam antea omnibus suo iudicio fecisset Marcus ille Terentius in dictione *Tributum*, lib. I V. de Ling. Lat. Qui si cui non sat idoneus ad plenam huiusdem loci declarationem explanator videbitur, cum verò ad Epidicum se conferre melius fuerit. Sed verò de nam potius ac de minuat illi hunc laborem, si fortè tantilli oneris inuestigatio molesta ni-

mis ipsi, ac negotiosa videri possit. locumque integellum, proinde uti in optimâ illâ Camerarij Editione profusus extat, Lectori de plano, ob oculos proponam :

Scenâ :

St, taceto.

*Quasi non fundis exornata multa incedant  
per vias;*

*At tributus quum imperatus est, potesse pen-  
di negant.* [poteſt.

*Illis, quibus tributus maior penditur, pendit  
Vbi notandum Fundis exornata pro  
Fundorum pretio à Poëtâ positum vi-  
deri, ex ſententiâ Propertij maximè :*

*Matrona incedit census induta nepotum,*

*Et spolia opprobrij nostra per ora trahit.  
tum Ovidij ſcribentis in Arte :*

*Quis furor est, census corpore ferre ſuos?*

*Ad ſuperiora porrò Varronis verba  
pertinet & locus iſtè Liuianus lib. 1.  
Decad. 1. in vitâ Seruij Tullij :*

*Ad equos emendos dena millia æris ex publico  
data: & quibus (ſ. qui) equos alerent, vidua  
attributa, quæ bina millia æris in annos ſingu-  
los penderent. Hac omnia in dites à pauperi-  
bus inclinata onera.*

*Video hîc mihi ſtatim obiectum iri,  
actum me agere, tritumque & calca-  
tum*

tum antea Lambini vestigio callem  
 insistere. Haud infiteor, mi Lector, ha-  
 denus quidem, quod ad illam nun-  
 quam satis laudatam Varronis aucto-  
 ritatem attinet, qui utrique nostrum  
 semitam primus ad Plautinae senten-  
 tiaë inuestigationem aperuit solens, cæ-  
 terum gradu ac successu dispari. Quid  
 enim? Lambinus hanc Pecuniæ attri-  
 butionem ad Maritum dotatae istius  
 Iunonis pertinere hariolatur, quem  
 propterea *Tribunum* (si Diis placet) *Æra-*  
*rium* concinnat nobis: subiicitque por-  
 rò; non petiturum ab eo alioqui pecu-  
 niam Militem. Ridiculè, ac præter  
 mentem Poëtæ nostri, cuius explica-  
 tionem pluribus persequi in præsen-  
 tia supersedebo, tergeminiis illis Au-  
 ctoritatibus contentus, quas repræsen-  
 tauï iam modò.

Sequitur in eadem Aululariâ Eu-  
 clionis cum Megadoro congressus, cui  
 quidnam ageret sciscitanti hunc in  
 modum respondet Euclio:

*Nimium lubenter edi sermonem tuum.*

Ita enim princeps hunc versum ex  
 Codicibus M s c<sup>tis</sup> nauè ac fideliter  
 H 3 restituit



restituit Ioachimus nobis, quum antea  
in omnibus exemplaribus legeretur :

*Nimium lubenter audiui sermonem tuum.*  
eontra legem carminis tum venustatem  
dictionis Plautinae. Cæterum  
illud : *Edere sermonem* ; nemo insolens  
aut nouè dictum existimare debet: de  
iis loquor quibus noua non est, aut  
Comici nostri, aut etiam Marcelli lectio,  
disertè docentis non solum cibos gutture,  
sed vocem auribus etiam deuorari. Quorum  
duorum pariter ac singulorum cōsensui transmarinum  
quoque istud ab Aristophane Comico  
Græcâ Fide testimonium superadstruas  
licebit è Batrachis :

*μάλα γε ἐποπτεύειν δεκῶ  
ὅταν χαρῶσμαι λάθρα τῆς διαπότῃ.*  
Id est, vt cum Peëtâ nostro interpreter:  
Istuc cibus mihi est, siue, id habeo  
prò cibo, hero absenti conuicium  
facere solens, quasi nostro sermone  
quis diceret : *Ick en kooser gheen eeten  
beur.*

Sequitur in Plauto :

ME. *An audisti?* EV. *Vsq̃ue à principio  
omnia.*

MI.



ME. Tamen, è meo quidem animo, aliquanto facias rectius,

*Si nitidior sis in filiae nuptiis.*

Tamen, puto fini præcedentis Senarij appendendum cum Lambino, ac sequentis principium à proximis verbis inchoandum; retentâ, quam Interpres quem laudo sustulisse videtur, Præpositione E. hoc modo:

*E meo quidem animo aliquantò facias rectius.*

vt, Mèo, monosyllabum reddatur virtute contractionis. Sequentem deinde versum ità lego:

*St nitidior sis filiai in nuptiis.*

numerorum causâ vt cõstent scilicet.

Scenâ antepenultimâ ità legitur:

EV. *Quid si fallis?* LY. *Tum me faciat quod volt magnus Iuppiter.*

Id quod patrio sermone interpreta-  
remur: *So moct Godt sijn wille met my doen.* Cæterùm Me, prò Mî, hoc loco positum coniiciebat Fruterius ex Festo. Ego contrâ auferendi casu accipiendum autumo, vt: *Quid me fiet?* apud Terentium, & apud eundem Heautontim.

CL I. *Quia enim incertum est etiam quid se faciat. modo venit.*

quod planius ab ipso item Cicerone expressum operæpretium fuerit hîc appingere, ex libro Epist. Famil. xiv. Epist. i. hoc exemplo :

*Quod ad me, mea Terentia, scribis, te vicum vendituram; quid obsecro, te (me miserum) quid futurum est? & si nos premet eadem fortuna, quid puero misero fiet?*

Cui consentaneum quoque Terentianum illud ex Phormione: *Quid illâ filiâ Amici nostri, quid futurum est?*

Nec non Cæcilianum illud ex Plotio apud Nonium Grammaticum :

*Quid hoc futurum obsonio? Adde ab hoc nostro denique ex Mostellar.*

*Quid eo est argento factum?*

A D

PLAUT. EXPL. LIB. I. 121  
A D C A P T I V O S.

C A P V T X I V.

*Alieno vti nihil moror. In eius loci  
declaratione fides Lambino abrogata  
planissime.*

**A**D Plauti Captiuos veniamus, qui  
me quotiescunq; (vt fit) manum  
ipsis iniectare libet, sibi prorsus confi-  
mitem, hoc est, captiuum reddunt;  
eâdem opinor ratione quâ olim

*Gracia capta ferum victorem cepit.*  
vt non minus festiuè, quàm verè ce-  
cinit Lyricorum princeps Horatius: &  
sic, vt iis vltro vinciendum me præ-  
beam, faueamque ipse seruituti meæ:  
neque adeò, si liceat, aufugere velim.

*Ita isthac nimis lenta (vt hic meo more  
etiam solens Plautissem) vincla sunt li-  
teraria.*

*Quo magis intendas, tanto astringunt arctius.*  
ratione multo meliore vtique, quàm  
Escaria illa & Parasitica, quibus sibi apud  
mensam plenam rostrum deligari exoptat Pe-  
niculus Plautinus. Ad eos, inquam,

H 5                      Captiuos

Captiuos veniamus. non quidem ut  
mali cumulum aliquē miseriis eorum  
adiectemus insuper, verū eas, quan-  
tum potest, potius comitate uti nostrā  
minuamus porrò atq; leuemus. quod  
futurum arbitror, si modò ipsis cate-  
nas illas maiores, haud singulares,  
quibus eos non dico Hegio, verū  
hercle tot seculorum vertentium in-  
iuria, tum inueterata barbaries hacte-  
nus circumuinctos, obseptosque atti-  
nuit, liberalissimā causā demamus.  
At quorsum istæ? quasi verò non  
idem istuc ante nos & quidem sum-  
mā cum laude, tum bono publico Ca-  
merarius confecisset? Non infiteor;  
præstitit sanè vir ille, quantum mēmo-  
riā nostrā, natus nemo qui fiet; sed  
enim vnus omnia non potuit, in eo  
præsertim scriptore, quem librario-  
rum seu inscitia, siue sinistra adeò li-  
beralitas nobis cōtaminatissimum tra-  
diderat. Vnde factum credo, quod tot  
tantæque maculæ ipsi, ne toto quidem  
Oceano eluendæ, diutinæ feruitutis  
vestigia altissimè etiam nunc impressæ  
resideant. quod quidem & nos aliquā  
ex parte

ex parte suprà ostendisse, ac deinceps  
clarius etiam ostensuros est confiden-  
tia. Verum hæc posterius. nunc ad in-  
cœptum redeo: ad Captiuorum exor-  
dium dico, ex personâ Prologi conce-  
ptum maximè, qui in argumento Co-  
mœdiæ (vt solet) narrando sermonem  
abruppens institutum, post acrem ali-  
quamdiu expostulationem cum ne-  
scio quo spectâtium habitam, tandem  
illo misso factò, ad Quirites, eos putà  
quibus quinto quoq; anno in lustrum,  
ac censum Ciuum Romanorum no-  
mina sua referre ius erat, orationem  
Comicâ ex arte conuortens ait :

*Vos qui potestis ope vestrà (id est, opibus  
vestris) censerier,*

*Accipite reliquom: alieno vti nihil moror.*

*Reliquum*, scilicet argumenti modò  
interrupti. putoque referendum ad id  
quod alibi item Prologum fabulan-  
tem inducit his verbis :

*Quod reliquom restat, nunc volo persolvere;*

*Vt expungatur nomen, ne quid debeam.*

Idem enim hîc apertissimè significat;  
nihil morari se alieno in ære esse debi-  
torem, cui præsertim in mundo fiet,  
vnde

vnde nomen creditoribus dissolvere  
vel numerato possit. Vnde liquidò pa-  
ret, quot quantasque hic locus frustra-  
tiones dederit Lambino, qui postre-  
mum hocce ad odiosum illum Hi-  
strionæ turbatorem pertinere est ar-  
bitratus, cuius operâ & studio, quip-  
pe abs se alieni maximè, porrò sese  
viti nolle iam inde à principio Impera-  
tor Histricus publi præsentī, omni po-  
gulo palàm ac publicitus contestetur.

A D

PLAUT. EXPL. LIB. I. 125  
A D C A P T I V O S.  
C A P V T X V.

Dii nos quasi pilas homines habent.  
*Ad verum planumq; eiusce dicti in-*  
*tellectum Pompeianâ comitate per-*  
*uentum denique: seorsumq; in Pila-*  
*rum istarum explicatione à Clariss.*  
*viri sententiâ pronuntiatio facta.*  
*Larium seu Penatium signis quamob-*  
*rem Pilæ assignata antiquitus. Duûm*  
*adhuc locorum restitutio Plauto con-*  
*donata. Oculis miseriam cudere.*

**E** G O N' vt non digressiunculæ om-  
nium elegatissimæ in eodem Pro-  
logo illo, vsq; adhuc velut per nebulâ  
Interpretibus perceptæ modò, quan-  
tum potest dem lucem, & quasi nu-  
cleum è nuce eruam? Non ædepol  
Attalicis conditionibus cõduci vel di-  
duci possim ab hac sententiâ. Ea verò  
sic habet:

*Enimverò Dî nos quasi pilas homines habent.*  
*Sententiâ multo argutissimâ, sed*  
*notionis*

notionis reconditæ, & cuius explicationem non aliunde quàm ab illa vetusti moris observatione, quam habes in Festo, totam dependere iudico :

*Pila, & effigies viriles & muliebres ex lana compitalibus suspendebantur in compiris, quod hunc diem festum esse Deorum inferorum, quos vocant Lares, putarent; quibus tot pile quot capita scruporum, tot effigies quot essent liberi, ponebantur, ut vivis parcerent, & essent his pilis & simulachris contenti.*

Quò itidem referendus alter eiusdem Festi, an Pauli locus, cui L. litera præmissa :

*Lanae effigies (Manias vocat Macrobius) Compitalibus noctu dabantur in Compita: quòd Lares quorum is erat dies festus, animæ putabantur esse hominum, reductæ in numerum Deorum.*

Vbi Dabantur, dedicabantur interpretor. Sic & Tibull. ex emendatione Fruterianâ:

*Pomosisq; ruber custos donatur in hortis, &c.*  
cuius vicem hodie ubique, Ponatur, exaratum prostat.

Proinde hallucinatus mihi (absit invidia dicto) in prioris Pompeiani loci expositione



expositione videtur vir sagacissimus, Pilaſ hasce compitalitias, Lanæasq; quas pro-  
posui, effigies, cum Sramentutio Varronis Aiace,  
& faneis, ſirpeisve hominibus, imò verò homi-  
num ſimulachris, quibus mediam in are-  
nam proiectis tauros ad prælium ac-  
cendere atque irritare Romani moris  
erat, præpoſterè confundens. Nam  
quid ſimile habet obſecro Pila iſtæ pro-  
ſeruorum ſalute in compitis ſuſpendi  
ſolitæ, atque ad Deos Inferos propi-  
tandos comparatæ modò, cum ſimu-  
lachris illis, quibus in arenâ taurorum  
ira electari, ſive prouocari conſueta ad  
certamen fæneum? Atque hoc illud  
eſſe arbitror, quod etiamnum in ſu-  
perſtitibus Romanæ antiquitatis mo-  
nimentis, Læres Penatesque cum Piliſ  
depicti ſpectantur: quas in manibus  
geſtantes verſent quo pacto lubet. cò-  
que haud dubiè à callentiſſimo Poëtâ  
alluſum:

Scenâ I I I. Lorarius Hegionis Ca-  
ptiuos lachrymantes, miſerantesque  
ſeruitutē ac fortunas ſuas, cōſolans ait:

*Einſolationē haud opus eſt multâ, oculis mul-  
tam miſeriam addiſis.*

*Multâ*

Multa hoc loco putat Lambinus induci debere, ut fiat Trochaïcus Catalecticus hoc modo :

*Eiulatione hand opus est, oculis multam, &c.*

Monet idem tamen in nonnullis v v. c c. se reperisse perscriptum :

— *Oculis multa misera cuditis.*

Vnde ipse suspicor emendandum :  
*Oculis multam miseriam cuditis : vel certè Accuditis.* interpretatione sumptâ à loco illo Mostellariæ :

Scenâ :  
*Ille, Buce-*  
*de.*

*Oculi dolent ? (scilicet, tibi) S E. Cur ?*

*PH. Quia sumus molestus.*

*S E. Tace sis faber, qui cudere soles nummos plumbeos.*

Scenâ porro sequente itâ eisdem de nimis artâ custodiâ conquerentes castigat Hegio.

*An verò non iusta causa est, ut vos seruem sedulo, [pecuniâ ?*

*Quos tam grandi sum mercatus presenti Quam campse Phrasim Plautum nostrum etiam usurpasse comperior in Pænulo :*

Scenâ :  
*Itâ me*  
*Di amēt.*

*At verò nō iusta causa est, quò currat celeriter, Vbi bibas etas de alieno quantum velis usque affatim ?*

*Quem*

Quem quidem locum ex hocce por-  
rò emaculandum ariolor, & prò *At, An*  
in principio prioris Trochaici repo-  
nendum.

## A D C A P T I V O S.

## CAPVT XVI.

*Captiuorum locus emendatus: binj alte-  
ri explicati prater mentem ac sen-  
tentiam Lambini.*

**L**OCVM Captiuorum, cuius me-  
hercule in illustri positam senten-  
tiam præpostera nominis ac personæ  
collocatio vsque adhuc perplexabilem  
concinuisse videtur, Plautinâ (vñ spe-  
ro) incûde refingam hoc capite. quod  
vt clarius diluceat, haud abs re æde-  
pol facturus videor, si Hegionis cum  
Pseudotyndaro colloquutionem pau-  
lò altius repetiero. Rogitat autem su-  
per Philocrate Senex:

**HEG.** Quid ipsus hic? quo honore est illic?

**PHI.** Summo, atque à summis viris.

**HEG.** Tum igitur ei cum in aliis tanta gra-  
tia est, vt prædicas,

I

Quid

Quid dinitia? sunt'ne opima? PH I. Vnde  
excoquat sebum senex.

HEG. Quid pater? viniit'ne?

Quam postremam Philocratis, qui  
Tyndarum se esse nimis pol graphice  
assimulabat; responsionem ità nobis  
explicat Lambinus:

Ità sunt (inquit) opimæ Philocrati dinitia, ut  
senex eius pater, ex eis coctis multum sebum  
elicere atque exprimere queat. De Sebo  
rectè, de Patre Philocratis non item.  
Quid enim? de Philocratis ipsius cen-  
su, non autè de paternâ opulentiâ, aut  
diuitiis quæsierat Senex. Cuius inter-  
rogationi ut Pseudotyndari respon-  
sum conueniat propius, dubium mihi  
non est, quin verbum *Senex* à *Sebo* dis-  
iungi & personæ Hegionis porrò cum  
sequente versu aptari debeat, huius-  
modi coagmento:

PH I. Vnde excoquat sebum. HEG. Senex  
Quid pater? viniit'ne? &c.

Quod verò dixerat Philocrates, Sum-  
mo, atque à summis viris, haud aliunde pla-  
nius, quàm de Næuio interpretabi-  
mur; apud quem;

*Latus sum laudari me (inquit Hector)  
abs te, pater, laudato viro.*

Habes sub eiusdem Scenæ finem  
sententiam verè senilem :

HEG. *Quod bonis beneficit beneficium, gratia  
ea granida est bonis.*

hoc est, uti idem Interpres exponit :  
Quod in bonos confertur, id beneficium granidum  
est bonis, id est, refertum bonis, & bona parit  
ei scilicet, qui beneficium illud contulit. Cæte-  
rum (ut verum fatear) hæc mihi expli-  
catio non placet, sed illa potius cui  
consentit loci illius simplicitas è Persa:

*Si quid bonis boni fit, esse idem & grane &  
gratum solet.*

interpretatione ab ipso porrò auctore  
quæsitâ.

Laniones Lenonum æmulos : *ceterum alteros perperam prò alteris supposititios factos in hac Comediâ ostensum : postremò, malam rem quærere virosque sibi.*

CVM Ergasilo Plautino mihi hoc capite negotium erit. Ait igitur in Captiuis ille initio Actûs 111. de immutatis iuuentutis moribus Parasiticè secum & cum Genio suo conquirens, quos de compacto rem gerentes sic quasi in velâbro olearios, concilium iniisse videri cupit; quo ridiculos inopesque, quibus sunt verba sine penâ & pecuniâ; id est Parasitos omnes (in quîs & ipse nomen profitetur suum) victuque & vitâ prohibeant, non iam, proinde vt prius consueti, imi subselli j viros (quos ipse à plagarum patientiâ *Laconas plagipatidas* facetissimè indigitat) requirantes amplius, verum eos potius, qui posteaquam benè dapiliter-  
que

que ab ipsis, & suauibus modis accepti fuerint antea, norint redhostire contra, hoc est, reuocare, seu mutitare vicissim, & cum vocatoribus suis mutuum facere. In quibus illud grauissimum hercule, atque iniquissimum, quod falcem suam in alienam messem immittentes, ipsimet obsonatum eant ad forum, & quidem capite aperto, sic quasi pudore prostituto semel, absque more & modestia omni. Sed verba ipsa repræsentem optimum est:

*Ipsi obsonant, quæ Parasitorum antea erat provincia.*

*Ipsi de foro tam aperto capite ad Lenones eunt,  
In tribu quam apertò capite fontes condemnant reos.*

Sed enim quidnam cum Lenonibus homini (obsecro) Parasito? an, quò alienæ libidinis internuntius & quasi sequester apud Lenas aut Lenones existat scilicet? vt Diabolo, in Asinariâ, Phædromo Curculione, alias alij. quod munus ipsosmet iam amatores adolescentulos, famam ac verecundiam post auaritiam suam habentes, fungi atque exsequi lamentatur Ergasilus.

filus. quo ? nisi vt conciliatoris faciant compendium ? Scita quidem hæc explicatio, nisi illa, meo iudicio, scitior, quam nos calidâ hercle coniecturâ aucupati fuimus modò, *Lenones* in *Laniones* commutando. genus utique maiori vsui Parasitico ordini futurum, quàm quæstus ille *Lenonius*. De *Laniis* certè (vnde *Sosipater Laniones* diminutivum deducit) idem quoque *Ergasilus* infrà:

*Tum lanij autem, qui concinnant liberis orbis oues,*

*Qui locant cadundos agnos, & duplicem agninam danunt. ite ferè sub finem:*

*Quanta laniis lassitudo, quanta porciniis ! denique in Pseudolo :*

*Laniones inde accersam duos cū tintinnabulis. tametsi insciens non sim, Laniones istos eâdem in Fabulâ Lenonum æmulos & quidem à Ballione, sua ipsius vineta cædente, manifestò perhiberi verbis illis:*

Scenâ : *LE. Æschrodora tu, quæ amicos tibi habes lenonum æmulos*

*Exite, agite, ite.*

*Lanios, qui item ut nos iureiurando malo querunt rem. quo tamen loco, Malam querunt rem, rescribi mauelim.*

AD



C A P V T X I I X.

*Antiquum dicendi genus, cum ex conie-  
cturâ, tum alterius loci collatione Ca-  
ptiuis repositum : non sine locuplete  
Enniani testimonij accessione, à Fru-  
terio nostro, quâ ad numeros, quâ  
ad sententiâ reconcinnati primitus.  
Subrostrani. Indidem Horatij locus  
nunc primum explicatus.*

**D**E maculis, quas aut obscura scio-  
lorum diligentia, aut inueterata  
seculorû barbaries Plauto nostro non  
adsperfit modò, verùm hercule inleuit  
inseuitq; penissimè, conquesti fuimus  
iam antea. quarû aliquot ex hâc ipsâ,  
tum prioribus Fabulis nos sustulisse  
speramus, ingenij magis quàm exem-  
plarium copiis subnixa : nunc reliquas  
vestigis persequemur. & ne longius  
eam; vnum etiam labis insignitæ ex  
eodem hoc ipso actu, quod quidem  
mihi instar multorum esse poterit, ex-  
emplum proferam:

*Nunc spes, opes, auxiliaq; à me segregant  
spernuntq; me.*

Nam quæ obsecro loquutionis ratio est illa? *Segregant à me*: nisi fortè subaudiendum pronomen *se*; aut *Segregant*; prò *Segregantur*, accipiendum. Quod si vspiam alibi à Plauto, vel quouis alio Latino scriptore factitatum, me aliquis vero convincere possit, causam haud dico, quin & hîc locum vulgaris obtineat lectio: sin; æquis animis patientur spero studiosi omnes, si ipse illorum, atque etiam Poëtæ ipsius honoris gratiâ, coniecturam super hac re meam meo more, hoc est, familiariter iisdem proposuero: haud levi certè auctore nixus, ipso nempe Marcello, qui *Spernere*, idem esse quod *Segregare*, adducto quoque Ennianorum versuum testimonio disertè cõfirmat. cuius ego argumenti virtutè fretus magnâ cum fiduciâ in Plauto reponendum pronuncio:

*Nunc spes, opesque, auxiliaq; à me segregant  
spernuntq; se.*

mecum præsertim faciente Ennij loco quem ad huius rei probationē Nonnius

nus, vt dixi, ibidem adducit. qui quoniam in libris nostris deprauatissimus legitur, mirificèque adeò ad huius, de qua agimus, causssæ veritatem explorandâ conducit, ab hocce capite haudquaquam mihi spernendus aut segregandus videtur. Itaque totum, proinde vt ipsum rescribendum censuit iuuenis examussim doctissimus, mihiq; dum viueret, merito suo carissimus Lucas Fruterius, adscribam: non tam vt iucundis amici, imò præceptoris vnici Mânibus gratum faciam, quàm vt iis oculi doléant, qui nobis benè esse aliorum cômitate pati non possunt, dum eius, quem dixi, VERISIMILIA, totq; noctes ac dies congestas vigilias, quasi signata Sacra, vt Sacros homines decet, sub claustris furtim abstrulas, improbissimèq; in latebris sitas habent; imò Euclionis in modum magnâ cum curâ seruant, ne quis alicunde Strobilus obreptet, qui se thesauro interuortat. aliâ (opinor) re nullâ, nisi vt ipsimet eumpse tandem vsufaciant suum, quibus alienos labores supponere sibi consuetudine iam-

pridem in naturam vertit. Sed his omissis melius est in rem præsentem venire aliquando, & verba ipsa, ita uti in Nonio prostant, subscribere.

*Melius est virtute ius: nam sepe virtute mali nanciscuntur ius, atque æquum se à malis sperni procul. Quæ cuiusmodi sint, hæcce Fruteriana emendatio satis superque indicabit:*

*Melius est virtute ius: nam sepe virtutē mali Nanciscuntur; ius atque æquum se à malis spernit procul.*

ut Trochaici catalectici existant scilicet. Hæc mihi in gratiam eius, quem quidem ego, dum licuit, unum atque (ut Catullus autumat) unicum amicum habui, studiosos celare religio fuit, huc me credo rapiente vehementissimo amoris æstu. Itaque penè præterieram immemor, idem ab ipso Plauto in Milite observatum esse, quod in Captivis annotaram modò:

*Ille illas spernit segregatq; ab se omnes extra te unam.*

Vides enim, ut ipse suo se indicio prodat Poëta noster, quum Segregat, subsequi facit, velut interpretamentum

tum verbi præcedentis, ne quis vulgari significato aut hîc, aut etiam in Captivis, *Spernit* istud falso accipiendum existimet.

Scenâ: HEG. *Quantò in pectore.*

Rectè mehercule notatum à Lambino, *Subbasilicanos* Plauto, eapte formâ compositos, quâ *Subrostranos* M. Cælio apud Ciceronem. Sic enim ille lib. IIX. Epist. I.

*Te ad IX. Kal. Iun. subrostrani (quod illorum capiti sit) dissiparant periisse.*

Festivè. Ibi enim (*sub Rostris* dico) vel spatium, vel desidiabula sua habere consuevit homines Murcia, an Vacunæ Sacris operati; rumorum alienorum aucupes, siue architectones potius; quos proletario conuicio *Calepinos* hodiè indigitamus. Neque aliunde Satyricæ Flacci narrationi interpretamentum quærundum; ità Sat. VI. secundi Serm. libri, scriptitantis:

*Frigidus à Rostris manat per compita rumor.*

De quo tamen Lambino, cæterisque Poëtæ illius Interpretibus, ne per somnium quidem incogitationem venisse demiror.

## A D C A P T I V O S.

## CAPVT XIX.

*In Captiuis curandis, expediundis processum. Acuta ἀμβρολία in verbo Perdo, haud pertractatè expensa. Senex doctus. Doctus Leno.*

**I**NTER cætera indicia, quibus Aristophontem in suspitione infantiæ apud Hegionem ponere satagit in Captiuis Tyndarus, subiungit tandem :  
*Ornamenta absunt. Aiacem, hunc cùm vides, ipsum vides.*

At in Camerarij Editione est *Absint.* vnde coniicio rescribendum, *Adsint*, sensu manifestario.

Scenâ proximâ num quæ causâ est obsecro, quo minus, *Interduo prò Interdico* legatur exemplo illo nobili?

*Vel te interîsse, vel perîsse prædicent,*

*Dum pereas, nihil interdico, dicant viuere.*

Sic enim idem Rudente :

*Eltas tu, an exungare, ciccum non interdumi.*

Adde numerorum rationem à nobis facientem : cuius præ cæteris vtique obseruantissimus Comicus hic noster.

Ibidem

Ibidem Aristophontes indicij facti  
pœnitens inducitur, atque obsecrans  
Hegionem, ne Tyndarum veterem  
sodalem suum perditum eat, huius-  
modi deprecatione:

ARIST. Per Deos atque homines ego te  
obtestor Hegio,

Ne tu istunc hominem perdis.

Sententiâ apertâ. at Hegio alioquo-  
rum postremum illud dictum accipiens,  
obtestationem Aristophontis eludere  
pergit eiusmodi responso:

—HEG. Curabitur.

*Nam noctu nervo vinctus custodibitur, &c.* Huc non

Ex ambiguitate, quæ verbo Perdis  
subest, iocum aucupatus, quod qui  
dem silicernius iste venalitiarius vete-  
ratoriè dissimulans haud aliter intelle-  
xisse videri cupit, quàm si deprecator  
ille obtestatus esset sese, ne Tyndarum  
porrò captivum dilabi patiatur, sic  
enim futurum maximè, eundem ut  
perdit, hoc est, prædam amittat è  
manibus. proinde paratè se cautionem  
adhibiturum, ne fugitivos imitari pos-  
sit subdolus; Hippolyti fabri operâ cõ-  
pedibus, manicis, nervo ac custodiis  
circum-

absurde  
referr  
possit &  
illud ex  
Epidico  
ST. Ego  
te serva-  
bo. E P.  
Ædepol  
me illi  
melius  
si nacti  
fuant.

circummoenitus probè penitissimèque  
in phylacam ac lapidicinas conditus.  
Eandem ἀμφιβολίαν cygnææ illi Dido-  
nis apud Æneam fugientem conque-  
stioni Ovidium accommodasse intel-  
ligo hisce versibus :

*Vine tamen: sic te potius, quàm funere perdā.*

*Tu potius lethi caussa ferare mei.*

Scenâ secundum hanc tertiâ, Senex  
os sibi à Tyndaro sublitum ludosque  
factos dolens, tantò ægritudinem in  
animo auctiorem esse prædicat sibi,  
quantò magis in pectore volutare se-  
cum pergit tacitus; qui sermones, quæ  
fannæ, qui risus denique hominum  
alieno malo lubentium futuri sient, si-  
mulatque vulgò resciverint herum à  
feruo, senem ab adolescentulo doctis  
dolis atque fallaciis in transennam du-  
ctum. dicturos siquidem omnes, He-  
gionem sic quasi iudice digito com-  
monstrantes :

*Hic ille est senex ductus, quorū verba data sunt.*

Alij tamen Doctus malunt, & ego vnâ  
cum illis; idque alterius Plautini loci  
auctoritate potissimum inductus ex  
Perfa:

*Videsis.*



*Videsis, ego ille doctus leno penè in foveã decidi.*  
 contrà sententiam boni illius Dionysij  
 vulgaris lectioni propugnantis acer-  
 rimè. Nam si nil aliud; quid verò ne-  
 cessum fuit eandem rem bis iterari à  
 Plauto, quum τὸ *Ductus*, & item, *Cui*  
*verba data sunt*, vnum prorsus idemque  
 utraque significant?

## AD CAPTIVOS.

### CAPUT XX.

*Lambini interpretamentis alteri præbita,  
 alteri palàm denegata assensio. Loci  
 Sallustiani cum Plautino contentio.*  
 Tu talis vir. Patriciis pueris au-  
 culas, quicum lusitarent, dari so-  
 lere, & M. Antonij Imperatoris, &  
 Pliniano testimonio firmissimè de-  
 monstratum.

**S**CENA: Dießiter te, Diq̃s. puer He-  
 gionis producit, de impetu à  
 nouo cellario, & cui summa res ciba-  
 ria à Sene patrefamilias credita fuerat  
 modò, in penum facto, deque recluso  
 armario

armario omnibusque cellis intus refractis quiritans ante ostium; atque inter cæteras Parasiticæ Præfecturæ insolentias hoc exemplum spectatoribus enarrans:

*Aulas, calicesque omnes confregit, nisi quæ modiales erant.*

*Cocum percontabatur, possent ne seriæ seruescere.*

Hoc est, (vti accuratè sanè explicat Lambinus nobis) non satis habebat carnes in seriis conditas depromere, & cocis coquendas dare; sed ipsas quoque seriās, id est, vasa fictilia, in quibus carnes falsæ conditæ seruabantur, penè dicam coqui & seruescere volebat. Sic enim eas nobis definit Cato Rei Rust. cap. 162. scribens: *Pernas fallire sic oportet, in dolio, aut in seria.* Et (vt quod res est fabuler) puto vasa ea ampliōra & capaciora fuisse, quàm vt igni admo-ueri potuerint. proinde rem æquè ridiculam percontatū videri Parasitum, ac si quis hodie Orcas nostrates, id est, cados falsamentarios, in quibus bubulam ad vsus diuturnitatē fallitam quotannis condire per Autumnum consueuimus,

sueuimus, vnâ fortè cum muriâ ad focum ad mouere se postulet; quasi integrum bouem pariter, Herculis *εὐφά-  
γος* in morem, primo velut pedatu absumpturus; atque in profundum, hoc est in ventrem suum famelicum abditurus penitissimè.

Scenâ antepenultimâ vitulatio Hegionis exprimitur, filium Philopolemmum operâ & comitate Philocratis maximè, ex Aulide reducem sibi in libertatem factum ex animo gratulantis, ac inter cætera perhibentis :

*Quumq; hunc conspicio in potestate nostra.*  
id est, Philocratem, vti vult Lambinus. perperam. Enim fugitiuum illum potius, qui quadrimum filiolum Hegioni surripuerat, designari, satis superque videor asseuerare posse; Stalagmum dico, qui eâdem porro Scenâ veterem ad dominum domum postliminiò ex fugâ retractus, atque in rem præsentem inq. conspectum eius productus coràm, quoniã Hegio primitus ipsum compellans *εἰς ἀνιχῶς* dixerat :

HE. Age tu illuc procede bone vir, lepidum  
mancipium meum.

K

ipse

ipse suis quasi miseris insultans (serui improbi vt solent) herum insuper suum, velut mendacij manifestò prehensum ludos faciens, hâc vernili porrò dicacitate irridet :

*Quid me oportet facere, ubi tu, talis vir, falsum autumas?*

Quod loquendi genus in vsum suum conuertisse videtur Sallustius, vnicus ille priscae Latinitatis aucupator, ita de Marianae industriæ indole in Iugurthâ differens :

*Tamen ad id locorum talis vir (nam postea ambitione princeps datus est) Consulatum appetere non audebat.* cui Plautinum istud quoque ex his ipsis Captiuis succenturies licebit :

*Hic qualis imperator nunc priuatus est!*

Finem faciam, si prius aliquid mantissæ vicem capiti huic attexuero, leue illud quidem & nihili, non alienum tamen ab instituto nostro; neque indignum prorsus quod in istumce numerum referatur. id est huiusmodi; à Plauto nostro in vltimâ huiusdè Comœdiæ Scenâ ex personâ Tyndari sui inter reliqua prolatum :

*Quasi*

*Quasi patriciis pueris aut monedula*

*Aut anates, aut coturnices dantur, quicum-*  
*lufcent.*

Ad quod ipsum quoque respexisse  
M. Antonius Imperator liquido vide-  
ri potest, cum scribit: καὶ τὸ μὴ ὀρεῖται  
προφῆν, μηδὲ περὶ τὰ τοιαῦτα ἐπιτοῆσαι.  
Eodem etiam referri posse arbitror ea  
quæ de filio Reguli in Epistolis com-  
memorat Plinius. Sed iam tempus vi-  
detur, vt his captiuis absolutis & plau-  
fu clarè (vt decet) impetrato, ad amo-  
res porrò Phædromi à Lenone redi-  
mendos transeamus.

K. 2

A. D.

## CAPVT XXI.

Si status condictus cum hoste intercedit dies. Dî volentes propitij.  
*Censura pluscula in Scenam deincep-  
 pem. Bibit arcus, pluet credo ho-  
 die. Dictum quoddam Ciceronis de  
 contemnificâ ac fastidiosâ Plautini  
 amatoris gloriatione adumbratum  
 videri.*

**A**D duas loco & ordine proximas  
 Poëtæ ipsius œconomia nos vo-  
 cat: in quarum priore amator adole-  
 scentulus, in alterâ ancillariolus Senex  
 nobis ante oculos proponitur; vterque  
 æquè delitias dicens ac faciens. Ac  
 primò quidem vt à Curculione serua-  
 to ordine capiti huic principium facia-  
 mus; scire Lectorem volo, Fabulam  
 cam maximâ ex parte à mendis, qui-  
 bus illa non minùs, quàm curculioni-  
 bus triticum, antea obnoxia visebatur,  
 operâ Camerarij nostri ac veterum  
 potissimùm librorum, quæis idem vsus  
 est, fide

est, fide repurgatam, penèque in pristinum restitutam esse: restare tantum nonnulla ab vnico illo Plauti sospitatore diligentiae nostrae reliqua facta. ad quæ antequam progrediamur, operæpretium videtur aliquot prius locorum minus illustrium explicationes in commune expromere :

*Quo è numero fuerint hi quoque versiculi à Pompeio Festo laudati in voce Status:*

*Si status condictus cum hoste intercedit dies,  
Tamen est eundum, quò imperant, ingratiis.*

Quorum enodationem quoniam ab aliis abundè pertractatam arbitror, præterfluere sinam; vnum hoc de meo attexuisse contentus, sub voce *Intercedit*, nescio quid reconditæ notionis latere, & si mei arbitrij res fuat, putem ad Tribunitias Intercessionem adluseum à Comico.

Illud etiam pertractatè dictum videri non debet :

*PH. Agite, libite festina fores,*

*Potare, sit mihi volentes propitie.*

quippe ex religione prisca, & communi sacrificantium formulâ petiit. Exemplo fuerint concepta illa & sol-

lennia precationum verba apud Catonem: Mars pater, te precor quæsoque, uti sis volēs propitijs mihi, domo, familiæq; nostræ, &c. Item:

Iane pater, te hac strue commouendâ bonas preces precor, uti sis volens propitijs mihi, &c. atq; alia pluraciusdem rei apud eundem verè Censorium. Vide Succidanea nostra ad Horatianum illud:

—Et mihi Delphicâ

*Lauro cinge volens Melpomene comam.*

Scenâ secūdum hanc proximâ haud placitat mihi siticulosa illa multibibæ ac merobibæ anuis, florem veteris vini per tenebras naribus magis, quàm vestigijs persequentis oratio:

—Vbi est ipsus? ipsum expeto

*Tangere, inuergere in me liquores tuos*

*Sino ductim. Malim proinde legi:*

*Inuergere (vel Inuergier) in me liquores tuos*

*Sine ductim. ut sit anilis apo-*

strophe ad lepidissimum illum Liberi patris florem, cuius illa tantopere cupidam sese iam inde à principio fuerat professa.

Quod sequitur:

AN. Imperator quis est?

PH. Vini pollens, lepidus Liber.

Id verò



Id verò non tam Plauti nostri, quàm Licinij Calui gratiâ, per causam placitum huc insertare: cuius è Poëmatis, Seruius II. Æn. item Macrobius lib. III. cap. XIX. Saturnal. etiam hoc Fragmenti reliquum nobis fecere:

*Pollentemq; Deum Venerem.*

quo loco, *Deum*, etiam *Deam* vocari, ostendere voluerunt. Inuenustè, vti ego iudicò, neque ex mente Poëtæ satis; quem *τὸ Deum*, hoc loco, *ἀντὶ τοῦ Θεοῦ*, genitiuo plurali posuisse accipio, idque exempli huius Plautinâ inquam potissimum auctoritate persuasus. eâdem ratione, quâ nimirum IOVEM OPT. MAX. *Divinūq; hominumq; potentem*, hoc est, dominum ac regnatorem, celebrauit Deus ille Poëtarum Virgilius. *Pollens Deūm*, enim sic dictum, quomodo, *Pollens animi, opum, &c.*

Sequitur indidem anilis & condigna hercule vinosissimâ Lenâ Libatio, quam de paulo, non de pleno, illa Veneri peragere se dicit, & quidem aduorsus animi sui sententiam haud libenter. cuius parcimoniæ rationem hanc reddit protinus:

*Nam tibi amantes propinantes*

*Vinum potantes dant omnes.*

quod ego pro frequentatiuo, & pro Potantes; siue assidue potantes positum accipio: argumento mihi est clausula illa precatationis anilis: — *Mihi haud sepe*

*Eueniunt tales hereditates.*

Atque ex hisce, quæ diximus, perspicue planum, cuiusmodi Libandi ratio frequentata antiquitus. cuius occasione elegantem quidem, cæterum principis membri particulam luxatam, simul interpuncti vitio affectam Gannij veteris Poætæ auctoritatem, ex Prisciani libro VI. à Ios. Scaligero inter alia ad Festum in voce Ador productam, haud grauabor adscribere:

*Hic adoris dat primitias tibi. sanguine libat.*

In quo versu ego pro Hic, His, emendandum; idque ad Deorum, quæ præcesserat, mentionem trahi oportere censeo. hoc primum: deinde post, *Primitias*, distinctionem collocandam, non post *Adoris*. uti nunc est in contextu. Sensu argutissimo; ut de Busyride quopiam, vel Mezentio sit sermo. Itaque erit rescribendum:

*Hic*

*His (scilicet Dīs) adorīs dat primitias : sibi sanguine libat.*

Id est quotidianā sanguinis profusione, humani dico, non ouilli, aut vitulini. iuxtā Sallustianum illud: *Humanas quoque hōstias vidistis, & sepulchra infecta sanguine civili.* quo Libationis genere animo Sullaturienti nullum aliud voluptabilius, aut iucundius.

Inter cætera porrò quibus bibosa ac merulenta illa; necum Catullo, *vini perniciēs*, dicam; exagitur à Palinuro, vnum illud de dictis eius melioribus exponere, lubido est mihi:

*Ecce autem bibit arcus: pluet credo hodie.*

Quibus verbis anilem statum, speciem quandā cælestis illius Iridis (hoc enim *Arcus* est) interim dum bibit, graphicè & quasi ex picturā referentem, festiuè nimis ac verniliter irridet. Cur itā? quoniam deuexa præcepsque ac prona in capulum vergens ætas (quæ mala hērcle merx est tergo) fecerat, vti & ipsa quoque deuexa humeris, lumbis, dorso, coxendice, toto corpore denique cernuo, repando, silicernium merum, hoc est, ita incurua

K 5                      prorsus

prorsus Palinuro videretur, ut postilena, aut Sigma ex eâ potius, quàm longa illa Plautina litera fieri posset. Eò dico, ne quis ad bibacitatem potius, quàm ad arcuatam Iridis curvaturam ac conuexitatem illam, quæ Rhytij, vel corniculatæ Lunæ specie desuper se nobis ostentat, Comicum nostrum respicere voluisse, leuiter existimet. Cui quidem (Lunæ inquit) aptè pariter ac falsè anum ætate sinuosam, incuruiceruicam, totoque velut corpore cernuantem, imò dimidiatim percellentem, & quasi agglutinantem se sinò, ex more & disciplinâ ingurgitantium in se merùm auariter, ductimque ac plenis faucibus temetùm haurientium, componit ac cõparat. Quod ab aliis, nec à Lambinò quidem aduersum, prætermissum certè, visum est nobis hisce etiã chartis illinere. Nam ab arcu isto cœlesti aquam demissis in terram cornibus, sic quasi Siphonibus quibusdam, sursum in nubes attrahi, testatius quàm ut hîc iteretur, etiam Martialis nobili istiusmodi versiculo celebratum:

*Casuras altè sic rapit Iris aquas.*

Habes deinceps ridiculam, ne prodigiosam dicam, infani amatoris pollicitationem, dignissimam utique vinosâ illâ amorum eius adductrice:

*Tibi ne (ita lego cum Lambino) ego, si fidem servas mecum*

*Vineam pro aureâ statuâ statuam, quæ tuo*

**GVTTVRI** sit **MONIMENTVM**. hoc est, quæ bibacitati ac vinolentiæ tuæ monumentum porrò in posterum sit sempiternum. Formulâ ex antiquo dedicationum ritu, ac statuarum consecrandarum ratione desumptâ. Sic idem infra:

— *Ibi nunc statuam vult dare auream*

*Solidam faciundam ex auro Philippeo, quæ fiet Septempedalis, FACTIS MONIMENTVM SVIS.*

Nec non Rudente:

*Oppidum magnum communibo, ei ego urbi*

*Gripo indam nomen, MONIMENTVM MEÆ FAMÆ ET FACTIS.*

Quid? quod idē alibi, Et sibi & generi suo monumentū parentibus esse liberos prædicat?

Ait Scenâ sequente, serui consilio, in amorum occasione opprimendâ, obtem-

obtemperare promptum sese ostentans Phædronius :

Rectè obiurgat, sanè haud quidquam est magis,  
quod cupiam tamdiu. quod postremum mihi his diebus penitus inuestiganti, potius visum fuit in *Tamdiu* commutare, quàm quidem phrasi apud Comicum nostrum,

Nil pol' tritius est, *frequentiusve*.

Idem peccatum commissum in Ciceronis Bruto: Testis est *Gracia*, quæ cum Eloquentiæ studio sit incensa, *tamdiuq;* (lego *Tamdiuq;*) excellat in eâ, &c.

Habes mox ex eiusdem cum amicâ collabellantis personâ :

Hoc etiam est, quamobrem cupiam vivere.

Simile illi quod exstat in Pseudolo:

Hoc est homini, quamobrem vitam amet, in parissimo ac eodem prorsus argumento ab experientissimo seruo vsurpatum.

Idem aliquot versibus interiectis, huiusmodi deprecatione amoris sui magnitudinem apud amicam ἐπαπνῶς pergit exprimere:

Sibi sua habeant regna reges, sibi diuitias diuites :

Sibi

*Sibi honores, sibi virtutes, sibi pugnās, sibi  
prælia,*

*Dum mihi abstineant inuidere, sibi quisque  
habeat quod suum est.*

Ad huiusdem exempli imitationem Tullianum illud adumbratum videtur de Plauto in epist. ad Atticum:

*Sibi habeant arma, sibi equos, sibi hastas, sibi  
clauam & pilam, sibi natationes atque cursus, &c.* id quod nemini etiamnum Ciceronianorum in mentem venisse, nequeo mirari satis.

## AD CVRCVLIONEM.

### CAPVT XXII.

Amica amanti suo somnus, *quomodo  
intelligendum.* Hem, *Interiectio  
verberalis, loco suo, vnde exciderat,  
restituta.* Eam in rem succidanea  
ipsius Plauti auctoritas producta.  
Esse vocare. *Loquutionis illius de-  
fensio aduersus Muretum.* Vouere,  
*prò promittere.*

**S**CENA eadem Palinurus dormi-  
tans, ac tantum non (id quod ipse  
mox

mox fassurus) somno periens, herum suum cum Planesio amicâ caput limantem increpitans inducitur, suadensque, ut priusquam luceat, dormitum se tandem recipiat domum, nisi si fortè Veneri Peruigilium vouerit tamen, ac religione quâdam impediatur. cui cùm Phædromus iam tum se dormire dixisset; petens, ne se placidè acquiescentē interturbaret, seruus herilem vaniloquentiam castigans:

*Tu quidem vigilas*, inquit. cui herus de dormitione suâ satisfaciens respondet hoc modo:

PH. *At meo more dormio, hic somnus est mihi.*

Somniculosè pol meâ quidem sententiâ, nisi, *Hæc*, legatur. ut *ἡμετέρους* amores suos designet Phædromus, reapse innuens Planesium somnum sibi, hoc est, somni loco ac quietis esse; neque alia se dormitione egere, quam diu quidem in puellâ suâ optatissimo complexu & osculis suauissimis conquiescere sibi, & quasi in dormire concedatur: Lenâq; huius conciliatricis operâ, vel amore saltem surreptitio



reptitio uti, frui, potiri, copia ac facultas sit sibi.

Malè porrò in eâdem Scenâ, malè inquam, imò hercle verò iniuriâ Palinurum benè monstrantem pugnâ petens Phædrômus verbera sua ab hoc malè ominato verborum principio auspicatur:

*Hæus tibi maledictis prò istis, dictis moderari ut queas.*

Legendum enim *Hem tibi*, &c. neque dissimulat Lambinus in Manuscr. Codicibus suis, *Hen tibi*, disertè scriptum comparuisse. vnde illi tamen; *En tibi*, visum est extricare nobis, quem idem verberantis sermonem esse asserit, ex quo intelligit auditor. (nam spectator oculis cernebat) Palinurum à Phædromo pugnâ cadi. Disertè quidem ille, ac verbosè plus satis, id est, more suo. sed verò in hoc peccatum largiter, quòd aspirationis notam hoc loco in libris illis suis liturariis inanem & supervacuam esse iudicauerit. quasi verò difficilioris operæ fuerit ex *Hem* illo, *Hem*, quàm *En* istud, tantopere eidem complacitum edolare. At saltem cogitare debebat non, *En*, sed *Hem*, si rempse

rempse hâc sententiâ etiam Pænulo  
sexies vno in loco ex personâ heri,  
item vt hîc seruum verberantis suum,  
iteratum à Comico, verbi causâ.

AG. Non ego homo trioboli sum, nisi ego illi  
maſtigia

Exturbo oculos, atq; demes. hẽ voluptatẽ tibi,  
Hem mel, hem cor, hem labellum, hem ſalu-  
tem, hem ſanum.

Vbi ſanẽ quemnam locum Aduer-  
bium illud demõſtrantis habere; quid  
contrà Interiectione hâc noſtrâ ad do-  
mini ſtomachantis habitum, imò ſo-  
nitum ipſum verberantis pulſantiſque  
planiffimẽ exprimẽdum, aptius aper-  
tiuſve excogitari poſſit, equidem nul-  
lus diſpicio. Quod vt clarius etiam  
diluceat, haud alienum commenta-  
tionĩ huic noſtræ viderẽ, ludicrum  
quoddam, magni illius Poëtarũ Phæ-  
nicis, BVCHANANI Epigramma,  
ex Gallicis MAROTI Poëmatiis con-  
uoſum traduſtumque in rem præſen-  
tem ſtudioſis porrò gratificari:

Ruſticus (Hem) cunctos cùm congeninaret  
ad iſtus,

Hiberno properans findere ligna foco:  
Syllaba

Syllaba quid toties inuat (Hem) geminata laborem,

Quærenti uxori restulit ille : Inuat.

Namque simul toto contentis corpore nervis

In rimam cuneum fortior ictus agit.

Illâ memor, Veneris lata inter gaudia, &c.

Reliqua adscripturus non sum, ne pudoris ac verecundiæ leges migrare velle videar. Sunt enim lasciuiuscula atque improbula plus satis.

Actûs I. Scenâ I. collineatum à Fruterio rectè atque *Ἀσπὺς*, in fugitiuæ vocis restitutione, *Hira* inquam, quâ *ieiunum Intestinum* appellitabant veteres, quam coniecturam cum Turnebo etiam sequutus Dionysius noster. Eius rei ruminatio corruptissimum quendam Lucillij locum in mentem redigit mihi. Vt enim hîc *Chira* & *Fibra*, *Hiris* Plautinis; itâ *Hira* quoque Lucillianæ apud Ciceronem, & *Sura* suppositio, noxæ ac termento fuit. Exemplum integrum pariter vnâ cum Tullianâ dissertatione ex I V. Tusculanar. Satyrographorum principis causâ; simul, quò res tota planius dinoscatur, adscribam; huiusmodi verborum formulâ

mulâ conceptum; vt quidem nos illud  
ternis in locis integrauimus:

An verò vir fortis, nisi stomachari cœperit, non  
potest fortis esse? Gladiatorium id quidem.  
Quamquam in eis ipsis videmus sæpe constan-  
tiam. Colloquuntur, congregiuntur, aliquid  
postulant, vt magis placati, quam irati esse  
videantur. Sed in illo genere sit sanè Pacidia-  
nus aliquis hoc animo, vt narrat Lucillius:

Occidam illum; equidem, & vincam; si id  
queritis inquit:

Verum illud credo fore, in os prius accipiã, ipsi  
Quàm gladium in stomacho, hirã, ac pulmo-  
nibu' sisto.

Qdi hominem; iratus pugno: nec longin-  
quicquam

Nobis, quàm dextræ gladium dum accom-  
modet alter.

Vsq̃ue adeò studio, atque odio illius, efferor irã.

Vbi primò interpuncti vitium, post  
pronomen Ipse, expunctum; inque no-  
minatiui locum dandi casum ritè &  
ordine successisse; deinde Surã (vt dixi)  
Hirã commutatam; tertio deniq; Nobis,  
arti & vobis, de Pacidiani sententiã sub-  
stitutum scilicet. omnia examussim  
rectissimè. Hoc enim volt dicere,

Optimu'

Optimū multō

Post homines natos gladiator qui fuit unus,  
 tanto se ardore inflammatum animi-  
 que impetu cum Esernino, siue altero  
 nescio quo de Samnitum profapia co-  
 minus congregiundi, vti moræ omnis  
 impatiens, in rem præsentem venire  
 statim exoptet illico: nec quicquam  
 sibi spissius videri, quàm breuiculum  
 illud temporis interuallū, quod modò  
 antagonistæ suo pugnae se aptando sit  
 satis, ad arma capiunda scilicet. In  
 quo illud itidem notabis, τὸ *Alter*, non  
 hac vulgariâ, verùm hercle Pompeia-  
 nâ notione, hoc est, pro *Aduersario*,  
 interpretandum videri. Etenim de  
*Hirâ*, plura superstruere quid attinet?  
 cuius deprauationi, præter insolentiam  
 vocis, ne dicam inscitiam; etiam  
 hiatus in medio versu causam præ-  
 buisse scio. cui incommoditati præsens  
 remedium vt quæreretur, *Suram*, pro  
*Hirâ*, nobis succidaneam fecere: ne il-  
 lud quidem cogitantes, quantum So-  
 lœcissimum committerent, homines  
 haud gladiatoriae modò, verùm hu-  
 mani etiam corporis (vti paret) posi-

turæ oblitus; qui inter Stomachum, & Pulmones, Suram, sic quasi mediam, collocare ausi, tantâ præsertim intercapedine dispreta.

Scenâ eâdem, ità de Parasiti cunctatione apud herum ratiocinatur Palinurus;

*Afferre argentum credo, nam si non ferat,*

*Tormento non retineri potuit ferreo,*

*Quin reciperet se huc esum ad præsepim suâ.*

Vnde iam facillima posthac defensu fuerit scripturæ illius integritas, à Mureto per vim atque iniuriam sollicitatæ, quam habemus in Sticho:

*Nulli negare soleo, qui esum me vocat.*

prò quo ille ausus rescribillare:

*Nulli negare soleo, si quis me vocat.*

Confidenter plus satis, ne temeriter dicam, vel potius temerariè. Esum, siquidem retinendum ex Parasiti sententiâ maximè, M. Accij potius, quàm noui huius M. Antonij arbitrato; præsertim quùm idem in Menèchmis scripserit:

*Qui neque esum vocantur, neque vocant.*

Est & alterum paulò leuioris operæ Scenâ sequente, quod Cocus Phædromi:

dromi rogatus à Cappadoce, vt in con-  
iiciendo, quod viderat, somnio ope-  
ram commoditare haud grauaretur  
sibi, eidem respondet protenus:

*Tametsi non nomi dabo.*

nisi fortè hoc dicere velit in arte con-  
iectandi somnia, siue hâc diuinandi  
scientiâ rudè se parumque exercitum;  
vel certè Lyconem ignorabilem tum  
de facie tum de colore obiici sibi (in  
quo ambiguitas (vt vides) gratiam  
conciliat dicto maximam) & tamen  
illi operam se præbere paratum; quod  
quàm aliis placeat ignoro, mihi certè  
haud satisfacit hoc loco. non quod ab-  
surdam esse eiusmodi interpretatio-  
nem arbitrer, sed quod haud paulò  
probabilior mihi videatur lectio, ità  
vti ego semper eam rescribendam ex-  
istimaui:

*Tametsi non voui dabo.*

Vouere enim idem quod Promittere,  
seu Addicere significare, nam quis est qui  
ignoret?

## AD CURCULIONEM

## CAPVT XXIII.

*Processum in Curculione repurgitandâ,  
illustrandâ. Scires velle grâtiâ  
tuam. Alcæ nomine Talos, Tesseras,  
Nucês denique promiscuè ac gene-  
ratim censa cluisse antiquitus.*

**I**N eiusdem Fabulæ Actûs II. Sce-  
nâ III. Curculio paratragædians,  
omnesque, ob lepidum nimis quem  
Phædromo apportat nuncium, Comi-  
câlicentiâ de viâ decedere sibi, plus-  
quam Ædilitiis Edictionibus, ac mi-  
naciis iubens inducitur. quas ille Ge-  
nius eiusdem tacitè subauscultans, at-  
que hanc Parasiti sui insolentiam non  
ferens, secum obloquitur porrò quasi  
castigans:

*Rectè hic monstrat si imperare possit. nam  
itâ nunc mos viget,*

*Itâ nunc seruitium est. profectò modus ha-  
beri non potest.*

*Quid autem volunt sibi verba illa ?  
Si imperare possit. an quod Lambinus no-  
bis con-*



Bis consomniavit? id est. Si imperando  
 assequi possit, ut quod monstret fiat. Gerræ  
 germanæ, atque ædepol liræ liræ. Ne-  
 que id idem ille Lambinus infitetur,  
 aliam à se lectionem substituens hoc  
 modo: Si impetrare possit. Quæ eius ho-  
 minis coniectura tanti non est, ut me  
 ab exemplo deterreat. proinde & ipse  
 quod sentio in commune proponam,  
 tentaboque an vera porrò Poëtæ scri-  
 ptura electari possit hoc modo:

*Rectè hic monstrat se imperare posse.*

Hoc est, satis verbis, imò legis suis  
 ostendit, qualis factis & quàm impo-  
 tens demum futurus sit, si quidem Im-  
 perator euadat scilicet, Imperiumque  
 ei publicis Populi suffragiis decerna-  
 tur. nisi si quis vulgariam lectionem  
 tueri se malit atque interpretari hoc  
 modo, ut significet Phædromus; Faci-  
 le ex verbis huius est coniectare, si im-  
 perandi ius habeat, vtrum parem se  
 Imperio præstare possit, an secus. sen-  
 tentiâ à priori illâ non nimium abhor-  
 rente. cui respōdet iocus ille Hægionis  
 in Captiuis; itidē in Parasitiici ordinis ho-  
 minē haud minus festiuiter detortus:

*Hic qualis Imperator, nunc priuatus est !*

Ibidem Parasitus facere commemorat, religioni fuisse sibi vocationi Militis non assentiri, verbis illis, quorum breuiloquentiam tacitam hinc præterire mihi quoque religio est.

*Vocat ad cœnam : religio fuit, denegare nolui.*

Nam quæ maior obsecro famelico Parasito religio obiectari potuit, quàm spes cœnatica ? vel iuxta illud Stichi :

*Sed generi nostro hæc redditâ est benignitas;*

*Nulli negare soleo, qui esum me vocat.*

Lepida ibidem porro illa sermonis exalatio, adeoque condigna esuriente Parasito. Nam quum certam spem, ne fiduciam dicam eidem apparato de prandio fecisset Phœdromus, dixissetque:

*Imò si scias reliquæ quæ sient;*

manducus ille moræ longioris impatientis: — *Scire nimis lubet.*

*Vbi sient. nam illis conuentis sanè opus est meis dentibus.*

alludens nimirum eò, quod supra eidem præiuerat Phœdromus, quum præproperus ille quæsiuisset:

*CV. Quis vocat ? quis nominat me ? PH.*

*Qui te conuentum cupit.*

**Conuen-**

Conuentionem, quam sermoni tribuere solemus, ad dentes suos iam pridem dentientes per ridiculum accommodans; satis pòl parasiticè.

Eidem postcà, quùm inanem è Carriâ, quò argenti mutui petendi causâ ablegatus fuerat, reuerti intelligeret, exprobrat Phædromus:

*Perdidisti me. At ille quàm benignè!*

*— Quid lubet perditum dicere te esse?*

*Inuenire possim, si mihi operam dabis.*

Quod Lambinus de argento, cuius gratiâ in Cariam missus, dictum videri cupit. ego de ipso Phædromo qui se à Cûrculione perditum dixerat, interpretor. at Parasitus in diuersum sensum obiectione illam retorquens, quasi Phædromus dixisset: *Amisisti me* (nota enim ambiguitas in verbo *Perdidisti* hoc loco) *Possim* (inquit) *inuenire te, si mihi operam addere volueris.* non aliouorsum quàm ad perditarum, id est, amissarum rerum, quibus conquirendis, imò potius recipiendis satagere consueuimus, fortuitam recuperationem respiciens. Quò etiâ referunda illa, quæ paruo interuallo deinceps sequuntur:

PH. *Perdis me tuis dictis.* CVR. *Imò seruo, & seruatum volo.*

Illa verò reducis Parasiti ad Phædromum narratio :

*Video tuum sodalem, argenti rogo vii faciat copiam.*

*Scires velle gratiam tuam, noluit frustrari.* quod magnis viris negotium faceisset, causa non erat. Proinde Lambini interpretationi subscribo, receptam scripturam confirmantis: & *Gratiam*, prò amicitia studioque, seu fauentia positam accipio. nisi si quis *Grates* potius interpretari se malit mihi. Ei enim homini gratias agi, & quidem ingentes, dignum & consentaneum videtur, qui amicum egentem vanâ spe producere, ac Gallâ credulitate lactare nolit; sed verò statim id quod res est, palam, hoc est, ingenuè ac more maiorum simpliciterque edictet, ei nempe commodandi ac gratificandi quod petit, suppetere quidem voluntatem sibi, cæterum copiis & facultate destitui, quò minus ipsi ex vtriusque sententia (proinde ut æquum est amicum) opitulari per tempus ac subuenire possit.

*Pergit*

Pergit ibidem successus portò suos  
narrare Parasitus: [in manum.

*Postquam cœnati atque appoti, talos poscit sibi  
Prouocat me in aleam, ut ego ludam, &c.*

Ludi Talarij rationem eleganter nobis, ut omnia, præiuit doctissimus Lippius in Antiquis suis. Cæterum illud nobis mirari haud leuiter subit, quamobrem esuritor illè narret, se in aleam prouocatum à Milite, eo dico, qui non tesseras sibi, sed talos in manum poposcerat prius. Hæc enim inter se dissidere omninò videntur, nisi si dicamus *Talorum iaciundorum disciplinam* siue *Astragalismum*, eundem planè cum *Tesserario ludo* fuisse; aut certè *communi Aleæ nomine* vniuersa istiusmodi ludorum genera indifferenter comprehensa antiquitus, nec talos, aut tesseras modò, sed verò & nuces. Martialis:

*Supposita est blando nunquam tibi tessera talo,  
Alea sed parca sola fuere nuces.*

Idem alibi:

*Alea parua nuces & non damnosa videtur.*

Alea igitur, ut dixi, generatim accepta. vnde iugis postea Prouerbiorum thesaurus natus denique.

## CAPVT XXIV.

Malè meditato malè dicax. Latrones generi Lenonio *succidanei subditi, probabili ex coniecturâ.* Facile viuere, Facillimè agitare, *quâ notatione vsurpata antiquitus.* Tricôsus, *in Lucillio reposuum.*

**A**CTVS III. Scenâ I. ità LYCO secum rationes suas subducens ingreditur:

*Dinês sum, si non reddo eis, quibus debeo.*

*Si reddo illis quibus debeo, plus alieni inest.*

Credibiliter, atque ad exemplum, vt videtur, Timoclei illius:

*Δημοθένης τάλαυτα πετήκοντ' ἔχῃ,*

*Μακάριον, εἴπερ μὲν δίδωσι μηδενί, &c.*

Actu Curculionis IV. vbi ipse Curculio Lenonem primò, vt merebatur, deinde ad Lyconem conuersus ac Trapezitas suis item coloribus depingens, & multa probra in vtrumque ordinem pro rei indignitate palàm ingerens in Scenam producitur, *Lectionū diuerfitas*

fitas in responso illo Cappadocis locum corruptum manifestò arguit:

CAP. *Hau male meditare, male dicax es.*

Eam enim scripturam præ aliis Camerarius ac Lambinus amplexi videntur. Ego an sapientius meditatus sim, nescio; ausim tamen liquidò asseuerare, non *Meditatè*, sed *Meditato*, dandi casu legendum, vt subaudiatur *Mihi*, vtque hoc significet Cappadox, Curculionem Summani nomen falsò possidentem, (quod tamen Lenonem latebat) *malè*, id est, non rectè dicacem & contumeliosum esse in se, qui parum paratus instructusque (hoc enim *Malè meditat⁹ est*) ad decertandum cum eo maledictis ac cōuiciis venerit. Omnis proinde argutia in ambigua significatione & *Malè* posita fuerit. *Meditatum* porrò haud aliter sanè à Plauto usurpari, obuia passim testimonia declarant, verbi gratiâ, *Mediatā probè duco*, &c. & alibi denique plus millies.

Scenâ porrò sequente, quo loco Lyco Trapezitâ Militem facetè ac defricatè irridet hoc dicto:

— *Facis sapientius*  
*Quam*

*Quàm pars Lenonum, Libertos qui habent  
& eos deserunt.*

Prudenter, si consilio; fæliciter, si casu, Lambinus noster est odoratus hanc lectionem à sententiâ ipsâ coargui ac  
 „ refelli. Nam quum bellator ad legio-  
 „ nem clueret is, qui negarat sibi Liber-  
 „ tum vllum esse, & quum duæ personæ  
 „ duntaxat in hâc Scenâ, videlicet Mi-  
 „ les & Trapezita, loquentes inducan-  
 „ tur, absurdum esset Lyconem Trape-  
 „ zitam subiicere talem responsionem :

„ *Facis sapientius quàm pars Lenonum.*

„ Eiusmodi siquidem responsio, si Le-  
 „ no loquutus esset, conueniret: nunc  
 „ quum Miles loquutus sit, & negarit se  
 „ Libertum vllum habere, debet hoc re-  
 „ spondere Trapezita ;

„ *Facis sapientius quàm pars Militum.*

Haftenus, vt dixi, Lambinus, argu-  
 mento vtique probabili vsus, & per-  
 spicue vero, correctione non item.  
 Vides enim quantum à receptæ sen-  
 tentiæ vestigiis exeret vox illa, *Milium*.  
 cuius tamen suppositio semitam præ-  
 luceat nobis ad priscam & genuinam  
 lectionem velut è latebra eruendam.

quâ



quâ in re si mihi aliquantum iuris à doctioribus concedatur, ausim & ego officium meum facere. sic tamen ut liberum suum sibi unicuique iudicium relinquam. Ipse itaque causæ esse nil puto, quin prò τῷ Lenonium, Latronum, id est, militum, mecum qui volēt legant, priscae Latinitatis conscientiam maximè ac præsidiis confisus, quâ & Latrocinari, prò Militare; & Latrones, prò Militibus, seu manipularibus, Romuli nepotes, hoc est, Quirites illos antiquiores dixisse comperior. Fidem nobis eiusce rei abundè fecerint & exempla Plautina & M. Terentius lib. 6. de Ling. Lat. ubi nominis eius ratio planè ac dilucidè explicatur.

Addam phrasim etiam non propriam, veterem tamen ac monetæ probæ, ex Actûs V. Scenâ 11.

PL. *Nugas agis.* CV. *Soleo. nam propter eas vino facilius.*

Nihil verius. Cui enim rei potius, quàm nugis, vitæ suæ commoda accepta referat homo parasitando vêtrem inexplibilem pascere, omnemque lubricitatem in luxu, confidentiam in alienis

In vitâ  
Terentij.

alienis epulis habere consuetus perdoctusque. *Nugarum* enim tractatio, propria Parasitorum prouincia. Merito ergo propter eas ipsas *Facilius*, id est, lautius, seu dapsilius, magisque volupe atque ex sententiâ se victitare gloriatur Curculio. Quod quidem pol-ego si rempse planè ratione dictum deputo, quâ iidem veteres illi, *Agitare facillimè*, atque in his Terentius: *Quàm vos facillimè agitis*, vsurpabant: quum significare vellent, *Bene rem gerere aliquem*, hoc est lautè, opulenter, & quasi Regio victu cultuque (cum Sallustio vt dicam) ætatem degere. id quod de Scipione, Lælio, ac Furio apud Ælium Donatum testatur Porcius huiusmodi Octonario:

*Tres per idem tempus qui agitabant nobiles facillimè.*

Hinc etiam Plautus noster Epidico:

*Quàm fortunatè & quàm facile euēit illi?*

Cui ex trauerso respondet, *Difficultas*, quæ (si Pædiano credimus) prò Paupertate vsurpata antiquitus: Item, *Malè vivere*, apud Horatium & Ouidium, prò *Misère vivere*, siue, *Ægrè ac duriter vitam*.

vitam colere, seu sustentare: & quod de horna Galliæ messe apud Sallustium nostrum Pompeius: *Et nunc malis fructibus ipsa vix agit, &c.*

Sequitur eap̄e Scenâ:

PH. Quod argentum, quas tu mihi tricas narras?

Vbi notandum, *τὸ τ̄ Tricis*, haud *Triconibus* argenteis modò, verum etiam *Tricosis*, nomen inditum; idem significantibus. quæ postrema vox apud Nonium, *τὸς Strigosis* commutata; mirum, Lucillianæ sententiæ quas *Tricas* obiecitauerit: ità nunc primum Doussâ vindice extricandas scilicet:

*Hic tricosu', bouinatorq; ore improbu' duro.*

Alterum enim *τὸ Strigosus* inquit (id quod omnes omnium Editiones insecutis posseditque hætenus) ferri quî potest? & numerorum ratione, & sententiæ œconomiâ iuxtà pariter cum auctore suo, disertissimè reclamantibus.

*Lambino de correctionis cuiusdam prerogatiuâ decessum. Alia quadam indidem sub manu nata.*

**I**N postremo huiusdem Comœdiæ Actu satis frigide partes suas tuetur Leno aduersus Militem & Phædromum. quod vt diluceat versum integrum adscribam :

MIL. Quódne promísti (itâ enim per contractionem legendum, vt Trochæicigratiâ trisyllabum fiat prò tetrasyllabo Promisísti. id quod perperam Lambinus noster in contextum recepit)

CA. Quid promisi? PH. Linguâ. CA. Eâdem nunc nego.

Nêque satisfacit interrogationi Capadocis responsio illa Phædromi, Linguâ. Quò fit vt rescribendum harioler:

CA. Quî promisi? PH. Linguâ.

Atqui ego nunc hanc operam perdo. Quid iam? inquires. Quia enim actum hîc agere videri possum; locum, quem Lambinus mendo felicissimè liberatum,

beratum, operâ quidem suâ, cæterum  
 Libris Manuscriptis ducibus atque au-  
 ctoribus, plus quàm militariter gloria-  
 tur, quasi à me, non ab illo primitus  
 nunc restitutum modò de integro ob-  
 iiciens Lectori. Fateor, atque illi  
 quod suum est reddo, Meritò hercule ac  
*Lubens*. Neque enim placet sententia  
 illa diræ ac scæuæ Deuotionis plenissi-  
 ma Literatoris Itali :

— *Pereant, qui ante nos nostra dixerunt.*  
 non mihi utique, qui *Laudem istam esse*  
*publicam*, eiusque adeò præmia in me-  
 dio posita, atque in ius occupantium  
 transire potissimum, à BONÆ MEN-  
 TIS CONSULTIS acceperim. Eam-  
 què porrò quasi *perpetuam Legem* in po-  
 sterum persequi, decretum est DOVSÆ.  
 Proinde huius correctionis *Laureola*,  
 quanta quanta est tandem, penes Dio-  
 nysium esto. Neque mihi suffragari  
 cupio, quòd idem istud ego ità in Ad-  
 uersariis meis Plautinis ante duode-  
 cennium ex ingenio emendandum vi-  
 deram iam olim. Sed ego hoc am-  
 plius, quàm Monstroliensis ille, quòd  
 locorum similium conlatione vtriusq;

nostrum emendationem mihi stabi-  
liendam putauerim; docendumq; eo-  
dem loquendi genere Poëtam nostrum  
vsum Mercatore, quum scribit:

CH. *Qui potuit eam videre? A C. Oculis.*

CH. *Quo pacto? A C. Hiantibus.*

Item Milite:

*Qui libitum est illi condormiscere? L. V.*

*Oculis opinor.*

Porro iniustitias Lenonum perfidi-  
amque ac periuria, in hac ipsa Fabu-  
la, & quidem ab ipso Curculione ei-  
dem Cappadoci obiecta, habuimus  
suprà; argumento quod dico, si qua  
alia, conuenientissima. Sic enim in-  
ibi ad eum pse Cappadocem Parasitus:

— C V R. *Egon' ut ab Lenone quicquam  
Mancipio accipiam? quibus sui nihil est, nisi  
una lingua,*

*Qui abiurant, si quid creditum est, &c.*

*Qui abiurant* (ita enim scribendum) id  
est, quâ linguâ, vti docuimus modò,  
vtiq; ipse Plautus suprà in Aululariâ:

*Vehicula, qui vehar.* Item Sticho:

— *Et quadrigas, qui vehar.*

Cui haud disconueniens quoque  
phrasis ista Asinaria Sc. III. Act. II.

*Qui*

*Quî* prò istuc? quùm quæritaret Libanus, prò quâ re, siue ob quam mercem xx. commodas argēti minas hero suo debitas Mercator ille Asinariûs adferret. Vbi si sempse planè *ἀνασπῶν*; quam in τῷ *Quî cum*, prò *Cum quo*, siue potius *Quo cum*, apud Ciceronem ac Terentium etiam amamus; operæpretium fuerit obseruare. Censeo proinde indeclinabile vtrūque, tã plurali quàm singulari numero, ablatiui loco positum; omnibusq; adeò generibus *ἀνασπῶν* accommodari posse; tum eos peccare largiter, qui prò *Quî cum*, *Quibuscum*, vel etiam *Queiscum*, in pluralibus Dativi vsurpare ausi. Probo auctoritate Poëtæ nostri scribentis Captiuus:

*Nam ubi illo adueni, quasi Patriciis pueris aut monedula,* [ *sitent;*

*Aut anates, aut coturnices dantur, quî cum lu-*

*Itidem hæc mihi aduenienti vrpupa, qui me delectet data est.*

Vbi itidem emendandum videtur:

*Quî me delectem, data est.*

Nam quæ hæc (amabo) Latinitatis ratio; vt τὸ *Vrpupa*, cum Pronomine masculino, *Qui*, coniunctum construatur?

IANI DOVSÆ

NORDOVICIS

CENTVRIONATVS,

SIVE PLAVTINARVM

EXPLANATIONVM

LIBER II.

A D C A S I N A M.

CAPVT I.

PLAVTVS *cum* LATRANTI  
 NOMINE *explanatus*. *Quaternæ*  
*in eo totidem doctissimorum homi-*  
*nam sententia explosæ.*



ENTVM est aliquan-  
 do ad eius Fabulæ  
 Prologium, vbi cum  
*Latranti nomine* induci-  
 tur Plautus; in quo  
 explanando non mo-  
 dō Camerarium, sed  
 verò & Scaligerum cum Cantero no-  
 stro seque ac spes suas prorsus corru-  
 pisse



pisse intelligo. At quos viros? quorum ego profecto iudicium æquè ac meipsum amo. Proinde in sententiis eorundem refellendis, quantum poterò temperare decretum est mihi, ne (quod plerisque hodie factitare videmus) aliorum criminationem gloriam meam facere velle videar: eorum præfertim, quibus (si quidem usus veniat) fat esse non queam. Vnam hanc coniecturam excipio, quam ego illorum diuinationibus haud æquiparabilem modò, sed & multis quoque millibus præstabilem visum iri, vel quinquagenario Sacramento contendere sum paratus. Nam quod princeps ille Camerarius noster seriò persuadere conatus est nobis, Plautum ad initialem & MARCI, Prænominis sui, syllabam ob canini elementi sonum respexisse; Scaliger verò ad priorem eiusdem nominis literam solum, ab eo quòd M vel  $\mu$ , videntur edere canes, quum irritantur; credat, si quis ingeniosis potius quàm veris rationibus facere acceptorem se postulet: non ego. neutrum enim *Latranti nomini* conuenire res ipsa

euincit : quum alterum sit ringentis,  
 siue hirriētis canis potius; alterum mu-  
 tiētis quasi irritatæ. Restat tertia hallu-  
 cinatio Canteri mei, qui *Latrans* nomen,  
 pro *Canino*, à Poëta sumptum esse; in-  
 didemque ad præsentis Comoediæ ap-  
 pellationem allusum autumat: quasi  
 verò idem valere, & *Canis*, & *Casina* no-  
 men Comicè dixisset Plautus, quo-  
 niam ab eadem pariter incipiunt sylla-  
 bā. quod quum sibi primū tum aliis  
 verisimile facere cogitaret, miror hoc  
 nō addidisse insuper, quod mihi quon-  
 dam in mentem venit, in dictione *Ca-*  
*sinā* si alterum A sustollas modò; hinc-  
 que à penultimā ad primam vsq; syl-  
 labam, ordine literarum per *μετάποιν*  
 inuerso, fueris progressus, integrū vo-  
 cabulum *Canis* repertum iri. Quæ uti-  
 que consideratio arguta oppidò est &  
 elegans; at nihil ad nostrā hanc; quam  
 ut Lectori inuideam, non est cōsiliū,  
 diutius. Igitur in verba, quàm pote-  
 ro, conferam paucissima. Ego *Latrans*.  
*nomen* ad cognomentum antecedens  
 (PLAUTVS inquam) retrahendum  
 cenſeo. Eius enim nominis princi-  
 pialis

pialis syllaba canum latrantium sonum referre clare atque exprimere videtur. Atque equidem quum recogito, credo Latinos illos Veteres, perperam quidem & corrupte, sed tamen Græcissantium ritu, diphthongum istam in  $\omega\lambda\alpha\upsilon$  syllabam, in modum & Digamma extulisse. Vnde & Lucretij *Banbari*, & nostrum *Blaffen* manasse, certa, haud arbitraria est opinio;  $\pi$ , in B, commutatam scilicet. Huc accedit, præter decantatissimum illud Demosthenis exemplum, Aristophanis Poëtæ auctoritas, qui quum *canes latrantes*, seu *banbantes* potius imitari ac repræsentare vellet,  $\alpha\upsilon$   $\alpha\upsilon$  protulerit in Scenam. Hæc quum in Aduersaria mea coniecissem iam olim, tandem largiloquam illam Dionysiacorum Commentariorum mole in lucem editam; non parum animi sollicitus eram, ne in siemple commentationem hanc nostram (ut fit) post tot tantorumque Semonum frustrationes, incucurrisset Lambinus; atque ille post peperisset, quod ego pepereram prior. Cæterum is metus de nihilo fuit. Neque enim de *Laiyam*, aut

*Canina vocis sono quicquam Monstro-*  
*liensis noster, ne μὲν quidem; sed per*  
*Nomen latrans, Latrātis animalis nomen signi-*  
*ficari persuasus, interpretationem hāc*  
*suam ad Fēsti illud traduxit, callidus:*

*Plauti appellantur canes, quorum aures lan-*  
*guide sunt ac flaccide, & latius videntur patere.*  
*ut Latrans nomen, prò Canino, positum sit*  
*à Comico.*

## A D C A S I N A M.

### CAPVT II.

*Matronas Rom. sine ancillarum comita-*  
*tu in publicum prodire, criminis loco*  
*æstimatum antiquitus. Varroniana*  
*sententia confutatio. Deliquum, non*  
*Deliquium videri legendū in Plau-*  
*to: simul Adolent, prò Obolent,*  
*præter mentem Antiquariorum no-*  
*strorum.*

**A**CTV I. Scenâ III. Murrhina  
 Alcesimi vxor in ædes vicinas  
 transitura, Ancillas subsequi sese ac se-  
 cundū ire iubet, his verbis:

*Sequimini comites in proximum hinc me.*

Vnde

Vnde clarum fieri opinor, in more Romano fuisse, ne Matrona, siue aliqui materfamiliās aliqua ordinis honestioris incomitata & sine affeclarum ac clientarum pedissequo, publico se cōmittere auderet; ne si in proximum quidē diuorteret (vti hinc coniectare lubet) quò videlicet non culpam solum, sed verò & suspiciones omnes, in alienis potius, quàm suis pectoribus sitas, segregarent à se spernerentque quàm longissimè. Et idcirco non leuem huic ordini iniuriam fieri ab iis, qui comites earundem alienare atque abducere sustinent, testimonio est Vlpianus.

Eadem quoque Scenā legimus.

*Quando tibi nil domi deliquium est.*

atque ità Varro, hunc locum profereus, subiungensque porrò:

*Deliquium, dictum ab eo quod deliquatur: ut, turbida que sunt, deliquantur, ut liquida fiant. Aurelius scribit, Deliquium esse à liquido, Claudius ab eliquato, &c.*

In quo mihi haud leuiter sanè deliquisse videtur doctissimus ille Togatorum, quem dixi. Non enim *Deliquium*, siue

siue etiam *Delicium*, (id quod Persius plerisque nostris placuisse animaduertito) sed, *Deliquum*, meâ sententiâ legendum in Plauto. vt dicat Murrhina, vicinam suam Matronali quâdam seueritate increpans ac concastigans: Quid verò graue, si vir tuus volupe sibi atque animo obsequiû faciat suo, quando tibi omnium bonarum rerum copia suppetit domi, nec quîquam eges. *Deliquum*; proinde nihil aliud fuerit, quàm quod nos, *Deest*, diceremus; à *Delinquendo* sic appellatum, quòd *Delinquar*, id est, deficiat, vt quidem veteres loquebantur. Vt enim *Reliquum* à *Relinquo*, siue adeò *Relinquor*; sic *Deliquum* à *Delinquo*, formatû esse verisimile fit mihi. Quam si recipimus analogiam, *Deliquum* & *Reliquum*, opposita inter se ac diuersæ notationis esse liquidò inuenientur. exempli gratiâ: *Nihil reliquum est mihi*, id est, nihil vltrâ residuum factum est mihi: econtrâ; *Nihil deliquum est mihi*, id est, nullius rei indigus sum; nihilq; votis Deos sollicitò, cuius inopiam patiar, cuiusve adeò desiderium animo insideat meo.

Legitur ibidem :

C. L. Salin

PLAUT. EXPL. LIB. II. 189  
CL. *Satin sana es? nam tu quidem aduorsus  
tuam istam rem*

Loquere. M V. *Insipiens semper tu huic ver-  
bo vitato*

Abs tuo viro. CL. *Cui verbo? M V. I fo-  
ras, mulier es.*

Sed enim in secundo versu Mur-  
rhinæ nomen videtur transponen-  
dum hoc modo:

*Nam tu quidem aduorsus tuam ista rem  
Loquere insipiens. M V. Semper tu huic  
verbo, &c.*

Scenâ verò proximâ, vbi veruex  
ille vetulus ignauissimus, præter spe-  
ciem atque ætatem suam per vias vn-  
guentatus incedens, imò in manifestâ  
noxiâ à Iunone suâ deprensus inter-  
rogatur:

*Vnde hic, amabo, vnguenta dolent?*

Lambinus Camerarium sequutus,  
*Vnguenta d'olent* prò *Olent*, dictum autu-  
mat. consonantem enim interpositam  
hiatûs vitandi & versus fulciendi scili-  
cet. Ego autem repudiatam à Duum-  
viris illis dictionē è latebrâ in Scenam  
retrahere conabor, ex veteris Ioachi-  
mici Codicis fide repositurus: *Vnguenta  
adolent*



*adolent ? hoc est, Obolent ? Ad enim prò Ob, & contrà, passim antiquitus frequentatum, quis tam in re Antiquariâ hospes, qui ignoret; qui Donatum, Festum, & Calcam illam Grammaticorum manum vel primoribus labiis contigerit modò ?*

Primo ibidem congressu flagitij manifestus Stalino uxorem palpo percutiens, remque malam blandè ac benedicè cõpellans inducitur hâc oratione:

ST. *Eia mea Iuno, non decet te esse tam iristem tuo Ioni.*

Consimiliter apud Nonium Togatarum princeps Afranius:

*Iactavit (lego, Iactabit) sese, iactet, mihi erit tristior.*

quod postremum ille *ἀντὶ τῆς* Iratior positi observatione suâ haud indignum iudicavit. Merito; neque sanè aliter cultissimus Poëtarum Tibullus, scribens lib. Eleg. 1 v.

*Nil opus est fletu. lachrymis erit aptius vti  
Si quando fuerit tristior illa tibi.*



## CAPVT III.

*Improbioris Metaphoræ enarratio. Eâ-  
pse Scenâ macula aliquot deleta. Ful-  
gentius à Lambini insectatione de-  
fensus.*

ELEGANS verò circumloquutio  
illa Scenâ, cuius initium est, Vnâ  
ædepol operâ, &c. vbi de Herâ, ob ancilla-  
res mariti senis amationes meritò iratâ  
inestâque sibi, agit Olympio Villicus:

O L. Nunc in fermento tota est, ita turget  
mihi.

S T. Ædepol ego illam. mediam. disruptam  
velim.

Tralatione. verborum nimium fe-  
stiuâ hercule ac lepidâ, sub quorû ta-  
mè inuolucro nescio quid nuptæ sim-  
plicitatis latitare suspicor, quæ dormi-  
tantem fecellerit Lambinum. credoq;  
ad eugium Cleostratæ referendum po-  
tissimum; non quidem in dicto Senis,  
qui simplicissimè intelligit, & vxorem  
nimiâ bilis, quâ importunè turgebat  
sibi, inflatione mediam disruptam vi-  
dere.

dere exoptat solens; sed verò in responso Villici; qui imprecationem heri sui minimè per se obscuram alio-  
uorsum detorquet, nempe in impro-  
biorem (vti dictum est) sensum. Quid  
enim aliud quæso volt sibi opprobra-  
mentum illud?

O L. Credo ad eam esse, si quidem tu frugi  
bona es.

quàm si dixisset: Non est, quod Iunoni  
huic tuæ ruptionem ullam tantopere  
impreceris. nam si ipse masculus ad  
rem es, atque à lumbis valens, iam pri-  
dem illi mediam in naturâ muliebri  
partem (sic enim Eugium circumlo-  
quitur Marcellus) siculâ tuâ, seu pro-  
boscidè verius, scissam ac diruptam  
oportuit. A quâ Diruptione haud paulò  
diuersa illa quâ in hac ipsâ Comœdiâ  
habitura sumus postea: verbi causâ:

ST. Perij hercle ego miser.

Dirupi cantando Hymenæum.

Neque absimiliter Cicero Epist. lib.  
VII. Ad Marium:

Dirupi penè me in iudicio Galli Canini, fa-  
miliaris tui.

Vnde suspicor in Plautino versiculo  
pronomen

pronomen *Me* desiderari, post τὸ *Diripi* statim collocandum, adstructo commate. nisi si tamen prò *Diripius sum*, (id quod & Lipsio nostro placere video) perpeffionis significatu accipiundum hoc loco. Illa verò:

*Licet illo morbo, quo dirumpi cupio, non est copia.*

ad præcipitem libidinosisfimi Senis, qui Satyrion bibisse videbatur, tentiginem (nempe in re Veneris & nuptiarum) trahi oportere censeo. eò dico, ne quis de morbo postico seu pygiaco intelligendum præposterè suspicetur. Quò vide, an referri possint illa quoque Alexidis Comici:

Εὐδαίμων ἐγὼ, καὶ τὸ δῖα  
Τὸν ὀλύμπιον, καὶ τὴν Ἀθανᾶν. ἔχ' ὅπ  
Εν τοῖς γάμοισιν ἄνδρες εὐωχῆσομαι,  
Ἀλλ' ὅπ' Ἀφροδίτῃς ῥαγήσομαι, ἂν θεὸς θέλῃ.  
Τῆς τ' ὅ μ' οἶσ' ἔσθ' ἰθάνατα τυχεῖν.

Eâdem Scenâ non placet, proinde ut in omnibus hodie exemplis legitur, ex personâ Stalinonis prolaturum:

*Benedice. Dīs sum fretus, Deos speravimus. malinūq; præteritum illud in futurum tempus commutari hoc modo:*

Deos sperabimus. Illo autem versu:  
Non ego istud verbum emissem titi illitio.

Fulgent. Placiades legit: *Empsitem*. ex  
quo, *Empsim*, concinnandum videtur  
planissime.

Scenâ proximâ:

Tibi quidem addepol ita videtur, stimulus ego  
nunc sum tibi,

Eo quod corculum assudasset iam ex metu.  
sententia exigit ut legatur:

Eoq; corculum assudasset, i. e. m.

In eiusdem Fabulæ Actûs 11. Scenâ  
ultimâ, commaritum suum Olympio-  
nem vetulus ille amator obsonatum  
ablegans, præstinari iubet sibi ex omni  
copiâ piscariâ potissimum;

*Sepiolas lepidas lolligiunculas hordeiâs*,  
molliculas hercule escas omnes, nisi  
mihi *Lepida* illud stomachum peruelle-  
ret. quocirca ex voluntate Camerarij  
dispicere Lectorem velim, num nu-  
ptiali huic cænæ *Lepada* conueniant po-  
tius. Hoc enim genus in piscibus, ab  
iis, qui hanc disciplinam profitentur,  
in Rudente nominatur. Vereor tamen  
ut satis sincera sit lectio: hoc magis,  
quod Nonius *Lopades* citat; addens, ge-  
nus esse conchæ marinæ, adducto in-  
super

PLAUT. EXPL. LIB. II. 195  
super Plauti testimonio tali:

*Addite lopades, echinos, ostreas.*

Quæ si quis singulatim cum eiusdem  
Poëtæ loco, qui Rudente, ut dixi, le-  
gitur, componere ac comparare vo-  
luerit, videbit easdem esse *Lopades* in  
Nonio, quæ in Plauto, *Lepadæ*.

*Sculponeas* ibidem quas habes, Mon-  
stroliensis noster de Prisci Catonis sen-  
tentiâ genus calceamenti Rustici in-  
terpretatur. Sed verò longè aliter Ful-  
gentius his verbis:

*Sculponeas*, dici volunt cæstus plumbo ligatos.  
Vtrumque, meo quidem iudicio, re-  
ctè. Est enim ἀμφιβολογία in voce, *Scul-  
poneas*, duas pariter res denotante, &  
*Calceamenta*, & *Cæstus*. Quod quidem si  
probè attēdisset Lambinus, nunquam  
profecto Fulgentium lapsus, vel erro-  
ris insinulasset hoc loco.

Concludam hoc Caput emenda-  
tiunculâ quapiam. Nam ubi Olym-  
pio Villicus marsupio accepto obso-  
natum missus a Sene, hincque porrò  
ad Forum properans quærit ex eodem  
Heróne, an Rivali suo: *Iamne abeo?*  
quali dicat: Nunquidnam est, quod  
N 2                      amplius

amplius à me accuratum velis? non placet mihi Herilis illa responsio: *Volo.* Quippe plena ruris, nec ad Genium Senis adeò delicati villo modo faciens. Proinde legere ac rescribere non dubitem: *Vola.* Quam lectionem haud ego modo, sed enim sententia ipsa manifestò efflagitare videtur.

## A D C A S I N A M.

## CAPVT IV.

*Insignioris loci restitutio.* Colax Næuianus. Plautinam Militem *per eapse tempora scriptam, siue actitam videri, quibus Poëta ille Campanus ob effrenem & plusquam Satyricam dictorum libertatē à Triumviris Capitalibus in phylacâ Roma habitus memoratur.*

**N** V L L V M hercle scitum scitius esse deputo eâ Scenâ, in quâ Duumviri illi Capulares Stalino & Alcesimus inducuntur, cui cùm alter ille ignauissimus mandasset, ædes vacuefaceret

cuefaceret, quò videlicet loci liberi potestàs foret sibi, vbi se cum Speratâ suâ, clam vxorem in nuptiis apparandis occupatâ, inclinare posset: quòmq; respondisset Alcesimius, paratum se vicini ex sententiâ omnia, quæ rogaretur, facere: nec vxorem modò suam, verùm etiam seruos, ancillas, quantum est sibi, extra ædes protinus eliminare ad eum porrò in proximum traducendos, & quidem cum cibo suo quemque, quasi eant Sutrium, ex præscripto Colacis Næuiani: subiicit Stalino tandem, vicini erga se studium nimis pol lasciuibundè, imò nequiter plus satis verbis extollens & quasi confirmare satagens id quod dixerat antea, ipsum nempe *nimum scitè scitum esse.*

ST. Hem, nunc enim tu demum nullo *scito scitus es.*

Inscitè adeò & inscienter. Nam quæ obsecro locutionis ratio est illa? Tu nullo *scito scitus es.* Quæ si inepta meritò ac barbara ab iis, quibus aut palatum aut pectus sapit, censenda est, quid restat quæso, quàm vt *Scito scitus* istud ex hâc decuriâ exigamus, aliamque scri-



pturam porrò, amatori Seni conuenientior quæ fiet, eius vicem, supponamus denique, ad hoc exemplum, quod subiecturi ?

AL : Meminero. ST. Hem, nunc enim te  
*demum nullum sciunt sciri* st.

vt sit iocus in allusione nominis, *Scitum*, ex altero eiusdem loco interpretandus scitissimè, qui exstat Pseudolo, huic prorsus geminus, vbi scitè *Plebi scitum* appellat, quod hîc *Scitum*. Eius verba apponam :

P. S. : *Ecquid is homo scitus est ?* CH. *Plebi scitum non est scitum.*

Cauc enim tu Lambino insistas credere, qui continenter hæc Alcesimî locutoris personæ assignare ausus, ac Stalinonis nomen è medio sublatum in sequentis versus vestibulum traducere, mirum quas tenebras toti huic offuderit Scenæ ; prorsus, intelligendo faciens, vt minus etiam quàm nihil intellexisse videatur. Vide, mi Lector, & ride.

Quod verò Colax Nenianus citatur à Plauto, mirum nemini videri volo, qui quidem sciat, Næuium Plauto ætate aliquantò



PLAUT. EXPL. LIB. II. 199  
aliquantò superiorem cluisse, aut certè  
versus illos commemorerit è Milite:

*Nam os columnatum poëta inesse audiri  
barbaro,*

*Cui bini custodes semper totis horis accubant.*

Vnde paret iam tum etiam, cum  
eam Fabulam commentaretur Plau-  
tus, Næuium in vinculis Triumvira-  
libus siue adeò custodiâ publicâ fuisse,  
vnde postea per Tribunos Plebis libe-  
ratus. Quis enim non videt, Peripli-  
ctomenem hoc loco sic quasi de re  
præsentis, non futuri aut præteriti  
temporis fabulari.

## A D C A S I N A M.

### C A P V T V.

*In duum locorum exegesi facta à Lam-  
bino discessio: Iunianaq; in Fulgentio  
castigationi subsidium latum. Catil-  
lare quid, eiusq; verbi originatio-  
nem à Catillis potius, quàm Cætel-  
lis illis Fulgentianis deriuatâ videri.*

**T**ENEBROSVS mehercule locus.  
ille Scenæ proximè sequentis:

*Non ecastor vilis emittitur modius, qui venit, salis.*

Cui quum aliquantam lucis ac medicinæ copiam facere se posse speraret Dionysius noster, nouam nescio quam de sententiâ Turnebi, allegoriam commentus est nobis, adiectâ interrogationis notâ, in hunc ferè sensum:

*Nónne sal vili emitur, quum sit tanta eius penuria, & quum hi duo Senes soli in Ciuitate salem, id est, prudentiam habeant? proinde quasi diceret, quum sit tanta salis in vrbe egestas, nónne debet esse carissimus?*

De quâ commentatione si quis me, quid sentiam, quæsiuerit; nónne meritò videar responsurus, quod olim in re dissimili ac verbis nonnihil immutatis Catullus noster?

*Nulla in tam falso scommate mica salis.*

Aliud proinde aliunde quærendum; & fortasse leui interpolatione emendandum:

*Non ecastor vilis emittitur modio, qui venit, salis.*

vt significet Cleostrata Alcesimum vicinum, eum dico, qui viro suo Stalioni liberi loci potestatem, vbi nequam

quam, hoc est, nequitias libidinesque cum Casinâ furtim ac sine arbitris (testibus enim haud audeo dicere) in ædibus faciat suis, non ecastor vilem, id est, carum esse etiam modio salis contra (vti passim fabulatur Plautus) quum sal ferè viliissimo pretio perhiberi soleat; quippe in pauperum mensis ac salinis splendere consuetum, si quidem Flacco credimus, ita res suas inopes ac paupertinas describenti:

*Splendet in mensâ tenui salinum.*

Quem Salem tamen pluris pretij esse videri cupit, quàm vicinū illum suum, quem dico, qui tam nequam & nihili sit, vt domi iam suæ lenocinium instituere non pudeat, præter ætatem, tum speciem, amoris alieni conciliatorem & quasi stupri sequestrum factum scilicet.

Ibidem porrò Alcesimus inducitur, Cleostratam de Nuptiis seriò hercule ac vero vultu percõtans, ad quas vxorem suam accersitū iri sperauerat, quò videlicet, ipse interim amico commoditaret, ac liberum Stalinoni locum præberet, cum Casinâ Nuptias secretò

faciundi, at illa cauta ac sagax, id quod res erat iam antea subodorata, quò litigij quidpiam inter duos istos *Comicos Senes* contraheret, negat *uxoris se eius operam morarier*. quod vicinus iste, prò rei indignitate, irridiculum haberi se ratus, iratusque amatori illi hircoso atque edentulo, qui hoc flagitij contraxerit sibi, subiicit inter cætera, non sine iustissimâ expostulatione :

*Operam uxoris polliceor foras,*  
*Quasi catillatum.* hoc est, uti ego interpretor, quasi ad *catillandum*, seu *ligurien-*  
*di gratiâ potissimum* operam suam foras elocantis, dum electilia ac *Geniales* tantum cuppedias consecatur, specie adiutricis, per causam *Nuptiarum*; cò honestiorem, quoniam vicina foret. cuius velamèti fiduciâ freta, haud dico insinuare, sed vltro ingerere ac rectâ sese in alienam culinam penetrare non dubitet *Murrhina*. Sententia plana, & quam *Fulgentiana* nobis, hoc ipsum exemplum præeuntis, laudatio confirmat. Sic enim est apud illum :

*Catillare, est per alias domos lignivire* ( hoc enim malo, quàm *Gyrare cum Lambino* )

bino) tractum à Catulis, quod per omnes domos circumeant.

Ego tamen, Catillare istud, ex Idiotismo nostro propriè; *Platelen licken* interpretari mauelim; non quidem à Catulis illis Fulgentianis, sed à Catillis potius ( & Catini scilicet diminutiuo ) verbi formatione quæsitâ; Etymo probabili cumprimis. Quod si cui in Casinâ Plauti, lectionum varietate inducto, haud Catillatum coniunctim, verum potius diuisim (id quod in aliis est) Catillæ. tum, &c. emendari placeat, non magnopere reluctabor. tantum mihi fraudi ne sit, & hîc quoque seorsum à Dionysio sentire, qui Catillæ, quasi virosa, interpretatur, hoc est, alienorum virorum appetentis; opprobrio pudendo, Matronæ præsertim,

Cuique regit medios instituta longa pedes:  
quum contrâ intelligi debere, res ipsa euidentiissimè arguat; Alcesimusque aliud nihil, quàm Ligurritricem, innuere velle videatur.

## CAPVT VI.

*In loci cuiuspiam Plautini enarratione  
secunda haud vsquequaque facta  
Dionysio nostro.*

**S**CENA porrò, ab hac, tertiâ, eleganter & graphicè exprimitur iratorum, ferramque inter se inuicem ducentiû affectus; quos vulgò hunc morem obtinere videmus, vt sermones mutuos quasi per deridiculum æmulentur, vnâ eandemque voculam, cum stomacho, & cõtumeliâ alterius, crebro identidè iterantes. Quid enim festiuus, quàm plus minus duodecies in versibus paucissimis particulâ *Quin*, inter duos verueces vetulos, Coemptionales & Comicos senes, per imperfectas seu dimidiatas dictorum velitationes repetitam videre? in quibus illud omniû meherculè lepidissimum, Alcesimum vicinum sese atque vxorem suam à Stalinone ludos fieri atque irrideri opinatum, haud re modò, sed & verbis, ob crebram dictiunculæ  
istius

istius, quam dixi, iterationem; tandem tautologiæ eius exemplum quasi imitantem, in Thiestæas preces præ nimia animi iracundiâ erumpere; multaque probra pariter sine intermissione aut pausâ, in miserrimum illum amasium, improbissimâ contentione acervatim ingerere; in quibus nec pes, nec caput apparere videtur; dum vitreâ bile incensus Senex nihil pensi habet, quid primum, quid posterius fabuletur, modo iracundiæ (cui ætas illa cum primis obnoxia) morem gerat, stomachoque obsequelam faciât suo: quam semihiulcis istiusmodi dictorû coagmentis, nimiumque inconditâ perturbatæ orationis serie, quasi scopis solutis explet denique. Nam quum alter *larva* amator ille improbus atque edentulus dixisset prior: *Quin me perdis.* respondet Alcesimus: — *Quin bene est,*

*Quin etiam diu morabor, quin cupio tibi,*

*Quin aliquid agrè facere, quin faciam lubens;*

*Nunquã tibi hodiè, quin erit plus, quàm mihi,*

*Quin hercle Dî te perdant postremò quidem.*

Hæc adeo sic explicanda: *Quin bene est,* id est, gratulor & volupe est mihi, sub-

audi



audi, te meâ operâ ac comitate potissimum (vti prædicas) disperire. *Quin etiam diu morabor*, id est, pertendam quamuis diu, ac perdurabo denique in hâc male tibi tum dicundi tum faciundi sententiâ: vel potius (id quod Lambino placeat) in dicti huius quasi concepti formulâ perseverabo, nempe vt malum exoptem tibi. *Quin cupio tibi*, eadem nimirum quæ prius, id est, mala omnia, vt pereas scilicet. nisi si quis ad sequentia potius pertinere censeat, vt dicat Alcesimus: *Quin cupio tibi agere facere*, orationis suæ seriem interpolatione particulæ *Quin*, identidem repetitâ confragosam, perplexam, ac contortiplicatam faciens de industriâ. Atque ita partim ego, partim Lambinus meus rectè atque ordine: quartum versum excipio, præposterè ab eodem (meâ quidem sententiâ) intellectum. ad quem hoc loco enarrandum comitas est mihi, si quidem ad auscultandum Lectori erit benignitas putoque referendam rem omnem ad eamse particulam illam, (*Quin inquit*) toties ingestam iam antea, ne dicam, cumulativissimè



tissimè inculcatam. vt significet senex:  
Nunquam erit tibi hodiè maior huius  
verbi (*Quin*) dicundi largitas, quàm  
mihi: id est, nunquam me istius parti-  
ticolæ iterationibus vinctes; ne frustra  
sies. Imo si eandem porrò cantilenam  
occurrente perseveras mihi, en me quo-  
que gratiæ referundæ paratum; & *Quin*  
istud, non modio neque trimodio, ve-  
rum ipso horreo; hoc est, ad satieta-  
tem, seu nauseam potius, fæneratò  
emetiri tibi: vel eò vsque dum dicas:

*Ohe, iam satis est, ohe: tacebo.*

# A D C A S I N A M.

## CAPVT VII.

Magnificè patricèque amiciri. Le-  
pidè excuratus. *Corrèctiones binæ  
in Casinam.*

**S**CENA nouissimâ Actûs III.  
Olympio Villicus cum Casinâ fa-  
cturus nuptias, atque obsonatu (quæ  
prouincia ei ab hero decreta fuerat  
iam antea) vnâ cum Coquorum poni-  
pâ, quos è macello conduxerat, do-  
mum

mum reueniens nimis lepidè atque ex  
sententiâ heri sui Riualis excuratus,  
obuiam eidem occedens, cum delibe-  
ratione huiusmodi, non sine fastidio,  
gloriabundus inducitur :

*Atat cesso magnificè patricèq; amicèq; ita hero  
Meo ire aduersum ?*

Vbi, *Patricè* quid sit, litem etiam-  
num sub iudice esse video. cui ego sa-  
nè iudicium meum interponere haud  
ausim : satiusque ducō Lambinianæ  
explicationi succidaneus quasi suffra-  
gator accedere, & *Patricè* prò *Patriciè*,  
hoc est, Patricium in morem positum  
interpretari, quàm scire id quod ne-  
sciam. vel tantisper saltem, dum fre-  
quentibus eruditorum calculis defini-  
tum fuerit semel, quid hoc loco, *Patricè*,  
siue (vt alij volunt) *Patritè*, tum in Mi-  
lite, *Patrita*, facere sciant scilicet. Sed  
hæc in spe sint. illud interim quod se-  
quitur repurgare occupemus. *τὸ* *Ami-  
cèq;*, dico: quod quidem huic loco non  
magis quadrare aut conuenire videtur,  
quàm *Cupressus naufrago*, apud Horatiū.  
Quid enim hocce ad magnificentiae  
ostentationem, quâ se in incessu & oc-  
cursu,

curſu apud herum vti velle, faſtidiliter prædixerat antea obſonator iſte villi-  
cus. Quocirca mihi dubium non eſt,  
quin *Amiciri* reponi debeat, atque hoc  
modo ſcriptura priſtinæ ſuæ integrita-  
ti reſtitui:

O L. *Atat ceſſo magnificè patricèq; amiciri,*  
*atque ita hero*

*Meo ire aduorſum.*

Vt ſignificet Olympio fortunas ſuas  
ſuprà votum fluentes ſuperbiam dece-  
re, eoq; ſibi conuenientius vidèri, vt  
gloriosè ac baſilicè amictu compoſito,  
hero ſuo aduorſus incedat, vtq; (quod  
eſt in Perſa) ſubnixis alis & veluti an-  
ſatus contemnificè inferat ſeſe, vt  
æquum erat ſponſum. Ex eo enim lo-  
co hæc coniectura nata, ſimile nobis  
locutionis genus referente, exemplo  
quod ponam:

S. A. Nunc ego huic graphicè ſacetus ſiam:

*Subnixis alis me inferā atq; amicibor gloriosè.*

Vide & Varronem lib. 1 v. de Ling.  
Lat. in voce *Amictus*.

Sequitur ſecundā, ab hâc, lineâ.

S T. *Lepidè excuratus inceſſiſti.*

Quod Lambinus accipit, quali in-

O tellexerit

tellexerit Stalino, Olympionem lepidè & cibo & potu curatum acceptumque, hoc est, probè saturum ac madullam occedere sibi. quod manifestò falsum esse, abundè arguunt ea, quæ antè hæc modò ex persona Olympionis proximè prolata lætitantur: quæ miserum Cădidatum illum haud saturitate rustică ebrium, πρᾶξ ἐ δ' εἶ, verùm hercule effertum fame atque ipsă ieiunitate ieiuniosiore nobis repræsentant. quid enim aliud quærunt sibi verba illa esuritionis plenissimă?

ST. Quid sit? OL. Tu amas.

Ego esurio & suio. nisi, haud

Saturionem se, sed Esurionem ac tantum non fame aridum aduentare planissimè? Proinde non ad *cutis curationem* (vti Lambino commentum placet) quā prorsus expers erat Olympio, verùm ad obsonium potius, cum quo ipsum nimis lepidè excuratum incedere atque occurritare gratulatur sibi, suppositiam in Casinam (vti sperabat) impetum factururus nequissimus Senex. qui quum impotenti nimium lætitiā, & velut

velut vitulatione quâdam elatus, ne-  
quiter, nec decorè satis Villicum com-  
plecti, contrectare, ac tantum non sub-  
igitare cupiens videretur, exemplo  
ipsius suo, quod sub Actûs III: exo-  
dium habuimus suprâ: ille haud paul-  
lò (si Dîs placet) pudicior hircum ve-  
tulum iam plenum ætatis animâque  
fætida à se reiiciens, contemnificum-  
que se faciens ac fastidij plenum, sub-  
dit protinus :-

*Ah hodie.* Quod quidnam sit quadru-  
plicibus modis nobis enucleare cona-  
tus est Lambinus. Laudo equidem di-  
ligentiam, cæterum Lectionem eam  
quomodo tolerari possit, non video: &  
(si meus sit arbitratus) perlubenter  
hercle reposuerim:.

— O L. *Vah, odio es.*

De quo loquendi genere, quoniam  
eopse solens vititur Poëta noster, præ-  
tereundû puto: simul, ne per insolentiam  
quis existimet, memet operam  
atque industriæ nostræ indolem in mi-  
nutiis huiuscernodi persequendis osten-  
tare velle. Quod verò herum odio  
esse sibi, prædicat Olympio, id non  
O. 2. aliorum

aliorum, quàm ad impudicas illas at-  
trectiones, imò immūdiſſimas, oscu-  
lationes, quas dixi, pertinere cēſue-  
rim. Quò etiam referendus Fætor ille,  
quo Senilem sermonem olere, mox  
palam Hero in os à Villico exprobra-  
tum: Item:

*πράγματι μὴ παύεις. Postremò etiā:*  
*ὦ Ζεῦ, ποῦν à me abeas, nisi meus vomere*  
*Hodie.*

innuens sese animæ eius ieiunitatem  
(commune Senectutis n̄alum) diutius  
tolerare non posse: alioqui periculum  
esse, ne vomitionem sibi graue volen-  
tiâ commoueat suâ hircosus atque oli-  
dus veruex. Quam sententiam imita-  
tus item Cæcilius, & ipse Comicus, vi-  
deri potest in P L O T I O suâ, in quâ  
maritus quidam Silicernius ac Plauti-  
no huic nostro per omnia consimilis,  
cum altero Sene vicino suo conlo-  
quens, ac superbiam dotatae vxoris ex-  
secrans ac detestans ait:

*S. Sed tua morosâne uxor quæso est? M.*  
*Quam rogas? (emendo, Vah, rogas?)*

*S. Quî tandem? M. Tadet mentionis, quæ*  
*mihî ubi domum*

*Adueni,*

*Adneni, ac sedi, ex templo suâniini datat ieiunâ animâ.*

*S. Nihil peccat de suasio. ut deuomas uolt, quod foris potaueris.*

Vide Gellium lib. II. cap. XXIII. cui & hoc & plura præterea huiusdem generis Fragmenta

*Nos accepta adeo referre par est.*

## A D C A S I N A M.

### CAPVT IIX.

*Cœnam ebriam, præ madidâ probèq; coctâ accipi oportere. Ei Metaphora à Varrone lux prælata. Nullus, præ Non. Tenax, quamuis renitente pertinaciter Lambino, retinendum.*

**S**CENA eâdem Edictionem Senis ad Olympionem, tum Coquos directam continet; quos cœnam, quantum potest, deproperare iubet sibi, doctis, dicacibus, atque ebriosis nimis, hoc est, amatori Seni conuenientibus dictis. Ait enim:

*ST. Ego iam intus ero, facite cœna mihi ut ebria sit.*



Hoceſt, (vtri Lambinus explicat noſter) Facite cœnam mihi ebriam eſſe, id eſt, opiparam, copioſam, laſtam, refertamq; , iralatione ab ebriis ductâ. Nec rectè, nec Plautinè ſatis. Ego certè aliud nihil Senem poſtulare intelligo, quàm quod idem Olympiſco ſuo ſuppalpans, ſimpliciſſimè reſponderat prius; quùm bellus ille obſonator ne, an Candidatus, interrogaret, quàm mox reficeret ac recrearet ſe: — Cœna modò ſi ſit cœcta.

Quippe qui credam, τὸ Ebria, hoc loco pari eademq; licentiâ ab ebrij ſermonis amatore uſurpatum, quâ Plautum noſtrum, *Madida*, pro *Coctis*, cum in Persâ, tum in Menechmis poſuiſſe obſeruauit magnus ille Gallix ſux Phoenix Turnebus, lib. Aduerſ. xlix cap. xv. additâ ratione, quòd plerumque quæ cœcta ſunt, tenereſcere & maderescere ſolent. Iam Madere, & Ebrium eſſe, prò iiſdem non rarò accipi à Poëtis, quis tam tyro in hâc doctrinæ humanitate, qui ignoret. Huc addatur prò mantiffâ Varronianum illud ex lib. i v. de Lingûâ Latinâ.

*Dictum Aſſum, quod aſſudeſcit, & ideo ſudandum*



*dandum assum distillat calore.*

Actûs quarti Scenâ II. quo loco solus secû, ablegatâ ancillâ specularice, incoenatus nequissimus Senex, cuius omnis in Casinâ potius, quàm in patinis animus erat, nouam nuptam pro foribus exspectat obambulans, ait tandem:

*Qui amat, tamen hercle si esurit, nullum esurit.*

*Nullum, id est, nihil esurit, ut vult Lambinus. Mihi potius Nullus placet. quod pro Non, interdum poni Tolere obseruatum à Donato ad Terentium, in cuius Eunucho esse videmus:*

*Memini, tamen si nullus moneas.*

Item Hecyra:

*Si quæret me, uti tum dicas; si non quæret, nullus dixeris.*

Phraſi & probâ & vsitatâ Heroibus illis Latinis, nec minùs Plauto Asinar.

*Libanum in conſtrinam, ut iuſſeram venire, is nullus venit.* Item Bacchid.

*Tu nullus affueris si non lubet.*

deniquè pluries alibi. Sententiam autem hanc ipsam, quam in rem suam pro re natâ profert amorabundus & cui spissa omnia, Casinæ desiderio, vi-

debantur, Stalino; eam verò planissimè enarratam habemus in Mercatore his verbis :

*Nam qui amat, quod amat, si id habet, id habet pro cibo,*

*Videre, amplectier, oscularier, alioqui.*

Flagitiosa porro illa Scenæ insequentis; neque mehercule digna, in quæ neruos aliquis intendat suos, sed tamen Plauto nostro haudquaquam pigenda aut pænitenda. Quo magis miror quidnam Camerarium mouerit Stalinonem istum Plautinum parte eâ, quâ vir erat maximè, contrà Celtiberi Poëtæ leges, ire castratum. Hæc enim consulto (vti apparet) consilio prætermissa in eiusdem editione post verba hæcce Olympionis :

*Ædepol nã tu sis esses equus, esses indomabilis.*

ST. Quo argumento? OL. Nimis tenax es.

ST. Num me expertus vspsiam? OL. Dis melius faciant.

Lambinus *Tendax* es legendum contendit, vt eum intelligamus equum, qui nimiâ & nimis crebrâ tentigine concitatus frenum mordet, & calcari non paret, à *Tendendo* sic appellatum, vt &

vt & *Tentigo*. Cui aptè Senem hinni-  
bundum comparat Villicus. Ego con-  
trà *Tenax* retinendum censeo, idemque  
arbitror significari. *Tenere* enim &  
*Tendere* eodem sensu priscis illis acce-  
pta, quemadmodum etiam *Pertinere* ac  
*Pertendere* composita utrorumque, item  
*Obstinere* & *Ostendere* apud Festum. Sic  
tamen vt etiam ad equum asperum, &  
(vt Naso loquitur) *contrà sua frēna tena-*  
*cem*, ambiguè allusum suspicer à Plau-  
to. Quod verò Olympio indomitam  
illam Capularis heri sui catulitionem  
sue insulturam potius hâc à se depre-  
catione amolitur, consentaneum illud  
alteri cuidam, in re prorsus consimili,  
Pseudoli loco, quem immeritissimo  
suo exulantem Plautinæ scenæ denuò  
princeps nuper restituit Lipsius, vbi  
ex Lenone Ballione sciscitatur Pseu-  
dolos:

*Eho, nunquid tu huius nupsisti patri?*

respondet Ballio: *Diū melius faciant.*

*Recepta scriptura vindicatio. Alia correcta atque enarrata planissime: additâ sententia vernilioris explicatione, in Camerariâ Editione hactenus desiderata.*

SCENA proximâ repulsam à Casinâ patiens sponsus, quoniam is, quasi iocans in re seriâ; manûs ad papillas eius nequicquam admouisset, subdit denique: — Hei misero mihi.

ST. Quid est? OL. Pectus mihi agit nunc hæc cubito.

In cuius loci tractatione vir doctissimus, vnicèque cum de me, tum de totâre literariâ suprâ omnes mortales meritis, suspicatur Plautum *ἐξ ἁπλῶς* scripsisse: *Mihi tagit.* haud *tralaticiè*. Ego tamen receptam lectionem mauolo. Agere enim non solum *Tangere* simpliciter, verum etiam *Trudere* seu *Tundere* potius, & quasi vi quadam propellere significat. idque verum adeò & Plautinum puto. nisi si cui Poëtam nostrum;

nostrum, *Icit*, scripſiſſe, volenti fuerit  
magis: quæ vox in *Igit*, degenerauerit  
poſteà; virtute librariorum maximè,  
*G*, pro *C*. commutantium; & con-  
trà: Vnde, *Agit* iſtud per exemplaria  
proſeminatum denique. Sic *Maceſtratus*,  
pro *Magiſtratus*: Item, *Acetare*, pro *Agitare*  
veteres paſſim ſcriptitare ſolitos, nec  
Caſcarum Inſcriptionum, nec Pom-  
perij nobis auctoritas mentitur.

Pergit nugari ibidem cum Candida-  
to ſuo in nouâ nuptâ proſequendâ ni-  
mias ſanè delicias faciens Stalino :

*Bella* (lego: *Bellè*) *bella tu mea*.

Postquam enim Olympio, qui Caſi-  
nam, quam deductum ibat, iampri-  
dem intrâ præſepes ſuas habere, cu-  
pientiſſimo animo geſtibat, dixiſſet :

*Quin inus ergo?* ſubiicit nequiſſimus  
Senex, Caſinæ (vt ipſe putabat) auri-  
culam vellens, blandèque ac benedicè  
commonefaciens, *Bellè*, hoc eſt placi-  
dè, pedetentim ac ſedato niſu & (quod  
ſuprà dixerat) *ſenſim* intrò progredere porro,  
ne videlicet incurras vſpiam, néve ad  
inferum limen offenſo pede (vt ſolet  
feri) temerè aut fortuitò impingas.

Quæ

Quæ res silicernij amatoris sollicitudinem arguit, miserè atque anxie nimis prò Casinâ satagentis, nè quid tenellæ ac delicatullæ illi inter progrediendum secus, quàm vellet, eueniret. Ita autem legendum, vt dixi, 'neminem in controuersiam vocaturum spero, qui modo meminerit Plautum eodem ferè modo alias locutum. vt Asinar.

Scenâ :

*Cur me  
resendas.*

Scenâ :

*Isu præ  
virgo.*

*I sanè bella bellè.*

item Curculione :

*Sequere istum bella bellè.*

Illud vero: *Bella tu mea*, in re parissimâ vsurpatum comperior in Rudète. vbi Sceparnio seruus subitò Ampeliscæ, quæ aquam à se petitum venerat, & formâ & oratione captus inducitur, nouam anasiâ suam, quam præsentem esse putabat, tranquillare sibi ac malacissare se studens :

*Hem tibi aquam, mea tu bella, hem sic volo  
Te ferre honestè, vt ego fero, vt placeas mihi.*

Tandem ad Catastrophen Fabulæ veniamus, cuius bona & magna pars, relictis passim spatiolis aliquot, in Camerarij Editione omissa desideratur; non quod hæc ipsa nō satis ei Plautina  
visa

visa, sed quod aures (credo) piæ lasci-  
uam & procacem illam nuptialium  
verborum licentiam nō ferrent. Castè  
quidem ille & cautè. cæterum ego tam  
ambitiosè tristis videri nolo, vt vel  
Plautum, vel alium quemuis de notâ  
vetustiore, castratione alicuius indige-  
re existimem, in tantâ præsertim Scri-  
ptorum Latinorum inopiâ: quæ nobis  
hercule satis causæ esse debet, quam-  
obrem etiam singulas horundem syl-  
labas in pretio habeamus, nedum vt  
ipso totis insuper versibus defrude-  
mus. Atqui hoc facinus in Casina pa-  
tratum æquo animo pati possim, nisi  
me festiua selectissimarum vocum co-  
pia moueret. Quid enim illis purius,  
aut Plautinum magis?

—CL. Num radix fuit? O L. Non fuit.

CL. Num cucumis? O L. Profecto hercle  
non fuit quicquam olerum,

Nisi quicquid erat, calamitas profecto attinge-  
rat numquam,

Ita quicquid erat, grande erat.

Principiò hic vides proprietatem  
verbi *Calamitas*, quod nihil aliud, quàm  
culmorum, seu calamorum commi-  
nutionem



nutionem designat. Deinde *Grande* illud, nescio quid opinione grandius in se habet. Peculiariter enim frugum ac olerum fætibus conuenit: quod & Maronis *Grandia frumenta*, & *Vegrandia farræ*, apud Ouidium; tum verba illa foilennia in Sacris rusticis rite pronuntiari solita confirmant apud Catonem:

Mars pater, te precor *quasôque*, uti tu fruges, *vineta*, *virgulta grandire* beneq; *euire* sinas.

Quo tamen loco perlubenter utique, si quidem per illos liceat, quibus est ea res in manu, *ἀντὶ τοῦ* *Grandire*, *Grandiri*, legerim, motus auctoritate Pacuuij, cuius hæcce verba à Marcello adducuntur:

*Nec grandiri frugum factum posse, nec mitescere.*

Scenâ ultimâ in Lambinianâ editione est:

CL. *Quid agis in marite, mi vir, unde focum ornatum hoc aduenis?*

Ab aliis vero exfulat τὸ *Focum* atque eius vicem *Secum cusum* legitur. Vnde mihi incidit suspicio rescribendum:

*Vnde sic cum ornatum hoc aduenis?*

Hæc habui, quæ Plautinæ Lectionis stu-



nis studiosis de Casinâ participarē, in quibus si quid melius fortasse aptiusve à me animaduorsum putabitur, cum Callicle Plautino dicam,

*Non videor meruisse laudem, culpâ caruisse arbitror.*

coque veniam ab non iniquis harum mercium aestimatoribus haud grauatim inuenire confido.

## AD CISTELLARIAM.

### CAPVT X.

*Ad primam eius Comœdiæ Scenam.*

*Censura aliquot.*

PLAVTI Cistellariam quum lego, mirari non leuiter subit, vnde illi in argumento ieiuno adeo ac sterili, tanta Leporum ac facetiarum suppetierit comitas. Rursus quum Plautini Genij atque ingenij indolem mecum tacitus contemplor, non possum non continuò meam ipsius simplicitatem incusare, id in Comico nostro potissimū mirantis, quod eius maximè proprium est, & quasi peculiare. Quocircà deccre-

decere videtur magis ad docta illa dicta & multigenerem verborum elegantiam suo pretio expendendam, & oculorum aciem, & animi mentem cōuortere. quam mehercules ego non quidem patienter, neq; stultè nimium, nec quemadmodum Horatius cascos illos Pisonum proavos cum numerosum sales Plautinos miratos prædicat, sed verò prudenter & consilio bono mirari pariter ac dilaudare capior. Nō inficior multa in Poëtâ hoc nostro passim nouè (vt quidem nobis videtur) dicta reperitare, quæ tamen si penitus paullo inspiciantur, tantum abest, vt nostræ loquendi rationi aduersentur, vt etiam hæc potius ab ipsis originem sumsisse videri possint; in quibus est & illud Scenæ principis:

*Viris cum suis prædicant nos solere.*

Quæ phrasis vti insolens auribus nostris accidit, ita contrà nemini non in ore versari consuevit: *Consuetudinem habere*, & quod ipse hic noster in eadem Scena, *Consueuisse cum aliquo*. Quâ ratione idem antea quoque in Amphitruone visus scriptitare:

*Iouem cum Alcumena clam consuetū cubilibus.*  
cui affine illud item Cæcilij:

*Ea me, clams se, cum meâ ancillâ ait consuetū.*

Quæ tamen omnia eodem putari & poni debent. At enim iam inde à principio Cistellariæ, telam exorsi quam fumus, satius fuerit detexere. Ait proinde Silenium Gymnasio amicæ suæ, pro operâ in tempore commodatâ sibi, gratias agens:

*Cum ego antehac te amari & mihi amicum esse creui.*

*ἀπαρχὴς ἀντι* &, *Persuasi mihi.* Sic Salustius & ipse antiquarius non è multis, Oratione ad Cæsarem:

*Equidem mihi decretum est, nihil tam ex alto reperiri posse, quod non cogitâti tibi in proutu sit. Decretum est, id est persuasum, certum, & exploratum mihi, itidem vt hic.*

*Suas pellices esse aiunt, eunt depressum.*

Eodem modo paulò ante dixerat:

*Ire habitum honorem,*

pro *Habere honorem;* & in Milite:

*Amanti ire opitulatum.* Item Persa:

*Aliena ire ereptum bona,*

quod postremum imitatus & Plinius Nepos in Panegy. de eodẽ hominum

P. genere

genere sermonem ferens his verbis:  
*Ereptum alienas pecunias eunt? perdent quas ha-*  
*bent.* Huc adde præterea Catonis illud,  
*Prohibitum ire aliquid.* Ad ideniq; Festum  
 in dictione *Parfi.* Quid multis? exem-  
 pla hoc genus amplius trecenta apud  
 Plautum & veteres, tum apud Sallu-  
 stium inuenias. Quare his præteritis  
 ad reliqua quæ restant gradû faciâmus:

*Quia nos libertina sumus, & ego & tua ma-*  
*ter, amba*

*Meretrices fuimus, illa te, & ego hanc mihi*  
*educavi*

*Ex patribus conuentus.*

Ità in libro suo esse, sed cum rasurâ,  
 monuit nos Camerarius, nō sine com-  
 pertissimi mendii suspitione. Nam pro  
*Patribus conuentus*, vicarium verbum *Com-*  
*mentitios*, commentus est nobis. Quod  
 quidem mihi æquè commentitium vi-  
 detur, ac *Conticuis*, quod aliis tantoperè  
 placuit, qui vtinam (vt eorundem &  
 ego sordes ac barbariem imiter) ipsi  
 conticui fuissent. non quòd mihi quo-  
 què suspecta non sit vulgari scriptura  
 hoc loco; hæud pòlità infanio, verun-  
 tamen certiore coniecturâ rei verita-  
 tem

tem inuestigandam, propiusque ad  
eiusdem elementorum ductum pro-  
ximandum censeo. quod ut ipse peri-  
cliter, ita reposuero:

*Illa te & ego hanc mihi educam*

*Ex paribus conuentis.*

vel quod probabilius videtur:

*Ex partibus conuentus,*

ut sit quartæ inflexionis. Sic Cicero:

*Ex pacto & conuentu discere ab aliquo.* Et:

*Ex conuentu pacta observantur;* Quæ qualia

sint, iudicent doctiores. Mihi satis est,

opinionem hanc de re meam comiter

indicasse, quod eò feci lubentius, ne

quis horum Opicorum sribiligini po-

tius, quàm veterum dictorum rationi

assuetus, vulgaris scripturæ sententiâ

ad ingenij sui captum accommodatâ,

Plautum de Cœnobiarchis (hoc enim

genus triuiali sermone, *Patres conuentus,*

appellare consueuimus) loquutum im-

meritò suspicari possit. quod ne etiam-

num aliquibus hōrum de genere eue-

niat, nōnullum periculū esse video.

Sed extrā iocum, & apage has quæso

vomicas à Plauto, neque audiendi illi,

queis: — *Ex Patribus conuentitiis,*

placuit emendari: multò minus Lam-  
binus, — *Ex partibus contignis*

rescribillanti, quod quidem ego ad  
Oedipum Coniectorem ablegandum  
censeo, ne ipsi quidem correctori sat  
scio, intellectum. nam de *Contigno* quod  
idem ad coniecturæ suæ interpreta-  
mentum Festo expensum refert,

*Tanti esse dūco, quanti trāmas putridas.*

*Valeat proin, redeatq; ad auctorem suum*

*Illuc, scannum ad nos attulit unde pedem.*

## AD CISTELLARIAM.

### CAPVT XI.

*Dionysiaca correctioni subscriptum;  
enarrationi non item, in dicto illo Co-  
mico: Nunquam ætate Hecale fies.  
Insignioris sententia declaratio. Me-  
retrix fortunati oppidi simillima.  
Iniurius, comparandi gradu, pro  
Iniuriosius, posui.*

**E**ADEM Scenâ:

*Nam si quidem ita eris, ut volo, nun-  
quam ætate Hecale fies.*

*Ita.*

Ità enim lego cum Lambino: sic tamē, ut nihil minus quàm enarrationi eius suffragatorem me præbeam, interpretantis: *Nunquam fies anus*, inductâ voce *Ætate*, perperam, quum sententia Lenæ videatur apertissima, dicentis, filiam suam nunquam per malam ætatem Hecalen, id est, pauperem atque inopem seu mendicam euasuram, si modò obsequentem præceptis suis, dictoque audientem facere parenti se studeat, ut æquum est filiam, ne illi vfu veniat scilicet, id quod in *Asinariâ Cleæreta*, in *Mostellariâ Scapha* magno cum pretio atque malo cuenisse conquēruntur sibi, nempe ætate & satietate derelictas desertasque sese ab iis, quibus dum formosæ & iuvenes essent vnus morem gesserant atque inseruierant modo, eoq; benefacto amatores proprios ac fautores in perpetuum fore sperauerant sibi. *Ætate* ergo, *per ætatem* erit, ut in *Mostellariâ*:

*Te deseret ille ætate & satietate.*

ut significet Lena. Si nunc, interim dum ferrum in igne est tuum, in tempore prospicias tibi, id est, dum hæc



forma atque ætatula est, dumque vi-  
rent genua, rei quærendæ (quæ fortu-  
natî oppidi similluma, sine multis viris  
obtineri non potest) operam dare, ac  
senectuti tuæ maturè præsidium para-  
re volueris; faxo, ætatis vitio nun-  
quam male quærere cogaris postea:  
pertinetque eodem Terentij illud:

*Quippe formâ impulsâ nostrâ nos amatores  
colunt,*

*Hæc ubi immutata est, illi suum animum  
aliò conferunt.*

*Nisi prospectum intereâ aliquid nobis est, de-  
serta vivimus.*

Verissima ibidem sententia illa, ne  
dicam è tripode prolata, varia amoris  
ingenia ad viuum exprimens:

*Nam acastor amor & melle & felle est fa-  
cundissimus:*

*Gustu qui dat dulce, amarum ad satietatem  
usque oggerit.*

Hoc enim vult dicere Gymnasium,  
amorem quidem & melle & felle esse  
effertissimum, hoc est, & suavitatis &  
amaroris poculū pariter miscere ac tē-  
perare hominibus, cæterum hoc in-  
teresse, quòd in dulci miscendo restri-

*ctus &*



ctus & parci promus, quippe quod gustandum libandumq; primoribus labiis propinet modò; amarum verò quasi de pleno promens, non modio neque trimodiò, verum ipso horreo admensum largiter miserrimis mortalibus offundat oggeratque ad societatem vsque. Cum supradictis convenit illud ex personâ Alcumenæ in Amphitruone productum:

*Satin' parva res est voluptatum in vita,  
Atque in atate agundâ,  
Præquam quod molestum est!*

& reliqua quæ ordine deinceps consequuntur. Id adeò propterea monere visum est, ut intelligat Lector, omnem huius Eroticæ sententiæ vim omnemque efficaciam in antithetis illis positam esse, & *Gustu* dico, atque *Ad satieta-*  
*tem.* quæ duo inter se aptissimè oppositi videmus: de quo Monstrôlien-  
sis iste *Mu* quidem Lucillianum.

Ait ibidem pessima illa Silenio consultrix *Gymnasium*:

*Verum enim meretrix fortunati est oppidi si-*  
*millima:*

*Non potest suam rem obtinere sola sine mul-*

Cuiusmodi verò hoc *Fortunatum oppi-*  
*dum* dicemus? an quod alibi;

*Plenum bonarum rerum atque opulentum op-*  
*pidum*

nominat? Hercle verò seriò. atque  
eâdem planè neque aliâ phrasi vsus in  
Persâ:

*Satin' Athenæ tibi sunt visa fortunata atque*  
*opipara.*

Eâdē Scenâ hæc Lenæ verba habetur:

*Nihil amare iniurium.* Sed Lambinus  
asserit in omnibus se manuscriptis suis  
reperisse: — *Nihil amore iniurium' est.*

Vnde ipse interiectâ præpositione:

*Nihil in amore iniurium' est,*

vel potius adscriptâ interrogationis  
notâ: — *Nihil in amore amarum est?*

terebrando tandem exsculpsit calli-  
dus. Quid credam? an fortasse,

*Nihil amore iniurius' est,*

pro *Iniuriosus est*, comparatiuo gradu  
posuisse Plautum nostrum? sicuti etiam  
*Periurior*, item *Periurius* pro *Periuriosus* ab  
eodem in *Trinummo* vsitata. Ego  
certè melius vel probabilius hoc tem-  
pore aliud quod comminiscar non ha-  
beo. Et sanè (vt quod res est fabuler)  
quid-

quidnam ad veteris scripturæ vestigia  
propius viciniúsve accedere possit,  
haud video.

AD CISTELLARIAM.

CAPVT XII.

*Pluria in Cistellariâ enucleata, illu-  
strata, partim etiam correctâ.*

**S**CENA II. eiusdem Actûs, Lena,  
quæ saburrata probè nimisque ex  
sententiâ lepidissimo illo Liberi flore  
onusta, ne dicam sauciata, à Silenio  
discesserat, largiloqua, hoc est, plusquã  
sat erat, loquitans inducitur, & quod  
tácito vsus erat maximè, foras elimi-  
nans publicitus, quò in genere illud  
vel secretissimùm videbatur, de puellæ  
recens natæ, quam Melænidi amicæ  
suæ dono dederat, suppositione à se  
iniustissimè patratâ, cui hanc narra-  
tionem etiam inter res alias subnectit  
garrula:

*Eandem puellã peperit, quam à me acceperat,  
Sine obstetricis opera & sine doloribus,  
Item ut aliæ pariunt, quæ malũ quarunt sibi.  
Quasi verò omnes, quæ verè serio-*

que pariunt eduntque legitimos partus, malam porro rem quaritare pergant sibi. Sed cogitandum hæc ex communi meretriciæ disciplinæ consuetudine sententiâque efferri: quibus maxima semper religio fuit (cum Lucretio loquar)

*Compleri crebro gravidasq; iacere,*

Quo promptiorem in re voluptatum operam hoc genus, cautionemque vltro adhibere consuevit, vt mobili ac molli clunium motu, ex ossaque lumborum fluctuantium succussatione virilem Venerem retractent: vnicum mehercule ac præsentarium (vti idem Poëta ille nos docet) muliebris conceptionis præpedimentum, ne dicam pernicies.

Scenâ I. Actûs II. Melenis in Scenam procedit, Alcesimarchum amatorem grauiissimè secum de iniuriis ex-  
postulantem, lenonium in morem ex-  
agitans: eiq; palam in os nuptias; quas  
idem cum Demiphonis filiâ, à patre  
sibi inuitissimo desponsâ, facturû ha-  
bebatur; nimis contumeliosè expro-  
brans, his verbis:

*Eò facetus, quia tibi alia est sponsa locuples  
Lemnia.*

Cur autem Lemnia, quia gens illâ pessimè id temporis audiebat rusticitatis & infacetie vitio. idque ipsum tacitè & velut aliud agens, per causam oblatam sugillare videtur Comicus; quemadmodum & Truculento sub personâ Phronesij:

*Qui tam infacetus Lemno adueniens, tuæ  
Qui non amica des, Dinarche, suânum?*

Ita enim locum illum in numeros ac pedes suos restituendum, suo aliquando loco docturi.

Eiusdè Actûs Scenâ III. cui initium:

*Audire vocem, &c.* pergit narrare Heræ porro suæ Lampadiscus, quæstionem à se prò rei indignitate asperè plus satis in Lenam, felle illam virginariam dico, habitam atque exercitam: eamque; modò non suadelâ suâ perductam in suam & Phanostratæ sententiam; sed verò obstitisse tantum sibi, quòd (Plautinis porro verbis rem exsequar)

*Ille se quandam aiebat mulierem  
Suam benevolentem convenire etiam prius,  
Commune quâcum id esset sibi negotium.*

*Et scio*

Et scio venturam. Cæterùm postrema hæc clausula non placet; hariolorque de prioris narrationis sententiâ rescribendum :

*Commune quâ cum id esset sibi negotium, & Scio conuenturam.*

Appingam & alteram emendationculam à me, sub Scenæ proximè finem, vbi disertissimè impressum estat : — M E. Abiit, abstulit

*Mulierem : ibo, persequar iam illum intro, ut hac ex me sciat.*

*Eadem sic possum tranquillum facere ex irato mihi.*

pro quo ego pòl lubenter legerim :

*Eadem si possum tranquillum facere, &c.*

Eadem, prò eadem operâ, vt sæpe aliâs, hoc est, indicio de Silenij parentibus facto, quo Alcesimarchum se tranquillare posse confidit Melenis : atque ex irato placidum ac propitium sibi reddere amatorem.

Illud verò Aëtii i v. perperam, ex ingenio mutatum, edendum nobis curauit Lambinus :

*Ecquē vidisti auferre hic amabo in hac regione Cistellam cum crepundiis ?*

Oblitus

Oblitus, ut videtur, *Querere* (id quod pro Lambiniano hoc *Auferre* in omnibus omnium Editionibus planè & probè exaratum comparet) idem plerunque significasse antiquis, quod nos composito verbo *Acquirere*, hoc est, compendi seu lucri facere atque adipisci diceremus. Exemplo fuerit Ennianum illud:

*Nautisq; mari quarentibus vitam,*  
id est, victum comparantibus sibi, aliaque ad eamplè faciem innumerabilia. Etiam malè postea ibidem Lambinus:

H A. *Vestigium hic requiro,*

*Quà aufugit quædam nescio quo mihi,*

*Cistellam* interpretatus est nobis, quam fugituios imitatum videri cupit, malè inquam atque adeò incogitanter. Et enim de prædatrice cistellæ, non autem de cistellâ furtim Haliscæ subtrahâ ac manticulatâ intelligendum.



decere videtur magis ad docta illa dicta & multigenerem verborum elegantiam suo pretio expendendam, & oculorum aciem, & animi mentem couortere. quam mehercules ego non quidem patienter, neq; stultè nimium, nec quemadmodum Horatius cascos illos Pisonum proauos cum numerosum sales Plautinos miratos prædicat, sed verò prudenter & consilio bono mirari pariter ac dilaudare capior. Nō inficior multa in Poëtâ hoc nostro passim nouè (vt quidem nobis videtur) dicta reperitare, quæ tamen si penitus paullò inspiciantur, tantum abest, vt nostræ loquendi rationi aduersentur, vt etiam hæc potius ab ipsis originem sumsisse videri possint; in quibus est & illud Scenæ principis:

*Viris cum suis prædicant nos solere.*

Quæ phrasis vt insolens auribus nostris accidit, ita contrà nemini non in ore versari consuevit: *Consuetudinem habere*, & quod ipse hic noster in eadem Scena, *Consueuisse cum aliquo*. Quâ ratione idem antea quoque in Amphitruone visus scriptitare:



*Iouem cum Alcumena clam consuetū cubilibus.*  
cui affine illud item Cæcilij:

*Ea me, clam se, cum meâ ancillâ ait consuetū.*

Quæ tamen omnia eodem putari & poni debent. At enim iam inde à principio Cistellariæ, telam exorsi quam sumus, satius fuerit detexere. Ait proinde Silenium Gymnasio amicæ suæ, pro operâ in tempore commodatâ sibi, gratias agens:

*Cum ego antehac te amari & mihi amicum esse creui.*

*ἀπαρχὴς ἀντιῶ*, Persuasi mihi. Sic Salustius & ipse antiquarius non è multis, Oratione ad Cæsarem:

*Equidem mihi decretum est, nihil tam ex alto reperiri posse, quod non cogitâti tibi in promtu sit. Decretum est, id est persuasum, certum, & exploratum mihi, itidem vt hic.*

*Suas pellices esse aiunt, eunt depressum.*

Eodem modo paulò ante dixerat:

*Ire habitum honorem,*

pro *Habere honorem*; & in Milite:

*Amanti ire opitulatum.* Item Persa:

*Aliena ire ereptum bona,*

quod postremum imitatus & Plinius Nepos in Panegyri. de eodē hominum

P. genere

genere sermonem ferens his verbis:  
*Ereptum alienas pecunias erunt? perdent quas habent.* Huc adde præterea Catonis illud, *Prohibitum ire aliquid.* Ad id deniq; Festum in dictione *Parfi.* Quid multis? exempla hoc genus amplius trecenta apud Plautum & veteres, tum apud Sallustium inuenias. Quare his præteritis ad reliqua quæ restant gradû faciâmus:

*Quia nos libertina sumus, & ego & tua mater, amba*

*Meretrices fuimus, illa te, & ego hanc mihi educaui*

*Ex patribus conuentus.*

Ità in libro suo esse, sed cum rasurâ, monuit nos Camerarius, nō sine compertissimi mendii suspicione. Nam pro *Patribus conuentus*, vicarium verbum *Commentitios*, commentus est nobis. Quod quidem mihi æquè commentitium videtur, ac *Conticuis*, quod aliis tantoperè placuit, qui vtinam (vt eorundem & ego sordes ac barbariem imiter) ipsi conticui fuissent. non quòd mihi quoque suspecta non sit vulgaris scriptura hoc loco; hæud pòlità insanio, veruntamen certiore coniecturâ rei veritatem

tem inuestigandam, propiusque ad  
eiusdem elementorum ductum pro-  
ximandum censeo. quod ut ipse peri-  
cliter, ita reposuero:

*Illa te & ego hanc mihi educam*

*Ex paribus conuentis.*

vel quod probabilius videtur:

*Ex partibus conuentus,*

ut sit quartæ inflexionis. Sic Cicero:  
*Ex pacto & conuentu discere ab aliquo.* Et:  
*Ex conuentu pacta observantur;* Quæ qualia  
sint, iudicent doctiores. Mihi satis est,  
opinionem hanc de re meam comiter  
indicasse, quod eò feci lubentius, ne  
quis horum Opicorum sribiligini po-  
tius, quàm veterum dictorum rationi  
assuetus, vulgaris scripturæ sententiâ  
ad ingenij sui captum accommodatâ,  
Plautum de Cœnobiarchis (hoc enim  
genus triuiali sermone, *Patres conuentus*,  
appellare consueuimus) loquutum im-  
meritò suspicari possit. quod ne etiam-  
num aliquibus hõrum de genere eue-  
niat, nõnullum periculũ esse video.  
Sed extrà iocum, & à page has quæso  
vomicas à Plauto, neque audiendi illi,  
queis:

— *Ex Patribus conuentitiis,*

P z

placuit

placuit emendari: multò minus Lam-  
binus, — *Ex partibus contignis*

rescribillanti, quod quidem ego ad  
Oedipum Coniectorem ablegandum  
censeo, ne ipsi quidem correctori sat  
scio, intellectum. nam de *Contigno* quod  
idem ad coniecturæ suæ interpreta-  
mentum Festo expensum refert,

*Tanti esse ducō, quanti trāmas putidas.*

*Valeat proin, redeatq; ad auctorem suum*

*Illic, scēnum ad nos attulit unde pedem.*

## AD CISTELLARIAM.

### CAPVT XI.

*Dionysiaca correctioni subscriptum;  
enarrationi non item, in dicto illo Co-  
mico: Nunquam ætate Hecale fies.*

*Insignioris sententia declaratio. Me-  
retrix fortunati oppidi simillima.*

*Iniurius, comparandi gradu, præ  
Iniuriosius, posuit.*

**E**ADEM Scenâ:

*Nam si quidem ita eris, ut volo, nun-  
quam ætate Hecale fies.*

Ità.

Ità enim lego cum Lambino: fictamen, vt nihil minus quàm enarrationi eius suffragatorem me præbeam, interpretantis: *Nunquam fies anus*, inductâ voce *Ætate*, perperam, quum sententia Lenæ videatur apertissima, dicentis, filiam suam nunquam per malam ætatem Hecalen, id est, pauperem atque inopem seu mendicam euasuram, si modò obsequentem præceptis suis, dictoque audientem facere parenti se studeat, vt æquum est filiam, ne illi vsu veniat scilicet, id quod in Asinariâ Cleæreta, in Mostellariâ Scapha magno cum pretio atque malo euenisse conquærentur sibi, nempe ætate & satietate derelictas desertasque sese ab iis, quibus dum formosæ & iuvenes essent vnus morem gesserant atque inseruierant modo, eoq; benefacto amatores proprios ac fautores in perpetuum fore sperauerant sibi. *Ætate* ergo, *per ætatem* erit, vt in Mostellariâ:

*Te deseret ille ætate & satietate.*

vt significet Lena. Si nunc, interim dum ferrum in igne est tuum, in tempore prospicias tibi, id est, dum hæc

forma atque ætatula est, dumque vi-  
rent genua, rei quærendæ (quæ fortu-  
nati oppidi simillima, sine multis viris  
obtineri non potest) operam dare, ac  
senectuti tuæ maturè præsidium para-  
re volueris; faxo, ætatis vitio nun-  
quam male quærere cogaris postea:  
pertinetque eodem Terentij illud:

*Quippe formâ impulsâ nostrâ nos amatores  
colunt,*

*Hæc ubi immutata est, illi suum animum  
aliò conferunt.*

*Nisi prospectum interea aliquid nobis est, de-  
serta vivimus.*

Verissima ibidem sententia illa, ne  
dicam è tripode prolata, varia amoris  
ingenia ad viuum exprimens:

*Nam æcastor amor & melle & felle est fa-  
cundissimus:*

*Gustu qui dat dulce, amarum ad satietatem  
usque oggerit.*

Hoc enim vult dicere Gymnasium,  
amorem quidem & melle & felle esse  
effertissimum, hoc est, & suavitatis &  
amaroris poculū pariter miscere ac tē-  
perare hominibus, cæterum hoc in-  
teresse, quòd in dulci miscendo restri-  
ctus &

ctus & parci promus, quippe quod gustandum libandumq; primoribus labiis propinet modò; amarum verò quasi de pleno promens, non modio neque trimodiò, verum ipso horreo admensum largiter miserrimis mortalibus offundat oggeratque ad societatem vsque. Cum supradictis conuenit illud ex personâ Alcumenæ in Amphitruone productum:

*Satin' parua res est voluptatum in vita,  
Atque in atate agundâ,  
Præquam quod molestum est!*

& reliqua quæ ordine deinceps consequuntur. Id adeò propterea monere visum est, ut intelligat Lector, omnem huius Eroticæ sententiæ vim omnemque efficaciam in antithetis illis positam esse, & *Gustu* dico, atque *Ad satietatem*. quæ duo inter se aptissimè opponi videmus de quo Monstroliensis iste ne M<sup>s</sup> quidem Lucillianum.

At ibidem pessima illa Silenio consultrix Gymnasium:

*Verum enim meretrix fortunati est oppidi simillima:*

*Non potest suam rem obtinere sola sine mul-*



Cuiusmodi verò hoc *Fortunatum oppi-*  
*dum* dicemus? an quod alibi;

*Plenum bonarum rerum atque opulentum op-*  
*pidum*

nominitat? Hercle verò seriò. atque  
eàdem planè neque aliâ phrasi vsus in  
Persâ:

*Satin' Athenæ tibi sunt visæ fortunatæ atque*  
*opiparæ.*

Eadē Scenâ hæc Lenæ verba habetur:

*Nihil amare iniurium.* Sed Lambinus  
asserit in omnibus se manuscriptis suis  
reperisse: — *Nihil amore iniurium' st.*

Vnde ipse interiectâ præpositione:

*Nihil in amore iniurium' st,*

vel potius adscriptâ interrogationis  
notâ: — *Nihil in amore amarum est?*

terebrando tandem exsculpsit calli-  
dus. Quid credam? an fortasse,

*Nihil amore iniurius' st,*

pro *Iniuriosius est*, comparatiuo gradu  
posuisse Plautum nostrum? sicuti etiam  
*Periurior*, item *Periurius* pro *Periuriosius* ab  
eodem in *Trinummo* vsitata. Ego  
certè melius vel probabilius hoc tem-  
pore aliud quod comminiscar non ha-  
beo. Et sanè (vt quod res est fabuler)  
quid-



quidnam ad veteris scripturæ vestigia  
propius viciniúsve accedere possit,  
haud video.

AD CISTELLARIAM.

CAPVT XII.

*Pluria in Cistellariâ enucleata, illu-  
strata, partim etiam correctâ.*

**S**CENA II. eiusdem Actûs, Lena,  
quæ saburrata probè nimisque ex  
sententiâ lepidissimo illo Liberi flore  
onusta, ne dicam sauciata, à Silenio  
discesserat, largiloqua, hoc est, plusquã  
sat erat, loquitans inducitur, & quod  
tácito vsus erat maximè, foras elimi-  
nans publicitus, quò in genere illud  
vel secretissimum videbatur, de puellæ  
recens natæ, quam Melænidi amicæ  
suæ dono dederat, suppositione à se  
iniustissimè patratâ, cui hanc narra-  
tionem etiam inter res alias subnectit  
garrula:

*Eandem puellâ peperit, quam à me acceperat,  
Sine obstetricis opera & sine doloribus,  
Item ut aliæ pariunt, quæ malū quarunt sibi.  
Quasi verò omnes, quæ verè serio-*

que pariunt eduntque legitimos partus, malam porro rem quaeritare pergant sibi. Sed cogitandum hæc ex communi meretriciæ disciplinæ consuetudine sententiâque efferri: quibus maxima semper religio fuit (cum Lucretio loquar)

*Compleri crebro gravidasq; iacere,*

Quo promptiorem in re voluptatum operam hoc genus, cautionemque vltro adhibere consuevit, vt mobili ac molli clunium motu, ex ossaque lumborum fluctuantium succussatione virilem Venerem retractent: vnicum mehercule ac præsentarium (vti idem Poëta ille nos docet) muliebris conceptionis præpedimentum, ne dicam pernicies.

Scenâ I. Actûs II. Melenis in Scenam procedit, Alcesimarchum amatorem grauissimè secum de iniuriis expostulantem, lenonium in morem exagitant: eiq; palam in os nuptias; quas idem cum Demiphonis filiâ, à patre sibi inuitissimo desponsâ, facturum habebatur; nimis contumeliosè exprobrans, his verbis:

*Eò facetus, quia tibi alia est sponsa locuples  
Lemnia.*

Cur autem Lemnia, quia gens illâ pessimè id temporis audiebat rusticitatis & infacetiae vitio. idque ipsum tacitè & velut aliud agens, per causam oblatam sugillare videtur Comicus; quemadmodum & Truculento sub personâ Phronesij:

*Qui tam infacetus Lemno adueniens, tua  
Qui non amica des, Dinarche, suavius?*

Ità enim locum illum in numeros ac pedes suos restituendum, suo aliquando loco docturi:

Eiusdè Actûs Scenâ III. cui initium:

*Audire vocem, &c.* pergit narrare Heræ porro suæ Lampadiscus, quæstionem à se prò rei indignitate asperè plus satis in Lenam, felle illam virginariam dico, habitam atque exercitam: eamq; modò non suadelâ suâ perductam in suam & Phanostratæ sententiam; sed verò obstitisse tantum sibi, quòd (Plautinis porro verbis rem exsequar)

*Ille se quandam aiebat mulierem*

*Suam benivolentem convenire etiam prius,  
Commune quâcum id esset sibi negotium.*

*Et scio*

*Et scio venturam.* Cæterum postrema hæcce clausula non placet; hariolorque de prioris narrationis sententiâ rescribendum :

*Commune quâ cum id esset sibi negotium, & Scio conuenturam.*

Appingam & alteram emendatiunculam à me, sub Scenæ proximè finem, vbi disertissimè impressum exstat : — M<sup>E</sup>. Abiit, abstulit,

*Mulierem : ibo, persequar iam illum intrò, ut hac ex me sciat.*

*Eadem sic possum tranquillum facere ex irato mihi.*

pro quo ego pòl lubenter legerim :

*Eâdem si possum tranquillum facere, &c.*

Eâdem, prò eâdem operâ, vt sæpe aliâs, hoc est, indicio de Silenij parentibus factò, quo Alcesimarchum se tranquillare posse confidit Melenis : atque ex irato placidum ac propitium sibi reddere amatorem.

Illud verò A&tu 1 v. perperam, ex ingenio mutatum, edendum nobis curauit Lambinus :

*Ecquẽ vidisti auferre hic amabo in hac regione Cistellam cum crepundiis ?*

Oblitus

Oblitus, ut videtur, *Querere* (id quod pro Lambiniano hoc *Auferre* in omnibus omnium Editionibus planè & probè exaratum comparet) idem plerunque significasse antiquis, quod nos composito verbo *Acquirere*, hoc est, compendi seu lucri facere atque adipisci diceremus. Exemplo fuerit Ennianum illud:

*Namq; mari quarentibus vitam,*  
id est, victum comparantibus sibi, aliaque ad eamplè faciem innumerabilia. Etiam malè postea ibidem Lambinus:

HA. *Vestigium hic requiro,*

*Quà aufugit quadam nescio quo mihi,*  
*Cistellam* interpretatus est nobis, quam fugitiuos imitatum vidèri cupit, malè inquam atque adeò incogitanter. Et enim de prædatrice cistellæ, non autem de cistellâ furtim Haliscæ subtrahâ ac manticulatâ intelligendum.

## A D E P I D I C V M.

## CAPVT XIII.

*Locorum aliquot correctio.* Gradibus grandibus, celeri curriculo esse. Scurræ, pro vrbanis accepti anti-quitus, quibus aptè appositeq, respondent Homines militares.

**I**AMPRIDEM hercule ad partes suas Epidicus nos vocat. quam quidem Fabulam æquè ac seipsum Plautus in Bacchidibus amare se testatur. Quocircà magis habenda ratio est nobis, ne quid in illam temerè. Quod ut me hic etiam,

*Si qui fortè mearum ineptiarum*

*Lectores eritis, seruaturum sciatis, locum quendam singularem vnâ à me non amplius litterâ auctum & restitutum proponam, ex Scenâ I.*

EP. Quid herilis noster filius, valet? THE. Pugilicè atque athleticè.

EP. Voluptabilem mihi nuncium tuo aduentu attulisti. sed ubi

Est is? THE. Adueni simul. EP. Vbi is ergo est?

Quæstio

Quæstio omnis versatur in eo, quod Epidico, de herili filio vbinam gentium esset percõtanti, respondet Thesprio: *Adueni simul*. Friget enim & nescio quomodo haudquaquàm satisfacit interrogationi alterius. Quam culpam perfacile effugiet Thesprio, si quidem in locum *Adueni*, *Aduenie* reponatur, subaudi Herilis filius Stratippocles noster. Quæ lectio quantum præster priori illi, aliorum potius, quàm meum esto iudicium.

In limine huius Scenæ Epidicus ipse conseruũm! suum Thespriõnem vnà cum herili filio Stratippocle recẽs peregrè atque è militia reuorsum, atque ab eodem hero suo præmissum antea, ac propterea concitatiore gradu domum à portu approperantem vix passibus æquis ponè affectans, eundemq; medio velut è cursu retractum ac repensum pallio, post mutuã consalutationẽ, hisce tandem verbis glalatorios eius ac militares gradus incessẽs inducitur:

EP. *Dĩ immortales infelicient, vt tu es gradibus grandibus.*

Nam

*Nam ut apud portum te conspexi, curriculo  
occipi sequi,*

*Vix adipiscendi potestas modò fuit.*

Verum enim auris vellenda Lectori,  
in malâ illâ Epidici imprecatione vi-  
deri desiderari Pronomen hoc fortasse  
modo interferendum:

*Diî immortales te infelicient.*

fartâ tectâ numerorum ratione, neque  
dissentiente Lambino. qui tamen de  
sequentibus prudētius multò (id quod  
res est prædico) ac circumspectius con-  
suli potuisset. Nam quanti obsecro  
est illud?

*Vt tu is gradibus grandibus?*

prò quo in omnibus omnium exem-  
plis antehac legebatur, etiamque nunc  
legitur:

*Vt tu es gradibus grandibus?*

probo ac per antiquo loquendi genere,  
& (quod rei caput) Plautinum in mo-  
rem, quo idem quoque in Sticho usus,  
ubi scribit:

*Ita celeri curriculo fui*

*Properè à portu tui honoris caussa.*

neque audiendi illi, qui locum illum  
interpolare inuerso verborum ordine

temerè.



temere sanè conati hoc modo :

*Ita celeri ini curriculo*

*Propere, &c.*

cuius ego vestigiis insistens sedulò, videor mihi haud temerè neque calido consilio nimis in Fragmentis Comici nostri iampridem locum quendam Clitellariæ apud Festû ex hoc emendasse. Sic enim ibi :

*Quæ nisi sic biteris, nimium is uegrandi gradu.*  
quum manifestò & illic quoque non, Is, sed Es Plautum nostrum scripsisse satis superque mihi iam acceptum aurumem.

Respondet deinde Epidicinæ ob-  
iurgationi Thesprio, arreptâque per  
tempus occasione urbanam conserui  
sui mollitiem consuetamq; in incessu  
spissigradissimam tarditatem militari  
conuicio retundens ait: *Scurra es.* illud  
credo volens dicere. Epidicum in um-  
brâ inque otio urbano molliter ac de-  
licatè, hoc est, ignauiter habitum edu-  
ctumque, ideoque minus mirum aut  
nouum videri sibi, si se hominem ca-  
strensem, gradibusq; militaribus me-  
tari solitum, ipse placidè ac urbanum

Q

ia mo-

in morem incedere assuetus, quamvis  
 curriculo persequens adipisci, prope-  
 rantem præsertim, hoc est, assequi non  
 valuerit. *Scurram* enim, non pro tene-  
 brione aliquo, seu nebulone (vti nunc  
 loquimur) vel qui catillandi atque alie-  
 nas epulas adipiscendi gratiâ, dictâ tan-  
 tùm ridicularia ac scurrilia meditâtè  
 fundere condidicisset, verùm hercule  
 pro homine venusto dicaci què ac per-  
 urbano (quod genus *Astidos cines* in  
 Trinummo perhibet Comicus) anti-  
 quitus acceptum iam pridem annota-  
 uit magnus ille Imperator noster Tur-  
 nebus, exemplis ei rei firmandæ pas-  
 sim ex Plauto productis. Quod eò  
 commonendum duxi, ne quis popula-  
 rium nostrorum sribiligini adsuetus,  
 cognomentum istud tam ignominio-  
 sum, intestabile, omnibusque modis  
 inuisum deniq; priscis illis cluisse au-  
 tumet, quàm nobis hodie omni urba-  
 nitate expertibus videtur. Atque ita  
 (proinde vt dixi) Epidici sententiam  
 interpretandam, manifestum utique  
 ex responso Thesprionis quod huic  
 protenus subiungitur :-

*Te esse quidem hominem militem.*

Vides enim, *Hominem militem, Urbano*  
*scurra* ab *urbaniſſimo Poëtâ* contrâ de-  
centiſſimè opponi, quaſi alterius illius  
relatiuum. neque hîc ſolùm, verùm  
etiâ *Truculento*, vbi *Stratophanes* ait:

*Non placet, quem ſcurra laudant, manipula-*  
*res muſitant.*

Quò item referendum, id quod prius  
prædicauerat *Theſprio*, ſcè iam minus  
furtificum eſſe, quàm antea. cuius in-  
conſtantiæ hanc quoq; cauſſam reddi-  
derat *Epidico* ſuo, quòd à furtis clau-  
deſtinis iam ad manifeſta latrocinia ac  
rapinas conuerterit animum, neque  
iam amplius ſeruili ac furtificâ læuâ,  
verum potius harpace dexterâ graſſa-  
bundus rem gerat, quippe iam miles  
factus, hîc eſt, armiger herilis, ſcuti-  
gerulusq; ac militaris cacula ſcilicet,  
cui hominum generi hæud propalàm  
rapere graſſariq; ac prædas agitare  
modò, verùm adulteria etiam accædes  
(non ignota noſtræ *Belgicæ* mala) Dîs  
hominibusq; inſpectantibus, patrare  
paſſim, latrocinari, quiduis denique  
Q. 2. impunè

impune facere, stratoticum cumprimis, hoc est, etiam gloriosum ducitur, & quasi prò munimento habetur.

## A D E P I D I C V M.

## CAPVT XIV.

*Arma fugitiua. Plautus à Ioachimi ac Dionysii calumniis optimo iure defensus. Montes mali, Tempestatis. Emendatus inibi Lucilius.*

**L**EGITVR eâdem Scenâ haud multò postea:

*Sed quid ais? TH. Quid rogas? EP. Vbi arma sunt Stratippocli?*

Arma, id est, clypeus, galea, sarcinæ, quas constrictas constructasque gestare, scuto ad dorsum accommodato, Cacularû erat prouincia. vnde iidem Armigeri, siue etiam Scutigeruli in Casinâ & alibi nominantur à Plauto. Quorum omnium, quum ne vmbra quidem secum è militia domum referentem (ita vti armigerum par erat) Thespionem conseruum suum videret

Epidicus

Epidicus; quærit ex eo vbinam locorum arma herilia, hoc est, & galeam, & cassidem, & clypeum, quorum quidem ipse gerulus fuerat, Stratippoclis reliquerit? At ille quàm verniliter, ac fugitium in morem?

*Pòl illa ad hostes transfugerunt.*

metaphorâ ductâ à perfugis, qui deserto Imperatore suo ad hostem perfidiosè desciscunt. Cuius pòl dicti insolentiâ miratus Epidicus, erotema semel institutum de integro resumens, petit iterari sibi narrationem illam de *Armis fugitiis*, quasi ambigens porrò, utrùm iocò an seriò, an verò etiam (ut fit) linguâ lapsus hoc dixerit Thesprio. Sed verba ipsa satius est apponere:

EP. *Armâne?* TH. *Atq; quidem cito.*

EP. *Seriò ne dicis hæc tu?* TH. *Seriò inquam, hostes habent.*

EP. *Ædepol facinus improbum.* TH. *At iam ante alijs fecerunt idem,*

*Erit illi illa res honori.* EP. *Qui?* TH. *Quia antea alijs fuit.*

*Mulciber credo arma fecit, quæ habuit Stratippocles,*

*Transuolauerunt ad hostes, &c.*

Quam lepidissimam inter conseruos  
 duos dictorum velitationem, verèque  
 Plautinas argutias eò longius produ-  
 cere sum ausus; quò res omnis clarius  
 patefiat Lectori: simul, vt clarissimo-  
 rum virorum Camerarij ac Lambini,  
 non dico inscitiam (neq; enim in He-  
 roas illos cadit hoc verbum) sed verius  
 errorem humanitùs admissum denu-  
 dem, qui Plautum hoc loco per inco-  
 gitantiam (vt fit) dormitasse, aut me-  
 moriæ lapsu hallucinatum esse credi-  
 dere, quoniam Vulcanum fabricato-  
 rem faciat armorum Achillis, quibus  
 Patròclo cæso potitus est Hector;  
 quum capte diuersa ab illis fuerint, à  
 Vulcano non fabricata. Nam cogita-  
 re debebant, Poëtam nostrum in hoc  
 etiã Comicum suum artificiũ con-  
 sultò prodidisse; meliusque hãc deli-  
 beratã erratione τὸ πρῶτον personæ  
 conseruasse, quàm si & hominem ser-  
 uum & Caculam, hoc est, calonem seu  
 baiulum militãrem (cuiusmodi clue-  
 bat hic Thesprio) dicta sua Historicã  
 fide obligantem & cum curã rerum  
 earum, quas veluti per nebulam inau-  
 diuerat

diuerat tantum, veritatem persequen-  
tem in Theatrum produxisset.

Illam verò pænè Tragicam ac su-  
prà soccum ampullantem in re crepe-  
rà Allegoriam:

*Tanta in te impenitent ruina; nisi suffulcis  
firmiter,*

*Non potes subsistere. itaq; in te irruunt mon-  
tes mali.*

Fragmento cuidam Lucilliano corri-  
gundo aduocare quid vetat? ità in-  
signitè apud Nonium deprauato, vt  
(quòd in re dissimili Cicero) nec ca-  
put, nec pèdes. Verba sic habent:

*Tanti se temporis montes & fœdera tollent.*  
quæ pristinæ porro integritati suæ ità  
per me restituas licet: — *Tanti*

*Se tempestatis montes ad sidera tollunt.*

Quid enim? de commoto fluctibus  
ac procëllis decumanis vehementius  
mari, Satyrographum loqui, Poëticus  
iste Montium tumor, palam indicium fa-  
cit; subscribente insuper, firmissimeq;  
coniecturam hanc nostram suffulcien-  
te Ouidio in Tristibus:

*Me miserū, quanti mōtes voluntur aquarum.*

*Iam iam tacturos sidera summa putes.*



Iam *Tempestatem*, prò tempore interdum poni, item contrà; eamque vicissitudinem tam monstruosæ depravationi ansam præbuisse primitus, mora mera sit ostendere. Quod restat, vide ac ride, mi Lector, cuiusmodi portentâ hîc nobis ac meras hariolationû Sphynge (de *Emporiis*, ac *Sæderibus* loquor) cõmentus fuerit Mellerus.

Leue est, quod addam; & tamen tanti. Legitur eâdem Scenâ:

TH. *Abeo. Ep. Asta, abire hinc non sinam.*

Sed mihi emendatiuncula mea potius arridet: quæ sub manu mihi, quod dicitur, nata finem imponet huic Capiti. Ea verò hæc est:

Ep. *At sta: abire hinc non sinam.*

Sed taceam optimum est, cum ipso Epidico.

A D



## A D E P I D I C V M.

## CAPVT XV.

*Laudata in Plauto decori observatio. In amore, in potestatibus temperare. Comburare diem. Plura alia aut emendata, aut explicata.*

**S**CENA II. Cheribulus, cui Stratippocles interiora consilia omnia, summamque amorum suorum arcano edictauerat, inducitur ita Sodalem eundem suum concastigans:

*Præter ætatem & virtutem stultus es Stratippocles.*

De ætate planum. adolescens enim Stratippocles. *Virtutem* verò *Ætati* cur subiicit Cheribulus? Dicam; quia miles ac bellator idem ad Legionem cluebat, quippe è militiâ tum primum domum reuersus; quorum hominum propria laus virtus, id est, strennuitas ac fortitudo. Pergit inibi in captiuâ adolescentulâ, quam de prædâ commercatus fuerat, temperatiâ ac moderationem amoris sui apud sodalem

Qs      depræ-

deprædicare Stratippocles, his verbis:

*At pudiciæ eius nunquam nec vim, nec vitium attuli.*

In quo vides quàm decori ubiq; ob-  
servans Plautus, qui, ne incestis ama-  
tionibus Comici argumenti verècan-  
diam contaminare, ac sororem à fra-  
tre germano suo per imprudentiam  
corruptam inducere cogatur; amato-  
rem modestum ac continentem facit,  
& qui voluptatibus temperationem  
adhibere, animo imperaverit suo.

In illâ verò sententiâ etiam Latinæ  
dictionis elegantiam admirere:

CH: *Iam istoc probior es, meo quidem animo,  
quum in amore temperes.*

Sic Sallustius in Oratione Marianâ:  
*Illis difficile est in potestatibus temperare; qui  
se se probos simulare.*

Neque ista phrasis silentio obruenda,  
quam habes hac ipsâ Scenâ:

*Quia meo neque cara est cordi, neque places.*  
vtiturque eâ Terentius Eunuchò illis  
in versibus:

*Ego pol, quæ mihi sum conscia, hoc certò scio  
Neque me fecisse falsi quidquam, neque meo  
Cordi esse quenquam cariorem hoc Phædriâ.*

Elegans

Elegans quoque mehercule phrasis  
illa Scenæ eiusdem :

S T. Eamus intro ad te, ut hunc hodiè diem  
Luculentè habeamus. Quid enim potius  
credam, quam huc etiam in Menech-  
mis allusum exemplo illo ?

*Quin hunc comburimus diem ?*

Elegans verò & graphica nimis, Sce-  
nâ secundâ Actus proximè sequentis,  
illa Epidici pallium colligentis oratio :

*Age nunc iam orna te Epidice, & palliolum in  
collum conice.*

Eodemq; ferè pacto in Captiuis Er-  
gasilus Hegionem maximis amcenita-  
tibus & lætitiis oneraturus inducitur :

*Nunc res certa est, eodem pacto, ut Comici  
serui solent,*

*Coniciam in collum pallium.* Vnde ap-  
paret rectè & sincerè legi in Terentij  
Phormione, ubi Geta hero suo boni  
quippiam nunciaturus ait :

*Sed ego nunc mihi cesso, qui non humerum  
hunc onero pallio.*

Quæ si rectè considerasset Glarea-  
nus, numquam profecto purissimum  
Comicum suo Exonero onerare insti-  
tisset. Cæterum verbis istis :

Tum captiuorum quid ducunt secum?  
 puto Epidici nomen præmitti oportere eaq; coagmentanda cum sequentibus hoc modo:

— P E. Nimis factum bene.

E P. Tum captiuorum quid ducunt secum?  
 pueros, virgines,

Binos, ternos, alius quinque, &c.

ut quasi per admirationem seruilis narratio continuetur. Sic statim post idem Epidicus de amoribus herilis filij Stratippoclis:

Sed vestita, aurata, ornata, ut lepidè? ut concinnè? ut nouè?

Habes nullo deinceps interuallo:

P E. Quid erat induta, an regillam indunculam, an mendiculam?

E P. Impluiatam, ut isthæc facimus vestimentis nomina.

Vt in impluium induta erat. P E. Quid istud mirabile est:

Quasi non fundis exornata multe incedant per vias.

Vbi primò notandum non Isthæc, verum Istic pro Hic legendum videri, deinde Fundos Periphanis lepidè Epidici Impluio opponi, quod Silicernius ille  
 ita

ita se assimulat, proinde ac si Seruus  
 suus dixisset, captiuam illam quam  
 Strátippocles demoriebatur, Impluuio,  
 hoc est, impluuij pretio indutam at-  
 que exornatam fuisse, quod arguta-  
 tor ille nemini mirum nec nouum, se-  
 culo præsertim suo, videri debere  
 ostendit, quum pleraque pars meretri-  
 cum totis etiam fundis, hoc est, fundorum,  
 quibus ab amatoribus damnosissimis  
 munerata, pretio cultæ atque exorna-  
 tæ contemnificæ ac fastidij plenæ per  
 vias incedant. Pro illis autem :

*Cumatile, aut plumatile, cerinũ, aut melinum,*  
 emendare non dubito, *Cerninum aut me-*  
*linum*, à *Ceruo* & *Mele* deriuatis vocabu-  
 lis, quomodo idem postea à *Cane* *La-*  
*conicum* detorquet. Scenâ eâdem  
 non rectè legitur :

*Reperiamus aliquid callidi conducibilis consiliũ;*  
*Nam ille quidem, aut iam hic aderit credo*  
*hercle, aut iam adest.*

In priori versu rescribo, *Calidi*, ipsâ  
 me cò quasi manu ducente sententiâ.  
 Sic Milite: *Cedo calidum consilium cito.*  
 & Mostellariâ: *Calidum mendacium dixit.*

## CAPVT XVI.

Raptor hostium. *Ex Epidico tabecula complures deterfa. Peratim, Folitum ductitare, quomodo interpretanda; inibiq, quàm frustra fuerit Lambinus, demonstratum.*

**L**EPIDAE ibidem. Militares gloria; quibus hoc genus pugnis memorandis suis hominū aures, semel quum occœperint, eradicare amant; exprimuntur: ea tribuentes sibi, quæ facilius dictis dici, quàm factis expatrari possunt. in quibus illud omnium inanissimum:

*Anro opulentus, magnus miles Rhodius, raptor hostium.*

Prò Harpace mero, & qui hostes viuos ex acie rapere condidicerit solens; ita vti à Poëtâ ipso hoc nomen Pseudolo explicatum videmus. Quid enim vanius, aut ventosius, quàm homines armatos, contrâ confertâ manu, raptare, atq; in sublime iacere, itidem quasi pilas sago excussas.

Emen-

Emendemus porro illud Scenæ consequentis :

*Sed me una turbat res ratioque, Apæcidi,*

*Quâ ostendam fidicinā aliquam conducticiam.*

Ita enim legi placet haud paullò impensius, quàm quod vniuersa exemplaria vsque adhuc occupauit atque obsedit: *Quam ostendam.* Quod quid nam esse dicam, nescio. Ita me quoque non minus, quàm Epidicum, vna turbat res ratioque, quâ me ex tricosâ ista lectione extricem. quod quidem (ut meus est animus) aliâ ratione haud posse arbitròr. Quid enim opus est, *Aliquam,* si *Quam* istud retinendum putemus?

Habes exinde Scenâ 1. Actûs tertij:

*Quid illum ferre vis? qui, tibi, cui diuitie domi maxima.*

*Sunt, is nummum nullum habes, nec sodali tuo in te copia est.*

Sed puto efficaciori censure referiptum iri ad hunc modum:

*Is nummum nullum habes, &c.*

Sequitur Scenâ deincepe:

*Per hanc curam quieto tibi licet esse, confine priori illi:*

*Per illam tibi copiam.*

*Copiam*



*Copiam parare aliam licet.*

Lubet verò indidem Epidici iocationes multò lepidissimas in commune proponere.

EP. *Quia ego tuum patrem faciam perennicidam.*

ST. *Quid istuc est verbi?* EP. *Nihil moror vetera & vulgata verba.*

*Peratim ductitate, at ego follitim ductitabo.*

Ità enim Editiones, quantum quidem vsque adhuc typis publicatum. cæterum ego mallet: *Peratim ductitare*, vt significauerit Epidicus, nihil curare se vulgò vsitata

*Dicendi genera, aut protrita vocabula rerum.* in quibus est illud, quod serui non nautici protenus Triumphum se commensuissent, vel saltem ouatione dignos deputant, si fortè herum suum *peratim*, id est, per pauxilli argenti modo, & quantilli *peræ* vnus laxitas sit capax, defrudauerint atque interuorterint. Etenim sic, *Ductitare*, exponere collibitum est mihi; quasi tu dicas, *Argento Circumducere*: suspicorque omnem sententiæ istiusce argutiolam in duobus Aduerbiis illis, *Peratim* & *Follitim*, hoc est, in modi, siue mensuræ



mensuræ eius differentiâ, quanta inter *Peram* & *Follem* est, consistere. Nota enim amplitudo siue laxitas *Follis*, præ *Peræ* exiguitate atque angustis. *Lambini* commentationes non moror, qui ad supplicia parricidarum allusum hallucinatur, quos in *Peram* (quam ille itidem quasi *culleum* interpretatur) insutos, in profundum abiectioni potius, quam in *pergulam* deportari, moris fuisse condidicimus.

Scenâ: *Non oris. sub finem:*

*Suam qui undantem chlamydē quassando facit.* id est, fluctuantem agitando. quibus verbis habitum incessumque gloriosi nimis polgraphice ac Comædicè expressum videmus: ab *Afranio* item adumbratum in *Pompâ* huiusmodi exemplo:

*Tene tu; in medio nemo est: magnificè volo fluctuatim ire ad illum. accipe hoc tegmen tu & sustine.* ubi *Fluctuatim*, prò iactanter & solutè sumptum exponitur à *Nonio*, examussim rectissime.

In illâ verò *Militis* & *Periphanis* colloquutione Scenâ I V. Actus eiusdem:

MI. Volo te verbis pauculis,

R.

Si tibi

*Si tibi molestū non est. PE. Non ædepol scio:  
Molestum non est mihi, si dicis, quid velis.*

postremum istuc Plautino salī parum  
ædepol mihi respondere videtur. Pro-  
inde emendare non dubitem:

*Molestum non est mihi, si dicis quod velim.*  
vt sit sensus: Haud ædepol scio, vtrum  
auribus meis odiosa alloquutio tua  
euentura fiet, nec ne. Neque enim  
Oedipus cluo, vt prædiuinare possim,  
quid sis dicturus. hoc probè scio, mo-  
lestam mihi non fore interpellatio-  
nem hanc tuam, si quod mihi luben-  
tiæ ac voluptati fuerit, ediffertaueris.  
ad exemplum opinor eius, quod in  
Aulularia respondet Euclio, hocce  
modo interrogatus abs Megadoro:

*Quæso quod te percōtabor, ne id te pigeat proloqui*  
EV. *Dum quidem ne quid perconteris, quod*  
*mihi non lubeat loqui.*

Dixerat paullò ante Militem iacta-  
bundum militaris inaniloquentiæ ho-  
stimento retundens Periphanes:

*Imò si audias*  
*Meas pugnas, fugias manibus demissis domū.*  
Sic enim legendum, non Dimissis (vti  
est apud Lambinum) neque sententia  
nobis

PLAUT. EXPL. LIB. II. 259  
nobis, neque Camerarij mentitur Editio. More enim fieri videmus, vt qui loci desertores ac fugitiuos, per summam ignauiam nimiamq; animi molitudinem, imitantur; manus clypeo, reliquisq; telis stratioticis temere proiectis, exoneratas demittant, quo ad cursuram, quam instituere, expeditiores existant scilicet.

A D E P I D I C V M.

CAPVT XVII.

*Plauto de Seriarum possessione iniustissimè deturbato Vindiciæ data. A Lambino item leniter ac leuiter dissensum.*

**V**IDEAMVS, an & ille locus instaurari queat hoc modo:

*Sexaginta mihi si denumerantur mina,*

*Tuas possidebit mulier faxo ferias:*

pro lectione receptâ, quamq; adcò interpretes vniuersi vno ore quasi mordicus tueri videntur: Ferias. Quod quid sit, necdum mihi hercule in mentem venire potuit. At nostrum illud (Serias

inquo) pro vasis vsurpatum accipio, æs aut argentum aut aliquid simile continentibus, quas Periphanes Militi pollicetur fore, vt fidicina sua (quam Acropolistidem, ab Epidico inductus, esse falsò persuasum habebat sibi) amica eius possideat, si sexaginta sibi denumerentur minæ, non in diem dico, sed verò in manum, & quidem oculatam, hoc est, præsentariæ, & fide Græcâ. Nam qui puellæ alicuius amore seriò est irretitus, eius verò hominis *Seria*, hoc est, Thesauri omnes ad eopse illos amores suos vnà cum animo quâsi perfugæ deserto domino facti, in aliena iura transmigrasse videntur. *Possidebit serias* nihil ergo aliud fuerit, quàm *Seriarum*, id est vniuersæ pecuniæ tuæ in serias conditæ possessorix futura est. Quò etiã facit Persianum illud:

— O si  
Sub rastro crepet argenti mihi *seria*, dextro  
Hercule.

Atque id ipsum sequentia insuper de agro eapte, haud secus ac *seriâ aliquâ*, exonerando, disertissimè confirmant. Quid enim aliud vult sibi adpensa conditio illa adiectanea?

Atque

Atque ita profectò, ut eam (subaudi, Ser-  
viam) ex hoc exoneres agro. Nisi si quis Ob-  
sidebit, prò Possidebit legi mauelit: & Serias  
istas, fictilia, in quibus carnes muriâ  
conditæ (quo & nos more utimur ho-  
die) ad vsus diurnitatem adserua-  
bantur, aut vasa etiam vinaria interpre-  
tari; ut intelligat Periphanes: Faxo fi-  
dicina ista, quam concilio tibi, obli-  
deat siue etiam possideat serias tuas,  
cellas penumq; potius militarē quàm  
penem designans, hoc est, faxo de tuo,  
non de meo deinceps cænitet, serias  
tuas hercle vero seriò, id est, focum  
ipsius tuum, quantum & quamdiu vo-  
les, tuo potius arbitratu, quàm meo in  
perpetuū porrò obsessura: ubi Cōten-  
tū pro continente positū obseruabis.

Habes eadem Scenâ:

*Flagitio cum maiore post reddes tamen.*

Flagitio, id est efflagitatione, conui-  
cio, seu pipulo potius & quidem mu-  
liebri; non dedecore, ut vult Monstro-  
liensis noster.

Sequitur deinceps abrupta sufflati se-  
nis per eilipsim oratio:

*Eámne ego sinam impunè?*

R 3

Vbi

Vbi Lambinus de sententiâ Camerarij, *Inimiam* subaudiendam existimat. Ego *Pecuniam* malo, quâ marsupium herile exenteratum ab Epidico ex argumento didicimus iam prius.

## A D E P I D I C V - M.

## CAPVT XVIII.

Miser ex animo. Miserari se ac paruos liberos. *Dictorum aliquot explicatio.*

SCENA I. Actûs quarti, in quam Mulier illa cum Philippæ nomine à Periphane iam olim in Epidauro cōpressa, primum producitur, ab hac pol muliebri querimoniâ initium sumit:

*Si quid est homini miseriarum, quod miserescat, miser ex animo est.*

*Id ego experior.*

*Quod miserescat, id est, propter quod miser fiat. atque ita Lambinus, qui etiam substantiuum illud Est delédum censet, vt sententiam corrumpens. Vtrumq; rectè meâ quidem sententiâ. Sed mihi potius Misera emendari placet, in-*

cet, inducto commate post τὸ Animo, distinguique hoc modo:

*Siquid est homini miseriarum, quod miserescat, misera ex animo*

*Id ego experior.*

Nisi tamen per causam antiquitatis τὸ Miser communis generis esse dicamus, ac utriq; sexui aptari posse existimemus, quomodo Pauper fœmina etiamnum pace Grainmaticorum, prò Paupera usurpamus: exemplo Virgilij, apud quem Pauper domus, item Plauti nostri, in quo Pauperes res videmus exaratum. adde Ouidij denique ex Arte:

*Cur nemo est Hecalen, nulla est qua ceperis Irum?*

*Nempe quòd alter egens, altera pauper erat.*

Iam Misera ex animo phrasis eidem Comico nostro usitata haud semel, ut Sticho:

*Credo ego miseram fuisse Penelopam,  
Soror, suo ex animo, &c.*

Sed & Lucretius:

*Qui miser ex animo est, letatur corpore toto.  
Id est, quod nos vulgo dicimus:  
wt gansch harten benaut.*

Sequitur Periphanis hallucinantis  
R 4 ante



ante congressum anceps dubitatio in  
hæc verba :

*Quis illac est mulier, timido  
Pectore, peregrè adueniens, quæ ipsa se mise-  
ratur ?*

*Miseratur*, id est, miseram se miserè ac  
dolenter prædicat, siue Tamentatur.  
Loquendi ratio vetustioris notæ scri-  
ptoribus celebratissima; vti & Sallu-  
stio in Catilina: *Miserari paruos liberos.*

Actus v. Scenâ i.

S T. *Habe bonum animum;*

E P. *Quippe ego cui libertas in mundo sita est.*  
*Quasi si diceret: Quippini ego, seu:*  
*Quidni ego bonum animum habeam,*  
*cui libertas parata est domi? Ironia*  
*seruilis.*

*Vbi porrò legimus: E P. Hæcine est?*

S T. *Hæc est, est'ne ut tibi dixi? aspecta.*

E P. *Hæc*

Non placet postremum *Hæc* istud ex  
Epidici persona pronunciatum, atque  
eius vicem *Hei* substituo, ipsâ sententiâ,  
manu quasi in viam deductus.

Illud verò quidnam esse dictitem,  
quod ibidem quærit Epidicus?

*Satin' ego oculis utilitatē obtineo sincerè an parū?*

*Quid?*



Quid? nisi quod alibi passim eodem intellectu simplicissimè vsurpatur à Comico? *Satin' rectè oculis vtor?* id est, *Satisne clarè oculis prospicio, an secus?*

A D E P I D I C V M.

C A P V T X I X.

*Pluria in Epidico aut correctà  
aut enodata.*

**H**A B E S eâdem Scenâ magnum veriuerbij argumentum in probatione illâ Epidici:

*Non habeo ullam occasionem, ut apud te falsa fabuler.*

Simile illi quod legimus in Mostellariâ: *Quid mihi sit boni, si mentiar?* id est, quid mihi profuerit mentiri; & quod idem planius alibi:

*Quid meream, quamobrem mentiar?*

Cuius sententiæ acumen imitatus item Ouidius, quum canit:

*Hæc mihi nō vani (nec erat cur fallere vellent)*

*Narrauere senes. Item I I I. Tristiam:*

*Vix equidē credar; sed quum sint præmia falsi*

*Nulla, ratam debet testis habere fidem.*

Adde à Tacito ex IV. Histor. libro:  
*Virumque, qui interfuere, nunc queque me-*  
*morant, postquam nullum mendacio pretium.*

Illud verò correctionis egere vide-  
 tur in verbis eiusdem Epidici :

*Sed memento, si quid saniant senes,*  
*Suppetias mihi cum sorore ferre.*

Legendum enim proculdubiò *san-*  
*bunt, vel certè, saniant.*

Illud autem festiuium nimis condi-  
 gnumque hercle seruili peruicaciâ :

*Non fugio, domi adesse certum est; neque ille*  
*haud obiiciet mihi*

*Pedibus sese prouocatum.*

nimirum ad cursuram, seu currendi  
 certamen. Qui enim in decursione  
 prior est, seque cursu insequentem an-  
 teuertit, is modò non laceßere, & quasi  
 prouocare, ne dicam, tarditatem ad-  
 uersario, hoc est, concursori suo ex-  
 probrare videtur.

Scenâ nouissimâ scitum illud dicendi  
 genus :

AP. *Dum sine me queras, queras meâ causâ*  
*vel medio in mari.*

Cui prorsus affine illud è Truculéto:

ST. *Si planè ex medio mari*

*Sanium*

*Sanum petere tuum inbeas, petere hand pig-  
eat me.*

Eadem quoque illud emaculare per-  
gamus:

A P. *Quid colligas?*

rescribendo,

EP. *Quin colligas?*

ut sint verba Epidici, non Apœcidis,  
herum videlicet increpantis, quia se  
sic solutum adstare sinat, quum ipse  
vinciendum ultro se præbeat. Quæ se-  
quuntur autem ex personâ Periphanis:

P E. *AEdepol! nancipium scelestum!*

his verò nos Apœcidis nomen præmit-  
tendum censemus. Neq; obstat huic-  
ce coniecturæ nostræ, quod protenus  
subiungitur ab Epidico:

E P. *Te profecto, Apœcides,*

*Nihil moror mihi precatorem.*

Hoc enim à tenebrione servilis con-  
fidentiae plenissimo, nimisque adeo vi-  
lissimi capituli ac vitæ suæ profusè  
prodigo *εἰς τὴν αἰῶνα* prolatum suspicari  
lubet. Notanda ibidem & iunioribus  
phrasis illa raritatis causâ:

P E. *Dedim' tibi minas triginta ob filiam?*

id est, pro filiâ. Quâ idem antea usus  
etiam Asinaria:

*Ait se ob asinos ferre argentum atriensi Sauræ.*  
hoc

Noſſ.  
Attic.  
lib. xi.  
cap. x.

hoc eſt, prò afinis mercatis ac præſtiti-  
natis pretio. eandem quoque iteratam  
reperias in Fragmento quodam, quod  
citatur Gellius ex Oratione C. Semprom-  
nij Gracchi, quâ Legem Anſeiam diſſuaſit;  
cuius poſtremam partem, quæ huc fa-  
cit maximè, tum ob Latini ſermonis  
elegantiam, tum ut melius alterum ex  
altero intelligatur, viſum eſt Lectori  
fuſius ob oculos proponere:

*Legationes autem à Regibus, cum putant eos  
ſuâ cauſâ reticere, ſumptus atq; pecunias ma-  
ximas præbent, vii in terrâ Graciâ, quo in  
tempore Tragædus gloriæ ſibi ducebat; talen-  
tum magnum ob unam fabulam datum eſſe;  
homo eloquentiſſimus ciuitatis ſuæ Demades ei  
reſpondiſſe dicitur: Mirum tibi videtur, ſi tu  
loquendo talentum quæſiſti? Ego, ut tacerem,  
decem talenta à Rege accepi. Itidem nunc iſti  
pretia maxima ob tacendum accipiunt.*

A D

C A P V T X X.

*Locorum Plautinorum; vnus, alterius, consideratio. Intellectibus obscænis velamentum verecundè quæsitum, in verbis Tutturis, ac Scaphij, à Comico; præter opinionem cum Lambini, tum etiam Turnebi.*

**I**NITIO Bacchidum, duârum Meretricum cognominum consultatio proponitur, deliberantium inter se, quibus nam verbis, atque vtra potissimum orationem impetrabilem sibi apud Pistoclerum exordiat. Principium sic habet:

*Quid si hoc potius est, ut taceas, ego loquar?*

*B. A. Lepide licet.*

scilicet: tacere mihi, ut quidem interpretatur Lambinus. Ego tamen (pace industriosissimi viri quod fiat) distinctim enarrare maueim, hâc videlicet interpunctione: —

*B. A. Lepide: licet.*

ut sit assentientis responsio. Notum enim, ecquid rei *Licet* istud, cum apud hunc:

hunc ipsum, tum Terentium designet. Nisi si cui altera impensius arriserit lectio, quam aliàs ego ex membranaceo Charisij codice me eruisse com̃memini, ad hanc faciem.

*Quid si hoc potius est, ut taceas, ego loquar lepidè?* BA. Licet.

Sciratur haud multò post easdem compellitans Pistoclerus:

*Quid in consilio consulistis?*

Quarum alteram euestigio respondentem: Benè pòl: redarguit huiusmodi argutiunculâ adolescēs ille damnosus.

P 1. *Haud meretricium est.*

Quo loco observabis, *Meretricium*, pro *Meretricum* positum videri, genitiuo antiquitus usurpato; eâdem nimirum ratione, quâ & *Civitatium*, & *Hominium* dicebant. Sic Casinâ:

CL. *Non matronarum est officium, sed meretricium.*

ut quidem eum locum princeps restituit Lipsius noster.

Perlepidè pòl ibidem disciplinæ, quæ in lustris liberis, hoc est, ædibus meretriciis colitur, incommoditates damnosissimæq; inlecebræ, à quibus se metuere

tuere inprimis caussatur Pistoclerus, ordine percensentur à Comico: vnde, quantum Lenonio, imò Leonino cayo, hoc est, latebroso loco, vilcatissimisque illis prostibularum desidiabulis palestra atque hippodromus discrepat, Iuuentus nostra, sicuti in speculo clarè perspicere possit. Quid enim his pugnantiis?

PI. Quid ego metuam rogitas? homo adolescentulus

Penetrare huiusmodi in palestram, ubi damnis desudascitur:

Vbi pro disco damnum capiam, pro cursurâ dedecus?

BA. Lepidè memoras. PI. Vbi ego capiam pro macherâ turturem,

Vbiq; imponat alius mihi pro-cæsto cantharî,  
Pro galeâ scaphium, pro insigni sit corolla plectilis,

Pro hasta talus, pro loricâ malacum capiam palium,

Vbi mihi pro equo lectus detur, scortum pro scmo accubet.

Eadem ferè exercitationum, ludorumque ac gymnasticorum certaminum nomina infrâ recenset eiusdem Pædagogus Lydus. Sic enim ibi:

Ibi (scilicet: in palæstra) cursu, luctando,  
 hastâ, disco, pugilatu, pilâ,  
 Saliendo sese exercebant magis, quàm scorio  
 aut suaniis.

Item planius aliquantô & copiosius  
 in Mostellariâ Philolaches de semet,  
 & ipse adolescens, moribusque immu-  
 tatis huic Pistoclero compar :

Quo neque industrior de iuuentute erat  
 Arte gymnasticâ, disco, hastis, pilâ,  
 Cursu, armis, equo, &c.

Quorum duorum testimoniorû col-  
 latio incredibile est memoratu, quan-  
 tum ad huiusdem loci illustrationem  
 conducat. In cuius explicatione quàm  
 frustrâ fuerit Lambinus, vel hinc con-  
 iecturam facias licebit. Scribit enim  
 in Commentariis Plautinis, pueris &  
 adolescentibus delicatis auiculas om-  
 nis generis dari solitas, quicum Iusita-  
 rent, & quibus se oblectarent. eoque  
 referendum illud de *Turture*: falsò, nec  
 Eroticè satis. Ego fanè mollius quid-  
 dam cogito, credoq; Turturem istum  
 Plautinû (quem pro machærâ in ma-  
 nus capiundum sibi argutè quidem,  
 sed nequiter satis & lasciue argutatur  
 adolescens



adolescens, quouis turture salacior )  
 prorsus concolorem esse Passeri illi non  
 passeri, cuius funeri illachrymantem  
 ac tantum non lessum lamentando fa-  
 cientem Lesbiam suam inducit do-  
 ctissimus Catullus. Iam de Scaphio quæ  
 bonus ille Commentator, quem dico,  
 Turnebi sententiæ accedens subiun-  
 git, vereor ut satis Plautinæ concinni-  
 tati respondeant. Nam quanti obse-  
 cro sunt ista? *Poculum intelligi oblongioris  
 figura, laterumq; in schaphæ modum flexorum:*  
*habens videlicet nescio quam cum galeâ similitu-*  
*dinem, ut pro eâ ipsâ indui posse videatur.* At  
 ego eiusmodi tautologiam à Plautino  
 Atticismo longè spernendam censeo.  
 Neque enim verisimile videtur, alte-  
 rum vinarij poculi genus Poëtâ hunc  
 nostrum Cāntharo vicarium aut suc-  
 cidaneum vnquam facere cogitasse.  
 Ego itaque caussam esse haud puto,  
 quò minus aliud ab eo, & quidem lon-  
 gè diuersissimum intelligamus, putà  
 vas illud, cui solent immittere mulie-  
 res. Quo significatu etiam à Iuuenali  
 acceptum, hanc ipsam ut videtur sen-  
 tentiam à Plautinis facetiis mutuato.

Sic enim ille :

*Et ride, positis scaphium cum sumitur armis.*

Sed & Martialis noster Epigr. lib. x i.

*Te potare decet gemmâ , qui Mentora frangis  
In scaphium mœcha, Sardanapale, tua.*

A D B A C C H I D E S.

C A P V T. X X I.

LYDI barbari. *Litera vnius adiectione desiderata argutia vis Plauto in Bacchidibus lepidissimè redintegrata, neq̃ Wegsdorfiav. Alia quedam.*

A D Scenam porrò proximâ, trans-  
volemus, illud Pistocleri aliquan-  
dò excussuri, Lydum Pædagogû suum  
iuueniliter coarguentis :

*An non putasli esse. unquam ? ô Lyde es bar-  
barus.*

Alludere videtur ad proverbum ::  
Lydi barbari. quo idem usus supra Cur-  
culione :

*Fite mea. caussa Lydi barbari.*

Et mirum, ni eodem etiam ab Auso-  
nio allusum :

*Barbarum est Lydus, fallax Geta, &c.*

*ut etiam*

vt etiam in Getæ nomine, quem & versipellem & fraudulentum in Scenam induxerat Menander, teste Ouidio. Erit ergo festiuitas omnis in amphiboliâ vocabulorum posita, & gentis vtriusque & hominum seruitutem seruientium significantiam complectente.

Habes ibidem:

*Tace atque sequere Lyde me. LY. illuc sis vide;*

*Non pædagogum iam me, sed Lydium vocat.*

Vnde apparet priscos illos commune hoc etiam, præter cætera, moribus nostris habuisse, vt dignitatis potius & honoris titulo, quàm nominibus propriis cieri ac cõpellari præoptaret lese.

Neq; illa phrasis animaduersione indigna videri debet, quippe per antiqua & optimo cuique antiquorũ usurpata:

*O Barathrum, ubi tu es? ut ego te usurpem lubens?*

Vtitur eadem compluries Lucretius, nec parcius hic noster, vel Trinummo:

*Quæ loca ego neque oculis, neque pedibus unquam usurpavi meis.*

Properemus ad Scenam secundam  
Actus proximi:

PI. Egon' ut, quod ab illo attulisset nuncius,  
Non impetratum id aduenienti ei redderem?  
Regiones colere mauellem Acherunticas.

Argutius, magisque præter expectationem fuerit, si Coleres legatur. neque indecora sententiæ herilis in suo sibi seruo frustratio.

Habes deinceps Scenâ sequente:

Extexam ego illū pulchrè iam, si Dī volunt.  
id est, cum Dīs volentibus adiuuantibusque. Sic & Catullus:

Paucis, si tibi Dī fauent, diebus.

Sequitur ibidem:

Tūc' hospitem illum nominas, hostem tuum?

Elegans *παρορμησία*, quam & Naso ex Helenes personâ æmulatus in Heroidibus suis:

Qui sic mirabas, hospes, an hostis eras?  
item Fastor. I I.

Hostis, ut hospes, init penetralia Collatini.

C A P V T X X I I.

*Sententiarum Lambini, altera comprobata, altera cum repudio dimissa. Accensebatur inibi, pro Accersebatur repositum: Attigas item pro Attingas. Additum quiddam de Lucernis vincto expretis linteo.*

A C T V S porrò tertij Scenâ III. discipulum suum Lydus ex adolescente optimo corruptū seriò ac seuerè ingemiscens, acriterque & asperè satis prò rei indignitate apud Philoxenum patrem expostulans inducitur hâc verborum tristiciâ:

*Nunc experiar, sit ne aceto tibi cor acre in pectore.*

Sic enim de Lambini sententiâ legendum, contra Camerariæ Editionis præiudicatam auctoritatem, *Acetum præferentis*: & verò allegoriam istam hoc modo construendam iudico:

*Sitne in pectore tibi cor acre aceto*  
id est, senilis ac maturi iudicij acrimonia,  
S 3

niâ, iustâque in rebus inhonestis ac flagitiosis indignatione. ut *Aceto* auferendi casu positum accipiatur. quod ne Lambinus quidem attendisse videtur satis, quamuis idem haud inscitè hunc locum interpretatus fuerit, hoc modo: *Sûne animus tibi, qui offendatur rebus malis & turpibus.* Eodem quoque accommodare possis illos Burdigalensis Poëtæ versus, quos ad hoc exemplum castigatos producit Scaliger:

*Scillito decies si cor purgeris aceto,*

*Anticipesq; tuum Samij Lucumonis acumen.*

Meo quidem iudicio parum sanè sartèque. Scin quid suspicer? Secundo in versu, *Tuo*, potius, quàm, *Tuum*, scripsisse Ausonium. Ut sit sensus: Si ingenij tui acrimoniâ siue acumine ipsius Samij Lucumonis acumen superes. Id enim, *Anticipes*, est; quod interpretes aduertisse videtur minus. Errorem ex notâ scribendi consuetudine natum scilicet; eorum dico, qui compendium scripturæ facere properantes, M. nunquam, aut rarò admodum exprimebant, sed eam superinductâ priori vocali lineâ designabant, quemadmodum & hodie

& hodie vulgus abbreviatorum facere consuevit.

Castigat ibidem Philoxenum Lydus, pro corruptissimo adolescente causam dicentem, ob nimiam eius lenitatem, hoc est, paternam erga filium indulgentiam hac conquestione vtens:

LY. *Hei-mihi, hei mihi; istac illum perdidit assentatio.*

Rectè. at Lambinus libris omnibus inuitis, ac spretâ Trochaicorum lege, *Assensio*, legendum putabat, non rectè. Quid enim? an non magnus quoque ille Romanarum elegantiarum Arbitr assentationem suam in nostram sententiam flectit, eodem planè significatu hoc ipsum vocabulum vsurpans in priore parte festiuissimi illius Satyrici sui?

*Tacentibus adhuc nobis, & ad neutram partem assentationem flectentibus, &c.*

id est, assensum commodantibus & quasi agentibus secundas. Puto ibidem rescribendum:

*Id quod obtigerat, hoc etiam ad malum accensebatur malum.*

pro *Accersebatur*, siue etiam *Arcessebatur*.

Nec minus illud diminutione vnius  
literæ antiquitati suæ restituendum  
hoc modo:

*At nunc priusquam septuennis est, si attingas  
eum manu.*

*Attingas.* Quippe alterum illud  
priscae ac Plautinae monetae, hoc con-  
trà nuperae, ac novitiæ fortasse.

Sequitur haud longè:

*It magister, quasi lucerna, uncto expreius  
linleo.*

Vnde coniecturam est facere, moris  
antiquitus fuisse uncto linleo emun-  
gendi, vel (quod verisimilius videtur)  
extinguendi lucernas potius. cuius  
vicem ferreis emunctoriis uti, nobis  
hodie solenne.



PLAUT. EXPL. LIB. II. 281  
A D B A C C H I D E S.

C A P V T X X I I I.

*Scriptura à Lambino proscripta restitutio. Ioci ac Nugarum titulo, Præficarum Nænias venire solitas. Lingua factiosi. Vitiosi membri curatio. Iterum castigatus Lambinus.*

E I V S D E M Actûs quartæ Scenæ initio non placet correctio illâ Gallicani Interpretis, Immitiorem, siue adeò Inimiciorem reponentis, vbi hodie planè ac probè procusum exstat:

*Amiciorem nunc utrùm credam magis  
Sodalèmne esse, an Bacchidem, incertum admodum est.*

Mihi enim solidum ac stabile est receptam hercle lectionem retinere, quippe hoc omnem non serio, sed verò *seruatis* ab adolescente incogitante atque animi perciti prolatum accipienti.

Ait ibidem inopiam argentariam Bacchidi suæ per iracundiam minitans Mnesilochus:

*Decretum est remunerare iam omne annuum patri,*

S S

Igitur

*Igitur mihi inani atque inopi subblanditur,  
Tum, cum meâ illud nihilò pluris referet,  
Quàm si ad sepulchrum mortuo dicat iocum.*

Vbi primò obseruandum, Igitur, pro  
Deinde seu Postea positum esse. Sed hoc  
plumeâ ramentâ leuius, illud autem  
(præfiscinè hoc dictū velim) vel plum-  
bea propensus, ipsi (sicuti res docet) Lam-  
biño ignorabile obiectum, nouissimi  
Senarij sentētiam dico, quam ego non  
simpliciter, neque pertractatè adeò, vel  
proletarium in morem, sed verò ex  
veteris illius ac reconditæ doctrinæ  
penetralibus eruendam autumo: at-  
que ad carmina illa sublesta, cassa, in-  
epta, plenaque adeò anilium inania-  
rum, quæ in laudes defunctorum à  
Præfiscis, ad plorandum lessumque fu-  
neris ergo faciundum conductis, mu-  
liebri eiulatione ac planctu occenta-  
bantur. quod genus Næniarum no-  
mine antiquitus, sed & Nugarum consi-  
mili prorsus ratione nuncupabantur,  
sicuti Asinariâ:

*Hæc sunt non mæa, non enim mortuâlia.*

Vide quæ i rx. libri prioris Capite  
in Asinariam supra à nobis fusius de-  
clarata.

clarata. Elegans verò, & quæ nobis  
oraculi vicem esse possit, sententia illa  
Pistocleri falsò super amicâ suspecti  
habiti à Mnesilocho :

*Multi more isto atque exemplo vivunt, quos  
quom censeas*

*Esse amicos, reperiuntur falsi falsimoniis,  
Lingua factiosi, inertes operâ, sublesta fide.*

*Nullus est, qui non inuideat rem secundam  
obtingere.*

*Sibi ne inuideatur, ipsi ignavi rectè cauent.*

Sed enim res ipsa efflagitare videtur,  
vt quartus versus rescribatur atq; emaculetur hoc modo: [obtingere.

*Nullus est, quom non inuideant rem secundam*

*Factiosi autem lingua, dicuntur largi-  
loqui ac dices dapilium dictorum, hoc  
est, ad promittendum promi potius  
quàm condi, ad largiendum non item.  
Factiosi enim pro opulentis seu potenti-  
bus habiti acceptique ab antiquis.*

Versus verò ille perperam expositus  
Lambino: [pus se daret?]

*An nesciebas, quàm eiusmodi homini raro tem-  
qui è Eiusmodi, cum dictione Homini cō-  
struendum autumat, patremque Mne-  
silocho intelligi. Mihi verò ad Tempus  
Prono-*

Pronomen istud pertinere potius sit verisimile, constructione institutâ ad hoc-exemplum :

*An nesciebas, quàm raro eiusmodi tempus, id est, occasio, scilicet argenti quantum velles domo ac de paternâ arcâ sumendi, non aliunde quærundi, daret offerretque se tibi? verissimâ admonitione, & proinde ac si diceret: An ignorabas fronte capillatam, occipitio autem caluam ac defloccatam cluere Occasionem?*

A D B A C C H I D E S.

C A P V T XXIV.

*De Cerâ & Lino, tum ceratis veterum Tabellis, easdemque stylo inarandi obfignandi que ratione, accurata Conlectanea. Ei rei fax à Tranquillo praelata. Locus vnus, alter, leuiter interpolatus. Pulchrè hæc confertur ratis, noui interpretamenti luce inlustratum. Prædicare præciæ. Apuleius emaculatus.*

S C E N A. Hunc hominem. Chrysalus infortunij ballistam intensus in Nico-

Nicobulum, quoniam sibi omnia, quæ ad miserrimum illum Mnesilochi patrem auro emungendum vsus essent, (putà *Stilum*, *ceram*, *cum Tabellis ac lino*) intus efferre imperasset Pistoclero, ad Mnesilochum conuorsus, eum & *Tabellas* & *Stilum* properè in manus sumere iubet hâc basilicâ edictione:

*Cape stilum properè, & Tabellas tu has tibi.*

Etenim duabus his rebus opus erat literas conscripturo Mnesilochi, haud minus, quàm cerâ & lino ad easdem porrò obligandas, deinde etiam annulo obsignandas, obsignatisq; ex more imprimundum herile signum: id quod factururus postea, eidem post scriptiptionem factam imperans:

*Cedo tu ceram ac linum actutum, age obliga, obsigna citò.*

Vnde rectè legi quoque apparet in *Pseudolo*:

*Per ceram, & linum, literasq; interpretes.*

contra opinionem eorum hominum, qui *Lignum*, pro *Lino* supponere nobis veriti non sunt. Clarius tamen ex loco superiore huiusdem Scenæ, cuius meminimus modò; ubi legitur.

Pl. Quid

PI. Quid? CH. Stilum, ceram, & Tabellās & Linum.

Vbi curiosè etiam notandum, per Ceram, non intelligi Tabulas, quæ ex cerâ & ligno pariter compactæ constabant: verum eam ceram potius, quâ, more non nimium ab hodiernâ ac nostrâ consuetudine abludente, Tabellas suas conscriptas obsignabant veteres. id quod perspicuè planum ex hâc ipsâ quâ posui auctoritate. Sequitur enim: Obsigna citò. in quem vsum & Ceram poposcerat sibi, ad easdem videlicet pariter cum lino obligandas. Et verò huc etiam pertinet Suetonianum illud in Nerone:

*Aduersus falsarios tunc primum repertum, ne tabulæ nisi pertusa, ac ter lino per foramina traiecto obsignarentur.*

Fuit tamen tempus, quum Licium in Plauto rescribillandū censerem; mendosè. Quid? quod Ouidius, Linum ac Ceram Dædaleis alis intexuit, I. I. de Arte aiens:

*Remigium volucrum disponit in ordine ceras,  
Et leue per lini vincula nectit opus.*

Quod autē prius dixerat Mnesilochus:

*Ne inuicem*

Ne interturba, iam imperatum in cerâ inest.

Ea vero Cera, longè diuersa est ab illâ, quâ de egimus modò. Nam de *Tabellis ceratis* loquitur, in quas se, id quod Chrysalus verbis præiuerat, iam retulisse stiloque exarasse prædicat, *Salutem patri suo* scilicet. Rectissimè porrò Plautus ad literas faciundas res quatuor simul dinumerauit antea, *stilum*, nempe, *Ceram*, & *Tabellas*, & *Linum*, ex his enim pariter in vnum coniunctis huiusmodi materiam constare necessum fuit. Plura de his ac compertiora nosse qui volet, Lambini Commentarios adeat; cætera huc facientia cum fide & curâ industriossimè ac singillatim persequuti.

Illis verò Scenæ insequentis, ubi ironicâ concessione Nicobulum perterrefacit Chrysalus:

*Ego sum sacer, scelestus: specta rem modò:*

*Ego verbum faciam.*

haud satis equidem percipio quid velit, nisi negatio inferatur hoc modo:

*Ego verbum non faciam.*

vt videlicet & numerorum & sententiarum ratio habeatur. ea verò ex responso

Nicobuli



Nicobuli haud obscure paret, indignanter ac stomachosè sciscitantis :

*Etiámne carnifex*

*Minitare?*

Iam Rem & Verbum relatiua esse quis nescit? Sequitur ibidem :

*Bene navis agitur, pulchrè hæc cõfertur ratis.*

In cuius postremæ allegoriæ explicatione hallucinatus videtur Lambinus, qui *Confertur* pro *impellitur*, seu *appellitur* ad portum scilicet, interpretatur. nec benè nec pulchrè. Enim ad raticum compagine & coagmenta ex conlatorum schediorum congerie in vnum colligata referendum autumo, vt *bene conlata ratis* intelligatur, cuius partes omnes rectè & ordine statum inibus, tabulatis, ac pluteis suis commissæ ac ferruminatæ. Facit huc Ennianū illud:

*Collatâ pulchrè rate, ineratâq; periè.*

Proximâ Scenâ, vbi non sine stomacho Chrysalū interrogat Nicobulus:

*Eo tu loquutusne es gnato meo malè*

*Per sermonem, quia mihi id aurum reddidit?*

Mihi in mentem potius venit legere:

*Eho, tu loquutusne es gnato, &c.*

Eâdem Scenâ, cum ait:

*Atque*



Atq; in eo ipso aſtas lapide, ubi præco prædicat.

Proprio & peculiari ei rei verbo uſus eſt. Prædicare enim eſt, quod nos utroq;pen/ diceremus. Vtiturque eâ voce & Apuleius lib. xi. Metamorph. cuius verba Plautini loci occasione, eâdemque, ut inſigne mendum eluamus, non pigebit adſcribere: Ibant & dicati magno Serapi tibicines, qui per obliquum calanum ad auren porrectum dextram, familiarem templi modulum frequentabant: & plerique, qui facilem ſacris viam dari prædicarent. Sed enim antiquum verbum, Præcie inquam, huc reuocandum cenſeo, hunc in modum: Et præcie (vel omiſſâ & particulâ, Præciq;) qui facilem ſacris viam dari prædicarent. Præcie enim, autore Feſto, (ut quidem princeps eum locum reſtituit Scaliger) metatores dicuntur, qui flaminibus Diali, Quirinali, Martiali antecedentes clamant ſeruis publicis, ut homines abſtineant ſe opere, quia his opus facientem videre religioſum eſt. Cui ſuffragatur & locus Pauli de illo Feſti abbreviatus: Præcias dicebant, qui à Flaminiſ præmittebantur, ut denunciarent opificibus, manus abſtinerent ab opere, ne ſi vidiffet ſacerdos facientem opus, ſacra polluerentur.

## A D B A C C H I D E S.

## CAPVT XXV.

*Complurium locorum explanatio.* Armati atque animati probè. Urbicapus. Filij lecti sine probro, *qui legitime concepti.* Desidia dare ludum. *Memoriola vacillatio in Lambino notata.* Vbi, pro ubique. *Enniani Eragmenti apud Festum restitutio.* Vim maiorem, *an* Vi maiore (vt Maritumis moribus) experiri cum aliquo.

**P**LAVTI Comœdia Bacchides insigniter est motoria & variè delectat. sed nescio, an, quæ tanquam per nebulam intelligimus modò, vel laudare possimus, vel ea nobis esse delectationi possint. Mirari certè huiusmodi licet, admirari item, vt nunc loquimur, non licet. Quid enim? an istis arcani quippiam subesse credat aliquis, quùm ita Chrysalum argutantem inducit Comicus :

Tum

*Tum quæ hîc sunt scriptæ litera, hoc in equo  
insunt milites*

*Armati atque animati probè.*

Atqui iam ita rem se habere maximè  
pariter mecum omnes vt credât, meo  
periculo recipio me effecturum. Aio  
itaque Plautum non expeditos, sed ve-  
rò *armatos milites* potissimū nominasse :  
idque ad *differentiam Adscriptinorum ad  
Legionem*; qui, sicuti ex Menechmo vi-  
dere est, *extrà numerum & ordinem*  
*militiæ habebantur*, vtpote inermes,  
eòque tantum *adscripti*, quò *armatis*  
*succederent*, si quis eorum deperisset.  
Consule Varronem lib. vi. de Ling.  
Lat. & Nōnium Marcellum.

Illud verò urbanum nimis de Mili-  
te inanium gloriarum plenissimo:

*Posteà cum magnificò milite, urbes verbis qui  
inermis capit*                      *Conflixi, &c.*

Atque hinc esse scito, quod alibi *Vrbi-  
capi cognomēto*, huius generis ac *Stra-  
tiorici ordinis* hominem insignē facit.

Illud itidem præterire nobis sanè  
religio fuerit:

*Sed Priamus hic multo illi præstat, non quinqu-  
aginta modo,*

Item ad eundem:

PH. In te ergo hoc onus omne impono.  
postremò denique ibidem:

Mnesilochē cura & concastiga hominē probē,  
Qui dedecorat te meq; amicosq; alios flagitiis  
suis.

Neq; aliouorsum hæcce Senilis ora-  
tio referunda. Sed hoc in Lambino  
solens & μημόνους ἀμάρτυρα. Scenâ  
antepenultimâ est:

Quicunque ubi sunt, qui fuere, quiq; futuri  
sunt posthac,

Stulti, stolidi, fatui, fungi, bardī, blenni, buc-  
cones.

Vbi, ἀντι & Vbiq; positum opinor. an-  
tiquē. Sic enim & Pleri, prò Plerique,  
aliaque talia promiscuē efferebant. hoc  
primū; deinde nominum Synony-  
mia quàm copiosa ac multiplex? quâ  
ingenium stoliditatis graphicè nimis,  
hoc est, ad viuum sic quasi penicillo  
adumbratum videmus. de quibus vni-  
uersis, ne dicām singulis, Festum, qui  
volet, adeuntò ac consulto. cui & hoc  
præter cætera, Ennii patris Fragmentum,  
debet poësis nostra:

Nam vidi pugnare suos, stolidi, solidi sunt.

Quæ antiquissimi Poëtæ verba à bardò illo Longobardo Buccone (ut vides) deformata, ità princeps nobis pristinae pænè integritati restituit Ios. Scaliger:

*Namq; anidè pugnare suos stolidi solui sunt.*  
 pænè dico, nam omnino, ne dicam, *Stolidi isti Sues* prohibent, quos hinc ego in syluam procul, vel suile suum potius, quantum potest, amandâdos censeo; atque eorundem in locum pronomen *to suis* recipiundum, leuissimâ vnius literæ interpolatione: id què non de *Suibus*, verum de *Lucis bobus*, hoc est, barris, siue Elephantis dictum, interpretari placet. Scimus enim belliarum id genus, si quando efferantur & velut Panico furore acti præcipites ruunt, acerrimè in suos ac prorsus brutum in morem desæuire consueuisse; impetumque omnes ac truculentiam suam à fronte in tergum, hoc est, ab hoste retrò in familiares conuvertere. Quâ de re plerique rei Rom. Scriptores cum Lucretio adcundi.

*Pugnare autem suis*, sic dictum, quemadmodum:

*Noli pugnare duobus.*

Item:

Item: *Pugnare amorē.*

Latae proinde culpæ infimulandus  
Gulielmius noster, qui in Verisimili-  
bus suis, nec verisimiliter, nec verè, di-  
spretâ voce reposuerit in Festo:

*Nam vi depugnare suos, &c.*

Nouissimâ Scenâ cum indignatione  
quærit Nicobulus: *An ego*

*Exterior tecum vim maiorem?*

Cæterum dubito, an accusandi ca-  
sum ablatiuo commutari sit melius, ut  
fiat; *Vi maiore.* quomodo loquitur in  
Mercatore, de amoris violentiâ secum  
& cum animo suo conquerens adole-  
scens:

*Maritumis moribus mecum experitur.*

tamen si negare nullus ausim, alteram  
quoque phrasim illam æquè per Lati-  
nis scriptoribus in usu fuisse à nobis  
obseruatum non seniel.

I A N I D O V S Æ  
 N O R D O V I C I S  
 C E N T V R I O N A T V S ,  
 S I V E P L A V T I N A R V M  
 E X P L A N A T I O N V M  
 L I B E R I I I .

A D M O S T E L L A R I A M .  
 C A P V T I .

*Vocula cuiusdam integritas in dubium  
 vocata. Lambiniana correctioni ex  
 parte subscriptum. Pro matulâ ha-  
 bere, Item; Permingere vel Im-  
 mingere, occultiori intellectu, quàm  
 vulgus putat, accipienda. Natus ne-  
 mo, loquēdi genus Plauto familiare.*

**N** O N lusus operam mihi vi-  
 deor; si, antequam Menech-  
 mo infanienti serio demum  
 adhibeam medicinam, mo-  
 stella aliquot prius è Mostellariâ par-  
 tim meâ,

tim meâ, partim meliorum Codicum  
virtute foras eiecero. Primùm igitur  
vbi legitur *Actûs* 1. *Scenâ* vltimâ.

*Aduorsum venire mihi ad Philolachem*

*Volo tempori.*

aut corrigendum, *Veniri*, aut certè sub-  
audiendum, *Vos*, siue etiam ; *Te*. vt di-  
camus Plautum ebrij hominis ac sa-  
burrati probè blâsos & imperfectos  
sermões de industriâ exprimere vo-  
luisse. seruos enim suos alloquitur Cal-  
lidamates, quos tempori Aduorsitores  
fieri sibi, hoc est, maturè ac tempestiuè  
sibi aduorsum venire præcipit ; ac no-  
minatim præ cæteris Phaniscû suum,  
quem solum ex globo illo seruili ad-  
uorsum hero, sicuti imperatum fuerat,  
euntè, *Act. i v.* idè inducturus postea.

Nec illud obseruatione nostrâ in-  
dignum, *Duritiâ* & *Parsimoniâ* à Co-  
mico coniungi illo versu :

*Parsimoniâ & duritiâ discipline aliis eram.*

Sic Cornelius Nepos de Alcibiade :

*Sic duritiæ se dedisse, vt parsimoniâ victus at-  
que cultus omnes vinceret.*

Huc adde Catonis illud à Festo cita-  
tum: Ego iam à principio in *parsimoniâ*, atque



in duritia, atque industriâ omnem adolescentiam meam abstinni agro colendo, saxis Sabinis, silicibus repastinandis, atque conferendis. sed enim (vt & hoc obiter admoneam) mendum subesse arbitror verbo illi abstinni, puto-que legendum *obstinari*, quod suprâ est apud Festum, vel certe *obstinui*, quod idem significat.

Actûs secundi Scenâ I. PH. Ve mihi  
Quid ego agam? TR. Nunquid tu (malum)  
merogitas, quid agas? accubas.

Vbi præsens pro futuro primùm, deinde Quid, pro Nunquid suppositum it Lambinus nobis, & quidem ad hanc faciem, quam vides:

Quid ego ago? TR. Quid tu (malum) merogitas, &c.

proinde vt significet Tranio: Tute ipsus tibi conscius es accumbere te. non debes igitur merogare quid agas. Argutè oppidò & probe, meo quidem iudicio. aliter enim, si vulgatam scripturam retinendam putabimus, necessariò legendum erit: Accubes, non (vti nunc est) Accubas. Sed videtur eâdem rescribendum: Nam quid, pro Nunquid. quæ correctio nostra Lambiniana illi postponi cur debeat,  
num

num quid causæ est obsecro? Sed nos ad Callidamatem in soporem conlocatum aliquando conuortamur, qui iussu Philolæchetis à Delphio suâ suscitatus, atque à reliquâ conuiuiarum ac mulierum turbâ inter manus intrò è conuiuio abreptus raptoribus suis huiusmodi supplicium interminatur :

*Iam hercle ego vos pro matulâ habebo, nisi  
mibi matulam datis.*

id est, uti ego expono, Permelam vos, siue etiam Immeriam vobis, molliore tamen sensu, quàm volunt Interpretes; nimirum eopse illo, quo à Catullo scriptû :

*Qui ipse sui nati miuxerit in gremium.*

Item à Sincero, quem sanè ego pretij non minoris, quàm Catullum & veteres illos æstimo :

*Vt scilicet liceret (heu scelus) patri*

*Nata sinum permingere.*

Quo referendum denique Horatianum illud :

*Hunc perminxerunt calones.*

Scribit Plautus eâdem in Scenâ :

*Tanquam si natus nemo in ædibus habiter.*

Cuius orationis raritas fecit, ut hic adscriberetur. neq; enim temerè apud  
alios

alios huiusmodi exemplum reperites.  
 Vtitureo Poëta noster non semel: vt  
 Scena deincepe,

*Natus nemo in ædibus seruat; neque qui re-  
 cludat;* &c.

Item alibi: — *Credant nato nemini.*

Idem & nobis in vsu, patrio sermo-  
 ne dictitare consueris: *Niemandt van  
 moeders lichaem ghebozen.* Scio equi-  
 dē Plauto propter istiusmodi loquendi  
 genera euenire, vt fastidiliter ac con-  
 temptim à plerisque lectitetur; quo-  
 rum prauum præposterumque iudi-  
 cium tantum abest, vt me de statu la-  
 befactare possit, vt eæ ipsæ etiam in  
 deliciis mihi, ac tantum non prò pul-  
 pamento habeantur.

CAPVT II.

*De turbamentis Tranioni in re creperâ obiectis, anquisitum. Locus eâ de re leuiter emendatus. Mirum, quin. Plautus à calumniâ defensus. Maximam decori rationem ab eodem habitam ostensum. Ad reconditiorem Orci significantiam respectum à Comico. Locus Asinarie à prauâ aliorum interpolatione per causam vindicatus. Quæne? Duum Simonis dictorum restitutio.*

**Q**UÆDAM sunt apud Plautum & veteres, quorum sententiam non difficile assequi possis, & tamen quamobrem dicantur rationem non habeas. vt vel illud ex huius ipsius Comœdiæ Actûs II Scen. II.

**TR.** Perij. illice hodie hanc conturbabunt;  
fabulam.

Nimis quàm formido, ne manifestò hic me  
opprimat.

Incer-

Incertum est enim, de quibusnam Fabulae turbatoribus secum loquatur Tranio. nisi si fortè herilem filium eiusdemque conuiuas & mulierum pompam significet: quibus quùm aedes Theuropidis plenae essent, in tantâ ad-  
eò turbâ non potuit, quin strepitus in-  
tus aliquis ab eisdem ederetur, contrâ  
sententiam atque edictionem Tranio-  
nis, quâ præmeditatè cauerat idem  
Scenâ superiore, ne quengquam intus  
mutire sinerent, haud aliter quasi om-  
nes inde iampridem emigrassent, na-  
tusq; nemo in aedibus habitaret. Eum  
proinde strepitum quùm metueret, ne  
persentisceret Senex, atque hac ratio-  
ne Fabula, quam ex re & tempore sa-  
tis commodè exorsus erat, per ipsos  
conturbaretur; eundem porrò ab ia-  
nuâ abscedere iubet quàm longissimè,  
fingens mortuum illum fores incre-  
puisse, videlicet expostulantem, quo-  
niam eas Theuropides per impruden-  
tiam percussisset. Cæterum *Illice* scripsi,  
non *Illisce* vti vulgò passim editur. *Illisce*  
enim datius pluralis, non nomina-  
tius sit necesse est.

Nec

Nec illa loquutionis ratio silentio  
obruenda, quam habuimus paullò  
prius hâc ipsâ, in quâ versamur, Scenâ:

TH. In somnis? TR. Mirum, quin vi-  
gilanti diceret

*Qui abhinc sexaginta annis occisus foret?*

Reperias eandem quoque iteratam  
Trinummo:

*Mirum, quin ab auro eius aut pro auro acciperem,  
qui sunt mortui.*

Item alibi plus semel.

Cæterùm illud animaduersione no-  
strâ non indignum hoc loco, Plautum  
ipsum nec sibi aduersatum videri pos-  
se, quùm ante LX. annos occisum fin-  
gat hospitem istum transmarinũ Dia-  
pontium, cuius cædis Theuropides  
eum, qui ædes illas Capitales vendide-  
rat sibi, seriò ac vero vultu insimulatu-  
rus postea. nisi si tamen venditorem  
istum depontanum planè ac decrepi-  
tum, imò octogenario maiorem re-  
concinnare velimus, ac eædem istam  
ætate iam inde maturâ, putâ vicesimo  
natali suo ante sexaginta annos desi-  
gnauisse iam olim. At enim video  
huic quoque obiectioni occurri posse,  
atque

atque in hoc ipso etiam *Ἐπεὶ ποῦ* maximè à Comico nostro rationem habitam commonstrari, in seruo præsertim perturbationis plenissimo, & cui nullâ meditationis curâ præmissâ tantum pariter mendaciorum defubito comminiscendum. in quibus quid mirum, sicubi consilij inopiâ exorbitet anxius secumq; dissentanea vel etiam pugnancia interdum fabuletur?

Est ibidem :

*Nam me Acheruntem recipere Orcus nolit.* rectissimè. suspicorq; ad reconditionem illam *Orci* significantiam respectum à Poëtâ, quâ *Receptorem Mortuum* intelligi solitum, testis nobis Isidorus. unde & *Orcam* natam ac denominatam scribit, pro *Vase quod recipit aquas.* quam vocem reperias & apud Persium.

Et illud negationis genus *Actûs* tertij Scenâ III. studiosis notandum :

*Non confitetur?* TH. Dicam, si confessus sit. Sic & Asinar.

*Sed quid venis, quid quaritas?* ME. Deme-  
netum volebam

LI. Si sit domi, dicam tibi.

hòc est, dicerem tibi, si domi esset. Sed  
cauenda

cauenda ibidem (de Asinaria loquor) frustratio eorum hominum, quibus glossam in contextum referre vacuum fuit, duabus vocibus (putà, *Non est*) sub finem eius exempli ad textis, de manuscriptorum (ut quidem ipsis commentum placet) codicum sententiâ & fide, quâ nihil hercle sublestius, id quod ex hâc Mostellariæ loci conlatione præsentente oculo cuius de plano fuerit arbitrari.

Accedat huc item mendæ vnius emendatio, quam Actûs III. Scenâ II. in Camerarij nostri editione Typographorum indiligentiâ obrepisse suspicari lubet. Ea verò est huiusmodi:

*Sed Simo, ita nunc ventus nauem nostram subito*

*Deseruit. S I. Quid est? quomodo, pessime, potuit*

*Quæ nec subducta erat tuto in terra antehac? pro quo in aliis legitur:*

*— Quomodo pessime potuit,*

*Quæ ne subducta erat tuto in terram antehac? ad exemplum videlicet illius quod est in Milite:*

*Quem ne ego seruavi in Cæpis Gurgustidoniis?*



quæ lectio quantum alteri antistat,  
norunt illi qui aures huiusmodi ele-  
gantis cognoscendis tritas habent.

Eâdem Scenâ suspecti sunt nobis  
sermones illi superiores :

SI. *Quid nunc, quàm mor?* TR. *Quid est?*

SI. *Quod solet fieri.*

TR. *Dic igitur, quod solet fieri, quid id est?*

SI. *Quid facitis vos? sed ut verum Tranio  
loquar, &c.*

Aliud enim Simonem percontatur  
Tranio, aliud Tranioni respondet Si-  
mo; quæ inconstantia locū corruptum  
manifestò arguit. cui malo ut obuiam  
aliquando eatur, tollendam interro-  
gationis notulam è postremo versu  
cenfeo, tum *Quod, & rē* & *Quid* substi-  
tuendum hoc modo :

SI. *Quod facitis vos. sed ut, &c.*

Quo pacto idem paulo antè satis pòl-  
perplexè ac septuosè Tranioni re-  
sponderat: *Quod solet fieri.*

PLAUT. EXPL. LIB. III. 307  
AD MOSTELLARIAM.

CAPVT III.

*Locus affectus tentatus, &, vt spero,  
persanatus. Subdiu dictum, vt In-  
terdiu. Sarfinatis. In vocis Um-  
bræ ambiguitate obscurioris sententia  
umbra discussa. Mani, vt Vesperis,  
ablatiuus. In Dionysii sententiam pe-  
dibus itum. Senes Volturij cur dicti?  
Ætate. Ferocem, fastidij plenum  
facere. De Delicati significatione  
quasitum. Mostella aliquot è Mo-  
stellariâ eiecta.*

**L**EGITVR eâdem Scenâ ex perso-  
nâ Tranionis de hero suo, ex trien-  
ni peregrinatione recens domum re-  
uorso, loquitantis, quem exemplum  
capere velle fingit ab ædibus Simonis,  
ad nouû gynæceum in suis constru-  
endum, hoc insignito mendacio:

*Nā ille eò magnopere ex te sibi exemplū petit;*

*Quia hîc. audiuit esse ætatem perbonam.*

*Subdiu colit hasce folere perpetuum diem.*

V 2.

Sed

Sed enim locus haud dubiè mendosus, nec enim Simonis responsum conuenit cum verbis Tranionis. Itaq; legendum arbitror, sed timidè tamen:

*Subdiu coli absque Sole perpetuum diem.*

Solis enim vocabulum desiderari videtur, si sequentia paulò attentius considerare velimus. *Subdiu* verò sic dictum quemadmodum *Interdiu*.

Sequitur ibidem modico interuallo:

*Nec mihi umbra usquam est, nisi si in puteo quapiam est,*

TR. Quid? *Sarsinatis* ecqua est, si *umbram* non habes?

Argutè, sed umbròsè, id est, obscurè. *Sarsinatis* enim nominatiuus antiquus, vt *Summatis*, *Infinatis*, *Cuiatis*. pro quibus nos *Sarsinas*, *Summas*, *Infinas*, *Cuias* denique diceremus. Alludit autem ad patriam suam Poëta, siquidem *Sarsina* (quam *Diuitem lactis*, & *Silius* & *Martialis* laudant) vna ex *Vmbriæ* ciuitatibus. Iam *Umbram* bipartitæ notionis esse quis ignorat? coque non modò opacum illud, quod per æstatem maximè, frigoris captandi, cupidè ac lubenter consectari solemus; sed &, mu-  
lierem

herem ex Umbriâ prognatam interdum designari. *Sarsinatis* ergò, & *Umbria* grandiculis initialibus literis scribunda. Atque ego nunc hanc operam perdo, actam rem agens, hoc est, ab aliis delibatam iam antea opinionem deintegro retractans.

Dixerat ibidem Simo:

*Sol semper hic est usq; à mani ad vespertum.*

Rectè *Mani*. est enim ablativus eâdem ratione, quâ *Mare Mari* facit. & *Plautus* dixit *Milite*:

*Qui de vesperti vivat suo.*

Neque aliter *Servius* v. *Æneid.* ubi *Aduerbia*, si *Nomina* fiant, declinari nos docet.

Habes eâdem Scenâ illâ ridiculum *Tranionis* commentum, herum suum, veruecem verius quàm hominem, ludos facientis:

*At tu isto ad nos obtuere, quoniam cornicem nequis*

*Conspicari, si volucros forte possit contui.*

Ego tamen *Monstrolienti* meo accedo potius, Ad vos legenti: hoc est, in istam partem, ubi vos estis. Facetè enim iubet *Tranio* senem in eam partem

- „ oculos flectere, vbi ambo sunt: quafi  
 „ ibi ſint duo volturij picti, quum tamen  
 „ alij nulli volturij ſint, præter ſenes  
 „ ipſos, quos Tranio per *Volturios* ſignifi-  
 cat. Haftenus Lambinus. *Volturios* au-  
 tem, Senes vocitaſſe videtur, vel pro-  
 pter capitiſ canitudinem, vel propter  
 defloccatam caluitij deformitatem: vel  
 etiam ob auaritiã atque inexplebi-  
 lem naturã & ſordes, commune ſe-  
 neſtutis malum. Argumento ſit Tri-  
 num mi iſtud:

*Tum autem ſunt alij, qui te volturiũ vocant;  
 Hoſtiſne, an ciues comedis pariſpendere.*

*Neque illud loquendi genus dereli-  
 qui habendum:*

*TR. Age iam mitto, ignoſco, ætate non quis  
 obtueriet.*

*hoc eſt, malæ ætatis vitio minus ſincerè  
 ( vti loquitur in Epidico ) vtilitatem  
 oculis obtines: neque iis æquè clarè  
 atque acutè vides, quàm ſoles. Sic  
 Pœnulo:*

*Atq; equidẽ deditã operã amicos fugit aui ſenes.  
 Scibam ætate tardiores.*

*Ætate, id eſt per, vel propter ætatem  
 ſequiorem.*

Habes

Habes Scenâ proximâ :

TH. Nunquam adepol me scio

Vidisse unquam ablectas ades, nisi modo hæce.

Cæterum scribendū videtur: *Vsq̃uam*,  
non *Vnquam*. atque eò magis, quòd,  
*Nunquam*, antecesserit modò.

Malè eiusdem Comœdiæ Actus v.  
Scenâ 11. Lambinus :

*Ferocem facit, quia te herus tam amat.*

Recepta enim lectio retinenda, *Fero-*  
*cem facis*, vt Prouocabulum id quod  
mox Aduerbio *Quia* subiungitur, Te  
inquo, subaudiatur. Cui quidem af-  
fertioni consonat locus ille è Milite :

*Facito fastidi plenum. absque Pronomi-*  
*ne, quemadmodum & hoc loco. nec*  
*minus vernaculum illud nostrū : Ghyt*  
*maeckt den haen.*

Illud verò ex Phanisci personâ  
enunciatum :

*Vah, oculi dolent.* cum interrogationis  
nota rescribendum autumo. neq; aliter  
est in Camerarianis, vt subaudiatur *tibi*.  
quasi diceret: *Heuchde ghyt niet lyden.*  
*oft: en is sulcx niet wel van uwen sinne?*

Quid vero esse autumem, quod ibi-  
dem Phanisco aduorsitori Callidama-

tis obiicitur à Theuropide? *Puer nimium es delicatus.* an quod Stalinoni in Casinâ Alcesimus exprobrat dicens:

*Attare cadundus tu homo es, nimias delicias facis.*

interpretamēto in obscænum sensum detorto? an potius pro iocoso ac dicace, hoc est, ludos seu delicias faciente positum suspicabimur? Vt ut est, certè Lambini interpretatio superiori argumento parum respondet, *Delicatum* hoc loco, pro *mollī & tenero* simpliciter accipientis.

Malim Scenâ penultimâ Actus v.

*Vel inbe ades mancipio poscier legere, quam Poscere cum exemplaribus nostris.*

Item sub postremæ finem, vbi Caldidamates de Sodalitate orator, imo verò exorator datus, acceptâ ad se lite, veniâ Sodali suo Philolacheti à Patre eius impetratâ, etiam Tranioni pacem conciliare se studens subdit protenus:

— *Fac istam cunctam gratiam*

*Tranioni remitte queso hanc noxiâ causâ meâ.*  
potius rescribi placet:

*Fac istam coniunctam gratiam.*

hoc est, da veniam seruo quoque tuo,  
quoniam

quoniam filio (cuius causâ noxam miser commeruisse videtur) iam ignouisti. Error ex barbarâ consuetudine natus, pro Con. 9. per abbreviationem scribillantium.

# A D M E N Æ C H M O S.

## C A P V T I V.

*In, Malæ crucis, explicatione Magistellis nostris crux fixa. Faërii curiosa felicitas. Lambini error refutatus. Adolescens escæ maximæ. Plautinae Industriæ intellectus industriose enucleatus.*

**N**VNQVAM hercule æquè mihi beatus videor, ac Menachmum cum lego, ita pariter & lepore simul & varietate delectat. Atque utinam tantum mihi sollennis otij suppeteret; ut Comœdiæ illi additâ operâ frequentare, utilisque pro copiis meis in partem haberi possim. Nunc temporis seruire atque obsequelam facere cogor, spatiis exclusus iniquis. ne istic

V 5

tamen



tamen indiligentius, quàm in aliis, fuisse arguar; decretum est mihi quædam in eam è Coniectaneis nostris huic chartæ adtexere, quæ vt doctos non iuuent, at certè iis, qui se doceri haud molestè ferent, incommodare non poterunt. è quo genere illud fuerit vel primum, quòd Epidamnienſi Mercatori, qui alterum è Menechmis furripuerat, humanitus euenisse ornatu Prologi commemoratur à Poëta:

*Ingressus fluum rapidū ab urbe haud longūlè*

*Rapidus raptori pueri subduxit pedes,*

*Abstraxitq; hominem in maximam malam  
crucem.*

Quorum verborum sensus, quòd in promptu sit, coniectore non eget; præter postrema illa, quæ penitus Latinitati aduersantur, eorum dico, qui *Malam crucem* pro Gabalo, seu patibulo passim accipiunt. Sed accipiant, proinde vt velint, abeantque ipsi potius in maximam malam crucem, dum tamen & nobis nostram liberè consulendi sententiam relinquunt; qui non aliâ quàm Veterum auctoritate, quasi consignatis tabulis nitimur pro testimonio

monio: quæ mehercules apud nos pluris est, quàm istorum obscura diligentia. *Malam* itaq; *crucem*, pro quouis cruciatiu, siue etiam exitio, atque (vt ipse alibi Poëta loquitur) *Malâ peste* Romanis passim scriptoribus vsurpatum autumo. Exemplis supersedebo: vnum proferam modo huic penè gëminum, quippe in re & argumento consimili è *Rudente*:

*Salua est, euasit ex aquâ: iam in littore est:*

*Sed dextrouersum auersa it in malam crucem.*

Sed nec temperare hic possum mihi, quin hoc loco curiosam Faërne felicitatem prædicem, quâ idem in Centum Fabulis illis ex omni antiquitate feligendis vsus, quas etiam vario insuper carminum genere explicauit,

*Docte (Iuppiter) & laboriosè!*

tametsi in longè alia sententiâ esse animaduerto, quos ego Oscè aut Volscè potius, quàm Latinè scire arbitror. Eius ipsissima hæc sunt verba ad imitationem (vti apparet) Plautinæ venustatis efficta ac conformata:

*Tum denique ille irâ impotenti percitus*

*Præcipitem a sellum in maximâ malam crucem*

*Ab ag-*

*Ab aggere alto in proximum flumen dedit.*

Scitum mehercule ac Parasiti ingenio congruens Actus 1. Scena 1. præconium Regi suo facit Peniculus, metaphorâ verè Plautinâ :

*Nam illic homo homines non alit, verum educat*

*Recreatq; . nullus melius medicinam facit.*

*Ita est adolescens ipse esca maxima.*

hoc est, nullus est medicus, qui præsentio rem medicinâ ægris faciat suis, qui quæ lepida æquè vel salubriora languentibus medicamentâ præscribat aut præbeat, quàm gutturi ventrique meo famelico esuriales serias defendens atque auerruncans, concinnat Menechmus noster. Sed neque postremus Senarius iste satis à Dionysio perceptus ita ibidem commentante: *Ita ipse adolescens non est escarum apparator, aut largitor, aut ministrator, sed esca ipse.* At verò ignoscendum errori humanitus admissio. Casu enim in fraudem inductus Cômmentator, quem ille pro nominatiuo plurali habuisse videtur, utroque nomine deceptus scilicet, quum & numero singulari, & generandi casu, ex Parasiti sententiâ, duo illa nouissima sint accipienda: neque

neque aliud significare voluerit Peniculus, quàm Menechmum ipsum escæ maximæ, hoc est, cibi plurimi esse, ac edacitate suâ cæteros quantû est manducones multis parasangis antecellere.

Est & altera phrasis Scenæ sequentis initio nō minus elegans ac rara, quam vt silentio obruam, *non meream Deum diuitias mihi*, vt inquit Plautus. Eâ, in Andromachâ suâ ob meritam noxiam castigandâ, vititur Menechmus his verbis: — *Virum obseruare desines.*

*Atque adeò, ne me nequicquam serues, ob eam industriam*

*Hodie ducam scortum ad cenam, atque aliquò condicam foras.*

Promptè hercle Menechmus, ac planè masculum in morem. Nam (meo quidem animo) si idem istuc cæteri faciant, si idem imitentur, ne istæ faxim nusquâ appareant, quæ furiosæ æmulationis vitio (quam vulgò Zelotypiam dicimus) subseruire sibi postulant viros. Verû nolo istæc hîc nunc, nec hercule operæpretium quidē mihi commemorare, quæ etiam iam pueri sciunt. illud potius quod nesciunt, curæ est,

ræ est, me præceptore vt discant, quàm videlicet gauisus hac loquendi ratione Sarfinas noster, vt quàm eâdem in Fabulâ denuò ipsum iterare non puduit eo loco, vbi eandem Mulierem vagos viri sui amores apud senem Patrem hunc in modum criminâtem inducit.

M V. *At enim ille hinc amat meretricem ex proximo.*

S E. *Sane sapit: ob istanc industriam etiam faxo amabit amplius.*

Nec non Mercatore :

*Bene valete, atque adolescentes, hæc si vobis lex placet.*

*Ob senum hercle industriam, vos æquum est clarè plaudere.*

CAPVT V.

*Plautini Commentatoris expositiones aliquot explosæ. Ennii locus explicatus. Quid nomen est tibi? Sic sine. Cur Erotiam inibi fores claudi vetet, explicatum. Plauti Menechmis duum locorum correctio.*

**S**CENA eâdem istuc quoque in-  
emendatum nobis abire non debet:

P E. Salve. M E. Quid ais? P E. Tenea  
dextera Genium meum.

Legendum enim haud dubiè: *Quid  
agis?* vt responso Parasiti magis qua-  
dret interrogatio Menechmi.

SCENA III. Lambini-explana-  
tionem explodendam censeo illo in-  
versu: — In eo uterque proilio potabimus.

Nec enim, quum Uterque dicit, se &  
Parasitum suum intelligit Menech-  
mus, proinde vt Monstroliensis ille  
credi ac videri cupit; verum se cum  
Erotio suâ potius. Argumento est  
istud, quod argutissima meretrix illa.

Penicu-

Peniculum extra numerum sibi ac veluti adscriptium ad legionē esse prædixerat modò. Habes ibidem postea:

*Madida quæ mihi apposita in mensam miluinam suggerant.*

Mendosè hîc Lambinus, qui verbum *Apponere*, *Præpositioni In* iunctum, auferendi modò, non etiam accusandi casum regere arbitratur, cōtrà & Manuscriptorum Codicum fidem, & auctoritatem Ioachimicæ Editionis.

Scenulæ quartæ principio his verbis Cylindrum coquū suum obsonatum ablegat Erotium:

*Sportulam cape atque argentum, tres eccos nummos habes.*

Quo loco nummos aureos intelligit Lambinus, nec cautè nec cogitatè satis, quum argenti, non auri præcesserit mentio, nisi si fortè *Argentum* tamen, prò *Auro* nobis obtrudi patiamur, quod ex re futurum haud sanè arbitror. Illîc verò Actus II. Scenâ II. vbi Cylindrus insanix à Menechmo insimulatus, nummumquē ad sese porco sacrepiandum accipere iussus, hostimentū par pari reddens eidem vicissim est auctor:

auctor :

— Si me consulas,

Nummum illum, quem mihi dudum pollicitus  
dare,

Iubeas, si sapias; porculum adferri tibi.

potius est, ut, Nummo illo, auferendi casu  
scilicet, iudicem emendandum.

Scenâ eâdem :

Rogant, cuiatis sit.

prò quo nos,

Cuias, vulgò hodie vsitatur. Sic Sar-  
cinatis, Infimatis, est alibi, & vtrî & Sarcinas,  
Infimas. Ennius :

Hostem qui feriet, mihi erit Carthaginensis,

Quisquis erit, cuiatis erit.

Ad quam sententiam, per eâssam  
huiusce loci à Lambino productam;  
obiter enarrandam, comitas est mihi,  
hoc glossemate. Eum demum virum  
fortem, condignumque Carthagine  
meâ ciuem æstimabo, qui hostem fe-  
rire condidicerit modò; siue is Gallus,  
siue adeò Hispanus, seu cuiuscunque  
nationis fuit denique. quasi diceret:

Trax, Tyriusve mihi nullo discrimine habentor;  
modò strenuus Martio in certamine,  
ac manu promptus. oratione, ad ma-  
res animos acerrimè in præhū exa-  
cuendos, multò accommodatissimâ.

X

Scias



Scias ab summo Pœnorum duce, Hasdrubale putà, siue Hannibale verius, ad pugnam cum hoste capeffendam, in ipso procinctu per tempus pronunciatam. Quorum Imperatorum copiæ ex quantâ, quamque multigeneri ac dissonâ gentium colluie cõflati fuerint, cognitissimum ex Liuiο cæterisque tam Romanæ quàm Punicæ Rei scriptoribus.

Sequitur in Plauto:

*Quid ei nomen fiet.*

Lambinus tamen hoc loco:

*Quod ei nomen fiet,*

magis probare se dicit. perperam. *Quid* enim dictû, vti & hodie, *Id nomen*, dicimus. Consimiliter & noster Pseudolo:

*Sed quid est tibi nomen?* P s. *Servus est huic lenoni Syrus,*

*Eum esse me dicam. Syrus sum.* H A. *Syrus?*

P s. *Id est nomen mihi.*

Scenæ consequentis initio notanda phrasis illa, quâ Erotiû coquum suum fores apertas relinquere iubens dicit:

*Sine fores sic, abi, nolo operiri.*

Vfus hâc eadem consimiliter Cato ille Censorius lib. de re Rust.

Vinum ita finito.

Item alibi:

*Ita relinquo usque ad vindemiam.*

Nec diuinatui difficile, quamobrem  
fores suas operiri, id est, claudi vetet  
Erotiũ, eis præsertim qui experimen-  
tis cognitum habent, nihil peius neque  
deterius homines amatores, quàm oc-  
clusas dominarum suarũ ianuas odif-  
se, nihilque adeo illubentius, quàm  
CAVE CAVE CANEM ostio for-  
mosæ alicuius inscriptum spectare.  
cui malo vt occurratur, cautionem fe-  
rè adhibere condidicerunt Iphtiphillæ  
nostræ,

*Ne quis liminis obseret tabellam,*

*Nen sibi lubeat foras abire;*

quoties status conditus cum Phaone  
suo, Venereis vadimoniis conuadato,  
intercedit dies. vt fiat Stalinonis illud:

*Fac habeant linguam tuæ ades, quum veniam  
vocent.*

hoc est, vtrò vtroque poste patentes  
me ad se ingredientem inuitent, ne fo-  
ribus assulas facere habeam necesse.

Edicit ibidem meretrix illa:

*Sternite lectos, incendite odores.* Idem Cic.

*Aderant unguenta, coronæ, incendebantur odores.*

## A D M E N E C H M O S.

## CAPVT VI.

Amare, pro Orare. Meâ causâ. Sal-  
tus damni. *Menechmi multoties  
emaculata, alias illustrata.*

E A D E M Scenâ, quæ vltima Actus  
secundi cluit, Messenio seruus ad-  
mirans ait :

*Pro Iuppiter ?*

*Nunc isthac mulier illinc venit, quæ te non ita  
tam catè ?*

Vbi tamen dubitare subit nobis, an  
pro voce *Nunc*, cõmodiore sensu Num  
reponi possit, vt sit quærētis, seu (quod  
impensius placet) admirantis oratio.  
atque ita melius aliquantò subsistet id  
quod porrò inde argumentis Erotij  
victus subiicit Menechmus Sosicles:

*Hecle opinor pernegari non potest.*

Adpingam & alteram emendationem  
nō minus verisimilem ex eapte Scenâ,  
in petitione illa Erotij, quæ mihi in-  
epta adeoque prorsus infulsa videtur,  
nec digna, cui vllō modo concedat  
Menechmus, nisi eam mecum hunc in  
modum emollias :

*Sed*

*Sed scin', quid te amabo, ut facias? M E.*

*Impera quiduis modo.*

Nam ut in nostris exemplaribus hodie vulgatur:

*Sed scin' quid te amabo, ut facias, impero?*

*M E. Quiduis modo.*

eam verò orationem neque homini amatori, neque meretrici, blandienti præsertim (ut quod res est fabuler) ullâ ratione conuenire arbitror. Quoniam igitur iam satis mihi acceptum videtur, lectionem à me constitutam multis millibus huic vulgatæ antestare, ne dicam ipsissimam Plauti esse; reliquum est, ut quid *Amabo* istuc sciat facere, breuiter quantum potest explanem. quam quidem dictionem ego usque ex penitissimâ antiquitate depromptam autumo; nec aliud quicquam hoc loco significare, quàm quod apud nos, *Oxabo*. Id ita esse vnico hoc argumento haud difficulter euincam, quod ipse auctor paullò post eâdem voce Erotij ancillam Menechmo suppalpantem inducit, quum scribit:

*Menechme, amare ait te multum Erotium*

*Vt hoc nunc vnâ operâ ad aurificem deferas.*

Quid apertius? Sed & Græcos haud dissimili modo credo *σίγω* suum accipere. hoc enim non tam *Amo*, quam *Oro* significat, si Sophocli credimus. Neque omittendum, quòd nos etiamnum hodie ad imitationem priscorum quidpià ab aliquo postulaturi, *Amabo te*, in oratione directà dictitamus. in quâ sententiâ Camerarium quoq; nostrum fuisse video. Neq; pol mirum, is enim princeps hanc lectionem auctori suo assertam vindicavit, quum in omnibus antea codicibus legeretur, *Orare*, glossâ scilicet in contextum transcriptâ.

Nolo ab hoc concilio segregare dictum doctissimum Actûs v. quo vxoris fratris germani sui minacias mulieres de dissidio ac diuortio faciundo retûdit Menechmus Sosicles inquiês:

*Meâ quidẽ hercle causâ vidua victita,*

*Vel usque dum regnum obtinebit Iuppiter.*

Id est, (vti ego interpretor) per me vidua vel ætatem victites licebit. Sic enim & Epidico:

*Dum sine me queras, queras meâ causâ vel  
medio in mari.*

Sed verò omniû clarissimè, vbi scribit:

*Meâ*

*Meâ quidem causâ saluus sis licet.*

Denique in hac ipsâ Comœdiâ infrâ:

*Mea quidem causâ liber esto, atque ito quò  
voles.*

id est, quantum ad me res ea attinet;  
quantum in te mihi est imperij:

Emendo Actu v. ex personâ insa-  
num facientis, hoc est, falsò furere sese  
assimulantis Menechmi, quàm graphi-  
cè (Diû boni) & quàm probabiliter!

*Agite equi, facitote sonitus ungularû appareat*

*Cursu celeri, facite inflexa sit pedum pernicitas.*

Sensu facili & eleganti. Pedum per-  
nicitas enim, nisi inflexa sit, celeri cur-  
riculo esse non potest. Quocircâ sic  
malo, quàm cum Camerario & vulga-  
tis, *Inflexu*, coniunctim, aut cum Lam-  
bino, *In flexu*, diuisim duobus verbis  
legere.

Lego ibidem in Senilî illâ ad Medi-  
cum commonitione:

*Aliam occipisse fabulam.*

non (vt in Editionibus est) *Occipis*, nisi  
si quis tamen *Occipito*, vel *Occipias* malit,  
est enim imperantis. idque sensus ipse  
non postulat solum, verum etiam ef-  
flagitat.

Sub Scenæ eius exodium, vbi Messenio solus secum de heri salute sollicitè differens anxieque satagens inducitur:

*Neque utrum ex hoc saltu damni saluum seio eliciam foras.*

Malim, *Vt eum*, pro *Vtrum* rescribilleret. *Saltus* vero *damni* sic dictum, vt *Montes mali*, *mæroris*, atque alià talia infinita apud hunc Comicum. Quò etiam referendum prouerbium illud è *Casina*:

*Iam ego vno in saltu lepidè apros capiam duos.*

Nec tamen negitem, ad obscœnam illam, hoc est, malè ominatam ciuitatis Epidamni appellationem, Messenionem, pariter vt aliàs, etiam hoc loco respicere voluisse.

A D

## A D M I L I T E M.

## CAPVT VII.

*Locorum aliquot Plautinorum collatio cum Cicerone, Valerio Maximo, Prudentio, aliis. Peniculum tectorium quid sit. In Turnebi sententiam facta discessio. Occideras, prò Occidisses. De verbi Monet significatu non proletario Lector admonitus. Ergo, prò certè. Plauti Miles aliquoties à corruptelâ defensa.*

**N**O N vltimam sanè inter Plautinas Fabulas gloriam iure suo Miles Gloriosus meretur. Nam præterquam quòd tota sale, lepore, politissimisq; sententiis efferta; graphicè in eâ insuper nobis vanitatis imaginem sub Pyrgopolinici personâ adumbravit Poëta noster, eos innuens, qui se primos omnium rerum esse volunt, nec sunt, calum ipsum (vti Flaccus ait) stultitiâ petentes. quorum animis indomitis, superbiaq; intolerabili

*Neq; lex, neq; tutor capere est qui possit modum.*



Sed hæc ab instituto nostro immane quantum discrepant, cuius vna atque vnica est ratio, mendosas scripturas, non autem Stratioticos mores corrigendi ac castigandi. quos fines ne ingenioli nostri transcendat impetus, ædè pol'cauto est opus. atque adèò (vt iam inde à principio hoc quicquid est telæ exordiamur) auscultemus quæso paratragædiantem Pyrgopolinicen, animoque aduersemus sedulò, num satis conueniat epithetum illud, quod *Machare* militari in libris nostris assignatum legitur eo versu :

*Quæ misera gessit factum facere ex hostibus.*

Ego certè (quanta quanta sapientia est mea) leui commutatione factâ, *Miserè* maelim. quam locutionem facile admittent ij, qui Terentium vel primoribus labris delibarunt.

AR. Memini. nempe illum dicis cum armis aureis.

Sic & Cic. in Bruto : Tum ille : Nempe eum dicis (inquit) quo iste omnem rerum memoriam breuiter, & (vt mihi quidem visum est) per diligentem complexus est.

*Cuius tu legiones diffrauxisti spiritum.*

Simili

Simile de Ægyptiorum exercitu Valerius Max. lib. ix. cap. i.

*Quapropter delitiis tam enervæ animi; spiritum exercitus nostri sustinere non potuerunt.* De *Paniculo* verò *tectorio*, quod sequitur, quodque idem complures, & quidem doctissimos exercitos habuit, credo illud volt dicere Plautus, *penicillum* vel *bulbum* vel *vulpinum*, quæ extergentur non quidem *Baxeæ* (vti in *Casinâ* est) sed (quod decere videtur magis) *tectoria cubiculorum*, nimirum *incrustati* an *tessellati* parietes *emblemate vermiculato*, vel (quod apud nos moris etiamnum hodie) *elegantiore integumento materiario exculti*. Sed cum *Lambinus* aurem vellorit nobis, talem *peniculum* non tam facile à vento diffuari dissiparique, quàm folia, quæ præcessere, animum inducere posse videor, vt cum eo, quem dico, in *Turnebi* sententiam discessionem faciam denique, *Paniculam tectoriam*, *felici coniecturâ restituere ausi primitus*.

In eadem Scenâ *Artotrogus* quid velit, haud satis percipio, responso illo:

*Nonisse mores me tuos meditare decet.*

*Curamq;*

*Curamq;* adhibere, *ut prauolet mihi, quo tu velis* nisi forte (quod suspicor) rescribendum, *Quod prò Quò.* ut significet Parasitus cautionem paratè adhibendam sibi, ut quod dominus velit, sibi antea prouisum ac præmeditatū fiet. Quod ipsum & noshinc mutuati in Cupidines nostros transcripsimus iam olim adolescentuli huiusmodi disticho:

*Hac te nosse decet, curamq;* adhibere *fidelem,*

*Præuolet ut menti, quod uolet illa, tua.*

Per insignis ibidem & illa Parasiticæ assentationis hyperbole:

*Quid in Cappadociâ? ubi tu quingentos simul,*

*Nî hebes machæra foret, vno ictu occideres.*

At enim me ratio temporis in verbo *Occideres* offendit, neque hercules unquam deterrebor, quin scriptum fuerit à Plauto, *Occideras*, & rî & *Occidisses*, genere loquēdi Poëtis perquā familiari.

Duo prætereà loca eiusdem Scenæ adscribam, idque totidem verborum gratiâ modo, quæ quidem mihi haud vulgario significatu accipi placet. Primum est, *Monet*, quod herclè ego interpretandum ex præcedentibus hariolor, prò *Memorem* facit, & quasi  
memo-

memoriam suggerit mihi: neque alibi  
vel oculorum aciem, vel animi men-  
tem habuisse censendus Parasitus ille  
Phædræ in Curculione, quum ait:

*Nil tu me saturum monueris.*

Alterum est; Ergo, ab eodem Arto-  
trogo in gratiam Regis sui, quasi hoc  
ipsum ab nescio quâ formosâ, comple-  
xum eius medullitus cupiente, acce-  
pisset, confictum, quod ego prò Certè  
à Poëta positum mihi certo certius  
persuadere ausim. Sed melius verba  
ipsa apponere:

*Ergo mecastor pulcher est, inquit, mihi.*

*Et liberalis visus.*

quomodo & in Persa; Ergo adelpo palle-  
Eiusdem Scenæ versum:

*Vt te hodie quasi pompâ illâc præterducerem,*  
prudentissimè imitatus videtur Pru-  
dèntius de Vestâ loquens:

*Fertur per medias, ut publicâ pompâ, plateas.*

## CAPVT IIX.

Foris concrepuit à Sene, *apud Plautum*. Fulgor ab auro, Ceres ab Iaccho, *apud Lucretium*. De Talis luforii accuratè difceptatum; feruis eorum vfu interdictũ Lege Talariã ex Plauti Stichò oftensum. Quò ea lex pertinuiſſe videatur, item oftensum. ¶ Cogitans, intellectus remotior excogitatus. Sententia Plauti à Sallustio expreſſa. Lambiniãe expoſitioni fides abrogata. Locus Catulli ab inquinatiſſimis quorundã manibus vindicatus. Eidem à Cornico noſtro lux facta. Super locis aliquot Plauti ſuſpicionẽs iuſte.

SECUNDA Scenã, vbi hodie legitur nullo ſenſu:

Nam vnum conclauẽ, concubina quod dedit Miles, quo nemo niſi ea ſe inferret pedem.

Pede ex Catullo emendandum cenſeo, iiſdem ferè verbis vtente:

Quò

*Quò mea se molli candida Dina pede*

*Intulit, &c.* Quod si cui non probatur, meâ ille quidem causâ audacter cum Turnebo, Eapfe, si volet, legat. quod certè temerè improbare non aulim, tanto præsertim tibicine ac Lambino suffragatore suffultum.

Scena II. totius argumenti Comici continet narrationem, quam à nomine Comœdiæ exorsus; & oppidum, ubi res istæc gesta fingitur, eâdemque patriam nuperi ac nouitij heri sui cõmemorare pergit Palæstrio, his verbis:

*Hoc oppidum Ephesû'st: idem est miles meus herus.*

Sic enim in Camerarij ac aliorum editionibus, contrà & Lipsianam & Lambinianam sententiam, quibus res ipsa ad huiusmodi emendationẽ porro commonstrauit viam:

*Inde est miles meus herus.*<sup>1</sup>

Vnde suspicor reponendum: *Indidem est, &c.* Nam Pirgopolinicẽ Ephesium esse ostendit Palæstrio. Quæ correctio nostra proximè insuper ad industriosissimi Camerarij coniecturam accedit, qui, *Ibidem*, videri legendum sibi

sibi nos iam præmonuerat antea.

Scena III. edictionem continet, quam prò imperio herili domesticis suis habet Periplectomenes:

*Quemque à milite hoc videritis hominem in nostris regulis,*

*Extra unum Palastrionem, hunc deturbatote in viam.*

Id est, uti ego horum verborum sensum percipio: Quemcunque videritis ex familiaribus Militis. Sic alibi: *Foris concrepuit à sene*, id est *senis*. Particula enim *A* sexto casui iuncta eandem cum patrio casu virtutem obtinet. Atque hoc Latini illi cum vernaculo sermone nostro comune habere existimari possunt, quo dicimus: *De dienaer van Peeter ofte Pauwel / èrri & Peeters ofte Pauwels dienaer*. Nec abhorrens ab elegantiâ istiusmodi Lucretius; apud quem *Fulgor ab auro*, Item: *Ceres ab Iaccho*, prò *Auri fulgore*, ac *Iacchi Cerere* leguntur.

Arguta porrò ac lepida pòl nimis ambiguitas in simulata Edictione illa, quam (ut dixi) familiaribus suis habere inducitur Periplectomenes Senex, cū huiusmodi minaciarum clausulâ:

*Atque*



Atque adeò ut ne Legi fraudē faciant Talaria;  
 Accuratote, ut sine talis domi agiēt conuinū.

*Fraudem faciant*, id est, peccent in Legem Talariam. Cæterum addubitari posse video, quænam fuerit Lex ista Talaria. Ego verò ad Talos luforios & conuiuiales pertinuisse arbitror, quibus *Regna vini* (ut quidem Flaccus loquitur) homines liberi ac ingenui sortiebantur. liberi dico. Etenim contrà seruos eampse latam, ex hoc ipso loco coniecturam facere posse videor; atque huic ordini vsum Ludi Talarij interdictum vel illud in primis argumento esse potest, quod neque Persâ, neque adeò Sticho, vbi tamen seruilium cōuiuiorum, tanquam ex professo, apparatus pompæque ac festiuitates omnes ordine describuntur, vel minimissimam Talorum mentionem factam vsquam gentium est obseruare. Mirum verò, ni Talaria ista ad *Publiciam de Lusu*, aut *Titiam* pertinuerit.

Graphicè inibi vultum, statum, habitumque ac gestus omnes hominis cogitabundi, multa que secum & cum animo suo anxie agitantis in Palæ-

Y

Strione



strione expressurus Periplectomenes,  
sic incipit: *Illuc sis vide,*

*Quemadmodum abstulit: seuerâ fronte curas  
cogitans.*

hoc est, adstrictâ, caperatâ, seu corru-  
gatâ, ac matutinâ fronte curas vnâ pa-  
riter cum superciliis adducens, & velut  
sursum compellens ac cogens, à cuius  
simplicis verbi fonte frequentatiuum  
istud *Cogitans* deductum detortumque  
videri potest, veluti *Coagitans*; id est,  
congregans vnū in locum. *Cogere* enim  
simul agere est, quasi tu *Coigere* dicas.

Sequitur ex eiusdem personâ, haud  
longulè:

*Magnum illic honorem incipis, sed magna  
munis mœnia.*

Apage particulam istam aduersati-  
uam alienissimo hercule & loco &  
tempore, ignorantiae (quâ nihil subti-  
lius) vitio à sciolis inculcatam. neque  
placet. Puto itaque legendum:

*Magnum illine honorem indipisces, magna mu-  
nis mœnia.*

(quam sententiam strictim, vt omnia,  
ac tribus verbis à Sallustio expressam  
inuenias. Oratione ad Cæsare de Rep.  
ordinandâ

PLAUT. EXPL. LIB. III. 339  
ordinandâ priore : *Magna cura magna  
merces est.*) nisi si quis hanc correctio-  
nem prætulerit:

*Magnam illic honorem incipiscis, m. &c.*  
vel potius *Camerarianâ illam*, quam  
& *Lambinus* sequutus:

*Magnam illic hanc rem incipiscis, magna, &c.*  
Habes Scenâ proximâ *Sceledri* con-  
sultationem secum ambigentis, utrum  
de *Philocomasij* furto, quod viderat,  
malo indicium hero suo facturum, nec-  
ne. cui hæc subiungit denique :

*Edepol facinus fecit audax. hocine si miles  
sciat?*

*Credo hercle has sustollat ades totas, atque  
hinc incertem.*

Vbi de semetipso loqui existiman-  
dus *μετ' ἑαυτοῦ*, sicuti *Pœnulo* :

*Atque auctorem faciam. nam impuniſſimè*

*Tibi quidem hercle vendere hæc ades licet.*  
quum de se & capitulo suo verberaliſ-  
ſimo, quippe ſeruili fabuletur: quod  
quidem hero, si velit, ſub titulum ve-  
nale mittere, seu ventum proſcribere  
impunè ius faſque eſſe dicit. atque ita  
hunc locum explicandum contrâ ſen-  
tentiam. Interpretis, nescio quàm vi-

cini ædium subuersionē à Milite somnulosè imaginantis, declarant frequentia illā:

*Hercle quicquid est, misſitabo potius, quàm inteream malè.*

Legitur subinde:

— SC. Abi, ludis me Palaſtrio.

PA. Tam mihi sunt manus inquinata?

SC. Quā dum? PA. Quia ludo luto.

Sic enim tam Lambini quàm Camerarij editio, à quibus mihi (vt ſpero) fraudi non erit, ſi & hîc ſeorſum ſentiam, reſcripturus hoc modo reiectâ interrogationis notâ:

PA. Tum mihi sunt manus inquinata.

Cuius ioci explicandi compendium vt faciam, Lectorem meum ad Lambini Commentarios ablegabo. Is enim optimè (Iuppiter) omniumque commodiſſimè tum huius, tum confequentis dicti ſententiam explanauit. Ludo itaque luto conſimiliter dictum, ac de Prometheo Martialis illud:

*Saturnalitio luſit & ipſe luto.*

Atque hic Plauti locus veteri & antiquæ Catullianæ lectioni fulciundæ fuerit maximè quæ habet:

Nam

Nam dextrâ pater inquinatiores,  
atque explodendi in perpetuum Car-  
tionis, cum subdiſſimâ inuerſione ſuâ:

Nam dextrâ pater eſt voracior, &c.

Etenim de dextrâ inquinatâ, id eſt,  
gypſatis quaſiſque glutino ac viſco, &  
quod nos vernaculo conuicio, mani-  
bus picce infectis dictitare ſolemus, in-  
terpretandum; eodemque à Catullo  
alluſum fuerat & ſuprà:

*Qua nunc tuis ex unguibus regluina & re-  
mitte:*

id quod ab ipſo illo, quem dixiſſe me  
ſentio, vellem vtique tandem tandem  
impetrare poſſemus.

## CAPVT IX.

*Volgaria lectio in Milite repudiata. Dictum Sceledri de Palastrionis somnio haud somniculosè expēsū. Ad Plauti illustrationem Propertius, Tibullus, Ovidius, Martialis, Festus denique aduocati. Comprecari. Sceledri nomen in Palastrionis verbis restitutum.*

**S**CENA, cui initium est:  
*Præcepta facito ut memineris.*

Philocomasium ex præscripto Palastrionis rem gerens, omnemq; cum alieno adolescente osculationis, quam per vicini impluuium despexerat custos herili concubinæ additus Sceledrus, non dico culpam, sed suspicionem modò à se segregare, spernere, ac procul amoliri studens, somniū suum quasi narrans inducitur, eo videlicet consilio ac fini, quò stultiuido custodi suo os oblectaret subdola, ei que de somnio fidem faceret, non se, verum  
**sororem**

sororem geminam germanam suam  
 (quam nocte, quæ præterierat, proximi-  
 mæ ad vicinum in hospitium diuor-  
 tisse videri cupit) ab eo de tegulis per  
 impluuium despectante deprehensam,  
 ibi dum cōdignam se sectatur simiam,  
 interim dum illa caput & corpus cum  
 amatore copulans suo, nescio quid in-  
 eptiarum forte (vt solet fieri) perpe-  
 trat licentius. quam commemoratio-  
 nem auspicatō occœptam excors, cæ-  
 cus, incogitabilis ille Simiæ herilis se-  
 ctator, iam inde statim ab exordio ab-  
 rumpens ait:

*Palæstrionis somnium narratur.*

Ita enim inibi legendum, non vt  
 Lambinus priores omnes editiones se-  
 quutus retinuit porrò; *Palæstrioni*, ipsa  
 res atque ad eò rei ipsius sententia cla-  
 mitant palam: vt significet Sceledrus,  
 se ita matulam non esse, vt non perci-  
 piat somnium, quod sibi & *Palæstrio*-  
 ni à *Philocomasio* narratur, *Palæstrio*-  
 nis ipsius commentum esse, eamque de  
 compacto verbis que ad eò conceptissi-  
 mis hoc agere, à conseruo suo *Palæ*-  
*strione* iam antea præceptis oneratam

ac instructam probè & meditatè ad fallacias atque offucias, quibus pòl incauto sibi glaucoma ob oculos obiiciatur., Palæstrione inquit, concubinæ isti supparasitante assiduè. neque mirum, quippe qui (id quod idem priore item Scenâ conquestus) ei proximus sit semper, primusque adeò ad cibum vocetur, vnus denique ex omni familiâ pulmentum à delicatâ formosæ illius manu accipiat.

Quid verò esse dicam, quod ibidem post somnij supradicti narrationē, Palæstrio amicam herilem abire intrò ac comprecari iubet? an quod Romanus Callimachus noster Cynthiam. itidem suam fecisse commemorat?

*Ibat & hinc castæ narratum somnia V estæ,  
Nen sibi, néve mihi quæ nocitura forent.*

Hercle verò seriò. neque aliò referendum Tibullianum istuc:

*At natum in curas hominū genus omina noctis  
Farre pio placant & saliente sale.*

Item:

*Ipse procuravi, ne possent sana nocere  
Somnia, ter falsâ deueneranda molâ.*

Quibus etiam à Propertio succinitur:  
Nam

Nam cui non ego sum fallaci præmia Vati?

Quæ mea non decies somnia versat anus?

Nec minus Ouidio I I. de Arte:

Multa voue, sed cuncta palâ: quotiesq; licebit,

Quæ referas illi, somnia lata vide.

Et veniat, quæ lustret anus lectumq; locumq;

Præferat & tremulâ sulfur & oua manu:

Quibus tum vniuersis, tum singulis  
facem multò clarissimam vnum her-  
cle Martialis Epigramma prælucet,  
quod abs re, opinor, haud fuerit inte-  
grum huc adscribillare:

Semper manè mihi de me mera somnia narras,

Quæ moueant animû sollicitentq; meum.

Iam prior ad facē, sed & hæc vindemia venit;

Exorat noctes dum mihi Saga tuas.

Consumsi salsasq; molas & thuris acervos;

Decreuere greges, dum cadit agna frequens.

Non porcus, non cortis aues, non oua supersunt:

Aut vigila, aut dormi Nasidiene tibi.

Adiice ex lib. eiusdem XI.

Amphora nunc petitur nigri cariosa Falerni,

Expiet ut somnos garrula saga tuos.

Cui addatur insuper interpretamenti  
vicem illud ex Festo:

Patrix dicebatur sacerdos, quæ expiare erat  
solita, quam quidam Simulatricem, (lego,



*Simpulatricem* ex altero eiusdē Grammatici loco) alij *Sagam*, alij *Expiatricem* vocant. & *Piamenta* etiam dicebantur, quibus in expiando vititur.

Eodem quoque illud pertinere facito ut memineris, de *Alcumenâ* ex *Comitragœdiâ* Plauti:

*Rectè dicit, ut cōmeminit, somniū narrat tibi.  
Sed mulier, postquam experrecta es, Prodigiali Ioui*

*Aut molâ falsâ hodie, aut thure comprecatam oportuit.*

Quæ omnia eò facilius ac lubentius collata à nobis in commune, quò ad Plautini tam huius, quàm prioris exempli intellectum planiorem concinnant viam. Neque enim aliouorsum referendam comprecationis istius ceremoniam, quàm ad malorum somniorum depulsionem; quam incredibile est memoratu, quàm efficacem ac præsentariam esse crediderint veteres, execrabili mehercle superstitione. cuius etiam mentionem Curculione habuimus suprâ, ubi Cocus Phædromi, qui se vnicum somniorum cōiectorem faciebat, Lenoni Cappadoci super Somnio,

nio, quod in Æsculapij fano ægrotus incubans somniauerat, cōsiliū quærenti consuadet, vti pacem & veniam conciliet ab Æsculapio, hoc est, numen eius Dei comprecetur ac propitiet sibi, ne maximum porrò malum somniatori eueniat scilicet, quod eadem iam-iam in mundo esse certo certius videri cupit Magirus iste Comicus, quippe per quietem sibi à Dīs Immortalibus cælitus obiectum portentumque. Vbi & hoc notabis, falsè atq; acerbè nimis Cōiectores ac Somniorum Interpretes sugillari atque irrideri à Plauto, quippe qui hominem seruū, &, quod multo vilius, Coquum diuinitus scientem induxerit in Scenam. *Comprecari* autem nihil aliud fuerit, quàm molâ falsâ aut thure deuenerari, id est, deprecari somnia, pacemq; ac veniam à Prodigiali Ioue, Diisq; Auerruncis, id est, malorum depulso-ribus nullo non suppliciorum ac piamentorum genere exambire, vti ex Amphitruone & Curculione ostendimus modò: quod Pleusidis amicam facere adhortatur Palæstrio, quò  
alienum

alienum videlicet, hoc est geminae sororis eius probrum atq; amatio, cuius causâ innocens suspicionem sustinet Philocomasium (vt quidem omnium ille bipedum facerrimus Sceledro persuadere conatur) in herilem concubinam insontem immeritissimò expectat. Quò itidem pertinent ea quæ habes infra de *Precatrice*, *Coniectrice*, *Hariolâ*, atque *Aruspiciâ*.

Monet ibidem denique Sceledrum Palæstrio, vt resipiscat, hoc est, vt persuasionē de herilis amicæ probro conceptam deponat tandem; simul vti oculos orationemque aliam commutet sibi, ne, si id Miles sciat, custos obstultiloquium capiti ac cruribus suis fraudem capitalem creet. Verba sic habent:

PA. Na tu hercle obsecro opinor;  
Resipisce. si ad herum hac res peruenerit, per-  
ibis pulchrè.

Sensu confragoso, ac dictionū ordine prorsus perturbato, quē ex Vaticano codice aliquot verbis auctiorē pristinae integritati suæ propemodū restituit intimus nobis Lipsius hoc modo:

*Næ tu hercle opinor magnum malum*

*Obsecro reperies. si ad h. h. r. p. peristi pulchrè.*

Propemodum dico. nam omnino integratam vt credam, vetat me, Obsecro istud, quod huicce loco quid faciat, necdum etiam quiui ad coniecturam euadere. Nihil enim ad rhombum. Vnde mihi incedit audacia, verbum illud procul cum refecratione despue-  
re, inque eius vicem porro, *Sceledre*, reponere. Verbi gratiâ :

*Næ tu hercle, opinor, magnum malum*

*Sceledre reperies.*

# A D M I L I T E M.

## C A P V T X.

*Plauti Milite quædam restituta, alia explicata. Ab Isidoro leniter & leniter dissensum.*

**S**CENÆ initium illud :

*Inde ignem in aram, vt Ephesie Diane laudes latus*

*Gratèsq; agam*

nescio an satis legitimè conceptum putem, vereorq; adeò, vt scripserit

Plautus: .

Plautus: *Laudes letas*, nempe ab effectu, vel potius; quod cogitanti mihi sub manu natum est modo, *Lantas*, ut præter paronomasiæ venustatem, ad solennem lauationem illam (quæ veterioribus *Lustratio* dicta; etiam *Purificatio* Martiali ac Plinio) sacrificia antiquitus ac rem diuinam præcedere solitam respectum sit à Comico. Meminit harum quoque mundicierum mundissimus Poëtarum Tibullus noster, ex Cérinthis amatoris personâ Iunoni Genitali prò Sulpiciâ vota faciens huiusmodi :

*Lota tibi est hodie. tibi se letissima compsit,  
Staret ut ante tuos conspicienda focos.*

Rescribo ibidem, pro quod vulgò legitur: — *Iniuria est,*

*Falsum nomen possidere Philocomasium postulas.*

*Iniuria es.*

id est, iniuste atque iniquè facis, quæ falsum, hoc est, alienum tibi nomen adsumas, te, ipsum quod es, quodque adhuc vsque fuisti, perperam inficiando dissimulans.

Sequitur Scenâ proximâ:

*Quod meas confregisti imbrices ac regulas.*

*Differen-*

Differentiam harum duarum vocum ita constitutam habes ab Isidoro: Tegula vocata quòd tegant ades: Imbrices, quòd accipiant imbres: Cui quidem herculè ego de Imbricum originatione assensum còmodo, de Tegularum non item, atque eò minus, quòd Tegula priore syllabâ productâ primogenium suum manifesto inficiari videatur. Martialis quoque ita anxie & Grammaticè verborum proprietatis retinens non fuit, vt Tegulam pro Imbrice vsurpare refugerit illis versibus:

*Plurima quæ posset subitos effundere nimbos  
Muneribus venit tegula missa tuis.*

Illud vero ibidem:

*Dato excruciatum me, egomet me dedam tibi.  
concinnius futurum videtur meliusq;  
cohæsurum sibi, si legatur:*

*Dato me excruciatum, ne egomet me dedam tibi.  
Excruciatum. i. ad excruciantum.*

Emendo. sub. eiusdem Scenæ, catastrophén.

*Nimium festinam mulier operam præbuit.*  
*ævi. & Festina, id quod omnia omnium  
exemplaria occupavit hætenus.*

## CAPVT XI.

*Epheſiorum elegantia. Vmbrorum & Apulorum ruſticitas. Plautus à corruptelâ deſenſus. Ad omnes res frequens comparebo. Scriptura veteris contrâ Tarnebum & Lambinum aſſertio. Ceraria. Clementer non poteſt. Victoriꝝ error.*

**V**ENTVM eſt ad Scenâm, omnium (quæ quidem extrâ Amphitruonem in Poëta noſtro leguntur) longiſſimam pariter ac feſtiuiffimam. neque mirum, tantâ temperantiâ inter ſeria ac ineptiarũ vrbانيتates moderatam. Indidem hoc primum delibabimus, ex perſonâ, quantum eſt, hominum lepidiſſimi Senis prolatum:

*Poſt Epheſi ſum natus, non in Apulis, non ſum in Vmbriâ.*

Quod enim Epheſi ſe natum gloria-  
tur, credo ideò eſſe, quod ciuitas ea in  
elegantiis facetiisq̃ue cum primis de-  
dita; contrâ morem Vmbrorum &  
Appulo-



Appulorum, qui rustici, illepidi, subidiq; atq; inficeti habebantur. Quod verò ad crapulam ingluuiemq; & helluationem earum nationum exemplum istud retrahere coneris, minus nihilo est. neque hîc aliquo modo locum eiusmodi animaduersio habere potest.

Pergit ibidem commoditatesq; ac venustates suas apud Pleusidem ac Palæstrionem prædicare Periplictomenes. è quibus illud pot. vereor, satis expolitum vt fiet :

*Ita apud omnes comparebo tibi res benefactis frequens.*

Nam quæ obsecro Latinitatis species est illa ? *Apud omnes res.* Mihi certè haud fit verisimile, Plautum vnquam vel ioco vel seriò eiusmodi phrasim in Scenam Romanam detulisse. Apage hoc schœnum, has sordes inquam, à politissimi omnium Poëtarum munditiis. Potius est, vt ita locum reconcinandum putemus :

*Itad' ad omnes comparebo tibi res, &c.*  
hâc sententiâ & ordine. Ita ad omnes  
res frequens comparebo tibi comitate  
Z & bene



& benefactis meis, hoc est, *frequentabo* (vti in Cistellariâ est) *utilisq; habebor*, faciamque, vt opera mea omnibus in rebus appareat, omniq; adeò in tempore præsto sit tibi. Sic dixerat Pleusides antea eiusdem Senis hospitis sui erga se benignitatem benigniter colaudans:

*At quidem illuc ætatis qui sit, non inuenies  
alterum*

*Lepidiorem ad omnes res, nec qui amicus  
amico sit magis.*

Causa deprauationis ex ignoratâ D consonantis interpositione primitus, vti opinor, nata. quam syllabæ sustinendæ, hoc est, hiatus vitandi, vocaliumque dirimendarum gratiâ, in rem suam excogitasse videtur Antiquitas, vti cuius passim in Prouocabulis illis *Med'*, *Ted'*, aliisque talibus manifesto est animaduertere. nisi, *Apud omnes, forte homines* subaudiendû putemus. quam si admittimus constructionem, quid porro *πῶς* Res futurum sit nescio, cuiue aut personæ aut rei particula illa aptanda denique.

*Haud satisfacit ibidem nobis illa  
doctissimi*

doctissimi Turnebi lectio, huic licet iam pridem ad stipuletur popularis eius Lambinus:

*Iam pridem quia nihil abstulerit, succenset geraria.*

Neque enim video sanè, quânam ratione à verbo *Gerere* vocabuli huiusce-modi compositio formari queat. Itaque scripturam veterem defendere ac retinere placet: *Ceraria* inquam, prò eâ muliere, quæ cereos ad sacrificiorum sollennitates rite patrandas suppeditare consuevit.

*Tum patricam clementer non potest, quin munerem.*

Cuius loci hanc putat esse sententiam Lambinus: Tum non potest fieri, quin patricam clementer munerem, id est, aliquo munere donem. Ineptissimè. Clementer enim non ad Munerem, sed verò ad Non potest referendum; ut quum dicimus:

*Honestè non potest, quin hoc faciam.*

Narrat ibidem Pleusides:

*Si hoc parauissent, homines essent minus multi mali,* [postea

*Et minus audacter scelesti facerent facta, &*

Qui probi homines essent, esset his annona vilior.

Victorius lib. xiv. cap. xxi. Variarum suarum, post horum versuum considerationem subdit denique: Sententiam grauem ac penè Tragicam in humili re terminauit: nam tantà immutatione rerum effici, ut annona vilis sit, ridiculum est. Imò vero tu, bone Victori, ridiculus potius, qui Plautinam sententiam in illustri positam, adeò ridiculè interpretari in animum induxeris tuum. Cæterum adeundi super hac re Commentarij Lambini.

## A D M I L I T E M.

### CAPVT XII.

*De prisca apothecarum ratione, diligentissimâ inuestigatione quasitum. Demittere, deripere amphoram. E Plauto vox superflua eiecta. Idem ex Horatio & Columellâ illustratus. Bacchabatur hama, calabāt cadi.*

**R**EPO NO quamuis auidacter Scenâ proximâ; vbi Palæstriô cum Lucrione.

erione Sceledri suppromo sermonem  
ferens inducitur :

*Dimisit Nardini amphoram cellarius.*

ciectâ superfluâ & repositâ voce illâ  
Vini, quippe à malâ manu, hoc est, à  
glossâ, quam & Latinæ Linguæ elegan-  
tia, & (quod coniecturæ meæ cum pri-  
mis firmandæ) Senariorum modulus  
spernit segregatque à se procul. *Dimisit*  
verò inibi esse quid dicam? an (quod  
Interpres censet) *Emisit* è manibus, seu ne-  
glexit, seu non recondidit, siue incustoditam reli-  
quit? Gerræ germanæ, atque ædepol  
liræ liræ. Nam quod idem, quum le-  
ctionem eam suspectiorem haberet,  
alteram vicariam & quasi suppromam  
illi de suo subdidit: *Deprompsit*, ferri quî  
pote? Mihi itaque causa visa est nulla,  
quò minus: *Demisit*, legendum pronun-  
ciarem: cuiusporrò leuiculæ mutatio-  
nis causam iam inde à prisco illo sæ-  
culo altius repetendam autumo, quo  
testas, id est cados, dolia, amphorasq;  
cortice & pice supernè obstrictas, si-  
gnoque herili obsignatas probè in edi-  
tore vinariæ cellæ loco conlocabant  
veteres: vnde necessum erat de summo

**p**etere, si quis Corticem adstrictum pice (vti apud Horatium est) dimouere se cuperet. Atque hoc illud est, quod idem Coruinum hospitio accepturus Testam suam Massico effertam ad languidiora vina promenda descendere ad se, hoc est, demitti (vt quidem hic noster loquitur) desuper ex apothecâ imperat Odâ illâ:

O nata mecum Consule Manlio,  
 Sen tu querelas, sine geris iocos,  
     Sen rixam & insanos amores,  
     Sen facileni pia testa somnum;  
 Quocunque lectum nomine Massicum  
 Seruas, moueri digna bono die,  
     Descende Coruino inbente  
     Promere languidiora vina.

Facit huic enarrationi locus Columellæ libri i. cap. vi.

Apotheca rectè superponitur his locis, unde plerunque fumus earum exoritur: quoniam vina celerius vetustescunt, quæ summi quodam tenore præcocem maturitatem trahunt.

Vnde etiam rectè in Horatio alibi emendatum apparet:

Parcis deripere horreo  
 Cessantem bibuli Consulis amphoram.

pro

prò quo perperam antea exemplari-  
bus nostris obrepserat, *Diripere*. Neque  
aliò mehercules referunda, quæ de-  
inceps argutaturus bellus iste Sceledri  
suppromus: *Bacchabatur hama* (itâ cum  
Turnebo legi placet) *casabant cadi*; quàm  
ad vorfurâ illam, quam dixi, antiquitus  
factitatam. vt sit sensus: *Hama*, id est,  
*bilibris aqualis illa* (ita enim ex superiori-  
bus interpretor) propter cados astituta  
proximè, *Bacchabatur*, id est, Baccharum  
ritu temetum in se auariter ingurgi-  
tantium, vino ex cadis siue cœnophoris  
meâ comitate largiter affatimq; defu-  
so, decies sæpe in die cõplebatur. quæ  
res casantes, seu casabundos, id est,  
cernuum in morem nutantes ac pro-  
nos prorsus inclinatosq; (proinde ac  
si ebrij forent) cados efficiebat. Quid  
mirum? quum de pleno promptum, id  
est, è cado in vrceum (hoc enim *Ha-  
ma* est) florem Liberi depletum exan-  
clatumq; intelligat Lucrio; exemplo  
Sosiæ idem pariter de se in Amphi-  
truone verniliter profitentis:

*Cadus erat vini, inde impleni cirneam.*

Neque enim cadus totus ori, opinor,

aut labris appositè satis ad potandum poterat aptari: cirnea poterat, & quidem commodissimè. Ita enim transfundi merum solere, testimonio nobis sexcenta veterum Scriptorum loca, in quibus & illud Horatij :

*Inuertunt aliphanis vinaria tota.*

Ad huius itidem Scenæ illustramentū pertinet illud Sticho, de puero, huic Suppromo non nimium absimili :

*Næ iste adepol vinum poculo pauxillulo*

*Sæpe exantlanit submerum scitissimè.*

Locus Scenæ sequentis :

*Quiescas cætera, nî ludificata lepidè*

*Ero, culpam omnem in me imposito.*

is inquam locus citatur à Nonio Marcello in *Ludificata*, sed turpiter corruptâ ac delumbatâ scripturâ. Itaque hinc emendetur.

A D



CAPV T. XIII.

*Ioci cuiusdam argutiola, quæ in ambiguitate vocum; Est, & Volturio, consistebat, declarata. Quia enim. Lucillius apud Noniũ correctus. Tamen in fine orationis positum. Scelus viri. Scelus pueri.*

**Q**UID verò argutius dicto illo Palæstrionis in Scenâ, cui principium: *Iámne est ante ædes circus; &c.* qui, quoniam dixerat Milphidippa, ridiculâ adulatione in laudes gloriosi illius, quem labiis ductabat, *εἰρωνίᾱς* effusa:

*Ecquis dignior fuit homo qui esset?* statim porrò verbis ancillæ, à Milite ad Spectatores voce submissâ auersus, urbanissimè subiungit, *παρὰ πρὸς δόξαν* risum aucupans:

**PA.** Non hercle humanum est ergo.

*Nam volturio plus humani credo est.*

Cuius ioci argutiola omnis in ambiguitate sententiæ consistit. ambiguitas



verò in vocibus illis duabus: Est, & Volturio. Nam quum videatur dicere; Volturioplus humani, siue humanitatis inesse, quàm Glorioso huic; aliud longè diuersum falsè significat, primum in Casu & Volturio Comicè ludos faciens, qui tametsi pro datiuo positus existimari possit, tamen nominandi casus intelligendus, vt sit, Volturio, Volturionis. sic Lanio & Laninus, Longurio, item Longurius, aliaque sexcenta ad hanc faciem promiscuè vsurpata antiquitus. iam verò Est haud quidem pertractatè aut simpliciter, verum pro Edit positum accipere debemus. innuitque Volturionem, seu Volturium plus humani, id est, humanæ carnis (interim dum in cadaueribus passim depascendis deditus est solens) rostro vellicatim carpere, ac ventri crudiuoro præbere pabulum, quàm Pyrgopolinicen. sententiâ nimiae verisimilitudinis ergò quamuis urbanâ, vel ridiculosâ potius.

Scenâ proximâ, vbi de Philocomasij sorore Miles ex Palæstrione scitatur:

— Ecquid fortis visa est?

Et Fortis idem cum formosâ valere autumat

tumat Nonius, hoc loco utique; non item apud Lucillum, unde exemplum idem producit tale:

*Omnes formosi fortes, tibi ergo improbus esto. sensu prorsus insenso; neque fartâ rectâ numerorum lege. Proinde inclino, ut legam, distinguamque:*

*Omnes formosi fortes: ergo improbus es tu. id est, instrenuus, malus ignauusque, quippe deformis, ac de Gorgonij Pythonis prosapiâ.*

Scenâ porro, quæ incipitur:

*Sequimini, simul circumspicite.*

ubi legitur:

MI. *Quid agis noster architecte?* PA. *Ego-ne architectus?* vah. MI. *Quid est?*

PA. *Qui enim non sum dignus præ se, ut figam palum in parietem.*

mirum, nî corrigendum sit:

*Quia enim non sum dignus, &c.*

Hæc enim duo *Quia* &, *Enim*, ferè coniungi ac conciliari videmus in hoc Scriptore.

Antequam receptui canam, illud oscitanter prætereundum nō est, conjunctionem *Tamen*, nouo modo in fine orationis Scenâ antepenultimâ à Plauto

Plauto positâ ex personâ Palæstrionis:  
*Bene quæso inter vos dicatis, & mihi absenti  
 tamen.*

prò quod nos opinor diceremus: *Quâ-  
 nis absenti.* nec hîc modò, sed & Am-  
 phitruone, vbi vxoriis votis virum ro-  
 gitat Alcumena:

*Vt cum absim me ames, me tuam absentem  
 tamen.*

Item Casinæ Prologo:

*Sciens eius mater, ei dat operâ, absenti tamen.*

Vnde manifestò dilucet, Poëtæ no-  
 stro hoc loquutionis genus sanè haud  
 displicuisse.

Illic etiam sub exodium Fabulæ:

*Verba mihi data esse video, scelus vir Pa-  
 læstrio.*

*Is me in hanc pellexit fraudem.*

potius rescribendum videtur:

*Scelus viri Palæstrio.*

qua phrâsi vix alia Comico nostro vsi-  
 tator. vt vel Persâ:

*Scelus tu pueri es.*

neque dissentaneâ ratione idem alibi:  
*Deliria pueri, Monstrum, Flagitium hominis.*

CAPVT XIV.

*Sententia elegans in Plauto restituta.*

Commulcium cum auctore suo explosum. Mustare. Duum Ennij Fragmentorum restitutio, alterius lacuna etiam expleta. Præuorteris, perpeffionis significatu positum. Enicare suspiritus. Animam vortere. Electare.

**P**ERGAM turbare porro Plautini Tranionis exemplo, nam (vt inquit ille)

*Qui homo timidus erit in rebus dubiis, nanci non erit.*

Magis bono cum iure tamen; neque vt quempiam ludos faciam, proinde vt ille sator sartorque, quatum est, scelerum, verum, quod potius spero, vt, quæ prius confragosa & aspera tactu studiosis fuere, hæc ipsa meâ quantâcunque comitate faciam, plana & facilia vt fiant. in quem numerum adscribi potest. & illud è Prologo Mercatoris Plau-

ris Plautinæ; vbi patris assiduas aduersus se expostulationes commemorans adolescens inter cætera his etiam verbis vsum perhibet:

*Conuicium tot me annos iam si pasceret*

*Quod nisi puderet, ne liberet vinere.*

Sic enim editum à Camerario, perplexè satis. & melius Lambinus, qui veterum Codicum (vbi ipse fatetur) fidem sequutus hanc nobis edolauit scripturam:

*Conuicium tot me annos iam sic pascere.*

quæ correctio, incredibile est memoratu, quantæ lubentiæ fuerit mihi, eò lubentiori, quò propius hæc ipsa veteris coniecturæ nostræ vestigiis accedit: Ea verò sic habet:

*Conuicium tot me annos iam se pascere*

*Quod nisi puderet, ne liberet vinere.*

Locum integrum de integro adscripti, quò clarius Lectori nostro diluceat, punctum, quod post *trò Pascere* conlocauit Lambinus, expungendum, & prò *sic*, reponendum *se*, sensu perspicuè plano, vt dicat adolescens, etiam hoc sibi per summam contumeliam indignè obiectum à Patre, se conuici-

cium,

cium, hoc est, opprobramentum & ipsi & generi suo viuere, ac sine spe bonæ frugis fruges paternas inutiliter absumere ac depascere: cuius nisi maturè pudere occipiat aliquando, indignum esse adolescentem, qui vitam colat. *Conuicium* autem *καὶ συνήθειον* positum, id quod etiam obseruatū Lambino, quanquam ille *Commulcium* suum succidaneum fecerit Plauto.

Narrauerat idem antea:

*Summo hac clamore, interdū mussando loqui.*

Ita enim Lambinus, neque displicet. & quoniam audaculi esse occœpimus semel; binas Ennij auctoritates per cussam accersitas, in medium hoc loco proponere quid vetat? haud abnuente, vti spero, Festo Pompeio, cui eæ ipsæ, in verbo *Summuſsi*\* à Fulvio *\*Ex Sche-*  
Vrsino liberali causâ cōdonatæ: men- *diu Seru.*  
dosissimæ utræque, altera etiam cum lacunâ. Exemplum vide:

*Non possunt mussare boni; qui facta labore*

*Nixi militiam peperere.*

Quæ postrema pol ego itā lubenter legerim ac distinxerim:

— *Quæ facta labore*  
*Nixi*

Nixi, militis peperere.

Militia, id est, belli siue in bello; significatu apertissimo, qui antea nullus indidem electari poterat. nihilque eapte sententiâ verius.

Ad alteram veniamus:

Mussare item pro Murmurare. Ennius lib. x.

Spectabat virtutem legionis

Sine spectans si mussaret, quæ denique causa  
Pugnandi fieret aut duri laboris.

Eam sarcire ac redintegrare visum  
hâc formâ:

Suspectans, si mussarent; quæ denique causa  
Pugnandi fieret, aut duri pausa laboris.

Vbi in vocibus, Causa, & Pausa, ~~neg-~~  
~~negotior~~ vides oppidò venustam, tum  
Enniani Genij elegantiâ dignissimam.

Scenæ prioris initio seipsum & pedes suos ad cursuram hortans Acanthio ita loquitur:

Agedum Acanthio,  
Abige abs te lassitudinem, caue pigritiæ præuortis.

id est, caue à pigritiâ præuorsus fueris.  
est enim præteritum perfectum ~~præuorsus~~ ~~præuorsus~~  
Præuorsus, pro Præuortor, quomodo & simplex eius Vortor, solenne & frequens  
priscæ ac Latinæ ætatis scriptoribus.

Ibi



Ibi verò: *Simul emicato suspiritus*. (ita enim cum Apuleio malim, quàm cum Lambino, *Suspiratus*) τὸ *Emicato* coniectore indigere videtur; & fortasse scribendum; *Enicato suspiritus*, id est, crebras istas atque identidem repetitas anhelipectoris reciprocationes (vitium asthmaticis peculiare) facito enices ac pervincas animi inuicti peruiaciâ ac firmitudine. Illud autem:

*Vix suffero hercle anhelitum*, idem est cum illo quod mox habituri infrà: — *Perij: animam nequeo vortere*. id est, recipere anhelitum, nempe ut sursum ascendat, emicetque quasi in pectus, ut idem loquitur alibi.

Sub eiusdem Scenæ finem, ubi hero suo minori prædicat Acanthio;

A C. *Quin eâ huc præcurre gratiâ.*

*Ne te opprimeret imprudentem, atq; electaret.* nodum in scirpò quæsiuisse videtur Interpres; qui lectionem eam ferri non posse prò comperto adfetterare, atque, *Electaret*, in eius locum substituere est ausus. Temerè sanè atque incogitanter. *Electaret* enim sincerum & probum, id est, exterebrando elicere



atque (vt alibi loquitur) in quaestione  
exsculpere insisteret. estque frequen-  
tatiuum à composito verbo *Elicio*.

## A D M E R C A T O R E M.

### C A P V T XV.

Agere satis, *pro* Satagere; Valere, *pro*  
Sapere, *posita*. Ineptè facere. Fo-  
res Elogiorum implere. Ad istam  
faciem. Consulere, & Respon-  
dere, *relatiua*. Quî potius, quàm?  
De lanificio neminem metuo.  
Vnâ ætate quæ sit.

**S** C E N A tertiâ Demipho senex  
somnia suum exponens inducitur:  
*Miris modis Diû ludos faciunt hominibus,*  
*Mirisq; exemplis somnia in somnis danunt.*  
*Velut ego nocte hæc, quæ præterit, proximâ*  
*Insomnis egi satis, & fui homo exercitus.*

Egi satis, inuersum per *μὴ ἀγέω* *pro* Sa-  
regi, *ἀγέω* & Satagere. quomodò item Ca-  
tonem illum Censorium eloquutum  
comperior apud Charisium istiusce  
Fragmenti laudatorem:

*Iam apud vallum nostri satis agebant.*  
*Atque*

Atque eodem exordio item Dæmonem nescio quem in Rudente vtem-tem facit:

*Miris modis Dii ludos faciunt hominibus,  
Mirisq; exemplis somnia in somniis danunt.*

*Ne dormientes quidem sentiunt quiescere.*

*Vêlut ego hac nocte quæ præcessit proximâ*

*Mirum atque inscitum somniaui somnium.*

Sequitur proximâ Scenâ, ex personâ Acherontici illius, vieti, edentuli, ac decrepiti Senis cano capite iuuenantis, hoc est, ætate alienâ nequitias ac libidines facientis.

*DE. Imò bis tantò valeo, quàm valui prius.*

*Valeo, scilicet, ab animo, hoc est, bis plus sentio ac sapio quàm olim,*

*Iucundum cum ætas florida ver ageret.*

Pergamus ad illud Scenæ sequentis ex eiusdem Senis personâ nimis quàm lepidum:

*Quippe haud etiam quicquam ineptè feci,  
amantes ut solent.*

in eandem quoque sententiam Catul.

*Ni tu quid facias ineptiarum.*

Ait idem postea:

*Impleantur meæ fores eclogiorum carbonibus.*

*Implere cum genituo positum, ne quis,*

Eclogiorum istud à Carbonibus regi falsò  
persuadeat sibi. Sic passim veteres.  
item Lucretius :

*Et ararum compleuerat vrbes.*  
deniq; ipse Plautus suprà Menechmis:

*Ea omnia fecit palam*  
*Parasitus, qui me implet flagitijs & formi-*  
*dinis.*

Sequitur in Plauto :

*Senex est quidam, qui illam mandauit mihi,*  
*Ut emerem ad istam faciem.*

Loquutio perelegans, atque ad ean-  
dem faciem ab eopse vsurpata in Ci-  
stellariâ. Sic enim inibi Silenium ani-  
mi ægra, amore faucia :

*Ad istam faciem est morbus, qui me, mea*  
*Gymnasium, macerat.*

Ventum ad Scenam proximam, in  
quâ ita Eutychem sodalem suum in-  
terrogat Charinus, amore corruptus  
oppidò, ac vix compos sui :

CH. *Te nunc consulo,*  
*Responde; quo leto censes me, ut peream po-*  
*tissimum.*

Antiquè & propriè. Vtrunque enim  
tam, Consul, quàm Respondere Iurecon-  
sultorum. quæ duo singulari item  
versu

PLAUT. EXPL. LIB. III. 373  
versu coniunxit Horatius:

*Ergo consulere, & mox respondere licebit?*

Itaque denuò mox consulit Eutyclus;  
respondet Charinus, moram amoris suo,  
& (quod rei caput) ab æmulo ac rivali  
patre in re voluptatum præuerti, ni-  
mis sanè immoderatè metuens adole-  
scens, amantes ut solent: (Scitum enim  
Sallustij illud: *Animo cupienti nihil satis  
festinatur*)

E V. *Vísne eam ad portum?* CH. *Qui-  
potius, quàm voles.* E V. *Atque exigam  
Mulierem pretio?* CH. *Qui potius, quàm au-  
ro expendas.*

vbi amicus noster legendum cense-  
bat: *Quin potius*, nimis pol aduersus ani-  
mi mei sententiam. Etenim Camera-  
riæ scripturæ suffragatorem me profi-  
teor lubens. sed tamen in leges meas  
(ne quis erret) ut videlicet cum inter-  
rogandi notâ scribatur in posterum  
hoc modo: *Qui potius quàm voles?*  
id est, *Quî verò*, aut *quâ causâ* potius  
eas; quàm voles? quasi dicat: An ve-  
rò non iusta causa est, quò *Dædaleo ocyor  
Icaro* voles potius, quàm eas? Idem de  
sequenti hemistichio dicendum:

*Quî potius, quàm auro expendas ?*

Confinile quoque loquendi genus  
hîc succurrit è Casinâ :

ST. Soleas. CH. *Quî quæso potius, quàm  
sculponeas,*

*Quibus batnatur tibi os, senex nequissime ?*

Scenâ sequente, quo loco, an tenue  
subtemen nere possit, quærenti Lysimacho  
gloriosè de se promittit Pasi-  
compfa :

*De lanificio neminẽ metuo, unâ ætate quæ sit,  
id est, quantum meherculè ad lanificij  
laudem attinet, nemini (sic enim ve-  
teres loquebantur) mulieri concesserim,  
quæ quidẽ sit ætate, quâ ego sum,  
hoc est, eiusdem ætatis mecum, nimi-  
rum puella. quandoquidem certum  
est grãdiores natu artis eiusce opificio  
iunioribus præstare.* *Vt quibus, usu*

*Assiduo, ipsa ætas longa, magistra fuit.*  
ita enim locum eum interpretandum  
facile ex iis, quæ Lysimachus deinceps  
subiungit, videre est :

*Bonam hercle te & frangi arbitror, maturâ  
iam inde ætate.*

*Quoniam scis facere officium tuum mulier.*  
Quanquam & aliter explicari posse  
video,

vidéo, hoc modo: *Vnâ etate quæ sit.*  
id est, quæ quidem viuat. *Ætatem* enim,  
pro, *vitâ*, passim à veteribus accipi, ne-  
mini ignarum arbitror. Sed alterum  
illud melius.

AD MERCATOREM.

CAPVT XVI.

Habere pro cibo. *ÆDES PVLCHRE*  
*ÆDIFICATÆ.* Pellis & Oeno-  
phorus *Persii*, eadem cum *Plauti*  
*nostrî* Zonâ & Ampullâ. Etiamne  
mutis? Etiam loqueris? *Petronius*  
*in transcurso emaculatus.*

**E**ADEM in Comœdiâ verè & sci-  
tè nimis amantium sententias ex-  
primit sententia illa:

*Nam qui amat, quod amat, si id habet, id ha-*  
*bet pro cibo,*

*Videre, amplectier, oscularier, alloqui.*

Quam tacitam præterire mihi sanè  
reliigio fuit, ob raram dicendi Vene-  
rem, quâ aliâs idem tamen vsus haud  
semel. Verbi gratiâ:

— *Qui pro cibo habeas te verberari.*

Pro quo, si bene cōmemini, pe-  
peram in nostris exemplaribus, *Verbe-*  
*rare*, impressum legitur.

Scena porrò illa, quæ initiū habet:

*Dinum atque hominum quæ spectatrix, &c.*  
desperati amoris affectibus abandat.  
In eâ scita pol nimis & lepida visa no-  
bis illa ædium, in quas amicam suam  
deductam cupiētissimis auribus à So-  
dali suo acceperat Charinus, cōmen-  
datio. videas ab homine amatore esse.  
nam quid obsecro vrbanius?

CH. Dicigitur, ubi illa est? EV. In no-  
stris adibus. CH. Ædes probas,

*Si tu vera dicis, pulchrèq; edificatas arbitror.*

Allusum enim ad illam venditionis  
Formulam; cuius Officiorum I I I. ita  
cōmeminit M. Tullius:

*Quod si qui proscribunt VILLAM BO-*  
*NAM, BENE QVE ÆDIFICA-*  
*TAM; non existimantur fefellisse, etiamsi*  
*illa nec bona est, nec edificata ratione.*

Adiice huic Catonis locum de re Ru-  
stica:

*Patremfamilia villam rusticam BENE*  
*ÆDIFICATAM habere expedit.*

Vnde in proclui posthac fuerit in-  
telligere,



telligere, quid sit, quod *ÆDES PVLCRE ÆDIFICATAS*, prædicet Charinus, id est, *cum ratione*, ut quidem explicat Cicero.

Eâdem Scenâ apparatus viales recensentur, atque in his *Zona & Ampulla*, quibus instructus iter porrò suum exsequi cogitabat Charinus. sed præstat verba ipsa adscribere :

CH: *Zonam sustuli.*

EV. *Eam rem nunc exquirat intus.* CH.  
*Iam machara est in manu.*

EV. *Nam si eò te nunc introducam?* CH.  
*Tollo ampullam, atque hinc eo.*

cui consimillimus locus Persianus :

*Iam pueris pellem succinctus & œnophorum aptas.*

*Ocyus ad nauem.*

*Pellem* enim hîc esse, quod in Plauto *Zona; & Oenophorum*, quod *Ampulla*, si non verum, at certè aliquam veri speciem habere videtur.

Mira autem decori observatio sub eiusdem Scenæ exodium compareret, ubi Charinus (cui res omnes pro spisso procedere videbantur) amoris inquam vitio magis quàm suo, ad amicam in



ædes festinè nimis introire gestiens ,  
Sodali illi suo, ponè subsequendø, cal-  
ces fingitur deterere. Sic enim illïc:

EV. *Sequere sis.* CH. *Sequor.* EV. *Cle-  
menter quaeso, calces deteris.*

vel hinc verum esse vt videas eroticum  
illud nostrum de Plauto expressum:

*Quicquid agit, properat omnia, quisquis amat.*

Habes exinde Scenâ vltimâ ex per-  
sonâ Eutychi stomachantis, senem-  
que Demiphonem argutantem con-  
trâ meritò concastigantis, huiusmodi  
oratione:

*Etiâ loquere larvati?*

id est, tene verò cum tantâ esse impu-  
dentiâ, vt post nefarium adeò atque  
indignum facinus flagitiumque per-  
petratum etiâ loqui insuper aut hi-  
scere audeas contrâ; qui si decem lin-  
guas habeas; mutum esse addecet? Sic  
idem alibi in re simili: *Etiâ mne mutis?*  
item Persa:

*Scelerate, etiâ loqueris?*

Denique Petronius in Satyrico:

*Sceleste, & etiâ loqueris?*

tametsi locus ille mendi suspitione  
non vacet, ita fortassè emaculandus:

*Sceleste, at etiâ loqueris?*

*Fugito frequentatiuum à Fugo non autem à Fugio apud Plautum. Salifatores. Commouere Sacra. Correctus Plautus. Idem illustratus, explicatus.*

**P**LAVTI mihi Pseudolum cōmentari lubet:  
Inde mihi principium capiam ex eâ Comediâ:  
*Studete hodie mihi, bona in Scenâ adfero,*  
cum bonâ spe fore, vt quemadmodum  
Prologus ille cum Quiritibus  
rem habens, eosdem eo nomine commendat  
potissimum, quod ipsi boni, etiam

*Porrò oderint malos, & Lege & Legionibus*  
*Hosce fugitarint semper; successis bonis;*  
itidem & ego partem tenebrarum &  
macularū fugitem ac discutiam, quas  
diutina temporis iniuria, vel barbarorum  
imperitia potius, eidem Fabulæ  
iam inde à Gothicis vsque tempestati-  
bus offudit. Sed enim huic etiam claritudi-  
ni nebula quædam aspersa, &  
notanda caligo, id est, insolentia frequen-  
tatiui

quentatiui eius Fugitare inquit , non quidē à simplici Fugio, vt ferè alias, sed verò nouo more *Δρό* & Fugo deriuati.

Pergit ibidem festiuis iste Imperator Histricus, ita porrò Fabulam, quæ in manibus est, à Leporum & facetiarum copiis commendans :

*Vbi lepos, ioci, risus, vinum, ebrietas decent, Gratia, decor, hilaritas, atque delectatio.*

*Qui quærit alta, is malum videtur quærere.*

Quorum verborum Lambinus hunc ordinem & sententiam esse sibi, non etiam nobis persuadere visus iā olim : *Quo in loco lepos, ioci, risus, vinum, &c. decent. qui quærit alta in eo loco is malum videtur quærere.* Haftenus ille, sine lepore omni & gratiis. sed enim imposuit homini multò sollertissimo corruptæ scripturæ infacetia, in ipsâ sententiæ clausulâ subdolè fallentis. quam ita me Chirone pristinae tandē sanitati restituas licebit:

*Qui quærit alia, is malum videtur quærere.*

sensu & aperto & eleganti. Quid enim probabilius, quàm eum hominē malum & mærorem quærere, suoque iumento accersere sibi, qui alia quæritat aut confectatur, quàm Leporem, iocos, risus,

*suu, vinum, & cætera, quæ ritè atque ordine prius à Plauto commemorata.*

Scena I. colloquentes inter se Calidorum ac Pseudolum facit, his tandem verbis:

CA. Hen. Ps. *Hen id quidem hercle, ne parsis dabo.*

Vbi notandum, primum illud, *Hen*, in excusis priscæ monetæ codicibus claudere versum, qui hunc præcessit, elidique à voce, *Tibi*, hoc exemplo:

Ps. *Quid faciam tibi?* CA. *Hen!*

Ps. *Hen? id quidem tibi hercle, ne parsis, dabo.*

Sequenti ergo versui infarciendum *to Tibi*; quò Senarij etiam ratio habeatur, vti demonstrauius modò.

Habes ibidem:

*Atque id futurum unde unde dicam nescio,  
Nisi quia futurum est, ita supercilium salit.*

Quod quidem Prouerbiu à superstitionis illis *Salifatorum* hariolationibus natu autumo, de quibus ad hunc modum Isidorus lib. I I X.

*Salifatores vocati sunt, quia dum eis membrorum quæcunque partes salierint, aliquid sibi exinde prosperum, seu triste significari prædicunt. Ad hæc omnia pertinent & ligaturæ  
exsecrabiliu*

exsecrabilium remedium, quæ ars Medicorum  
condemnat, &c. id est, Fascina. Neque his  
dissentanea in Polycratice suo Ioan-  
nes Salisberienſis, quem vide. Eòdem  
porrò referendum & illud Afinariæ:

Ergo mirabar, quod didum ſcapula geſtibant  
mihi,

Ariolari quæ occæperunt eſſe ſibi in mundo  
malum.

Sequitur lineâ interiectâ :

Scis tu quidem hercle, mea ſi communi Sacra,

Quo pacto & quantas ſoleam turbellas dare.

Interpretandum de ſententiâ Seruij  
ſcribentis ad Virgil. illud Æneid. 1 v.

Qualis commotis excita ſacris

„ Thyas. Commotis ſacris ideò dixit,  
„ quia in Sacrorum renouatione com-  
„ mouebantur ſimulachra, vnde Hora-  
„ tius :

Non ego te, candide Baſſareu,

Inuitum quatiam.

„ quod ad Trieterica, id eſt, triennalia  
„ Bacchi pertinet. Ea enim Sacra ter-  
„ tio quoque anno innouabantur. Sanè  
„ ſciendum ὅτι apud Græcos dici Sa-  
„ cra omnia, ſicut apud Latinos Ceremo-  
„ nia dicuntur. ſed iam abuſuè Sacra Li-

beri,

beri, Orgia vocant, vel ἀπὸ τῆς ὀργῆς, id est „  
 furore, vel ἀπὸ τῆς ὄργης, id est, à monti- „  
 bus. Haftenus Seruius. Quanquam  
 & ad Catonianas illas cōmotiones in Sacris  
 allusum videri possit. verbi causâ:  
 Priusquam porcum fœminam immolabis, Iano  
 struem cominorato sic: IANE PATER  
 TE HAC STRVE COMMOVEN-  
 DA BONAS PRECES PRECOR.  
 Et mox: Ferctum Ioni moneto, & mactato sic:  
 IVPITER TE HOC FERCTO OB-  
 MOVENDO, &c. Quæ coniuncta  
 Struferiū efficiunt. vnde Strufertarij apud  
 Festum. Repono inibi sub finem:

Ps. De istac re in oculum utrumvis con-  
 quiescito.

CA. Oculum utrum, an in aurem?  
 pro, Anne aurem? Veteres enim formis  
 excusi Anne in aurem disertè nobis re-  
 præsésentant.

## CAPVT XIIX.

Male habiti. Male conciliati. Bene  
& pudicè habere. Colere, *absolutè  
positum*. Vino se deuincire. Luere.  
Reluere.

**S**CENA II. Leno familiares suos  
multis malis verbis ac verberibus  
increpitans; acriterque, primum vni-  
versos, mox singulos prò imperio he-  
rili inclamans inducitur hoc exordio:

*Exite, agite, ite ignavi, malè habiti, & ma-  
lè conciliati,*

*Malè habiti*, id est, damnosè imò (vt  
Catullus fabulatur) *magno cum pretio at-  
que malo* alti eductique mihi. ne quis  
*Male habitos* forte, prò strigosus & maci-  
lenti Ballionem hoc loco vsurpasse,  
inscitè calumniatur. Sic noster alibi:

*Bene ego & pudicè hanc domi habui mee.*

id est, alui atque educaui. Idem de  
*Male conciliatis*, qui sequuntur, dictum  
velim, nempe *ævi & Magno*, id est, carè  
& cum dispendio herili coemtis ac  
comparatis mihi, accipiundū. vt con-  
tra:



tra: Bene ac pulchrè conciliare, prò Vili emere ac præstinari, iidem illi veteres dictitabant. Consule Donatum ad illud Terentij ex Eunucho, de hoc Plautino, ut videtur, loquendi genere adumbratum:

*Fugitiue prodi, malè conciliare.*

vbi omnem conuentionem Conciliationem dici testatur. credoque peruulgatum in improba, nequam, malæque frugi mancipia herile conuicium, hoc est, seruile opprobrium fuisse.

*Quibus nisi ad hoc exemplum uxor, non potest usurpari usura.*

Quod omne *δεικνύς* dictum accipio. Videtur enim hoc dicens, eos monumentis bubulis, hoc est, scuticâ & tergino suo (uti ipse vocat postea) officij quemque sui inter iurgandum obiter commonefecisse singulos. cuius rei coniecturam ex proximè sequentibus facio, vbi eosdem non homines, sed asinos, id est, verberones ac ulmitribas contumeliosè appellaturus; credo, propter indomitam ac contumacem in plagis sufferendis peruicaciam, communem iis cum hoc bruto & pla-



*Sed scio, tu oleum haud magni pendis, vino te  
Deuincis.*

Idem loquendi modus apud contera-  
neum Plauti Propertium :

*Me iuuat & multo mentem vincere Lyao.*  
quamuis contrà rationem ( vt vides )  
etymieius nominis, ἀπὸ τῆς λύειν dedu-  
cti. Vnde & Latinis *Luere* est *Soluere*,  
itē *Reluere*, *Resoluere*. Vide *Festum*.

# A D P S E V D O L V M.

## C A P V T X I X.

*Cor durare. In Catullo vetus coniectura  
nostra corroborata. Pietatem amoris  
præuortere. Argentata querimo-  
nia. Hemistychia duo Plauto vindi-  
cata. Mina exta. Minæ oues.*

**A**IT Scenâ III. Pseudolus, herum  
suum minorem argentariâ inopiâ  
excruciatum consolans: *Cor dura*, id est,  
animum obdurato, hoc est, vti obdu-  
res facito. Cor enim accusandi casus.  
vnde & nobis audacia aliquando in-  
cessit, ad hiatum tollendum & dirimen-

das vocales in Scazonte illo Catulliano emendandi :

*At tu, Catulle, te obstinatus obdura.*

prò quod nonnulli, Catulled' obstinatus, alij Destinatus defendunt, coniecturæ, vti opinor, melioris inopiâ. Est ibidem:

*Sed quoniam pietatem amoris video tuo præ-  
noscere.*

id est, antecedere, ac pietatem te ponere atq; habere ante amorem tuum; quâ loquēdi formâ vsus & Mercatore:

*Quia mærores mihi anteuortunt gaudiis.*

& alibi compluries.

Ait ibidem Ballio, lenonium in morem vorans ac ludos faciens inanilogum, imò inanem à datis Phænicij suæ amatorem.

*Semper tu ad me cum argentatâ accedito querimoniâ.*

id est, sonanti tinnienti que, & quæ argentum vnâ adferat secum, mihi que sit lucro. Subiungit deinde:

*Nam istoc quod nunc lamentare (ita enim legendum, non Clamitare) non esse argentum tibi*

*Apud non mercam querere.*

At enim commonendus Lector, duo  
porro

porrò deinceps hemistychia desiderari, ex veteribus impressis ità in locum suum postliminò reducenda :

Ps. *Eho, an unquam huius nupsisti patri?*

B A. *Dì melius faciant.* Ps. *Fac hoc quod &c.*

Vnde certo certius comparet, Pseudolum aliouorsum interpretatū verba Ballionis, & *Querere illud artū & Quereris dictum*, ioci captandi de industriā per irridiculum accepisse, quum sit imperantis. estque iocus scurrilis prorsus, ac seruili personā dignissimus. Quò magis miror, quidnam Camerarium mouerit tam doctum dictum labefactandi loco.

Verba Lenonis eadē Scenā hæc sunt:

*Nolo victimas, agninis me extis placari volo.*

Itaque exempla vniuersa. Lipsius tamen ex antiquis libris, in quibus omnibus *Minimis* erat, *Minis*, vel *Minimis*, scribendum auguratur, hoc modo; prò *Agninis*, At *minis* scilicet, nimium elegantī sententiā, atque ad Lenonis mores planissimè accommodatā : Nam quum amator plus æquo credulus, propter seruatā, vti existimabat, amicam, facere victimam Lenoni veller, vt

„ Deo & auctori fortunarum suarum,  
 „ ille, qui aliud spectaret, negat se victi-  
 „ mas & inania honorum morari, sed  
 „ minas & argentum velle. Hæc hæcte-  
 „ nus: *ὁσέως*, sequentia non item: Hæc  
 „ porrò verba (inquit Lipsius) *Minis*,  
 „ (nam in ambiguâ pronuntiatione iō-  
 „ cus fuit) Leno ita extulit, vt adole-  
 „ scens minimè malus intellexerit eum  
 „ *Agninis* dixisse. Ergo subiicit:

„ Quid stas? arcesse agnos, audin' quid ait  
 „ Iuppiter?

Imò arbitror Calidorum verba Bal-  
 lionis, ità vt ab eopse illo pronuntiata,  
 vtrique ea cum Lipsio meo rectissimè  
 legenda censeo; nimirum:

At *minis me extis*, &c. planè & pro-  
 bè percepisse, diuerso tamè intellectu.  
 Leno enim in ambiguâ significatione  
 verbi *Minis*, quo lulentus ille aurum  
 & argentum merum intelligi volebat,  
 lusisse videtur. adolescens contrà, *Mina*  
*exta* adiectiuè posita accepisse, *ἐν τῇ*  
*Agninis*, siue *ouillis extis*. *Minam ouem* enim,  
 prò glabrâ, siue eâ, quæ ventre glabro  
 est, veteres dixisse, testimonio est haud  
 Varro modò, sed verò & Plautus ipse  
 in Tru-

PLAUT. EXPL. LIB. III. 391  
in Truculento, ubi manifestò eiusdem  
dicti ambiguitas comparet in personâ  
adolescentis rustici, his verbis:

*Ego properè minas  
Ones crumenâd' hac in urbem detuli.*

Ita enim scribo emendoque. siqui-  
dem id loci mirificè titubatum video à  
Plautinæ Comœdiæ Editoribus.

A D P S E V D O L V M.

C A P V T X X.

*Largiri cum ablativo. Dicta dapfila.  
Iram in promptu gerere. Eo sum  
genere gnatus. Plautinæ sententiæ à  
Plinio iuniore & Tacito fax prelata.*

P S E V D O L V S hero ad Charinum  
adducendum ablegato, quem pro-  
missis largiloquis onerauerat, solus, in-  
certus, egens consilij hæc secum con-  
sultans loquitur:

*Quid nunc acturus, postquam herili filio*

*Largitus diis dapfilis? ubi sunt ea?*

Sic enim libri omnes. rectè atque  
ordine. nam & Stichus:

*Sed quid ego properans concessō pedibus, linguā largior.*

Eò dico, ne quem & antiquæ & raræ, hoc est, Plautinæ dictionis genus offendat, mirantem porrò verbum *Largiendi*, cum auferendi potius, quàm accusandi casu positum se lectitare. quæ res magnis etiam viris fraudem, & quidem insignitè dedisse videtur. & in his Lambino, aduersus receptam lectionem acerrimè ac pertinacissimè nitenti, eamque nullâ ratione aut modo ferri posse, sic quasi pro comperto adseueranti. falsò. id quod ex altero Plauti, quod produxi, testimonio, satis superque declaratū arbitror. & sciendum, Nominatiuum *Dapsilis* priscis Quiritibus illis, æquè ac *Dapsilis*, in consuetudinem fuisse. vnde ablatius iste *Dapsilis*, pro *Dapsilibus* natus.

Lego Scenâ proximè sequenti in verbis Simonis, apud vicinum atque æqualem suum Caliphonem (patres vt consuevere) de Pseudolo seruo, nequissimo filij sui corruptore, meritissimò conquerentis :

*Hic mihi corrumpit filium, scelerum caput.*

*Hic*

*Hic dux, hic illi est pedagogus.*

planissimè. at editiones nostræ, quantum est;

*Hic duc, hic ille est, &c.*

quasi de compacto agentes pariter representant.

Sequitur aliquantò post senilis admonitio ex personâ Caliphonis vicini:

*CA. Iam istac insipientia est,*

*Sic iram in promptu gerere.*

id est, in vultu & fronte promptam, ut quidem est in cordatâ illâ Ennij sententiâ:

*Amicicias atque inimicitias in fronte promptas gero.*

Ait de se Scenâ deinceps Pseudolus, gloriosum se faciens ut copi pectore, omnemque in doctis dolis fycophantiisque suis ac fallaciarum seruilium exercitu confidentiam habens plusquam serilem:

*(Malorum meorum*

*Frerus virtute dicam)*

Ridiculè, imò præter auditorum expectationem, quum in eo potius esse videretur, ut diceret: *Maiorū meorum*, ex formulâ loquutionum haud sanè infrequentium Plauto.

b 5

Nec

Nec minor in illius dicti insolentiâ  
festiuitas:

*Eo sum genere gnatus, magna me facinora de-  
cet efficere.*

non sine amphiboliæ gratiâ, quæ am-  
biguo illo τῷ Facinora vocabulo occul-  
tatur. Cæterùm ad phrasim quod atti-  
net, ea verò nescio quid solenne ac  
Historicum sonat. Q. Curtius lib. 1x.  
ex personâ Alexandri loquens:

*Eâ stirpe sum genitus, ut multam prius, quàm  
longam vitam debeam optare.*

denique Liuius haud semel.

Scenâ: Dî Immortales: Pseudolus de  
epistolâ interceptâ gratulans sibi:

*Nam ipsa mihi opportunitas non potuit oppor-  
tunius*

*Aduenire, quàm hæc cauata est mihi opportu-  
nè epistola.*

Quod profectò dicendi genus non  
Plauti elegantiam; sed sordes & rus  
merum olere, princeps Lipsius noster  
acerrimè est odoratus, additâ insuper  
à sese castigatione. cui meherculè ego  
tantùm abest, ut meam anteponi præ-  
optem, ut vltro etiam, si velit, secun-  
das agere, suramque adeò sponte præ-  
bere



bere sim paratus. Sed utramque tamen in medium proponam, liberam Lectori optionem relicturus, utram porrò malit eligendi. Emendauit intitus nobis ille, ne dicam, alter ego: *Quàm hac allata*, vitij occasionem inde ortam probabiliter hariolatus, quod repetitâ ex priori dictione literâ scriptum fuerit, *Callata*. Vnde mihi coniecturam visum est facere, sed coniecturam tantum: *Captata*. Doctiores arbitrabunt; si tamē doctioribus curæ fuerit hæc nostra attingere, & ipse cum primis ille τὰ πάλαι nobis, quantum est mortalium eruditissimus Lipsius.

Pergit ibidem ita philosophari Pseudolus: *Sed profectò hoc sic erit;*

*Centum doctum hominum consilia sola hac deuincit Dea*

*Fortuna: atque hoc verum est; proinde ut quisque fortunâ vitur;*

*Ita præcellit, atque exinde sapere eum omnes dicimus.*

*Bene ubi quod consilium discimus accidisse, hominem catum*

*Eum esse declaramus: stultum autem illum, cui uerit malè.*

Plenissima

Plenissima huius sententiæ explicatio à Plinio Iunior petenda, Epistol. **xxi. lib. v.** ad hunc modū scribente:

*Est omnino iniquum, sed usu receptum, quòd honesta consilia, vel turpia, prout malè aut prosperè cedunt, ità vel probantur, vel reprehenduntur. Inde plerumque eadem facta modò diligentia, modò vanitatis, modò libertatis, modò furoris nomen accipiunt.*

**V**triusque rei documentum,

Hinc Catti fuerint nobis; atque inde Cherusci. de quorum dispari successu ità in libello de Moribus Germanorum Tacitus:

*In latere Chaucorum Catorumque Cherusci nimiam ac marcentem diu pacem illacescenti nutrierunt. idq; incundius quàm tutius fuit. quia inter impotentes & validos falso quiescas. ubi manu agitur, modestia ac probitas nomina superioris sunt. Ita qui olim boni æquiq; Cherusci, nunc inertes ac stulti vocantur. Cattis victoribus fortuna in sapientiam cessit.*

PLAUT. EXPL. LIB. III. 397  
A D S P E V D O L V M.  
C A P V T X X I.

*Plantina Pseudoli commendatio. Iam  
gratia est. Bene sit. Benignè.  
Visitare.*

**Q**UAM Pseudolo suâ Plautus gaudi-  
sus fuerit, nescio: hoc scio, nullam  
me ex Poëtæ illius Comœdiis iam-  
pridem æquè lubentem perlegisse, ne-  
que animo vnde defæcatoriore me di-  
scēssisse existimem. ità vt mirandum  
non sit, eam Ciceroni tantoperè com-  
placitam. Est enim Comœdia illa (vt  
multa sanè paucis proloquar) ocellus  
Fâbularum Plauti: ideoque (qui meus  
est animus) extrà omnem notæ Cen-  
soriæ aleam posita, digna hercule, non  
à me aut Lambinis modò, verùm &  
ab Lipsiis quoque ac Scaligeris lecti-  
tari. Neque verò verendum est mihi,  
ne falsa videar memorare, quùm de re  
notâ, omniumque antiquariorum (eos  
excipio, qui verum dicere non didice-  
re) sermone testatâ agam. illud potius  
metuendum, ne (vt nunc sunt homi-  
nes

nes maledicentes) præter legem & naturam indignè fecisse coarguar, qui in tam angustum locum Plautinam longam Fabulam (sic enim ipse illam Poëta appellat) compingere veritus haud fuerim. quorum pol ego frigida, maximèque iciunæ calumniæ vnum & vnicum illud præsidiū oppono, quod Cicero prodidit, totam olim Homeri Iliadem in membranâ exaratam, nuci inclusam fuisse. Atq; hoc huic Capitū antelogium esto. nunc vicissatim ad partes meas postliminiò remigrare decretum est mihi, vt Pseudoli fallaciis dem locū, & quibus mali aliquid malâ obiectum est manu, iis auxilium vt feram. Quam rem ordine porrò tractare vt exequar; simul institutum meum vt seruem, nunc adeò prædico omnibus, caueant sibi ab eius loci contagio, qui sub Actūs 11. finem legitur:

*P s. Iam gratiam*

*Bene sit Charine, nolo tibi molestos esse nos.*

Neque temerè hîc quidquam Camerario insistant credere, qui *Iam gratiam*, orationem deficientem esse autumat, vt intelligatur, *Habemus*. quod quidem  
ego

ego nauci non æstimo. tamen si mihi  
ægrè est à tanti viri vestigiis vel latum  
vnguem recedere. Ne longum faciam,  
ab auctore ipso medicinam morbi pe-  
tendam autumo, & leui additamento  
scribendum:

*Iam gratia est.*

*Bene sit, &c.*

sic enim & Menechmis :

*Bene vocas, iam gratia est.*

Cæterum *Bene vocas, Bene sit*, idem no-  
tare deputo, quod alibi apud eundem,  
itemque apud Terentium, tum Hora-  
tium: *Benignè*. Quod quale sit, quoniam  
satis superque ab aliis, imprimisque à  
Monstrolienti Interprete declaratum  
arbitror, operæ meæ parcam persequi.  
alioque potius gradum conuortam. &  
quò melius, quàm ad alterum huius-  
dem Scenæ locum, ubi Pseudolus ho-  
minem sibi à Charino succidaneum  
dari postulat, malum, callidum, do-  
ctum; prorsus, dignum patellâ opercu-  
lum (illud ipso se volui dicere) subiicit  
tandem?

Atque eum qui non hîc visitatus saepe sit.

Quod Lambinus interpretatur:

*Eum*

*Eum qui non sæpe in his locis versatus sit. Rectè  
 atque ex sententiâ ipsius Pseudoli.  
 Sed enim Vſitatus illud, parum vſita-  
 tum (quod ſciam) ſcriptoribus anti-  
 quis. Vnde nobis mota aliquando ſu-  
 ſpicio, Viſitatus, prò Vſitatus ſubſtituendi,  
 id eſt, ſæpe iam antea in his locis ac re-  
 gionibus conſpectus. in quâ opinione  
 Camerarium item fuiſſe comperior.  
 Adiuuat coniecturam vtriuſque no-  
 ſtrûm ipſe Comicus, uſurato non ſe-  
 mel hoc dicēdi genere, vt Curculione;*

*Quid Lenonem Cappadocē? annuo viſitaſſe.  
 id eſt, frequenter vidifſe, neque igno-  
 rabilem oculis meis obiectum iri, ſi-  
 quidem fõrs obuiam occeſſerit mihi.  
 Item Persâ :*

*Mihi quidem tu iam eras mortuus, quia te  
 non viſitauit.*

*poſtremò etiam Epidico :*

*Pſ. Vbi te, viſitauit?*

C A P V T X X I I.

*Plauti verba diligenter expensa. Ritus  
Munerum mittendorum in Feriis Na-  
taliis. Item de Martiis Calendis  
quadam.*

A S C E N A : Cui seruitutem, &c.  
exulant versus quatuor tam in  
Lambini, quàm Camerarij editioni-  
bus, quorum tres posteriores ità à me  
distinctos repurgatosq; operæpretium  
fuerit huc adpendere:

*Si quispiam det, quî manus grauior fiet.*

*Quanquam illud aiunt magno gemitu fieri,*

*Comprimere dentes videor posse aliquo modo.*

Estque indignissima Pueri Lenonij  
conquestio, seruitutem suam cum tur-  
pitudine coniunctam secum miseran-  
tis, nimisq; anxie præmetuentis sibi,  
câ firmitudine uti sit, ut inter cutem  
flagitari, hoc est, puerilis patientiæ le-  
gem, per insolentiam atq; ætatis acer-  
bitatem, accipere possit: ex lubricine  
subulorum, & pullipremæ disciplinæ,  
ac herilis imperij decreto: cui se obse-  
c  
quentem.

quentem, morigerumque ut faciat aliquando, animum se inducere posse ait, ut, præ dolore gemitum compressis dentibus contumaciter dissimulando, hillas sibi cædi patiatur, modò eiusmodi amatorem inueniat, qui, quò manus grauior fiat, id est, peculium, vnde Lenoni hero suo munus mittere Natalitium possit, abundè suppeditet atque subministret. hoc enim satius consultiusque, quàm fullonium fructum potare. *Videor posse* (ut vides) ἀρτὶς ἔ  
*Posse videor* emendauimus, causâ carminis maximè, vnâ alioqui syllabâ redundantis. De munere autem Lenoni mittendo, quoniam Natalis eius dies esset, ritus notior, quàm ut nostrâ illustratione indigeat. & docet Martialis sexcentis in locis. exempli gratiâ:

*Natali tibi, Quinte, tuo dare parua volebam  
 Munera.*

Item de suo ipsius Natali:

*Natales mihi Martia Kalenda,  
 Lux formosior omnibus Kalendis  
 Quâ mittunt mihi munus & puella.*

Et tamen Kalendæ illæ, mulierum Saturnalia cluebant, quibus ipsas munerum



nerum acceptrices, seu condas potius,  
quàm largitrices aut promas fieri con-  
ueniebat. Sed cogitandum, publicum  
morem in priuatorum hominum Na-  
talibus migratum. De reliquo pro me  
Turnebus satisfactorius tibi, qui libr.  
Aduers. xix. cap. xiv. ex illis Te-  
rentij verbis :

*Porro autem Geta*

*Ferietur alio munere, ubi hera pepererit :*

*Porro alio autem, ubi erit puero Natalis dies :*

*Vbi initiabunt :*

ostendit tam libertos, quàm seruos  
dominis aut dominabus suis munera  
Athenis mittere solitos, Nuptialia,  
Natalitia, in puerperio, tum Nomi-  
nalibus, hoc est, simulatque nomen  
puero imponebatur; quoties Cereri  
denique liberos suos initiabant Athe-  
nienfes.

## A D P S E V D O L V M.

## CAPVT XXIII.

*Orcus, prò Dite tàm hic, quàm apud Tibullum. Mortuis cœnam coquere. Drachmissare. Nummo conduci. Aulularia & Menechmi per caussam illustrata.*

**S**CENA: Forum coquinum qui vocant, ait Ballio, mululoquum, gloriosum, insulsum, inutilem, hoc est, condignum Leno ne coquum, quem è foro (sicuti antiquis mos erat) conductum, idem domum porrò properabat ducere, graphicè viuis ac suis coloribus depingēs:

*Quin ob eam rem Orcus recipere hunc ad se noluit,*

*Vt esset hic, qui mortuis cœnam coquat.*

*Nā hic solus illis coquere, quod placeat, potest Cui consentaneum loquendi genus reperias in illo Mostellarix versu:*

*Nam me Acheruntem recipere Orcus noluit.*

*Item Pœnulo:*

*Quo die Orcus ab Acherunte mortuos amiserit.*

*Vbi Orcus, non prò loco seu receptaculo*

PLAUT. EXPL. LIB. III. 405  
culo mortuorum, verum potius pro  
Summano, seu Dite patre positus vi-  
detur. id quod ad illud politissimi Ti-  
bulli notauimus in Præcidaneis:

*Me vocet in vastos amnes, nigramq; paludem  
Dives in ignarâ luridus Orcus aqua.*

Quod verò autumat Leno, coquum  
cum idoneum esse, qui mortuis præeat  
in cœnam, vide sis, an hoc fortè ad  
Nundinalem coquum accommodari possit,  
de quo in Aululariâ. multis egimus  
suo loco. Reddit deinde rationē Co-  
cus, cur, cæteris omnibus collegis ac  
sociennis suis ad coquendum abdu-  
ctis, solus ipse eo die quasi vnus ob-  
fessor fori, præteritus ac pro derelicto  
habitus foret. Ait enim:

*Illi drachmis issent miseri, me nemo potest*

*Minoris quâquam nûmo, ut surgam, subigere.*

Sed Lambinus ex veterum librorum  
fide: Drachmissant, nouum vel antiquum  
vocabulum potius, eâdem puto lege,  
quâ Patrissant formatum, substituit. vt  
dicat gloriosus iste, misellos illos mini-  
missimique pretij cocos, pro opellæ  
sue additione, drachmam nō amplius  
vnâ à conductoribus suis exigere

consuetos, hoc enim Drachmissare est. Quod (vt quidem nunc est) examus-  
sim germanum mihi, prorsusque adeo  
Plautinum videtur. *verum tempestas me-*  
*mini quum quondam fuit, quum, Drachmâ is-*  
*sent, emendandum arbitrarer, numero-*  
*rum ratione adductus maximè.* Quod  
verò se non nisi nummi precio con-  
ducibilè Magirus iste Ballionius glo-  
riatur, tantidem quoq; à Megadoro in  
Aululariâ ad cœnâ nuptialè coquen-  
dam conductus Congrio. Sic enim ille:

*Nummo sum conductus, plus iam medico  
mercede opus est.*

vbi haud alium fanè, quàm nummum  
aureum, pluris duobus aureis nostris  
contrà æstimatum antiquitus, intelligi  
posse, res ipsa clamat. Sed neque in  
Menechmis aliter huius monetæ æsti-  
matio accipienda in obsonatione illâ  
meretriciâ, in hisce Erotij verbis:

*Sportulam cape atque argentum, tres eccos  
nummos habes.*

Etiam in eâdem Fabulâ (Menech-  
mis inquit) verisimile est nummum  
aureum, non sestertium significari, quo  
*Porcos Sacres sinceros Epidamni venire Me-*  
*nechmo*

PLAUT. EXPL. LIB. III. 407  
nechmo indicat Cylindrus Cocus: ni-  
misque eos homines frustra esse, qui  
quartam Drachmæ, seu Denarij par-  
tem, id est, sestertium nummum eo  
loco nobis interpretati.

AD PSEVDOLVM.

CAPVT XXIII.

Teruerunt, *pro* Triuerunt in Plauto  
*repositum ex Prisciano*. Formido-  
losæ dictu. *Menechmis medicina*  
*facta*. Horatianæ sententiæ inter-  
punctionis vitio laboranti subsidium  
latum. Opera, *vel opus* apparet. Oc-  
cidis me cum istuc rogitas. *Fra-*  
*gmentum Afranij emaculatum*.

PERGIT eâdem porrò Scenâ alio-  
rum coquorum non condimenta, sed strig-  
es (vt quidem ipse indigitat) facietè  
exagitare Cocus iste Plautinus, aiens:  
Teritur sinapis scelerata cum illis, qui terunt.  
Prinsquam trinerunt oculi, vt exstillent, facit.  
Sed verò videtur legendum, ac di-  
stinguendum potius:

*Prinsquam ternerunt, oculi ut exsillent facit.*  
 Ternerunt, scripsi, antiquum in morem,  
 pro Trinnerunt, idque ipso Prisciano au-  
 ctore, ita hunc versum laudante. Adde  
 Tibullianum illud :

*Aut operi insuetas atteruisse manus.*

Sequitur paulò post :

*Cum hasce herbas huiusmodi in suam aluam  
 congerunt,*

*Formidolosas dictu, non esu modò.*

Vbi *Formidolosas*, prò horribilibus acti-  
 uâ notione positum obseruabis, quo-  
 modo & apud Crispum meum :

*Loca tetra, vasta, inculta, formidolosa habere.*

Parem quoque sententiam argutè  
 expressam ab Ouidio habemus in He-  
 roidibus illis multò lepidissimis :

*Ilion, & Tenedos, Simoisque, & Xanthus,  
 & Ida,*

*Nomina sunt ipso penè timenda sono.*

Pergit etiam nugas venditare porrò  
 ridiculus iste, non dico cocus, sed verò  
 (de se si creditur ipsi) hominum serua-  
 tor magis :

*Nam ego cicilendrum quando in patinas indidi,*

*Aut si polindrum, &c. Sequutus sum  
 Lipsianæ censuræ certissimam castiga-  
 tionem*

tionem, prò in *pugna* scindidi.

Atque ex hoc loco credo mehercule referibendum in Menechmis ex personâ gemini illius Sosiclis cum Cyliandro coquo sem habentis his verbis:

*Sen tu Cylindrus, sen Cicilendrus, perieris.*

Hoc enim aliquantò propius à Cylindro abesse videtur, quàm Coriendrus Camerarij, aut Coliendrus Lambini; vocabula nihili, & quibus nouo Oedipo enucleandis sit opus.

Elegans verò ille, neque sanè protrititus loquendi modus:

*Verùm prò pretio facio ut opera appareat*

*Mea, quò conductus veni.*

significare postulans sese: Facio, ut & operæ & mercedis ratio constet conductori meo, par pari hostimentum reddens, hoc est, operam locans prò pecuniâ, pretiumque conditum artis pariter meæ utilitatibus compensans atque exæquans scilicet. Vfus eodem genere Cato cap. 2. Rei Rust. Si eiopus non apparet, dicit rusticus sedulò se fecisse, serenos non valuisse. id est, fonticum morbum causatos, quò minus opus facere valuerint.

Est ibidem:

*Simul item his discipulis prius custodes dabo.*

Rectè proinde in Eunuchò Terentianâ, Manipulum furum, Coci discipulos, interpretatur Donatus.

Habes eâdem Scenâ sub eiusdem gloriosi schemâ:

*Vt quisque quicque conditum gustaverit,*

*Ipsos sibi faciam ut digitos prærodant suos.*

Cæterùm concinnior omnino futura sententia, siquidem, *Ipsus* legamus.

Actus quarti Scenâ principe:

*Sy. Occidis me*

*Cum istuc rogitas.*

Genus loquendi Comicis perquàm solenne, prò: Enicas me percontatione istâ tuâ, atque eâ odio & molestiæ es mihi. Terentius Adelphis:

*Occidunt me, qui, dum nimis sanctas nuptias*

*Student facere, in apparando cōsumunt diem.*

Quomodò in Epodis denique Horat.

*Occidis sæpe rogando.*

Indidem aliquantum adstruamus insuper; ubi dicenti Pseudolo:

*At hoc volo monere te,*

respondet Simia:

*Monendus ne me moneat.*

hoc est, *Ne sus Minervam.* Cuius pro-  
uerbij



PLAUT. EXPR. LIB. III. 411  
uerbij admonitu, consentaneum abs  
se dictum insusurrat Horatius nobis,  
consultissimo illo Epistolæ xv i i. libri  
primi exordio:

*Quamuis, Scaua, satis per te tibi consulis;  
& scis,*

*Quo tandem pacto deceat maioribus uti:*

*Disce, docendus adhuc quæ censer amicus;  
ut si*

*Cæcus iter monstrare velit, &c.*

Ita enim tertij Hexametri verba  
construo ac distinguo, firmante præ-  
sertim opinionem hæc nostram paris-  
simo Aufonij loco, ita scribentis in  
Epist. ad Symmachum: Ego te docebo do-  
cendus adhuc, si essem id ætatis, ut discerem:  
aut ego te vegetum atq; alacrem commonebo.

Qui sanè haud aliò, quàm ad huncce  
Satyrici locum spectasse videri debet.  
Praua proinde ac perpera distinctio  
potiorem huiusdem sententiæ partem  
corruptit, peruortitque, ac conturba-  
uit hætenus; non Lambino, non Cru-  
quio, non cuipiam ex Interpretibus  
intellectæ. Cui malo uti porro occur-  
ratur in posterum, interpungendum  
fuerit, ut diximus: ut Poëta consilij  
fui

fui rationem prudenter simul ac pudenter expositurus, veniam antè præfatus, apud amicum se purgitet. idq; ex consequentibus, de *Caco itineris duce* seu monstratore, cui sesemet satis Satyricè assimulat, perspicuè planum. Ait enim: *Disce, qua censeat amicus tuus*, id est, ego, quamvis ipse adhuc & monitoris, & alièni consilij indigens. Neque verò intelligit, Scævam, docendum suisque præceptis instruendum (uti Enarratoribus placet) verum semetipsum potius, qui personâ doctoris assumptâ, Scævæ consilium dare, recteque cautum & consultum ire satagat, scævè atque præposterè.

*Ps. Taceo: sed ego qua tibi dona?*

*Dabo & faciã, si hanc rem sobriè accurassis?*

In quibus verbis mirum hercle est, neminem etiamnum, quod offenderet, offendisse, quum inibi tamen peccatum sit maximè cur enim aliter animum inducam, quamdiu mecum reputo dicti eius insolentiam? *Dona faciã*. quod nihili & nequam est, atque (ut breviter dicam) Plauto indignum. corrigendum tamen facili mutatione,

D. scilicet

D scilicet in B conuorsâ hoc modo:

*Taceo: sed ego quæ tibi bonæ*

*Dabo & faciam, &c.*

Idem error commissus in Fragmento quodam Afranij, quod à Nonio ex *Æqualibus* eius Poëtæ producitur his verbis:

*Iste, ut tu rē narras, dona comest hīc quotidie.*  
vbi *Bona* reponendum quis hinc non videt? tametsi in Editione Iunianâ tam hoc, quàm illud perperâ videam desiderari. Quas quidem emendationes nostras sexcentis huic parissimis in Plauto locis, idoneis (ni fallor) ac locupletibus testibus probare & confirmare possim, nisi vereretur, ne multiloquio meo ex longâ longiorem hanc facerem Fabulam. Nam quid eo est opus?

A D

## CAPVT XXV.

*Pseudolo duum locorum correctio. Me-*  
*tari gradibus militaribus.*  
 Morus & molestus.

**S**CEN A: Ne plora, &c. scribitur:  
*Quin hinc metimur gradibus militariis?*  
 nescio an satis probè aut Latinè. cui  
 scrupulo vt occurratur, ausim & ego  
 in partem adiuuans rescribere:

*Quin hinc metamur gradibus militaribus?*

Hoc enim purum putum castrense  
 ac militare vocabulum, cui coniecturæ  
 firmandæ libri veteres, in quorû con-  
 textu, liquidò expressis literis, Lambi-  
 nus se deprehendisse testatur:

*Quin hirco metamur,* vnde ipse:

*Quin hinc comitamur,*

architectatus est nobis. meo iudicio  
 non rectè. *Gradi* verò *militares* inter-  
 pretor, quibus militari ex disciplinâ  
 Caculæ seu Calones ingredi consueti  
 antiquitus. quâ de re vide ea, quæ in  
 Epidico obseruata à nobis, super eius  
 loci explanatione, quem habes Scenâ  
 primâ: *Vt tu es gradibus grandibus?*

Scenâ

Scenâ: *Malus & nequam est homo,*  
ait Simo de Pseudolo seruo suo om-  
nium bipedum nequissimo:

*At me viginti modicis multauit minis.*

Ita enim exemplaria vniuersa. Cæ-  
terum nescio, an Plautum ita loquu-  
tum credam. & vereor, vt satis since-  
ra sit lectio. Quod si, *Commodis*, legatur,  
res omnis in procliui fuerit. quod ta-  
men temerè & sine veterum Codicum  
auctoritate adseuerare nō ausim. Do-  
ctiorum sit arbitratus. Mihi quidem  
certè id scripturæ non displicet, quip-  
pe persuasum habenti, 9. pro *Con* ex-  
aratum fuisse, ex communi scriptu-  
rientium formulâ & consuetudine.  
vnde fortasse priore notâ vetustate ex-  
tritâ, aut à lucifugo blattarum ac ti-  
nearum genere penitus erosâ *Modicis*  
istud *arrî* & *Commodis* Plauto sinistrâ li-  
beralitate prò librariorum captu con-  
donatū denique. Adde quod & *Afin.*

*Argyrippus*

*Viginti commodas argenti minas*

à suo sibi seruo postulat dari, amica-  
suæ quas det matri. Hæc quum scri-  
psissem, repperi postea correctiuncu-

*lam*

Iam hanc nostram à Monstrolienti Interprete in contextum Plauti relata. mallem in Commentarios. sic enim scire possemus, utrùmne ingenio (proinde vt nos) an verò mēbranaceis libris potius huiusmodi mutatio nitatur.

Scenâ, in quâ pulchrè madidus Pseudolus introducitur, à Lipsio nostro emendatum:

*Manu candidâ cantharum dulciferum  
Propinare suauissima amicitia, neq; esse aliū aliū  
Odio, nec molestis sermonibus nec morole-  
gis uti.*

idque verum puto. Solet enim Plautus ferè duo ista coniungere *Morus & Molestus*. sicuti in *Menechmis*:

*Vt hoc vimur more moro molestoq; multum.*

Iam propinationis huius exemplum haud tralatitium habes in *Persâ*, vbi *Lemnifelene* *Toxilū* amatorem suum hâc facetiâ acceptum compellat:

*Hoc mea manus tue poculum donat,  
Vt amantem amanti decet.*

417

IANI D O V S Æ  
N O R D O V I C I S  
C E N T V R I O N A T V S ,  
S I V E P L A V T I N A R V M  
E X P L A N A T I O N V M  
L I B E R I V .

A D P O E N V L V M .

C A P V T I .

*Mendam insigne sublatum è Pœnulo.  
Lessum ducere. Nannij error no-  
tatus. Obambulare. Adiuuare.  
Populo audientiam facere. Plau-  
tus emaculatus. Item Afranius apud  
Charisium.*

**C**UM ego antehac Plauti ex-  
emplaria de mendis suspecta  
habuerim semper, complu-  
ribusque adeò in locis à li-  
brariolis, qui ea exscripsere, per impe-  
ritiam temerè sæpe peruorsa & corru-  
pta esse

pta esse iudicauerim ; tum id his diebus mihi satis aperuit Pœnulus ; idque non ignobili in loco , verum in ipso statim Prologi ingressu , qui in omnium oculis esse consuevit ; quò magis miror neminem etiamdum in tantâ Correctorum turbâ repertum , qui non dico cum mendo liberarit , sed ( quod minimum facillimumque est ) saltem in quæstionem vocauerit sibi. Etenim de primis eius corruptoribus quid attinet dicere , quos ad Comici nostri Genium perparum hercule , siue ( vt verius dicam ) minus nihilo sapiuisse constat ? ita vt nouum non sit , caliginem ipsis interdum ob oculos obtigisse , in eâ præsertim voce , quam & Sext. Ælius , & L. Ælius ( si quidem Ciceroni credimus ) non satis sese intelligere , ingenuè atque simpliciter sunt professi : suspicari tamen vestimenti aliquod genus funebris esse. de Lesso loquor. quæ vox vnius literæ commutatu , comitate ( vt ego arbitror ) eorum , quos memorauimodò , in , *Sessum* , degenerauit. Sed præstat rem ipsam oculis subiectam proponere :



*Nen designator prateriens obambulet,*

*Nen sessum (lego Lessum) ducat, dum histrio in Scenâ fiet.*

Vides, ignoratio Antiquitatis quid faciat. quoniam se, *Lessum*, commodè diffinire posse diffidunt, novas has nobis loquutionum Sphyngeſ peperere.

*Quas quidem (vt Poëta alibi ait) pol credo, nisi Sibylla legerit.*

*Interpretari alium potesse neminem.*

Quis enim vnquam vel fando audiuit, *Designatorem sessum ducere*? cui hoc vnum curæ erat, vtpote funerum arbitro, non vt *sessum*, quod non intelligo, sed vt *Lessum* duceret, id est, pompam funebre, aut eos qui *Lessum* (quod Lælius apud Ciceronem quasi lugubrem eiulationē significare autumat) funeri faciebant, atris lictoribus (teste Satyrico) decoratus, ad locum Libitinæ præstitutum conduceret; scilicet cum honore omnia vt fierent, atque vt quisque ordinem sibi à *Designatore*, seu potius *Disignatore* præscriptum inter progrediendum obtineret. Quæ si Nannio nostro (at cui viro?) bene prouisa antea, satisque explorata fuissent,

sens, censensne ipsum eò vnquam inco-  
gitantiæ processurū fuisse, vt scriberet?  
Designatorem eum esse, qui non modò Spectato-  
ribus loca in theatro designat, sed verò & Cho-  
ragium locat, & reliqua ornamenta ludis neces-  
saria suppeditat. Quæ quidem propria  
Ædilium ( vt scimus ) non autem De-  
signatorum prouincia cluebat. Ac ne quis  
verbum istud irreptitium, atq; à Plau-  
tinâ Scenâ alienius ducat ; exemplum  
hocce eiusdē è Truculento adpingam:

*Stultus es, qui facta infecta facere verbis po-  
stules,*

*Thetis quoque etiam lamentando lessum fecis  
filio.*

Quid vetat & Legem illam Decem-  
uiraletn hisce porrò Tabulis adpende-  
re, quâ modus muliebri lamentationi  
præscribebatur?

MVLIERES GENAS NE RA-  
DVNTO,

NEVE LESSVM FVNERIS  
ERGO HABENTO.

Ex quibus omnibus, quid hac de re  
porrò in posterum sit statuendum, satis  
superq; iam liquere existimo. Cæte-  
rùm præmonendus est Lector, verbum

*Obambulez :*

*Obambulet*, singulari notione hoc loco, ac longè alio, quàm vulgo consuevit, significatu positum videri. Est enim *Aduorsum alios ambulet*, quasiq̃ue opponens sese, atq; in viâ obuiam obstitens ambulantibus, (teste Pompeio) ne quis cum Lambino fortè cæterisq̃ue Plauti Explanatoribus, *uliro citroq̃; ambulet*, interpretetur.

Eodem in Prologo Imperator Histricus, Populo audientiam facere Praeconem iubet (quod idem ante Asinariam *ἄκουσον ὄμην* &, *Facere auritum poplū* dicit) subiicitq̃ue porrò è vestigio:

*Exerce vocem, quam per vinis & colis.*  
elegantissimè. *Vinis* enim ad victum; *Colis* ad cultum referendum: vtrumque perpòt necessariū humanæ vitæ: *ἔσθ' ἐν κτερεν.*

Ad finem porrò Prologi descendamus, hisce verbis conceptum:

*Valete, atque adiutate, ut vos seruet Salus.*

Cui loquutionis generi consentanea quoque illa M. Terentij lib. 1. de Rusticâ, cap 11. *Nec vlla inquam pecudes agriculturae sunt propriae, nisi quæ agrum opere, quò cultior sit, adiunare, ut ea quæ iuncta arare possunt.*

possunt. Vide ad Catulli illud :

*Illud adiunato,*

*Ne quis liminis obferat tabellam :*  
obseruata à nobis in Præcidaneis.

Scenâ: Negorij sibi qui uolet uim parare, &c.

Quærit ex hero suo Milphio, pretio condigno redonari postulans sese, pro euocatione, quâ immodestû amatorem illum regustandi ex interuallo amores suos, cominusque speculandi & alloquendi fecerat compotem :

*Ecquid gratia, quum huc foras te euocauit?*  
*nunc iam*

*Me decet donari cado uini ueteris. dic dari.*

Sic Sticho quoque cadum uini ueteris seruo suo, in diem vnum modò eleutheriam petenti, propinat Epignomus, pro multorum annorû miseriis, quas idem secum terra marique peregrinando exantlauerat. Cæterum rescribendum videtur: Dic dare, id est, datum scilicet te. Hoc enim more passim loquutum comperior Plautum.

AG. *Sunt mihi intus nescio quot nummi aurei lymphatici.*

MI. *Deserto ad me, saxo actuum constiteris lymphaticum.*

**Quod**

Quod responsum Adelphasio transcribendum censeo, inducto Milphionis nomine usque ad duas priores voces Trochaici deinceps sequentis, hoc modo :

*Ad. Deserto ad me, saxo actutum constiteris  
lymphaticum.*

*Mi. Bellula hercle.*

ut significet seruus fastidiosè & contemptim: Bellum verò prostibulum populi, in quam nummi isti aurei profundantur, tantusque sumptus de nihilo erogetur ab herō meo. Neque aliter sanè personas ordinandas res ipsa clarum facit.

In phrasi verò illā:

*Negotij sibi qui volet vim parare.*

initio Scenæ à me productā modò, quòd nonnulli apud Lambinum codices variarent, causa non erat. Nam quid obsecro Latinius? Sic Afranius Emancipator: *Post narrauerō:*

*Nunc est distentus animus vi negotij.*

*Porrò autem propero.*

Ita enim nos Fragmentum illud apud Charisium, cum Plautinæ auctoritatis maxime, cum impressæ simul ac ma-

nuscriptæ lectionis fiducia, et Vt nobis,  
vel certe, Vti, repræsentantium, distin-  
guere ac reconcinnare ausi fuimus.

A D P O E N V L V M.

CAPVT II.

*Lambiniana emendatio comprobata;  
enarratio non item. Turnebica corre-  
ctioni assensum. Interpres iterum  
refutatus.*

**S**CENA: *Dij illum infelicit, &c.*  
Homo, ventosissimus & inanium  
gloriarum plenus Anthemonides Mi-  
les inducitur, iactans se sexaginta ho-  
minum Volaticorum millia vno die  
manibus suis interfecisse, atq; in sopo-  
rem mortuos collocasse: quod quum  
Lenoni, penè in stuporem verso, ne-  
que verum, neque verissimile adeò vi-  
deretur, illè vt mendacium miriore in-  
super mendacio cumularet, rationem  
prælij à se patrati subiicit huiusmodi:  
*Viscum Legioni dedi  
Fundasque, eò prosternebant folia farsari.*  
Cæterum Turnebo ipsa rei sententia

tia auctor fuit, ut *Præsternebant*, emenda-  
 ret. Infanè bene, nisi nobis Lambinia-  
 num illud placeret impensius: *Præster-  
 nebant*, quod quò proclivius subigar, uti  
 accredam, facit ipsius narrationis se-  
 ries; leuiter porro à Lyco interruptæ,  
 quæ sequitur, hinc (vri paret) depen-  
 dens penissimè. Aliter enim nunquam  
 subiuncturus fuerat Anthemonides,  
*Infundebam*, verùm hercule, *Infundebant*  
 potius. Quod si cui fortè probari pos-  
 sit, vtrumquè de Legione Militis intel-  
 ligendum. Atqui hoc vero consenta-  
 neum non est, dicit enim nugacissimus  
 iste Vaniloquidorus; Fundas Legioni,  
 cui cum militari imperio præerat, de-  
 disse sese, iisque porro fundis globos  
 grandiculos indidisse, vnà pariter cum  
 visco. Sed quia periculum videbatur,  
 ne viscus, quò globos oblitos conta-  
 ctosque fuisse est verisimile, fundis si-  
 mul cum ipsis globis adhæresceret, se-  
 se igitur cautionem paratè adhibuisse,  
 credi cupit callidus, & folia farfari  
 præstrauisse, id est, substrauisse atque  
 insparnisse, quæ fundas, quas ipse ma-  
 nipularibus suis (ut dixi) singulas de-  
 derat,



derat, ab adhærentis visci cōtagio glutiniq̃ue tenacioris lentitudine integras intactasq̃; seruaret. Quæ singula eò curiosius visum est pertractare, quò longius à Poëtæ mente exorbitasse video Lambinū; *Eo præsternebā, Eo consilio ante sternebam*, interpretantē: quum Eò, népe *infundas δὲ τοῦ κγινῶ* sit subaudiendum, quæ particulam istam antecesserant modò.

Alterum verò Eò, quod sequitur, auferendi casu est, & de visco accipiendum, quo funditari volantes illos iussisse porro sese commemorat Miles. Malè ergò Lambinus, qui Eos, pro Eo in contextum Plautinæ Comœdiæ referre sustinuit.

Illud autem: *Quemq̃;* (ita enim lego, non *Quenquem*) visco offenderant, id est, quemcunque hominum istorum volaticorum, Dædaleo remigio per cœli cærulea euntium, globis visco illitis cōtigerāt Legionarij illi Funditores mei,

*Tam cretri ad terram decidebant, quàm pira.*

*Ut quisque ceciderat, eum necabant illico* (id est, in loco, euestigiò).

*Per cerclrum pinnâ suâ sibi quasi turrimem.*

Ita enim Camerariana editio. Per-

peram.

2 L

peram.



peram; & placet cum Turnebo legi  
 potius: *Necabam*, quò magis etiam prio-  
 ris mendacij memorem concinnemus  
 Thrasonem istum, qui Icarios illos ho-  
 munciones ipsius suis, non autem mi-  
 litum suorum manibus occisos am-  
 pullatus fuerat, antea. Quid enim?  
 etsi nugiendus strategus iste Viscar-  
 rius, gloriam eisdem visco funditandi  
 manipularibus suis transcribere vel-  
 le visus, quippe parum honestum ac  
 gloriosum imperatori ducens, si se  
 funditorem, quæ infima rei bellicæ  
 provincia est, in pugnâ illa Pelethro-  
 nicâ (sic enim, à Pelethroniis Lapithis  
 detorto nomine, cum Henrico Ste-  
 phano legēdum iampridem sum per-  
 suasus) factum mentiretur; rem tamen  
 omnem non aliū, quàm suo pte remi-  
 gio, hoc est, virtute, ductu, Imperio  
 atque auspicio ipsius suo gestam pa-  
 tratamque (si diis placet) credi postu-  
 lat sibi. In cuius nugacissimæ ac verè  
 Lucianicæ historiæ enarratione, quàm  
 Lambinus frustra fuerit, operæpretiū  
 est considerare; qui, *Pinna*, recto casu  
 numerorum fulciendorum gratiâ di-  
 ctum

ctum accipere, & Necabat, pro Necabam, obtrudere nobis veritus non est. hoc ordine: *Pinna sua sibi necabat eum quisquis ceciderat, tanquam turturem, cum essent homines volatici.* Inscitus, qui auferendi casum numerorum rationi officere crediderit, oblitus videlicet solens, *Suâ*, non duarum syllabarum hoc loco, sed verò monosyllabum in moré sumi ac pronunciari debere, quomodo & cognata eiusdem *Meâ*, *Tuâ*, aliaque ad hoc exemplum passim apud Comicos occurrentia. Quæ Lambini nostri sententia (vt quidem meus est animus) ipsis volaticis illis nugis hominû multò etiam nugacior, ac volatica magis videri potest.

Malè legitur sub exodium eiusdem Scenæ:

*Profectò festos habeam, decretum est mihi.*

Certum proinde est emendare:

*Profectò festum hunc habeam, &c.*

atque eò audacius, quòd Substantiuus, *Diem*, præcesserit modò.

CAPVT III.

Gradus cribro pollinario succretus.

Tumultuari. *Comicum Poëta artificium demonstratum. Ædes, ab edendo. Plauti versus perperam ab Isidoro citatus.*

SCENA: Ita me Dī ament, &c.

Agorastocles procedit adolescens, Testium, siue aduocatorum, quos ducere properabat sibi, spissigradissimam lentitudinem, pulmoneumq; ac testudineum incessum Scenicis conuitiis iuueniliter incessens, atque inter alia opprobramenta crimosè obiectans, \* *gradum ipsorum cribro pollinario succretum* videri. In quo expediundo magis etiam impediuisse ac intricasse se mihi videntur interpretes. quorum singulorum sentētias, mora mera fuerit refellere. Proinde opinionē meam proponere contentus, aio *Cribrum pollinarium* hoc loco, non quidem setaceum aut excussorium illud è lino, seu per-tusâ adeò membranâ instrumentum (quod

\* *Facit hunc Caton locus ex cap. 18. Eo calcē cribro succretā indito altè digito, duo.*

(quod *Incraniculum*, ab *Incernendo*, Lucilliū sequutus vocitat Plinius) quo hodieq; à furfurum recrementis pollen discerni ac separari consuevit, verum hercule farinam ipsam à furfuribus expurgatam, quam *Florem* vulgo, hoc est, Pollinem perhibemus, disertè significare. vt *Cribrum*, non id quod cribrat siue excutit pollinem; sed verò ipsum pollinē potius, qui ex cribro farinario cribratur, seu excernitur, interpretemur. Notum autē, quàm lentæ inter deprendum ac subigendū materiæ res sit farina, macerata præsertim, humigataque atq; in fermento iacēs maxime. Porro quemadmodū *Cribrum*, pro polline cribrato; sic *Molam*, itidem haud pro *moletrinâ* (perinde vti nos hodie) sed pro *farre molito ac tosto* eisdem veteres illos dicere solitos quis nescit?

Vrbana verò responsio illa Aduocatorum:

*Seruile esse duco festinantem currere,*

*Præsertim in re placidâ atque interfectis ho-*  
*stibus,*

*Non decet tumultuari.*

Propriè dixit *Tumultuari*, quod nos;  
*Alarm*

**T**allarm maken. Tumultus enim, quasi Tum-  
mor mulus; vt quidem nos eiusce vocis  
Etymon apud Ciceronem libro huius  
operis primo primi emendandum do-  
cuimus. Neque *Tumulti*, aliunde ori-  
ginatio petenda. Quâ de voce etiam  
lacunas Festi, qui volet, consulito. Nec  
minus illud operæpretium est atten-  
dere; quàm dissimulanter, & quasi  
aliud agens per causam (vti videtur)  
Românorum res gestas victoriasque  
ac trophæa, virtute duellicâ de hosti-  
bus, id est, Pœnis victis atque interfe-  
ctis quæsitâ, hoc loco attigerit Poëta  
noster. in quo Comicum eiusce arti-  
ficiû qui non videt; næ ille, cum Glo-  
rioso Pyrgopolinice, Elephantî corio est  
circumtectus; neq; habet plus sapientiæ, quàm lapis.

Pergit ibidem Agorastocles conui-  
ciari porrò aduocatis, ac tarditatem  
exprobrare. Neque mirum; homo  
adolescens, ac præ amore, moræ omnis  
impatiens; & cuius animo cupidè cupienti  
(vti apud Sallustium est) nihil satis festi-  
nabatur. Exempli causâ:

At si ad prandû me in adẽ vos dixissẽ ducere.  
Vinceretis cernum cursu, vel grallatorẽ gradu.

Atque

Atque hunc pòl locum intelligere  
visus Isidorus; lib. xv. cap. 111. sed  
perperàm citatum, vbi scribit:

Omne *Ædificiū* antiqui *Ædē* appellauerunt.  
Alij *Ædem* ab *Edendo* quidem nomen sumsisse  
existimant, dantes exemplum de *Plauto*:

*Si vocassem vos in ædem ad prandium.*

A D P O E N V L V M.

C A P V T I V.

*Interpunctionis non suo loco posita inte-*  
*gratio.* Facere vnguentariam apud  
*Plautū*, Scrutariam apud *Apuleium*.  
Latrocinari. Latrones. Frigide-  
factare.

**A**CTV tertio, Leno Colabisco ho-  
spitium quæritanti, quoniam se  
illi festiūm locum præbere velle di-  
xerat, parum tandem festiuè hæc ad-  
promittit insuper:

*Ibi te replebo usque vnguentūm echeumatis.*

*Quid multa verba faciam? ubi tu laueris,*

*Ibi ut balneator faciat vnguentariam.*

Vacillat enim in postremis duobus  
versibus sententia, in altero, etiam pe-  
dum

dum ratio. Sed hoc verisimile non est. potius crediderim ab aliquo Lycomastige argutias Lenonias deprauatas, easdemque hoc pacto reconcinandas:

*Quid multa verba? faciam ubi tu laueris, ibi  
Vt balneator faciat vnguentariam.*

Id est, ita vnguentis balneum, in quo lauabis, affluere faciam, vt non balneum, verum vnguentarij officina potius, videri possit. Quo item loco notandum, *Facere vnguentariam*, si rempse lege dictum videri, quâ & *Argentariam*, *Topiariam*, *Vellaturam*, *Medicinam facere*, *Pullariam* deniq; dictitabant Veteres: etiam *Scrutariam*; apud Apuleium lectum: non quidem pro, Minutula quæque furtim angulatimque perquirere) vti Beroaldo placitat) neque pro *Conuassare*, id est, vilia vasa furari: (quomodo volt Durantius) sed verò (quæ mea est sententia) pro *Scrutarium*, siue *Friuolarium* quæstum exercere & colere, hoc est, *Scrutorum*, nulliusque pensi mercium propolam & quasi proxenetam cluere. exemplo loquutionum earum, quas collectas repræsentauimus modò.



Sed hæc peruolgata nimis: illud fortasse non item, auri præsertim Bataua, Latrocinari, prò Militare, seu Iure adeò duellico ac disciplinâ vti militari, à Plauto positum illis versibus qui ordine deinceps lectitantur :

*Sed hæc latrocinantur, quæ ego dixi omnia ;*

Co. *Quid ita ?* Ly. *Quia aurum poscunt præsentarium :*

Quod lepidè me hercule in rem suam secundo tempore profert Leno. Huic enim generi (vt ipse alibi Poëta loquitur) *semper oculatae sunt manus, credunt quod vident.* quemadmodum & militibus nostris, qui nisi repræsentato prius auctoramento, hoc etiamnum seculo sese haud temerè ad bellum pertrahi patiuntur. idq; veterum exemplo potissimum, sicuti videre est ex hoc loco; elarius tamen è Milite, vbi hunc in modum, Suffenum illum ampullan-tem inducit :

*Videtur tempus esse; ut eamus ad forum,*

*Vt in tabellis quos consignavi hîc heri*

*Latrones, ibus dinumerem stipendium,*

*Nam rex Seleucus me opere orauit maximo,*

*Vt sibi latrones cogere & conscriberem.*

*Et postea*



Et postea in eadem Comoedia:

Nam ego hodie ad Seleucum regem misi \* Pa- <sup>\* Grauem</sup>  
rasitum meum, <sup>vero &</sup>

Vt latrones, quos conduxī, hinc ad Seleucum <sup>seruum</sup>  
duceret, <sup>Legatū.</sup>

Qui eius regnum insarentur, mihi dum fieret  
otium.

Latrones, id est, milites, seu stipato-  
res. Rationem, quam obrem ita indi-  
gitati antiquitus, reperias apud Varro-  
nem lib. v i. De linguā Latinā. Nobis  
satis superque esse debet, testimoniis  
in medium protractis, grauibz sanē,  
& (quæ ratio maxima est) Plautinis,  
Grammaticorum opiniones adstrue-  
re. quod ipsum paucis vt fiat, etiam  
vnum insuper abs eadem Milite ac-  
cersam, ex persona Periplectomenis:

An quia latrocinamini, arbitramini

Quidvis licere facere vobis, verbero?

Id est; Quoniam (vt supra diximus)  
ad legionem cluitis bellatores, vel, quia  
stipendia facitis, estisque homines mi-  
litares? Itemque alterum è Trinummo:

Ibit istac aliquo in maximam malam crucem

Latrocinatum, aut in Asiam, aut in Ciliciam.

Quod ipsum in Heautontimorume-

no suâ explicat nobis Terentius, quum scribit :

*In Asiam ad Regem militatum abiit Chreme.*

Ad Regem, scilicet Persarum. Is enim Rex absolutè, vel etiam Rex Regum: interdū adiecto Epitheto, Rex magnus, vulgò celebrabatur. Adde supradictis Plautinum illud ex hac ipsâ Pœnulo :

*Nam hic latro in Sparta fuit,  
Vi quidem ipse nobis dixit, apud Regem At-  
talum.*

Latro, id est, militari Sacramento auctoratus; Regioque stipendio ad latrocinandum, siue militandum conductus. Denique ex Sticho :

*Vosne latrones & mendicos homines magni  
penditis?*

Quibus omnibus lux insuper à Graccho illo Tiberio sceneranda, cuius hocce fragmentum citat Nonius: Qui apud Regem in latrocinio fuisti, stipendium accepisti.

Atque ego me nunc moror, imò Lectorem verius, quum longos logos de re indubiâ texo.

In codẽ Actu, tertiâ ab hac Scenâ, Eri- gesactas, lego, pro eo quod est in nostris:

LY. Ca.

LY. *Calidum prandiſti prandium bodie?*  
dic mihi.

AG. *Quid iam?* LY. *Quia hoc nunc frigefactus, quum rogas.*

Vel certe reponendum *Frigidesactus*.  
quâ dictione idem poſtea in *Rudente*  
uſus reperietur, eodem planè ſenſu,  
quum dicit:

*Os calet tibi, nunc id frigidesactus.*

At verò pauſam faciam tandem, ne  
& ipſe calidum hîc prandiſſe pran-  
dium videar, idque ipſum frigidis his  
& inficetis verborum nœniis frigefa-  
ctare iam velle.

3 A D

Vinarij. In Aurelio Victore eam vocem retinendam. Primæ hostiæ. Haud fermè. Milphionis ioci prbanitas haud pertractatè expensa. Lumbini denudatus error. Mulieres, meretricium professas, nomina sibi immutare consueſſe, ex Aristleneti Eroticis comprobatum.

SCENA: Satis spectatum est, &c.  
Orationem perinde habet Synce-  
rastus, quasi ipſus sit frugi bonæ, &  
suam & Lenoniæ disciplinæ corrupte-  
lam secum stomachosè conquerens.

Quoduis genus ibi hominum videas, quasi  
Acheruntē Veneris.

Malè; idque nouissimi vocabuli gra-  
tiâ, quod quidem minusculâ, haud ca-  
pitali literâ scribundum. Est enim ver-  
bum, non nomen. sensu manifesto.  
Namq; quis nescit, omnia hominum  
genera Acheruntè recipi, sine vllō vel  
ætatis, vel sexûs, vel etiâ personarum  
discrimine

discrimine. promiscuè inquam; neque  
Orcum vnquam signare lineâ albâ?

Concludit porrò Puer iste Lenonius:

*Ità vinariorum habemus nostræ delectū domi.*

Vinariorum, id est cauponum, siue œ-  
nopolarum. quomodo & Asinariâ:

*Sed vina heri quæ vëdidi vinario Exareambo,*

*Iam prò iis satisfecit Stichus?*

Estque quæsitâ à re militari transla-  
tio, in voce *Delectum*. Eò dico, ne quis  
forte de *Vasorum* vinariorū multitudine Syn-  
cerastum loqui autumet; Lambini au-  
toritate in fraudem inductus scilicet.  
*Vinariorum* porrò *delectum*, in ædibus Le-  
noniis familiam ducere quis nescit?  
denique vtrunque genus istud aptè  
copulatum ab Aurelio Victore (operâ  
atque industriâ politissimi Andreæ  
Schotti nuper in luminis oras produ-  
cto) in vitâ inquam Gallieni, de quo  
hæc memoriæ prodidit:

*Inter hæc ipse popinas, ganeusq; obiens, Le-  
nonum ac vinariorum amicitiiis harebat, &c.*

Rectè omnia atque ordine. & frustrâ  
est adolescēs eruditus, qui Vinarios hosce  
temerè sollicitare; eorumq; in locum  
Mimos Gallieno obducere conatus.

Sequitur haud multò post:

*Nam meretrices nostræ primis hostiis Venerem placare exemplo.*

Quod quid sit, haud ità vulgo obuium, bardo, bliteo, omnisque antiquitatis rudi. Vulgo dico. Enim Ælij & Persij qui cluunt haud sanè difficulter intelligunt, Syncerastum velle dicere, Adelphasium & Anterastilem meretrices, suo festo die, népe Aphrodisiis, Venerem sibi fecisse volentem propitiam, id est, litasse, pacemque à patronâ suâ ac veniâ impetrasse haud grauatim, idque *Primis*, hoc est, *Præcidaneis hostiis*; neque iis succidaneas subiici porrò opus fuisse. Ità enim ex Festo interpretor in voce *Præcidaneas*. quem vide. Nam de Lambini Commentariis quod speres, minus nihilo est. Ità super *Primis hostiis* verbū nullum, haud magis vtique quàm si Agenoriæ, non Veneris sacris operatus litasset.

Habes ibidem:

*Facio quod manifestò mœchi haud fermè solent.*

*Haud fermè*: Loquutio Sallustio frequens ne dicam sollennis. neq; aliunde explicatio petenda. Vide Notas ad eundem

eundem nostras. Miserum verò, vel cæcum potius hocce loco Lambinum, qui probissimâ scripturâ (vti apparet) repudiâtâ, pro *Fermè*, *Ferre*, obiectare nobis veritus non est.

Sequitur eâdem Scenâ aliquanto pòst, Milphionis iocus nimium scurrilis, id est, vrbanus, vt quidem Veteres loquebantur. Nam quùm inuestis ille pugio eidem ioculariter præiussit:

*Sine pennis volare haud facile est, mea ala pennas non habent.*

Prouerbiali schemate (quo idem quoque Asinariâ vsus antea) Milphioni fidem facere conatus, se quidem Lennonem Herum suum summis opibus atque industriis (quantum adeò in se est) disperditum ac tantum non eradicatum cupere: cæterùm facultatem haud suppetere sibi, viribusque destitui, quò minus id quod cupientissimè iam pridem cupit, ad exodium effectumque ducere ac perpetratum, reddere possit; subiicit nequissimus plagi-triba, præter omnem expectationem ex docti dicti insolentiâ risum aucupans:



M I. Nolite adepol deuellisse, iam duobus  
mensibus volucres tibi erunt hircinae.

alludens credo ad pilos subalares; hoc est, primam illam & quasi musteam sub alis, siue axillis erumpentem lanuginem, quem Florem indigitat Maro; quas Axillas puer ille aliouorsus applicatas (vtri dictum modò) pennarum inopiam pati, Adagionis specie fuerat conquestus; easq; ipsas breui fore auguratur, vt volucres fiant, id est, flore illo Virgiliano, primâque adeò lanugine per ætatem, veluti plumis & pen- nis quibusdam vestiuntur. *Hircinas* contemtnm appellat, ad hircû subalarem, id est, alarum virus obliquè ac dissimulanter respiciens. Nam quod hallucinatur Lambinus, innuere Milphionem, Synceraſtum cis menses duos loris de corio hircino factis vapulaturum, frustrâ est. & profectò Interpretis causâ malle, vt volaticam istam alarum Metamorphosim potius ad protritum illud seruilis supplicij genus accommodâſſet; quo tenebriones malam rem commeritos, sublimes raptos vereq; superbos redditos; inter terram  
atque



atq; cælum medijs vt essent, faciebant;  
manibus post terga ad trabem sursum  
adductis (id quod de Asinaria eiusdem  
videor condidicisse) tanquā in equu-  
leo distentos, æquo ad pedes ceterum  
dio alligato: ita vt dispeni, auiumq;  
inuoluctum exemplo, primis quasi  
volatibus instrui viderentur; prorsus,  
huic generi consimiles, è nido primi-  
tus euolare gestientium. Quæ senten-  
tia & arguta oppidò fuerit, & concin-  
na, & fortasse etiam priore illā nostrā  
haud paullo probabilior. Itaque se-  
quatur quisque quod volet. Ego qui-  
dem meā ex parte auctoritatem nullus  
defugero postea.

Scenā: *Quis pultat?*

Namque hodie earum mutarentur nomina,

Facerentq; indignum genere quæstum corpore.

doctissimus Alciatus πατεργων x. ob-  
seruauit mulieres, quæ meretricium  
instituerent quæstum, nomen mutare  
consueuisse, ex hoc Plauti loco. Cui  
callidissimæ animaduersioni ista quo-  
que ex Aristeneti Eroticis, me porro  
monstratore, fidei causā adtexi pote-  
rūt haud πατεργων: Μελοσάμεν δ' ἀγλαί- „

20 δὲ, ἢ τὴν ἡμέραν ἀνδρῶν ὁφθαλμοῖς εἶδεν  
 20 ποτὲ καὶ νῦν εἶδεν ἢ τύχη, καὶ τὴν σκηνῆς  
 20 ἀπαλλαγίαν, παγκάλως ἐπὶ τὸ σέμνον με-  
 20 τήλας ἀποσηγείας ἅμα ἐχῆμα. Et post  
 20 Epist. eadem. ὁρτῶς οὐκ ἔβριθον  
 20 σεμνὸν ἐφιστάμενα γινῆναι, παρὰ τῇ πυθιάδι.  
 20 τῶν γὰρ μετὰ κέκληκεν ἐαυτὴν, &c. Quò  
 item spectat cautio illa sub finem Epi-  
 20 stolæ appositâ: φυλάττω δὲ γλυκυτάτη, μὴ  
 20 μὲν ἐν παρὶς κομῆναι τῇ σιωπῇ εἰς μελίσσας  
 20 εἰς τὴν νῦν πυθιάδα ἀποσειπῆς ὁ μικρὸν  
 20 πείπονται τὴν Διδυλῶν. εἰ μὴ γλυκερὰ πύρ-  
 20 ρον λάθρα μὲν διένυξεν τῶν ἀγκῶν. Vnde ite-  
 dem docemur, eas quæ captivis qua-  
 stuique meretricio renuntiabant, li-  
 berum sibi ingenuumque nomen,  
 priore illo cum personâ deposito, as-  
 sumere solitas antiquitus.

A D

PLAUT. EXPL. LIB. IV. 445  
A. D. P. OE. N. V. I. V. M.  
CAPUT VI.

*Exemplum alicunde sumere, seu expete-  
re sibi. Cur Numerò, vel, Puncto  
quid fieri dicatur, ex Macrobio eru-  
tum. Scurræ. Multam indicere.  
Plautus multoties explicatus; inter-  
ibi etiam correctus.*

SCENA: Fuit hodie operapretium, &c.  
Agorastocles voti compos aliquan-  
do factus inducitur; Speratam suam,  
quicum brachialem in neruum con-  
diderat sese (amantes ut solent) hoc  
elogio per exclamationem & apostro-  
phen poeticè extollens:

O Apella, ô Zeuxis pictor,  
Cur numerò estis mortui? hic exemplum ut  
pingeretis.

Sed remouenda interrogationis no-  
ta è medio, & sub finem versus trans-  
ferenda; legendumque fortasse: Hinc  
exemplum, vel certè, Hoc. Dicimus enim,  
Exemplum petere, vel, sumere alicunde. Au-  
ctor sententiæ meæ Festus, huiusdem  
exempli laudator; quod mirum ne à  
Persis

Persius quidem animaduersum, qui locum SANVM SARTVMQVE cicatrice obducere sunt conati.

Causam verò loquutionis istius, quâ Numero, prò Nimirum citò, vsurpatum docemur à Festo, haud aliunde certius vel melius, quàm ex i. r. Macrobij in Somn. Scip. libro planum fieri posse existimo, vbi scribit:

*His Geometricis rationibus applicatur natura numerorum. Et  $\mu\gamma\alpha\varsigma$ , Punctum putatur: quia sicut Punctum corpus non est, sed ex se facit corpora; ita  $\mu\gamma\alpha\varsigma$ , Numerus esse non dicitur, sed origo numerorum. Haftenus Macrobius.*

Atque hinc, Puncto aliquid, & Numero fieri, dixisse coniicio veteres, ac pro iisdem planè vsurpasse. indidemque natum fortasse etiam verbū illud vetus: *Ingenium habere in numerato.*

Scenam sequentem, non mediocri ædepol iracundiâ, verùm hercule Æacidinis animis expletus incedens, exorditur Anthemonides Miles. Minam suam hisce minaciis vlturus.

*Si ego minam non vltius fuero probè, quam  
Lenoni dedi,*

*Tum profectò me sibi habeto scurræ ludificatui.*

*Is etiam me ad prandium ad se adduxit ignavis-  
simus.*

Quorum & omnium & singulorum explicatio petenda à Scenâ superiore, cui initium est, Diu illum infelicient, &c. De Minâ enim loquitur Miles, quam ab eodem accepisse ibidem suprâ falsus fuerat Leno, & quidem his verbis.

*Mina mihi argenti dono postillâ data est.*

*Sed quæso vbinam illic restitit miles modò,*

*Qui hanc mihi donauit, quem ego vocavi ad prandium?*

vbi Prandiij quoque mentionem fieri videmus. Quò itidem spectat alterius Scenæ principium, ex eiusdem vocatoris personâ pronunciandum postea:

*Iam istuc ego reuertar, miles: conuiuas volo*

*Reperire nobis commodos, qui unâ sient.*

Iam de Scurrarum ludificatione quod dixerat Miles, ad vetustioris consuetudinis notionem trahendum: quâ Scurras, id est, homines urbanos, (quos Assiduos ciues in Trinummo perhibet hic noster) militari hominum generi opponi solitos ad principium Epidici commonefecimus suprâ.

Illò, vndè abiimus, redeamus. Subdit Anthemonides,

*Ipse abiit foras, me reliquit pro atriensi in  
ædibus,*

*Vbi nec Leno, neque illæ redeunt, nec quod  
edim, quicquam datur,*

*\* Quid si,  
Pro mi-  
nâ ex-  
perte  
prandij  
legamus?*

*\* Pro minore parte prandij pignus cepi, abij  
foras.*

Illæ; hoc ad meretriculas Lenonias, Adelphasium dico & Antherastilem, referendum: è quibus alteram, meretricem nempe minusculam addici sibi, utpote festo die Aphrodisiis à Lenone in cōcubinatum stipulatus fuerat Miles, simulatque à re diuinâ lautæ reuenissent domum, Scenâ quam citauimus modò. Petitionis verba sic sonant:

*AN. Tum tu igitur die bono Aphrodisiis*

*Addice tuam mihi meretricem minusculam.*

Antherastilidem designans. Quod autem addit Anthemonides, se pro minore parte prandij pignus cepisse, significat se nescio quid ex ædibus Lenoniis manuticulatum, hoc est, prædam de prædone abstulisse, milites ut consueuere. quorū manibus adeo gypsatis, ne miluiniis ungulis dicam, lege sanctum est

est nihil, harpagare semper, quâ sacrum, quâ publicum occupantes, ex disciplinâ. Felices, qui periculum non fecere.

*Sic dederò verò ex altero eiusdem Comici loco interpretandum, ubi ait :*

*Hem, sic datur, si quis herum servus spernit.*

Postremus eiusdem Scenæ versus ita procusus legitur :

*Iniuriarum multò induci fatius est.*

Vnde Lipsius noster princeps exculpsit: *Multam dici.* Insanè bene, nisi quod *Indici* malim, propius ad formulariam lectionem accedente coniecturâ. Sic, *Indicere bellum*, Latini; & Plinius Nepos, *Indicere multam*, fabulatus alibi.



## CAPVT VII.

*Persa aliquammultis locis enucleata & emaculata. Domi, &, In mundo esse, eadem. Eam in rem Dionysii interpretatio, ἐδ' ἐν κόσμῳ τὸ διόρυον, explosa. Lucilij fragmentum, ex Charisio Grammatico, corruptissimum de Chiographo Codice restitutum; eadem enarratum. Turnebi opinio reprobata. Eiusdem sententia, de verbi Madere significatu, succidaneis aliquot Auctoritatibus à Catone, Varro, Arnobio, ipso denique Plauto confirmata.*

**V**T propositum meum est, atque ut huic vsus facto est, telam quam exorsus sum semel ad terminos vsq; detexere properabo; ne Toxili amoribus moram creem, quos pòl ego manu missionē iampridem efflagitare video. Sed id factu quàm difficile fiet, equidem haud sum falsus; quando  
neque



neque otij sollennitas, imò nec res quidem, vnde id curari satis commodè posse reat, alicunde suppetat mihi. Ità nos vndique opum atque ingenij auxiliares pòl deferunt copiae; sic vt nihil iam melius in rē meam esse iudicem, quàm vt doctum aliquem & callidum adiutorem ad hancce rem quæram, quem adiungam mihi. & quem quæso potius, quàm ipsum Toxilū, ad quem negotiolum istud vniuersum, cuiuscunque modi videtur, propriè ac singulariter spectat? Equidem consilium placet; cui vt principium quoque respondeat, agedū adiiciamus animum obsecro ad verba illa; ac consideremus porrò, an satis adiutori illi, quem dixi, meo, à Sagaristione argentū mutuum roganti conueniant:

**T O X.** Nempe habeo in mundo? Ego certè, *Habes* malim, totidem literis, sicque haud paulò sanè melius constaturum, id quod Sagaristio eidem deinceps respondet:

**S A.** Si id domi esset mihi, iam pollicerer.

Domini enim, & In mundo esse eadē apud Plautum atque eius ætatis scriptores.

& ridiculus hoc loco Lambinus no-  
 ster, qui iocum subesse hariolatur,  
 adiectâ à se insuper interpretatione,  
 nempe eos in mundo habere dici, qui nihil  
 habent domi.

O glossam insipientem & inficetam!

Ad ea quæ præcessere ὕστερον πρὸς ἄλλους  
 transiliamus:

S A. Vide modò, ulmeæ catapultæ iunni ne  
 transfigant latus.

Aptum, & seruili personæ conue-  
 niens responsum, quoniam dixerat  
 Toxilus:

Cupido sagittâ cor meum transfixit.  
 ne videlicet à metaphorâ, quam ne-  
 quissimus amator ille à sagittariis du-  
 ctam cōgerroni præiuerat suo, temerè  
 recedat Sagaristio. Notanda etiam,  
 quâ ad verba, quâ ad sententiam, illa  
 haud seruilis sanè serui hominis de  
 amore excusatio:

To. Quid ergo faciam, Dîs ne adhorser, quasi  
 Titani, cum Dîs belligerem,

Quibus sat esse non queam?

Eam ex hisce Charisij glossis inter-  
 pretari lubentia incescit mihi:

Satis (inquit) diversè accipitur, ἀντὶ τοῦ, Par.  
 Lucil.

Lucil. Cui si cum iure populus vix totu' satisfi.

Ità enim Editiones nostræ, septuof, imò nullo potius intellectu. quid mirum? Scripturâ adeò contaminatâ? Cui malo remedium tamen à Chirographo Codice inuenire possum, si mihi operam datis, huiusmodi correctione:

Cui, si coniuret, Populus vix totu' satis sit. vt dicat Lucillius, de potente nescio quo ac rerum potente loquens: Cuius hominis tantus dominatus est, ea factio ac potentia, vt etiam si vniuersus Pop. Rom. in vnum conglobatus, animis consentientibus conspirans, atque in commune ad liberandam Remp. consulens, opes de compacto inter se consociant, viresque contrà pariter opponant suas; tamen ne sic quidem pares, nedum superiores, esse possint, ad resistendum scilicet. Et fortasse ad I. Satyrarum Lucillij librum pertinuerit hic versus, in quo Dij Concilium habere inducebantur, & de interitu Lapi cuiusdam in Repub. ducis agitare, teste Seruio. Habes mox:

T O. Si tute tibi bene esse potes pati, veni, viues mecum

*Basílico accipere victu. SA. Vah, iam scapula pruriunt,*

*Quia te istæc audiri loqui.*

Quod Sagaristionis responsum ita porro explanat Dionysius nobis: *Vah, iam scapulis tuis verbera impendent.* proinde ac si Sagaristio malum collegæ suo ominetur, si quidem domum herus eius reuenerit modò. Quanto verò facilius, ut sibi ipsi virgidemiâ in mundo esse, siquidem amici sui Toxili monitis auscultare moremque porro gerere, seque obsequentem facere insistat, potius præfagire atque augurari velle dicamus Sagaristionem? cuius equidem rei sexcenta amplius exempla passim apud Plautum fuerit reperire.

Legitur sub eiusdem Scenæ exitum ex personâ Toxili: [delem.]

*Obsecro te, refecro, operam da hanc mihi si-*

Quo in loco seorsum à Turnebo sentire cogor, qui *Refecro* istud, quod in medio est, Sagaristioni transcribendum autumat. Et profectò mecum facit locus *Aululariæ*, vbi disertè expressum legitur:

*Refecroq;*

29 P

bd bd

pg pg

*Resecroq; mater, quod dudum obsecra-*  
*ram.*

At quantò melius idem vir illè, quem honoris causâ nominaui, solertissimus, secundâ exhinc Scenâ de Collyris & Colliphiis meritus videri potest? quæ ne cruda Saturioni in mensam apponerentur, sedulò hercule effecit, ut probè in scutris antea percoquerentur. Hoc enim *Madere*, esse, liquidò ex Menechmo nobis in Aduersariis suis ostendit. Neque aduersatur opinioni vtriusque nostrum, id quod deinceps subiungit esuritor Saturio:

*Nihil sunt cruda, nisi quas madidas glutias.*

Cui insuper confirmandæ opportunè se offerunt illa Varronis verba ex lib. IV. De Ling. Latin. Dictum Assum, quod ab igne assudesit; & ideo sudandum assum distillat calore. Adde à Catone cap. IV. De re rusticâ, Libram alicæ in aquam indito, facito uti bene madeat.

Sed enim nihil hæc omnia, præ quod lib. II. Aduersus Gentes nobis proditum ab Arnobio:

*Cum Romulo Pompilioq; regnantibus perco-*  
*cta planè & madida congrementur Diis*

exta, nonne Rege Tullo semicruda cœpistis &  
leniter animata porricere, priscâ observatione  
contentâ?

## A D P E R S A M.

### C A P V T I I X.

*In Duris Capitonibus emolliendis  
Lambini pertinacia repressa. Militi  
è Persâ lux facta. Sapere multum  
ad Genium. Eius loci illustratio ab  
Arnobio petita. Aliâ quædam non  
nimia rei.*

**Q**UID verò esse dicam, quòd Sa-  
turio parasitus Scena II. Majores  
suos, Duros Capitones, cognominatos præ-  
dicat? an, quòd in comedendo pertinaces essent,  
vtri explicat Lambinus? Nugæ. Nam  
quæ (amabo) pertinacia esse in come-  
dendo potest? quam si cuius rei po-  
tius, quàm Parasiticæ helluationi, tri-  
bui consentaneum videtur, ecquid re-  
linquitur porrò, nisi vt aliunde rei hu-  
iusce interpretatio arcessatur? atque  
vnde potius, quàm ab delicatulis illis  
Plautinæ ætatis loquitandi formulis,  
hoc

hoc est, vetustate ipsâ, quâ *Durum*, pro  
*Impudente*, & improbo perhibebant. Vnde  
& *Duros Capitones* hoc loco exponi licet,  
*Ore improbos duro ferreoq;* (vti Terentius,  
Lucilius, ac Catullus loquuntur) hoc  
est, attritâ perfrictâque fronte insigni-  
tè præditos. Cuiusmodi Parasitos (ge-  
nus quod improbiissimum est) ad quæ-  
stum alimonix, & rem suam *I V R E*  
quasi *PERPETVO* obtinendam, ha-  
bere imprimis ante cæteros conuenit.  
Allusum verò ad Capitonû familiam,  
Romæ haud incelebrem iam inde ab  
antiquo, prouentu Iureconsultorum  
maximè. Repono ibidem:

*Nunc huc introibo, visam besternas reliquias,  
Quierint rectè, necne: num infuerit febris.*

non *Quienerint*, id quod omnes Editio-  
nes referunt nostræ. vt Senarij ratio  
habeatur, vnâ cæteroqui syllabâ re-  
dundantis.

Scenâ III. *TO. Lantum credo â balneis  
Iam hîc adfuturum. SA. Vt ordine om-  
nem rem tenet?*

Probè. Ordo enim legitimus, vt cæ-  
na lauationem sequatur.

Ait ibidem Parasitus, aliud nihil  
f s quàm

quàm hesternas reliquias sômnians,  
quippe cuius animus iampridem in  
patinis erat :

SAT. Memini, ut Murena & conger ne ca-  
lescerent.

*Nam nimio melius oppectuntur frigida.*

Atque hinc liquidò nimium fuerit  
intelligere illud in Milite, alioqui ob-  
scurissimum :

*Pernam nihil moror,*

*Aufer illam offam penitam, probus hic conger  
frigidus.*

Cuius me hercule loci cum hoc ipso  
conlatio, incredibile est memoratu,  
quantum ad eorū quæ præcessêre in-  
telligentiam cōducatur, illius præsertim :

SAT. Pernam quidem

*Ius est apponi frigidam postridie.*

Unde & Martialis meus :

*Cœnisq; tribus iam perna superstes.*

Quod eò in rem suam multò aptissi-  
mè retorquet Parasitus, inanis, fame-  
licus, & cuius profundo, hoc est, ventri  
gulæque inexplebili, ne vallatæ, vel  
miluinæ dicam potius, in solo rumine  
saburrando deditæ, pro spisso proce-  
dere omnia, nihilque satis festinari vi-  
debatur. Nam quum eidem spem spe-  
ratam



ratam quidem, sed spissam nimium, de reliquiis calefaciundis lepidè fecisset Toxilus, hac pollicitatione:

TO. At edes. nam iam intus ventris fumant focula.

*Calefieri inſi reliquias.*

ille Esurio, haud Saturio adueniens, omniſque longioris moræ impatiens: Ego verò, (inquit) calefactas iſtas reliquias non moror, quin maturè potius iam ex hoc loco ad turbucinandum quantum poteſt calceatis dentibus accincti; pridianæ pernae appoſitu, dum manè eſt, prælium committere approperamus. quippe cuius feſtiuæ oppidò reliquiæ, frigida, quàm recoctæ iucundius eant in ventrem. idcoque eam (Pernam dico) heri in poſterum porrò diem ſeruata, in rem ventris mei ſanè conducibile fuit. Cui conſentaneum conſilium iſtud ſuper Murena & Congro, quod ſequitur, citatum à nobis modò.

Illud verò ex perſonâ eiſdem Paraſiti prolatū: SA. *Sapis multum ad Genium.* prò me Arnobius interpretaturus tibi lib. IV. aduerſus Gentes: ubi huiusce-modi

modi virtutum proprietates Genio peculiariter speciatimque assignatas inuenias: Et quid (quæso) ut faciat, Præsdatum focorum Deus iste sortitus est? Per humani generis coquinas currit, inspiciens & explorans quibusnam lignorum generibus suis ardor in foculis excitetur: habitudinem fictilibus contribuit vasculis, ne flammæ dissiliant vi victa; curat ut ad sensum palati suis cum incunditatibus veniant rerum incorruptarum saporibus, & an ritè pulmenta condita sint Prægnstatoris fungitur atque experitur officio, &c. Quod quidem postremum ad Plautina hæc illustranda vniter atque vnice facit.

Definit ibidem Saturio, cuiusmodi esse condeceat hominem parasitum, aïens: Cynicum esse egentem oportet parasitum probè. Ità cum Turnebo Lambinus, at in Camerarij editione est, Cynicam esse gentem, &c. Vnde mihi in mentem venit, fortasse Plautum scripsisse:

Cynicâ esse è gente oportet Parasitum probè. sensu pleno, atque adeò eleganti.

Sequitur deinceps:

Ampullam, strigilem, scaphium, saccos, palliũ, Marsupium habeat, inibi paulum præsidiij

Quæ familiarem suam vitam oblectet modò.

id est,

id est, parcè ac duriter sustentet;

*Victu parabili atque inempto scilicet,*

*Quoties domi illi victitandum de suo.*

Sic Asinaria:

*Sordido vitam oblectabas pane, &c.*

Quamobrem verò in Parasiticæ suppellectilis apparatu, familiam & quasi pompam ducant, *Ampullâ, & Strigilis*; explicat nobis vnicus pol sæculi nostri Phœnix, Iosephus Scaliger, magni illius Herois filius, in Coniectaneis. Vide præterea Aduersaria industriossimi Turnebi. Atque hoc illud est, quod in Sticho quoque friuolorum suorum Auctionem, se quidē dignissimam, simul Præconis compendium facturum Gelasimus, in cætero rei Parasiticæ instrumento recensendo, subdit denique:

*Rubiginosam strigilem, ampullam rubidam,*

*Parasitum inanem, quò, (id est, in quem)*

*recondas reliquias.*

Ait eâdem Persæ Scenâ, à Toxilo de filiâ suâ vendundâ persuasus Saturio:

*Iam faxo hîc aderunt. (ornamenta scilicet) sed ego horum nihil scio.*

Hoc est, Ex re & meâ & tuâ fueris  
maximè

maximè; atque huic sycophantiæ nostræ vel inprimis conducit, vt ità me assimulem, quasi sim peregrinus; quasiq; horum, quæ præmonstrasti mihi, nihil quicquam sciam. Ita rem omnem accipiendam paret ex responso Toxili, cui perperàm Interrogationis notam adstruunt tam Lambini, quàm Camerarij Editiones. Etenim cum puncto scribundum, hoc modo:

Tox. Nihil hercle verò.

vt sit Parasitici consilij succidanea quasi approbatio.

A D P E R S A M.

C A P V T I X.

*In Plautina quadam loca diuinationes mera; quæ ad verba, quæ ad sententias; præter mentem Interpretum. Peculiabo, Peculium, in obscænis intellectibus. Aliquî ablatiuus. Inebra. Decet, cum dandi casu sociatum.*

S C E N A. Satin' hæc tibi sunt plana, &c.  
Pægnium puerum Tabellis mandatisque à Toxilo ad Lemniscelenam,  
amores

amores eius, missus : post aliquantam verborum cōmutationem ( sicuti hoc hominum genus consuevit ) dimitti sese postulans, ait tandem :

PÆ. Tum igitur sine me ire.

cui respondet Toxilus :

TOX. Et iubeo, & sino.

\* Seditâ volo te curare, ut domi sis, cum ego  
te esse illi censeam.

\* Sic Amphit. Iam  
hîc ero,  
quàm  
illic cen-  
sebis esse  
me.

Septuosâ sanè edictione innuere volens, properato opus esse; ideoque cum velle se in mandatis accurandis atque exsequendis eo vti studio ac celeritate, ut citius confectum sit negotium, quàm inchoatum esse, cuiquam ad cō mortalium credibile videatur : utque rex sententiâ patratâ redux compareat prius, quàm à Lemnifelenâ remissus atque absolutus censebitur Toxilo. Quod quidem iocosum ac lepidum nimis contubernalis sui mandatum in serium conuortens, atque aliorum interpretans Pægnium, assimulat subdole domum rursus vorforiam capere decretum sibi; neque quò iussus erat, quòque intenderat antea, velle iam ulterius proficisci; proinde sic quasi edixisset

edixisset Toxilus : Vsq̃ue domi meæ mantes  
 volo, vt apud nos sis, quum te apud Lemnisele-  
 nam esse, ibiq̃ mandatis rebus præuerti, seduloq̃  
 imperium nostram exsequi, falsò ac nequic-  
 quam arbitror. Igitur subiungit sta-  
 tim, velut dicto eiusdem obediens,  
 scelus ille pueri: PÆ. Faciam.

Cuius subitæ adeò atq; inopinæ vor-  
 foriæ, malæque ac præposteræ mori-  
 generationis causam demiratus Toxilus,  
 quæritare pertendit porrò: Quò ergo is  
 nunc? molestè videlicet ferens, sic con-  
 teintim imperium suum negligi, præ-  
 fertim à puero; seriasque amationes  
 suas bouinatori illi bilingui curæ non  
 esse. Scio hæc longè aliter à Lam-  
 bino enarrari. Sed nobis Atilianum  
 illud stat sequi: *Suam cuique sponsam, mihi  
 meam.*

Eâdem eundem Pægnium com-  
 pellans Toxilus, doctissimi que pueri  
 malitiam seruiliter collaudans, stimu-  
 lare pergit porrò hac pollicitatione:

TO. Scelus tu pueri es, atque ob istam rem  
 ego aliquid te peculiabo.

id est, vti vult Lambinus, aliquo te pecu-  
 niâ donabo, atque ornabo. parum (vt mihi  
 quidem

quidem videtur) ornatè, neque ex sententiâ impurissimi serui, qui in vocis eius ἀμφιβολία lusitans, hoc opinor dicere voluit: Pro culcitellâ te vtar, habeoque, proinde vt dignus es; Peculiôque, quod nosti, Nuculam, an Confixum te faciam. Peculium enim, inter Romana nequitiae vocabula vsurpatum antiquitus, Testimonio est illud è Carmine Libero: Pulchrè pensilibus peculiat. vbi de vasatis probè ac mutoniatis est sermo. Alterum item è Satyrico Massiliensi;

*Prolatoq; peculio cæpit rogare stuprum.*

Sed planius Plautus ipse in Pseudolo suâ:

*Mea hac habeo omnia, meo peculio emta.*

Ps. Nempe quod femina summa sustinet.

Cæterùm videtur emendandum: Aliquî te peculiabo, prò Aliquid. Aliquî, id est, aliquô, auferendi casu, seu aliquâ re potius. Sic loquutus & Truculentus ex personâ amatoris Rustici, delicias in amicâ vrbânâ faciuntis huiusmodi:

*Quanquã ego tibi videor stultus, gaudere aliquî me volo.*

[aliquî gaudeo.

*Nequicquam es tella, malo tu) nisi simitu ego*

id est, aliquo modo, seu aliquâ re.

Quæ postrema tamen copulatiuâ particulâ defecta, simul interpuncti vitio laborantia, huiusmodi curationis indigere censuerim :

*Nequicquam es bella, & malo tuo, nisi similitudo  
ego aliqui gaudeam.*

Eâdem Scenâ versus ille Pægnij, in Sophoclidiscam fortuitò obuiam incidentis personæ tributus, vacillat in fine :

*PÆ. Commorandum est mihi apud hanc.*

Cui lacunæ explementum tamen reperisse me gaudeo in Editione Lambini, addito substantiuo ; *Obicem* dico, id est, Remeliginem, quæque instar obicis est mihi, remoramq; adeò incommodè obiectat nobis. Sed enim quum nulla additamenti eius ratio in Scholiis Lambinianis cõpareat, quid graue, si locum de mendo aliquantò habeam suspectiorem ? inde, opinor, nato, quòd (vti aliàs compluries demonstratum) ignoratione antiquitatis, an sciorum audaciâ, pro ingenij sui captu passim cõmutantium scripturas, glossæma forte in contextum irrepserit.

*Quod*



Quod si libros auctores haberem, maiorque esset elementorum similitudo, haud illibenter hercule sim repositurus: *Apud hanc inebram.* Hoc enim haud paulò inuidiosius, quàm obicē, tametsi idem propemodum significans. Et verò quis nescit *eas aues, Inebras, voritari solitas, quæ in auguriis aliquid fieri prohiberent.* Atque adeò, quùm recogito, prorsus omnia *Inebra appellata, quæ vel tardant, vel agentem aliquo modo remorantur.* Auctor Festus.

Observato ibidem, *Decet, cum Datio posito istoc versu:*

*Fateor ego profecto me esse, ut decet Lenonis familie.*

id est, ut Lenonis familiā, vel eā quæ in eiusmodi domo, tanquam in lutulento cœno, versetur, an volutetur potius, condignum esse deputo. Sic sæpe alibi, & in Amphitruone:

*Capiam ornatum, qui potis decet.*

Sequitur paulò postea:

*Nibili facio scire, valeas.*

SO. Asta. PÆ: At propero.

Mihi verò concinnius fore videtur, ut diuissim rescribatur. SO. At Stas; magisque adde Pægnij responso con-

veniens, idem per deridiculum (vti solet) imitantis, & par pari respondentis: nimis quàm oppidò festiuit. Nec multò infrà quum dixisset Sophoclidisca:

*Tu quidem haud etiam es octoginta pondo.*  
 ætatulæ eius teneritudinē certis ponderibus ac librarum numero circumscribens, subiicit statim delitiæ ille Pueri:

PÆ. *At confidentiâ*

*Illâ militia militatur multò magis, quàm pondere.*

Militiam Veneris intelligi volens. Atque hoc est, quod de se etiam Magister Amoris ille in Eroticis haud indifertè profitetur:

*Pondere, non vernis corpora nostra carent.*

CAPV T X.

*Festiuus iocus Pagnij explicatus. Bonæ,  
malæ res. Loco Persæ, qui in morbo  
cubitauit hactenus, curatio adhibita.  
Duûm exemplorum Propertij cum  
Plautinis contentio. totidem Iuena-  
lis. Nouus mos, post manumissionem;  
Diis supplicandi, in Scenam prolatus.  
Aliâ quadam moneta non protrita.*

**N**ON committam, vt meâ negli-  
gentiâ festiuum illud atq; vnum  
de dictis melioribus Pægnij, quo tacitè  
Sophoclidiscæ impudicitiam sugillat  
delicatus ille pufio, hoc loco præter-  
missum credatur:

PÆ. Atque ego nunc hanc operam perdo.

SO. Quid iam? PÆ. Quia perita prædico:

Perita, id est, sæpe iam viri, imò tauri  
ruentis in Venerem pondus expertæ,  
atque in palæstrâ meretriciâ versatæ,  
omnibusque modis exercitæ. Nam  
pluribus eius ioci sententiam vt ex-  
ponam, mera insipientia est. quum

hoc ipsum in Pænulo satis disertis verbis ipsemet faciat Poëta noster; vbi scribitur:

MIL. *Omnem operam perdis. SI. Quid iam? MIL. Quia doctum doces.*

Quod ne & nobis hoc loco ab Milphione aliquo obiectari possit, ædepol præcauendum est mihi. Quocircà me ab hisce regionibus in tutum melius est recipere, Eleusipolim putà, Arabia urbem, Plenam (si modò Poëtæ est fides) bonarum rerum, atq; antiquum oppidum. Quod quidem ego nihil aliud esse opinor, quàm quod Ennium in Medeâ suâ Athenis Atticis tribuisse perhibet Varro, hoc versu verè Tragico:

*Asla, atq; Athenas antiquū opulentū oppidum  
Contempla.*

Bonas enim res, pro Opulentitate ab antiquis, sicuti è contrà Malas, pro inopiâ ac egestate accepras, extrà omnem controuersiam esse deputo. Exemplum vtriusque habemus in vno Trinummi versu:

*Bonis tuis rebus meas res irrides malas.*

Verùm ad alia properemus, ne ex bonis rebus malas nimîâ nostrâ curiositate

tate faciamus. ad graviora inquit, in quorum numero & hoc quoque quod ponam, aliquam loci partem opinione nostrâ habere meretur :

*Ac suo periculo is emat, qui eam mercabitur, Mancipio neque promittet, neque quisquam dabit.*

Quid enim? mirum nî ad formulam Legis mancipiorum allusit personatus iste Persa Plautinus, in quâ scribebatur:

VADEM NE POSCERET, NEC DABITVR.

Quâ de re consulendus M. Varro lib. VI. de Lingua Latina.

Liceat per causam interruptum Comœdiæ ordinem postliminio aliquando repetere; neque œconomiam à Poëta nostro institutam deserere.

Scenâ: Pensum meum quod datum est, &c. Pægnium ac Sagaristionem interloquutores habet, quos verniliter mutuis inter se conuiciis velitantes inducit Comicus, hoc exemplo :

*Non hercle si os praciderim tibi, metnam morticine.*

SA. Video ego te iam. PÆ. ita sum quid id attinet ad te? At non sum ita ut tu.

*Os præciderim, id est, ori capitiq̃ue illuſerim tuo, Nolanum in morem. Plura non finit pudor. Cætera porrò ſtruiſce haud mediocri de Lambinianæ editionis fideliâ augeri poſſunt, à Camerario (vtri videtur) præpoſterâ nimium, ne dicam ſcrupeâ religione, à reliquo corpore avulſa ac reciſa, ità membris ſuis denuò agglutinanda :*

*SA. Video ego te iam, incubitatus es. PE.*

*Ità ſum quid id attinet ad te ?*

*At non ſum ita, ut tu, gratis.*

Cæterum, *Incubitatus* illud, prò *Stuprato* (id quod vult Lambinus) poſitum, vereor priſcæ ac Romanæ monetæ ut fiet; eò impenſius, quòd antehac nihil vnquam tale legiſſe commeminerim in Veterum ſcriptis. Scin ? quid harioſer ? *Intercutitus*, ſiue etiam *Impudicatus*, non *Incubitatus*, Poëtam noſtrum ſcripſiſſe, cum hacce interpunctiōe :

*Video ego te. nam intercutitus es.*

hoc eſt, inter cutem flagitatus, ac ſectorem paſſus. antiquo loquitandi more, cui fundus & ſubſcriptor locupletiffimus Pompeius noſter, non Magnus, ſed Feſtus.

Habue-

Habueramus paulo antè:

SA. *Scelerate, etiam respicis?*

Vnde perspicuè palam rectè in Petronio, quod & suprà attigimus, pro-  
cusum: *Scelerate etiam loqueris?*

Ait ibidem Pægnium, malam rem,  
hoc est, plagas à Sagaristione metuens  
sibi, stomachosis verberonis illius mi-  
naciis verniliter in pauorem datus:

PÆ. *Abigis facile,*

*Nam umbra mea iam intus vapulat.*

Sic Propertius & ipse Vmber, hoc est,  
lepidissimus Poëtæ nostri popularis:

*Non ego, sed tenuis vapulat umbra mea.*

Quanquam hoc ipsum, ad mono-  
grammam illam, vereque umbraticam  
amantium speciem, potissimum refe-  
rundum res ipsa clamitat.

Scenâ: *Quæ res bene vortant,* &c.

vbi Parasiti filia sermonem cum Pa-  
tre, pòl haud parasiticum, nec merce-  
triciū serens inducitur:

*Vbi captum est flagrum*

*Dum tunicas ponit, quantâ afficiunt miseriâ?*

Sic & Iuuenalis eâdem in re:

*Periit libraria, ponunt*

*Cosmetæ tunicas.*

Denique contrerraneus ille huius nostri, productus à nobis modò:

*Quas pastor viderat olim*

*Idæis tunicam ponere verticibus.*

Sub finem Scenæ, cui initium :

*Curate istuc intus, &c.*

inquit Toxilus de amicâ Lemnifelenâ, quam recenter ab Lenone pretio redemptam suo, priuamque ac suam fecerat impetrabilissimus conciliator:

*T O. Supplicatum cras eat.*

Vnde colligere est, morem antiquitus fuisse, vt serui pileo donati, siue etiam ancillæ post manumissionem supplicatum Diis irent, quorum virtuti ac benignitati potissimum libertatem acceptam referrent suam. magno religionis ac pietatis argumento.

Scenâ: *Cui homini Diî propitij sunt.*

Subiungit mox Dordalus Leno, de eâdem Lemnifelenâ Toxilo venundatâ lepidè pòl solus secum argutias faciens sibi :

*Sum lepidus ciuis, qui Atticam ciuitatem*

*Maximam maiorem feci, atque auxi ciui  
fæminâ.*

Ad cuius imitationem lusisse etiam  
Satyricus



Satyricus Aquinas videri potest, de  
Vmbritio suo scribens:

*Laudo tamen, sedē vacuis quod figere Cumis  
Destinet, atque unum cinem donare Sibylla.*

A D P E R S A M.

C A P V T X I.

Cadere, *lasciuio* intellectu à Plauto  
*vsurpatum*. In eam rem Seneca, tum  
Tibulli testimonia adducta, contrā  
*praiudicatam* viri doctissimi opinio-  
nem. Consici nostri dictum cum Te-  
rentij compositum. Persā, duorum  
locorum correctio.

S C E N A.     Satin' Athena tibi visa, &c.  
Inducitur tandem Leno, quasi vir-  
ginem consolans, quam à simulato ho-  
spite pro captiua & seruā (quippe cui  
iam antea à Toxilo persuasum fuerat  
eam ex Arabiā peritissimā furtiuam  
aduectam) quæsti sui causā concilia-  
recogitabat, his vtens verbis:

D O. Ne plora, libera eris actutum, si cre-  
bro cades.

id est,

219 c

615 616

id est, siquidem inclinari te crebrò, ac muliebris patientiæ legem accipere sustinueris; ad tauri ruentis in Venerem pondus tolerandum scilicet. Dicto docto, & cuius lepore ne nostrum quidem Idiotismum, quo in Belgis utimur hodie, expertem esse, indicio est Iocus ille παρρησιώδης, ex hocce Plautino (vtri videtur) originem trahens, quo Veneres istiusmodi, quas haud difficulter sui copiam amatoribus facere, volumus significare; *Curto calci insistere* cauillantes, lepidâ sanè vernaculæ vocis compositione, *hoztghehielt* perhibere consueuimus; quasi tu dicas *Brenicalces*. Quò enim calcaneum breuius homini, eò ad supplantandum habilior atque ad resupinandum accommodatior videri solet. Easdem etiam ab eâdem causâ *Comitiales* esse, hoc est, casabundas, siue ad casum procliues, imò recliues in tergum potius; rursus, haud prorsus dico; ac morbo (quem Caducum vocant) obnoxias, haud insulsè argutamur. Scio de hoc Plauti loco in diuersâ sententiâ esse alterum seculi nostri Persium; eiq; persuaderi

suaderi non posse, *Cadendi* verbum, Latinos sic abufos. Sed verò nobiscum facit exemplum verus, quod à Senecâ Patre 11. Controuers, citatur in hæc verba:

*Othonem Iunium patrem memini colorem insulsum inducere, quod minus ferendum est, quòd libros Colorum edidit. Fortasse, inquit, pœna se præparauit, & ex quo peccare cœpit, cadere condidicit. De incestâ saxo deiectâ, & quum incolumis euasisset, repetitâ ad pœnam.*

Adde supradictis, quod non leuius valeat, Tibullianum istud ex personâ Sulpitiæ Cherintho, amasio suo, obiectum: [de me,

*Gratum est, securus multum quod iam mihi permittis, subito ne malè inepta cadam.*

Scenâ. Probatî hîc argenti. Sagaristio personatus ille Virginisvendonides Lenonem, qui de summâ, quam pro emptâ (vt putabat) Arabicâ virgine debebat, binos sibi nummos detraxerat, quo crumenam compendi faceret scilicet, hoc meritissimo hercle conuicio ac condignis Lenone cognomentis incessens inducitur:

SA. Ne non sat effès Leno, id metuebas miser,  
Impitve, auare, ne crumenam amitteres.

Tale est Terentianum illud :

Eia ne parum leno fies.

Vide Asconium I I I. in Verrem.

Ait eidem Dordalus :

DO. Heu hercle nomen multis modis scriptum est tuum.

Sed puto corrigendum, Multimodis ex Lucretio : apud quem Multimodis, item Omnimodis habes non semel. quâ de re consule in Poëtam illum Commentarios Lambini; postremò, Gifanij nostri indicem, cognomento Lucretianum ?

Nescio quàm alios malè habeat versus ille Toxili :

Vnde ego omnes hilares, ludentes, latificantes faciam ut fient.

Me certè bene habiturus est nunquam, nisi prius Ludentes istos, pro infrequente militiâ domum missos videro; &, Lubentes, sub signa denuò reuocatos : atque id iure postliminijs quo fretus iisce porrò aduocatus venire cupio; eosque haud difficulter Ius suum obtenturos confido, vti iusti & legitimi subditiis istis, ac præ se Ludio-

rum potius; quàm armatorum militum  
 nomen ferentibus anteponantur. Sic  
 enim meritum est ipsorum. Nam caus-  
 sam pro illis quid attinet dicere? quum  
 in confesso sit omnibus, quotquot in  
 veterum scriptis haud otiosè aliquan-  
 do versati, *Latificantes, Latos, Lubentes, Lu-  
 bentiam ac Læniam* denique, inter se sic  
 quasi affines esse, ægerrimeque distra-  
 ctionem aut dissidium pati. non ut Lu-  
 dentes hi, quibus vix vnquam quic-  
 quam cum *Lubentiâ* seriæ rei fuisse, seriò  
 me hercule ac quouis pignore contem-  
 dere sum paratus. Verumtamen lu-  
 dum incidam melius est, ne quos re-  
 prehendo æmulari velle videar; ludos-  
 que ipse lectoribus meis facere.

A.D.

*De discumbendi ordine aliquid dictum.*

*In Virgilianarum Mensarum expositione à Turnebo dissensum. Lambini hallucinatio. Duùm Plauti locorum inter se contentio.*

**S**CENA ante vltimam, seruilis conuiuij descriptionem continet, cuius exhibitor ob rem bene atque ex sententiâ gestam Toxilus. qui postquam Lectulos ex more primùm adstitui imperasset, collegæ suo Sagaristioni de digniore loco vernaliter decedens iubet porrò eum in summo accumbere, vt ferentarium amicum æquum erat: quem honorem tamen alter ille modestè abnuens: Ego vero, inquit, non moror, *virumne summum an infimum lectum premam.* Vnde manifesto dilucet, summi lecti ordinem in discubitu honoratiorem habitum antiquitus, quoties non nisi biclinium stratum erat. cuiusmodi Seruile hocce conuiuium fuisse euidentiſſima

dentissima est suspicio. His patratis  
reliquum erat, ut mensa ante utrunq;  
lectum collocaretur, id quod mox de-  
inceps fieri imperat Toxilus, pueris  
ritè adstantibus præcipiens:

*Date aquam manibus, apponite mensam.*

Quò item pertinet locus Asinariae:

AR. Agedum decumbamus sis pater. DE.

*ut infferis*

*Mignate, ita fiet.* AR: Pueri mienfam  
apponite.

Quæ eadem post cibum sumptum  
rursus remouebatur. argumento est  
Maronianum illud:

*Postquam epulis exempta fames, mensaq; re-  
mota.*

Neque verò audiendi illi, qui falsæ  
Turnebicæ opinioni acceptores, Mensas  
apud Vergilium, pro Ferculis, magi-  
disque ac lancibus, quas saturis conui-  
uis (quemadmodum & hodie fieri vi-  
demus) auferri ac sustolli mos erat, in-  
terpretantur. Nam & Ovidius Virgi-  
lio disertè in Heroïdibus succêtans ait:

*Mensaq; purpureos deserit alta thoros.*

Item Amorib.

*Iamq; frequens ierat mensa conuiuia remota.*

h.

denique

deniq; quotúsnam Poëtarum sollemnitatis istius expers? Pergit deinceps Amoris suis facietum, comem, blandumque ac benedicum facere se Toxilus, vini eidem Magisterium deferens huiusmodi oratione:

*Do hanc tibi florentem florenti: tu hinc eris Dicitrix nobis.*

Errat verò in loci huius explanatione Lambinus. De Carolla enim floreâ (iuxta illud Poëtæ supradicti:

*Huic detur capiti missa corona tuo)*  
non autem de Puellâ ætate florêti Sagaristioni oblatâ à Toxilo (id quod ipsi commentum placet) intelligendum.

Scenâ nouissimâ argutû nimis illud:

*Do. Vritur cor mihi.*

*To. Da illi cantharum, exstingue ignem, scilicet cor vritur, caput ne ardeat.*

Ad quod exemplum est etiam illud Mercatoris:

*Ni lacryma oculos defendant, ardeat creda caput.*

Sequitur ibidem infrâ:

*To. Age circumfer mulsam bibere, da usque plenis cantharis.*

Sed videtur Infinitivus Bibere, cum Impera-



Imperatuo sequenti construendus, translatâ porrò interpunctione, hoc modo:

*Age circumfer mulsum, bibere da usque, &c. pro, Bibendum da.* Nisi si quis potius, *Puere àvri & Bibere*, emendandum existimet. Ad Pægnium enim cyathifantem directus est sermo, quem vinum sibi & conuiuis suis de pleno usque promere iubet Toxilus.

Mox verò, ubi Leno Dordalus Toxilo ceterisq̃ue conuiuis imprecatur:

*Dij faciant ut id bibatis, quod vos nunquam transeat.*

Scito non vinum, sed venenum intelligi, manifestâ verborum circuitione ab effectu quæsitâ.

Hæc tam verisimilia esse opinor, quàm nos hæc scribere; sic tamen, ut si quis melius aliud, vel probabilius quod arcessat habuerit, facilè ad verum conuerti me sinam.

## CAPVT XIII.

Dona, Paces, in rebus diuinis. *Sentientia Plautina cum Menædraâ conspiratio. Pollucta pago. Polluctus virgis. Vrna literata. Tegillum, vel Tectum, Togæ genus. Rudens declarata multoties, correctâ semel.*

**Q**UIGVNQVE primitus in animum suum induxerunt, verum illorum fidem forcillare, qui in Rudentis Prologo leguntur:

*Atque hoc scelesti in animum inducunt suum,*

*Iouem se placare posse donis hostiis,*

*Et operam & sumtum perdunt, &c.*

ij mihi prorsus & operam & sumtum perdidisse videntur; dignissimi hercule, qui Nauiculatorum nostratium rudētes potius, quàm Plautinam Rudentem explicarent. Quid enim iis ineptius, quæ hoc genus hominum cōsomniauerunt? de *Duanis hostiis* loquor, de *Hecatombis*, & ceteris huius ordinis, & quod haud ita pridem veluti corollarium.

larium omnibus his insuper accessit, *Omnibus*. quo an aliud quidpiam somniciosum magis excogitari potuerit, haud sanè scio: nisi (vt meus est animus) fieri non posse arbitror. Quasi verò difficile fuerit diuinare, Coniunctionē illam copulatiuam (hinc enim prima mali labes) elegantiae, vel energiae potius, quàm vllius necessitudinis causā, per pòl sèpiculè à veteribus neglectam & prætermittam fuisse. Exemplis nihil opus. sunt enim in promptu, & quidem haud longulè ab hoc loco, verbi gratiā:

*Pl. Meā mne ille amicam leno vi, violentiā,  
De arā deripere Veneris voluit?*

Tum illud Mostellariae:

*Piscatu probo, electili.*

Item tertium è Captiuis Tyndari:

*Neque med' vnquam desernisse te neque fatis,*

*Rebus in dubiis, egenis.*

Et vno verbo vt dicam, efferta sunt huiusmodi scitamentis veterum Latinorum fercula. Cæterum scio, quid prætereā hosce potissimum coniectores offenderit; nempe *Donis*, quòd vo-

cabulum istud sacris convenire non putarunt. Quid mirum? neque enim illud Marcelli credo legerant: Dona consuetudine hæc habentur, quæ aut propitiandis Diis dantur, aut hominibus pro beneficiis redduntur. multo minus Isidori illa: Dona proprie Dei dicuntur, Munera hominum. Nam Munera dicuntur obsequia quæ pauperes diuitibus loco munerum solvunt. Ita minus homini datur, Donum Deo. Vnde etiam in templis Donaria dicimus. Et mox: Duo autem sunt quæ Diis offeruntur; Donum & sacrificium. Donum dicitur quicquid argento auroq; aut qualibet aliâ specie efficitur (f. effingitur) Sacrificium verò est victima, & quæcumque cremantur in arâ, seu ponuntur, &c. Potin' planius, hæc præsertim Tullianâ Auctoritate comprobatum I r. de Legibus? Impius ne audeto placare donis iram Deorum. Sed valeant per me illi. Ad Arcturum Plautinum conuertamur: cuius sententia de istis Menandri verbis haud dubitanter expressa:

Εἰ πὲρ θυσίαν προσφέρων, ὦ πάμφιλε,  
 Τεύρων τί πολῆτος. ἢ ἐρίφων, ἢ νῆ Δία,  
 ἰτέρων τί ἔτιον, ἢ κρατερὸν δάσμα  
 χερσῶν παήσας χλαμύδας ἢ βί πορφύρας,  
 ἢ δὲ ἐλεφαντες, ἢ σμαράγδ' ἢ ζάδια,

δίδωμι

ὄντων νομίζει τ' ἰὸν καθεστάναι,  
 πτωλάνητ' ἐκείνος· ἔφρενας κέφας ἔχει  
 Δεῖ γὰρ τ' ἄνδρα γρησίμω πρυκεῖναι, &c.  
 Pergit ibidem de se prædicare ὡς λο-  
 γίζομαι iste Arcturus:

Namq; Arcturus signum omnium sunt acer-  
 rimum,

Vehemens sum exoriens, cum occido, vehe-  
 mentior.

Nihil verius. Atque huic Horatia-  
 num istud ad stipulari videmus,

Nec sanus Arcturi cadentis.

Impetus, aut orientis Hædi.

Scenam ultimam Actûs primi ità  
 exorditur Sacerdos Veneris,

Qui sunt qui à patronâ preces meâ experissunt?

Sequutus sum Ioachimicæ Editio-  
 nis tum auctoritatem, tum fidem; non  
 quod campse omninò pro merâ ac  
 Plautinâ agnoscam; sed verò vt, Lam-  
 binianæ coniecturæ cum hacce Ca-  
 merarij conlatione inuicem factâ di-  
 spiciat porrò ac diiudicet haud infei-  
 tus lector, vtra alteri antistat scilicet.  
 Mihi quidem Lambini haud paullò  
 sanè antiquior, hoc est, integrior vide-  
 tur. Sic enim ille;

*Qui sunt qui à patronâ paces meâ expetissunt?*

Doctè (animo meo) & probè. Paces enim solemnes in rebus diuinis, proveniâ & gratiâ quàm à Diis immortalibus expetimus, accipi quis nescit? Sic certè Lucretius:

*Non Divûm numẽ votis adit, & prece qua fit*

*Ventorum pavidus paces animasq; secundas?*

Denique trecentis in locis Plautus;

*Quæ nimis hîc longum dinumerare foret.*

Cæterum de torâ hac re Succidanea ad Horatiû nostra, qui volêt adeunto.

Actûs I I; Scenâ I I I. vbi Trachalionis sermoni, quoniam ille quidnam ageret interrogasset, subiicit Ampelisca:

*Ætatem hand mala malè.*

Malam, malim potius, ut pro Iuventæ flore accipiatur; quæ Bona ætatis circuitione definita antiquitus. ut contrâ Senectus, Mala. Sic idem Aululariâ:

*Atque ut te dignam mala malam ætatem exigas.*

atque alibi plus millies. Sed plures in re tritissimâ logos consumere, segnities sit mera.

Actûs eiusdem Scenâ I V. Ampelisca Sceparnionem servum paullo familiaris

miliarius se attrectantem, manibus  
aspellens ac reiiciens à sese, hac insu-  
per castigatione leniter refrenatum  
dimittit:

A M. Non ego sum pollucta pago. potin' ut  
me abstineas manum?

Ad quem locum iugis ille quantum  
est scientiarum thesaurus, Turnebus  
noster, *Polluctam pago*, interpretatur,  
*communem atque expositam pago*, ut (inquit) in  
*pollucto* Herculis omnia exponebantur obuiis. Ea  
verò explicatio quùm paullò durius-  
cula Lipsio nostro videretur, placuit  
duabus literis mutantibus legi:

Non ego sum polluta. apage. potin' &c.

Quomodo idem in re simili:

*Para sum. compare amabo me attrectare*  
*Agorastocles.*

Mihi verò aqua hîc hæret; atque cò  
magis, quod animaduorterim Plau-  
tum si rempse loquendi figurâ vsum  
Curculione; quo loco, *Polluctus virgis*, id  
est, vimeâ virgarum strue cumulatissi-  
mè; ne dicam, *Pollucibiliter* MACTVS,  
seruili conuicio audit Palinurus Phæ-  
dromi. Briardus tamen in Plautinâ  
lectione ædepol neque segniter, neque

somniculosè versatus, Polluta pago, ma-  
uolt. vt idem sit sensus; tum longè ma-  
ior vis & venustas; acerbiusque homi-  
nem seruum, quamuis vrbantum, sic  
quasi Corydona aliquem; vel Stratila-  
cè, pudendo rusticitatis probro asper-  
sum fugillet Ampelisca.

Scenâ sequente cum sacrâ urnâ Ve-  
neriâ, modò quâ ab Ampelisca acce-  
perat, solus destitutus Sceparnio hæc  
secû disputat, animi pendens anxius:

*Nempe optimo me iure in vinculis emicet,*

*Magistratus, si quis me hanc habere viderit:*

*Nam hæc literata est, ab se cantat: cuius sit.*

Literata, id est, literas inscriptas gerens,  
vel potius Veneris imagine insignita,  
vnde sacrificiis inservire significetur.  
id quod in omnibus Sacrorum vasis  
obseruari solitum, ad Pliniû ex Athe-  
næo notat Hermolaus Barbarus. Apu-  
leius quoque lib. v i. *Lacinias auro lre-*  
" *ratas fingit Psyche in Iunonis fano vidisse. Vi-*  
" *det, inquit, dona; (id est donaria) speciosa,*  
" *& lacinias auro literatas, (hoc est, literis au-*  
" *reis inscriptas) ramis arborum postibusq; sus-*  
" *fixas, quæ cum gratiâ facti nomen Dea, cui sue-*  
" *rant dicata, testabantur.*

Scenâ



Scenâ vltimâ Actûs. secundi, Scenarionē suppliciter obtestatus Charmides (Siculum illum dico; qui naufragium vnâ cum Lenone fecerat in mari) vt teſto ſeſe infelicem vuidum reciperet, ſimul veſtimenti aliquid aridi ſuppeditaret; ab miſericorde illo hoſpite huiuſmodi reſponſum refert:

Sc. Tegillum ecce illud mihi vnum aſcitur, id ſi vis dabo.

Ad quem locum reſpiciens Feſtus, ita narrat:

Tegillum, cuculliuſculum ex ſcirpo factum.  
Plautus,

Tegillum mihi aſcit, id ſi vis dabo.

Cui exemplo illuſtrando haud parum conducere videtur Nonianum iſtuc: Toga à tegendo; qua etiam Teſtum dicitur. Titin. Geminâ: Si rus Syrus

Cum ſcorto inſtituit ire, clauus ilico

Abſtrudi inbeo, teſti ne ſit copia;

id eſt, ruſtica toga. Ita enim, meo iudicio, Fragmentum illud Titinnianû in Nonio emaculandum. Cæterum in Plautini Tegilli enodatione, de ſuſte quod cõſomniat Lambinus; fruſtra eſt. neque hoc loco locum aliquẽ habere poteſt.

## CAPVT XI.V.

*In Rudente explicandâ, enodandâ,  
nauè, haud ductariè, processum.*

**I**LLVD verò Actûs III. Scenæ I.  
ex singulari Dæmonis personâ pro-  
nunciatum ;

*Concludo in vincla bestiam nequissimam,  
ex Donato interpretandum, ad hocce  
Terentiani Chremetis dictum;*

*Conclusam hîc habeo uxorem sanam.*  
itâ commétante Actus v. Scenâ Phor-  
mionis primâ : *Illaturus, Sanam, bene con-  
clusam prætulit; ut si diceret feram.* Vnde su-  
spicio est, ad Rusticum hocce, non  
Censorium M. Catonis de Canibus  
præceptum per ioculum fortasse Te-  
rentium nostrum respexisse. Exempli  
gratiâ: *Canes interdum clausos esse oportet, ut  
noctis acriores & vigilantiores sint.* Quæ su-  
spicio eò etiam validior, quòd maio-  
rem partem Mulieres Scenicæ, præ-  
sertim dotatae, Oblatratrices, ferè audiant  
in Comædiis; Eumque qui Hecubam  
istiusmodi coniugio dignatam intrâ  
præsepes

præsepes semel receperit suas, dies atque noctes ætatem cum cane, sic quasi Venatorem, exigere; haud festiuè minus quàm verè passim cauillentur tum Græci, tum Latini Dramatum compositores.

Eiusdem Actûs Scenam tertiam ab istâcce muliebri querimoniâ, seu quiritatione potius, desolata auspicatur Palestra:

PA. Nunc id est, quum omnium copiarum atque opum,

Auxiliij, præsidij, \* viduitas nos tenet. \* forte viduitas

Haud absimile huic principium Scenæ tertiæ Actûs III. in Captiuis ex personâ Pseudophilocratis Tyndari: legendum.

Nunc illud est, quum me fuisse, quàm esse nimio mauelim.

& cetera quæ deinceps sequuntur.

Habes ibidem sub finem, Trachalionis apud patronam Venerem pro Palestrâ & Ampeliscâ, haud ingratâ verborum Latinorû simplicitate conceptam Deprecationem: in quâ illud examussum festiuissimum:

Te ex conchâ natam auimant, cane tu harum conchas spernuis.

Ad quem

Ad quem locū scita Iuppiter, & nimis  
venusta illa à Lipsio meo obseruatio;  
*Conchas, inter verba nequitiæ vsitatas antiquitus.*

Neque id tamen (vti ego suspicor)  
propter id Concharum genus, quæ à  
Conchigenâ illâ almâ Æneadum ge-  
netrice, *Veneriarum* nomen sortitæ (qua-  
rum mētio est apud Senecam) sed ve-  
rò ob alterum illud potius, quod à mu-  
liebris sulci, hoc est, à matrum virgi-  
numq; naturæ similitudine, *Virginaliū &  
Spuriorum* titulo venit Apuleio. Quibus  
respondent *Veretilla & Fascina*, eidem ab  
armis virilibus Latinè sic indigitata.  
Nec abhorrens ab hocce tralaticio di-  
cendi genere Idiotismus noster. Ri-  
diculum verò hoc loco Dionysium,  
qui ad cōchas nescio quas puellis mu-  
neri dari solitas votum Trachalionis  
multò lepidissimum, nec lepidè, nec  
tempestiuè accommodet; ex discipli-  
nâ exempli illius Ouidiani:

*Munera fert illi conchas, teretesq; lapillos.*

Vbi *Conchas*, baccas concheas, siue  
margarita; *Teretes lapillos* autem, Cylin-  
dros, siue Elenchos interpretor. Et  
hoc puta Vatem dixisse.

Scenâ

Scenâ proximâ, vbi Volcani violentiam Dæmoni minitatur Leno:

LA. Ibo hercle aliquo quaritatum ignē. DÆ.

Quid tum quum inueneris?

LA. Ignē magnum hīc faciam. DÆ. Quin  
ut tu manum exiras tibi?

Quid sibi velit, non hercle satis intellego: nisi fortè alludit ad illud, quod & nos hodie patrio sermone quempiam ab incæpto, quod cum periculo coniunctum fiet, reprehendere ac retrahere conantes, per Prouerbij speciem vsitamur;

**Siet toe / dat ghy uw' handt niet en  
brandt.**

Quod ne & nobis hunc ad locum eueniat, nonnullum periculum est. Quare ad reliqua procedere, melius fuerit & consultius, quæ quidem Douſæ ex se minus pariant incommodi. Tale est, quod vltimâ Actus eiusdem Scenâ comparet huiusmodi:

Post huc redito, atque agitato hīc custodiam.

Sic Agitare vigilias, est alibi; & Excubias agitare, identidem apud Sallustium.

Quid verò docti illius dicti sententiâ doctius?

Tibi

Tibi obligit, quod plurimi exoptant sibi.

LA. Quid id est? CH. Ut id, quod quarant, inueniant sibi.

Nempe & *damnum & malum*; idque pro malefactis meritiſſimo. Et verum me hercules est illud, quod velut ex tripode & lauro Flacci *fatyr dictio*:

*Rarò antecedentem scolestum*

*Deseruit pede poena claudo.*

Penè oblitus neglexerā, quod prius monitū oportuit, Labracis illud Actu III. ad Dæmonem senem: *Iniqua hac patior cum pretio tuo; haud absurdè pro eo sumi posse, quod crebrò aliàs iteratur à Comico, Magno cum malo tuo: quasi dicat minitans, non impunè illi abiturum; & nominatim in Casinā:*

*Malo hercle vestro tam vorſuti viuitis.*

Pretium enim pro Pœnâ à Poëtis identidem poni, nam quis vsque adeo hospes in Latio, qui ignoret? Argumento certè abundè fuerit Horatianum illud: *Aut pretium est mori.* Quemadmodum item è contrâ Pœna pro Præmio à Propertio, felicissimo Hellenismi imitatore, accipitur lib. Eleg. III.

*At postquam fera captiua est reddita pœnâ,*

*Fortem*

*Fortem illum Æmoniis Hectora traxit equis.*

Huc accedit mutua Catulliani Epigrammatis eius conspiratio, quod Ruffo inscriptum legitur:

*Rufe, mihi frustra ac nequicquam cognite amice,*

*Frustra, imo magno cum pretio atq; malo.*

Vbi Malo substantiuè positum accipio, quod pauci animaduertent. Quò item referre possis illud ex eodem Poëtâ tantum non seipsum interpretante:

*Eris: quandoquidem meos amores*

*Cum longa voluisti amare pœnâ.*

Illud autem quod ibidem ex personâ amatoris Pleusidippi antecesserat modò:

*Etiânnē in arâ tunc sedebant mulieres,*

*Cum ad me profectus ire?* Prò, Cum profectus es, ad me ut ires, uti Gallicano Interpreti placet; nescio an satis Latine dictum deputem. Quis enim quamuis in his literis peregrinus dictitare se postulet; Proficiscor ire quopiam. Quocircâ vide an magis credibile sit, scripsisse Sarcinatem nostrum:

*Cum ad me profectus ires?*



Quomodo & à Sallustio scriptum  
videmus: Quò initio profectus intenderat.

Illud quoque, vt in Camerarij, &  
post Camerarium publicatis Editio-  
nibus legitur (haud dicam dolo) non  
placet.

\* Id est,  
pro mu-  
liere Sic,  
Ob Asi-  
nos ar-  
gentum  
ferre,  
Asinar.  
Vide sup.  
pag. 267.

L. A. Quid ego deliqui? P. L. Rogas?  
Quin arrabonem à me accepisti? ob mulie-  
rem, &

Eam hinc abduxisti? L. A. Non anexi. P. L.  
Cur negas.

Et melius Lambiniana: Qui arrabo-  
nem, &c. interrogationis notâ sub finem  
post τὸ Abduxisti; reposicâ. Sed enim  
fortasse scribendû: Quine arrabonem, &c.  
figurâ loquendi Latinis scriptoribus  
quamuis familiari, & (vt aliorum ex-  
empla breuitatis causa præterfluere  
sinamus) Plauto nostro, in Milite:

P. Y. R. Quem ne ego seruavi in Campia  
gurgustidoniis?

Item Mostellar. Quomodo, pessime, potuit?

Qua ne subducta erat tuto in terram antehac?

Iterum in hac ipsâ Comœdia, de Vi-  
dulo ex personâ Gripi:

Quem ne ego excepi in mari?

Bis Catullo denique in vno omnium  
bellissimo.



bellissimo illo hercle simul & grauissimo Poëmate, quod Pelei Thetidisque Nuptiis consecratum. Cuius Auctoritatibus citandis supersedeo. Sunt enim in promptu.

In postremo autem versu, *Abduxisti*, corrigendum censeo, numerorū causā maximè, vna in Senario syllaba ne exuberet scilicet.

# A D R V D E N T E M

## CAPVT XV.

*Parœmia Plautina ad Idiotismum nostrum accommodata. Neptūni templa. Salute horiæ. Plautus apud Nonium emaculatus. Victor, pro Lictore, nouo modo interpretatum. Correctionum tria.*

**A**CTVS quarti Scenæ I. loquitur secum Dæmones de Gripo seruo suo sollicitus, qui *pabularum*, id est piscatum de noctu profectus ad mare, per turbulentam tempestatē & operam & retia ludos prorsus facturus videbatur.

*Vt tempestas est nunc, atque ut noctu fuit,  
In digitis hodie percoquam, quod ceperit.*

Elegans Prouerbialis Sermo, quo significatur, piscatorem inanem, hoc est, sine prædâ sineque squammoso pecudum reuorsurum; ita ut, verisimile sit, nullam eiusce rei causâ sollicitudinem vel molestiâ herili coquo euenturam, ad Volcani violentiam, quod captum fuerit, adponendi; atque in ius vocandi porro captiuos pisces, quod percoquantur scilicet ac permadeant probè. Eampse Parœmiam agnoscit & Idiotismus noster; quâ in re prorsus geminâ uti consueti, volgò perhibemus: *Ick sach het wel aen myn vingheren te braden.*

Scenam proximam Gripus piscator ouans vitulanſque sic exorditur:

*Neptuno has ago meo patrono gratias,  
Qui salsis locis incolit pisculentis,  
Cum me ex suis pulcrè ornatum expedit,  
Templis reducem, plurimâ prædâ onustum,  
Salutis horie, quæ in mari fluctuoso  
Piscatu nouo me uberi composuit.*

Quo loco, primò notandum, verbum  
Incolit, cum auferendi casu sociatum,  
virtute

PLAVT. EXPL. LIB. IV. SOK  
 virtute Præpositionis, quæ significa-  
 tionem (vt scimus) habet in loco: ta-  
 met si vsus sequutis temporibus obti-  
 nuit, vt non *Locis*, sed *Loca incolere* dica-  
 mur. Trecenta eius rei exempla de  
 Plauto & aliis citare possim, nisi vere-  
 rer studiosorum industriâ abuti in iis  
 producendis, quæ pueri etiam decen-  
 nes inuestigare per se nullo negotio  
 possunt. Quare hinc ad Neptuni porrò  
*templa* contemplanda me recipiam me-  
 lius est, quæ eâdem prorsus religione  
 concepta mihi ac nuncupata videntur  
 à Comico, quâ & *Calicæula*, tum *Orci*  
*Acherusia* *templa* à Patre Latinorum Poë-  
 tarum Ennio. Adstruit hisce *Siluestria*  
*tēpla*, Nymphis Nemoralibus ad Æui-  
 ternitatem & memoriam posteritatis  
 consecrata à Lucretio.

SI SCIENS FALLO, TVM ME,  
 SALVA VRBE ARCEQVE,  
 ÆTERNVM COMI TEMPLIS  
 ET IVRE SACRORVM, ex-  
 —Vtuni omni, PLAVTINA arceat à  
 CAVEA TRI  
 LIPSIVS, & nullâ dignatâ parte THEA-  
 MVS Æ furcillis præcipitem eiciant.

Quod superest, non omnibus satis liquidò liquere arbitror, quidnam Gri-  
pus, *Salute horia*, significare se velit. Ego,  
*saluâ atq; incolumi horiâ*, interpretor; quæ-  
que ex sævis tempestatibus facta tecta  
euaferit in tranquillum. Eadem phra-  
sis in Bacchidibus :

*Euenit, ut onans prædâ onustus incederem,*

*Salute nostrâ, atque urbe captâ per dolum.*

Neque ex persei uisceris modici elegantiae  
ouatio illa Menechmi surrepti, quâ  
idem de pallâ uxori clam surreptâ gra-  
tulatur sibi, hoc exemplo :

*Auerti prædam ab hostibus, nostrum saluo  
socium.*

Id est, quem admodum memoraui  
modò, *saluis sociis nostris*. Nam ad *Horia*  
significatû quod attinet, declarat nobis  
Nonius, adducto insuper, quò facilius  
memini, huiusdem loci testimonio;  
ité alterius è Rudēte, ad istam faciem.

*Meâ operâ laboratur & rete & horiâ.*

Quem ipsissimum locum mox ex-  
hibitura nobis Scena huic proxima,  
verbis paullò aliis conceptum. Sic  
enim inibi :

*Meâ operâ, labore, & rete, & horiâ.*

Insignitè

Insignitè bene. Itaque hinc emendetur quantum potest Nonianæ memoriæ vacillatio. idque de Gripi, imò ad-  
cò Poëtæ ipsius sententiâ.

Eâdem Scenâ, vbi Gripus, præter heri opinionem, ex templis illis Neptuniis redux (vti demonstratum modo) plurimâ prædâ onustus domuitionem parans, ac magnas res agitans in mentem instruere, post multas ac magnificas gloriations, inter cetera votorum, huiusmodi etiam consilium proponit sibi:

*Post animi causâ mihi nauem faciam, atque imitabor Stratonicum.*

Stratonicum quem dicat nescio, nisi si fortè nobilem illum Philippi Regis Quæstorem significat, qui apud Magnum quoq; Alexandrum illum honore sanè haud tralatitio fuit; cuius repositi iuges copiarum thesauri Græco etiam Prouerbio occasionem dedere. Auctor Diodorus in vitâ Alexandri, item Ælianus De Variâ historiâ. Mirum verò hoc Lambinum fuisse, qui Plautum suo, hoc est, Comico more in fictitio nomine ludos de-

liciasque factitasse, inscitissimè hario-  
latur.

Scenâ porrò proximâ Trachalio ser-  
uus; post furti narrationem, quam ca-  
ptiosè instituerat, absolutam; hanc  
conditionem Gripo tandem quasi per  
quæstiunculam ferens inducitur:

*Is mihi nihil*

*Etiam respondit. quid? inde æquum est dari  
mihi dimidium?*

Ita enim in contextu suo Lambinus,  
Interrogationis notâ post particulam  
(Quid) adiectâ, quæ in Camerarianâ  
Editione desideratur. Meo quidem  
iudicio, rectè. Ut ut est, concinnior  
haud paulò omnis sententia futura, si  
pro *Quid* rò *Ecquid* (id est, nunquid) re-  
ponatur, hoc pacto:

*Ecquid inde æquum est dari mihi dimidium,  
volo ut dicas.*

Idque adeò ipsius rei argumentum  
postulare videtur. Ibidem:

*Et viore & piscatore te esse impure postulas.*

Hallucinationes Criticorum flagella-  
re non constitui hoc loco, easce denu-  
dare contentus; *Viore*, partim pro  
*Doliario* interpretantium; partim mu-  
tantium

PLAUT. EXPL. LIB. IV. 305  
tantium scripturas. Nec sapientius,  
aut felicius Briardus noster; cui ab  
Agellianâ deriuatione perperam in-  
tellectâ miserrimè os sublitum; ita vt  
ἐπιτὶ Τ, Vietorem, Victorem etiam à se succi-  
daneum subdere haud erubuerit Plau-  
to. Ego certè, τὸ Vietorem, verum ac ger-  
manum puto, & pro Lictore accipiun-  
dum, idem significante. Lictor enim  
ἐκ τῆς Ligando; vt Vietor à Viendo, id est,  
vinciendo, seu conligando: vnde Vini-  
nis etiam appellatio deflexa. Eò dico,  
ne quis Lambino insistat credere, de  
Nonianâ sententiâ in fraudem huma-  
nitus, vt fit, per meram incogitantiam  
deducto.

Scenâ sequente illud perobscurum:  
TR. *Atqui nunc abs te stat, verum hinc ibi  
testimonium.*

At enim Lambinus in scholiis suis  
non Ibi, verum Tibi, visus lectitare. sic-  
uti ex hac eiusdem interpretatione  
promptum est facere coniecturam. Sic  
enim inibi: *Verum ex hoc vidulo, inquit,  
testimonium tibi sumendum & promendum est.*  
Sensu utique commodo; verbis non  
item. Proinde mihi quoque audaculo  
i s fieri



fieri adlubescit, atque *ibi*, siue etiam Tibi; Ibit, vel certè Dabit non ludo, sed seriò facere supposititium.

Eâdem Scenâ dubito, an satis sincerè ex ingenio reposuerim:

*Ibi ego dicā quicquid inerit nominatim: tu mihi*

*Nullus ostenderis. si falsa dicam, frustra dixerò.*

Nullus, prohaudquaquā, neutiquam; antiquè. Nam sanè in nostris exemplaribus, Nullum, editum est. & vanus fortasse coniector ego. Iudicent Antiquarij.

Scenâ porrò eiusdem Actûs antepenultimâ oportunum malæ precationis exemplum habes à Gripo:

*At ego Deos quæso, ut quicquid in illo vidulo est,*

*Si aurum, si argentū est, omne id ut fiat cinis.*

Ex hac notâ quoque fuerit Tibullianum illud, hinc (vti videtur) mutuatum:

*Muneribus meus est caprus puer: at Deus illa*

*In cinerem & liquidas munera vertat aquas.*



PLAUT. EXPL. LIB. IV. 307  
A D R V D E N T E M.

CAPVT XVI.

*Præconij faciundi inter pauperes & opulentos discrimen. Cubitum longis literis signare. Talentum argenti commodum. Aras tangendarius. BRISSONII Elogium.*

**P**ERGAMVS ad Actum sequentem, & Thalassicas Gripi minacias audiamus :

*Cubitum hercle longis literis signabo iam usquequaque :*

*Si quis perdiderit vidulum cum auro atque argento multo ,*

*Ad Gripum ut veniat, non feretis istum ut postulatis.*

Hunc morem Gripo tantum, eiusdemque ordinis generi in usu fuisse suspicari libet. CUI BONO? inquires. Nimio. quo Præconis compedium facerent scilicet, homines plebei ac pauperuli; id quod manifestò videre est ex Parasiticæ illa Gelasimi Auctionis prædicatione in Stichò. Nam opulentiores qui erant, præcones cōducebant è publico

è publico, palamque per eos, si quid  
vellent, prædicari iuebant. qui mos  
in hunc usque diem etiamnum nobis sic  
quasi per manus traditus observatur.

De cubito verò conscribillando mi-  
rum nemini videri debet, quando no-  
stro etiam hoc seculo longis, decuma-  
nis, ac capitalibus literis, haud quidem  
cubitos, sed quod à veteri illo more  
non nimium abludit) libellos indices,  
siue tabulas papyrinas, Basilicarum,  
vel Templorum valuis, pilisque ac  
portis proponendas conscribellamus,  
iisdemque; ceu mutis interpretibus (pro-  
inde ut Gripius iste Plautinus) quid  
fieri velimus, publicitus atque in pro-  
patulo testamur: unde ab omnibus  
quasi de plano legi possint. Porro ne  
quis *Lōgas* istas *litteras* in quæstionem vo-  
care possit, prius dico, *Longas*, prò in *lon-*  
*gum formatis productisque;* accipi oportere.  
Ad quas item *Longam* illam *litteram singula-*  
*rem*, quam ex se facturam sibi Euclio-  
nis Staphyla minatur, referendam opi-  
nor Aululariâ; non ut *litteratorculi* isti  
plusquam diobolares, quibus hoc ad  
vnum omnibus convenisse intelligo,  
ut *Longam*

ut Longam literam in Plauto pro eâ, quam L. hodiè perhibemus, accipiant. dignissimi hercle (me iudice) ob istanc industriam, qui ipsi ex se lōgam vnam literam faciant: quò reapse nimirum experiundo, propriam Longa litera significationem rectius alios edocere valeant in posterum. De Longis literis, & quidem cubitali modo etiam hæc reperiās in Pœnulo:

*Ibi tu videas literatas fictiles epistolæ,*

*Pice signatas: nomina insunt cubitum longis literis.*

Quæ quum ante annos sedecim in Aduersaria mea retulissem iam olim, reperi postea in eâdem mecum sententiâ esse Lambinum.

Actu v. Scenâ i i.

*Talentum argenti commodum,*  
legitur. Quò referenda ea, quæ de Commodis argenti minis à Camerario, Lambino, aliisque Plauti interpretibus suis passim locis animaduersa. Habes sollemnem inibi non à precaturis modò, verum etiam sacramentum dicturis, Arastangendi ritû ob oculos positum in hisce Gripi præiurationibus:

GR. Tange

GR. *Tange aram hanc Veneris.* L A. *Tango.*

GR. *Per Venerem hanc iurandum est tibi.*

Et mox:

GR. *Tene aram hanc.* L A. *Teneo.* GR.

*Deiura te mihi argentum daturum.*

Ex quâ formulâ ab Ouidio in Amoris scriptum; huc nimirû alludente:

*Tange manu mensam, tangunt quo more precantes,*

*Optabis merito quàm mala multa viro.*

Exempla etiam istis plura & meliora fortasse adstruere possim; si quid vel meæ, vel aliorum industriæ reliquum BRISSONIANÆ FORMULÆ fecissent. Quo quidem ego opere (humanitûs dico) nihil statuo edi posse operosius aliud, neq; in PUBLICVM utilius quod fuit; neque doctius, neque gloriosius, vel AUGUSTIVS denique. quid verbis opus est?

*Vnus homo nobis Romanâ restituit REM.*

Sed verò SEMONIS illius laudes adeò breui gyro circumscribere, extremæ temeritatis esse deputo. & DÎ MELIORA, quàm vt ipse tantum confidentiæ mihi aut arrogem, aut sumam.

Hoc.

PLAUT. EXPL. LIB. IV. 511

Hoc faciant, quibus ORCHESTRÆ  
SELLÆQUE CURVLIS

IVS, LIPSI, & PODII parte <sup>\* Refer</sup>  
sedere tui. <sup>ad librums</sup>

Sat mihi, SUMMA AGIPES CAVEA <sup>emus de</sup>  
SI PLAUDERE <sup>Amphi-</sup>  
specter; <sup>theatro.</sup>

Et tacitâ MERITIS VOCE FA-  
VERE VIRIS.

Hæc igitur mea sit audacia; mirer, amemq;

Et VENERER magni MVNERA  
BRISSONII.

Hactenus. & græus quid, tantis si laudibus  
impar

Percellor, neque Mui dicere sustineo?

AD.

Obnoxius. *Mureti audacia in numerorum structurâ leuiter castigata. Occupo ferre osculum. Emendatus Plautus. Magnificare. Seria tē Ridiculi consideratio. Predicatio parasitica pressius examinata, contrā mentem interpretis. Lingua venditaria. Venditare. Lambinus iterum atque iterum confutatus.*

SCENA I. Stichi, posteaquàm Pænegyridem sororem suam, & quidem germanam, inter cætera officij ac pietatis viro absenti debitæ commonefecit Pinacium, hacce tandem clausulâ sua foriam orationē concludit:

—Tamen pol

*Ne quid magis simus omnibus obnoxia opibus,  
Nostrium officium meminisse decet.*

Obnoxia, id est, affines, siue compotes noxæ. Itidem in Iugurtha Crispus noster, Nobilitas obnoxia, atque eò percussa, &c.

Vnde liquidò liquet illorum hominum

num hallucinatio, qui *Noxia*, pro *Obnoxia* Sallustianæ historiæ de suo condonare veriti non sunt. Scio diuersam ab hac lectionem Mureti comitate inductam in Plautum, quam & Lambinus sectatus. Rectene, an secus, ipsi viderint. Idem de numerorum ordine ac distinctione ab iisdem constitutâ dictum postulo: cui sanè ego secundas facere nec debeo, nec volo; neque adeò si velim, copia est. In his etiam *Magis* illud fuerit, quod vt *Malis* commutem, ne ipse quidem Plautus persuaserit mihi.

Scenâ 11. *Is habitus hand probus est.*

Idem loquendi modus in Persâ:

*Is amor cultus est optimus.*

Consuadet ibidem Panegyris sorori Pinacio, vt anteuortat secum parenti obuiam occedere, atque osculum offerre contrâ, his dictis:

PA. *Is est ecastor, ferre aduersum hominem occupemus osculum.*

Prudenter utique & consilio bono, hoc est, pudicis honestisque matronis vniter conueniente, quò videlicet patri (tanquam Censori) siccas sese atque

k. abstemias

abstentias probare possint; ex instituto  
& disciplinâ maiorum. Vide Valer.  
Maximum. Cæterum videtur emen-  
dandum:

*Ferre aduersum homini occupemus osculum.*

Quibus in verbis notanda item Iu-  
uentuti phrasis illa, *Occupo ferre*; quâ &  
Horatius vsus in re simili, quû scribit:

*Dum fragrantia detorquet ad oscula*

*Cernicem; aut facili scuitiâ negat,*

*Qua poscente magis gaudeat eripi:*

*Interdum rapere occupet.*

Appingamus & alteram notæ paulò  
vetustioris, *Magnificare* inquam, pro *Ma-  
gnifacere*, in sententiâ illâ multo hone-  
stissimâ.

PI. *Pudicitia est, pater,*

*Eos magnificare, qui nos socias sumserunt sibi.*

Vnde manifestò dilucet rectè in Fra-  
gmentis Lucillianis publicatum legi:

*Magnificare hos, his bene velle, his vinere  
amicum;* prò quod alij maluêre,

*Hos magnificare, his bene velle, &c.*

Scenâ III. ait Parasitus:

*Neq; retulit, quam ego refero mea matri fami.*

Quem mihi quidem locum in animo  
habuisse videtur Charisius, quum scri-  
bit: *Plautus in Stichus, Fami, datino casu dixit.*

Subiun-



Subiungit idem mox infrà :

*Geiasimo nomen mi indidit paruo pater,  
Propter paupertatem hoc adeo nomen repperi;  
Quia inde iam à pauxillo puero ridiculus fui,  
Eò quia paupertas fecit, ridiculus forem.*

Cui sententiæ adstipulatur & Iuvenalis illud :

*Nil habet infelix paupertas durius in se,  
Quàm quòd ridiculos homines facit.*

Addit deinceps Parasitus :

*Nam illa omnes artes perdocet, ubi quem  
attigit.*

Nihil verius. atque inde est, quod in Satyræ suæ vestibulo commentatur Persius :

*Quis expedit Psttaco suum xaiçer,  
Picasq; docuit nostrà verba conari?  
Magister artis ingeniq; largitor  
Venter, negatas artifex sequi voces.*

Eampse phrasim inuenias in Declamatione illâ falsò Sallustio attributâ, in quâ Arpinas Orator hacce ironiâ incessitur :

*Quem Minerva omnes artes perdocuit.*

Senarius porrò ille :

*Nam curiosus nemo est, quin sit malenolus.*

parenthesi includendus, puncto, post

priorem versum expuncto, eiusque vicem reposito commate, quò videlicet tota porrò sententia aptius concinniusque cohæreat sibi, vnâ periodo comprehensa, vsque ad verba illa:

*Damna euenerunt, &c.*

Pergit nugari deinceps Parasitus, Auctionem prædicaturus:

*Foras necessum est, quicquid habeo, vendere.*

*Adeste sultis, præda erit præsentium.*

Quod Lambinus explicat: *Vendentur res venales præsentibus emtoribus.* nimis hercle, vt opinor, præter Parasiti Genium, tum Poëtæ nostri sententiam. quam quidem ego aliam nullus fuisse autumo, quàm; Non esse, quod emtor quispiam bellissimâ hac præsentî occasione dilapsâ semel, vllò porrò tempore speculam proponat sibi, ex hac ipsâ Parasiticâ Auctione sese vel ramentâ plumeâ propensiozem discessurum in posterum. Nihil enim quæsti fore animo aut corpore absentibus aliudve agentibus, neque rationem vllam habendam dormitantium. Præsto proinde, adeoque in re præsentî omnes esse oportere, quicumq; lucro faciundo auspicare.

auspicare studebunt sese; idque tem-  
pori, & priusquam ab aliis licitatio-  
nem iamdudum, imò emptionem fa-  
cere paratis prauortantur. Illis enim  
præsens lucrum, imò præmiū & præ-  
dam in mundo esse, quotquot tempe-  
stiuè liceri, pretiumque proscriptæ  
merci priores facere occupauerint; ne-  
que somniculosè elabi prædam passi  
fuerint è manibus. Oppidò quàm ri-  
diculè, imò verè Parasiticū in morem.

*Lingua quoque mihi etiā esse venditariam.*

*Venditare*, est vèdere discupere. quem-  
admodum magnam ferè partem Fre-  
quentatiuā apud Veteres. Sic Dormita-  
re, pro Dormituri, iisdem acceptum. Lin-  
gua venditaria, ea proinde fuerit, non  
quæ vendit, sed quæ vendere capitur.  
cuiusmodi suam credi volt Parasitus,  
qui auctiōem faciebat, seque ipse  
pariter cum ornamentis omnibus ve-  
nalem prædicauerat supra,

*Inanimētis explementum queritans.*

Sic Milite :

*Non ego possum, quæ ipsa sese venditat, tu-  
tarier.*

id est, venalem habet, vel facit sese.

*Demiror, quid illæ (Panegyris, scilicet) me  
ad se accersi insserit.*

*Quæ nunquam inssit me ad se accersi ad hunc  
diem,*

*Postquam. vir. abiit eius.*

Atqui triennium factum iam erat,  
postquam domo abierat Epignomus,  
intra quod tempus damna pol sibi  
euenisse maxima; hoc est, coenas, pran-  
dia, potationes mulsi plurimas de-  
mortuas, grâuissimamque vitæ ac vi-  
ctus se iacturam passum, insolabiliter  
secum & cum animo suo conquestus  
fuerat modò; haud Gelasimus iam, sed  
verò Miccotrogus potius. neque id  
adeò mirandum, quippe Regis sui tan-  
to interuallo inopiam passus: ipsiusque  
benignitatibus & prothymiis per diu-  
tinam eius & plusquam triennalem  
absentiam in perpetuum orbatus, &  
quasi pro derelicto habitus miser.

Scena IV.

*Quæ misera expectatione est Epignomi ad-  
uentu viri.*

Credo, *Aduentis* scriptum à Plauto  
generandi, nō auferendi casu; vel certè  
legendum; *Aduenti*, antiquum in mo-  
rem;

rem; ut *Senati*, pro *Senatûs*, aut *Senatûis*; *Viçti*, pro *Viçtûs*, &c.

*Sed spatium hoc occidit, brene est curriculo;  
quàm me pœnitet.*

id est, spatium, siue curriculum istud citius à me celeriusque decursum est, quàm me cursuræ porrò longioris tædium aut satietas cepit. Lambini cõmentationem non moror.

GE. Iam tu piscator factus.

Sub finem interrogationis notam desiderari, hoc loco; numeros verò Anacreonticos esse, satis acceptum est mihi.

# A D S T I C H V M.

## CAPVT XIX.

*Nasiterna. Parasiti persona suo loco re-  
stituta. Velum passum. Ærum-  
nulæ. Condicere aliquò ad cœnam.  
Serrilis obsonatio Legibus Romanis  
cauta. Onerare se voluptatibus,  
hilaritudine. Cõtruncare cibum.  
Cibicidæ. Polliceri. Pollicitatio.*

Scenâ. Quisnâ obsecro has frangit fores? &c.  
DI. Equis huc effert nasiternam cû aquâ?

*Nasiterna*, genus vasis aquarij an sari  
& patentis, quale est quo equi perfun-  
di solent. Plautus Bacchid.

*Ecquis euocat cum nasiternâ & cum aqua  
istum impurissimum?*

Hæc Festus. Subdit deinde hoc ex-  
emplum, non quidem è Sticho, verùm  
hercle ex Neruolariâ. Male, vti hinc  
videmus. Fulgentius: *Nasiterna*, inquit,  
*aquæ urna*, id est, *urceus*. Calpur. Phronesi  
*Fabula: Vbi tu nasiternatus aquam petas.*

*Dr. Lectos sternite.*

*PA. Principium placet de lectis.*

Credo Lectisterniationem istam ex  
Parasiti magis, quàm Panegyridis sen-  
tentiâ fuisse. Eius proinde vicem Ge-  
lasimi persona substituatur, Douûsâ as-  
sertore, hoc modo:

*GE. Principium placet de lectis.*

vt melius sequentibus, aptiusque re-  
spondeant omnia.

*In portum vento secundo, velo passo peruenit.*

*Passo. i. laxo & rugoso.* Nonius; qui ta-  
men alibi *Passum*, & *extensum*, & *patens* in-  
terpretatur. quod & Lâbino Briardo-  
que, hoc quidem loco arridet impen-  
sius. *Passus* enim, & *Expassus* & *Dispassus*,  
seu

seu Dispersus, omnia Veteres ἀνὰ τὸ Πάνδο deduxere, Seruio atque Agellio testibus. Igitur Passio velo, erit Explicato, & quod vento impulsum ac completum intumescat & quasi prægnas fiat. Sed erro: & rectè atque ex nauticâ disciplinâ Nonius, qui morem hunc sollennitus habent, vt quotiescunque portibus insinuandum sit nauigia, pedem faciant illico, laxentq; velorum sinus; ne, vento secundo impetum naus adiuuante, Syrtibus aut puluinis illisa, vado adhærescant.

*Hercules sanè, qui Deus sis, discēssisses nō malè.*  
Decimâ scilicet adauctâ tibi, ex hæreditate, quàm frustrâ animo cupidissimè cupiente traxeram atque inhiaueram credulus. quam si ex sententiâ vtriusque nostrum cernere contigisset, næ tu pulchrè dapsilèq; à me, ne basilicè dicam, Decimâ istâ quam voui, mactus ac polluctus discēssisses. Lambinus mentem Poëtæ hoc loco parum hercle mihi adsequutus videtur.

*Scenâ. Cum benere gestâ.*  
ait hero Srichus :

*Quam multas tecum misérias multauerim.*

Auctor est Festus, vocem *Ærumnulas* vſurpatam alicubi à Plauto. quam quidem ego huicce loco conuenire haud inſcitè arbitrarer, ſi tamẽ libros membranaceos Auctores haberem mihi, τὸ *Ærumnulas*, ἀντὶ τῆς *Miferias*, repositurus; hoc modo:

*Quàm multas tecum ærumnulas multauerim.*

Quâ phraſi vſus quoque inuenitur Lucillius noſter, quum ſcribit:

*Quantas, quoque modo (Scribo, quotq; modò) ærumnas, quantoq; labores*

*Exanclaris.*

Pergit ibidem Stichus:

*Anicã ego habeo Stephaniũ hinc ex proximo,  
Tui fratris ancillam, eò condixi in ſymbolam  
Ad cœnam, ac eius cõſeruum Sagariniũ Syrum.*

Pro quo Lambinus ex veteribus libris: *Ei condicam.* de cuius ſcripturæ probitate quid dicam, neſcio. atque eò minus, quòd Accuſatiui caſus copula ſubſequatur, niſi ſi quis fortasſe reſcribendum autumet:

— *Ei condixi in ſymbolam*

*Ad cœnam, ad eius cõſeruum Sagariniũ Syrum.*

*Idq; mihi potius animatum eſt ſequi,*



qui, quàm in diuidiam venire cum Lambino. Quod si cui receptam lectionem retinere stat sententia, Eò condixi, interpretandum erit, Ad eam, s. Stephanium amicam communem. vt & Menechm.

*Hodie ducam scortum ad cœnam, atque aliquò condicam foras.*

Excusat ibidem Plautus, quòd homines seruolos potantes, amantes, atque ad cœnam condicētes inducat in Scenam. quod mirum nemini videri debere dicit, in palliatâ præsertim Comœdiâ, & quæ Athenis de sollēni veterum Comicorum more gesta fingatur. quâ in vrbe hominibus seruis obsonare, pergræcari, vel etiam scorta ducere libera semper potestas fuit. Quam rem Stichus tamen, Romæ se scilicet, haud Athenis esse, seriò demum cogitans, potius quàm in diuidiam veniat, id est, Romanis Legibus fraudem faciat, vnde periculum ac noxam capitulo creet suo; Igitur sibi in animo esse constitutum prædicat, nusquam in publicum prodire; sed verò partem ædium posticam vti potius, eâque

eaq; per hortum furtim ac clanculum  
vna pariter cum obsonio in proxi-  
mum se penetrare.

*Ne id si Populus resciscat; aut sibi, aut Syro,  
Suo rinali, quidpiam ex se incommodi  
Seruilis istæ pariat obsonatio.*

Cauta quippe ac vetita Legibus, Ro-  
manis dico, non Atticis, vti memora-  
tum modò.

Quod verò ad Atheniensem fer-  
uorum insolentiam, incredibilemque  
pænè ad omnia, quæ huicce hominum  
generi collibuisse, impunè perpetran-  
di licentiam attinet, consulendus, me  
monitore, Brodæus lib. Misell. 111.  
cap. xii.

Scenâ. *Ita me Dii bene ament.*  
ait Antiphoni Pamphilippus:

*Nunc quia te amicum mihi experior esse, cre-  
ditur tibi,*

scilicet à me, quâsi dicas :

*Creditor fio tibi, sine prædibus ;*  
néque satisfactionem aliam vllam de-  
sidero, quàm rem ipsam, quâ te & ami-  
cum mihi & beneuolentem esse, satis  
compertum atque exploratum habeo,  
Antipho.

Peagit

Pergit quæritare ibidem de Pamphilippo Epignomus:

*Hodiène exoneramus nanem frater?*

At ille quàm placidè:

PA. Clementer volo.

*Nosmet potius oneremus & iussatim voluptatibus:*

Festiuiter & concinnè. Etenim ad Exonerationem quæ præcesserat, allusum: vt Epignomi interrogationem multò simplicissimâ tralaticiâ responsione eludat Pamphilippus. Quam metaphoræ formam alibi item amplexus Poëta noster, vbi scribit:

— *Onera te hilaritudine.*

Distinguo ibidem:

*Optimum est. iam istoc mora minus erit.*

Ait mox Apologo Antiphonis aures vacuas cōmodans Pamphilippus:

PA. *Perge porrò. præsens hic quidem est apologus.*

Scilicet; quoniam quidem nos in re præsenti sumus, in quorum personas Apologus iste examussim conuenit.

Narrat porrò Antipho: *Dam equidem* (malo *Quidem* cum Lambino) *hercle quod edant addas, meum ne contruncent cibum.*

Ad exemplū credo Lucillij dictum,  
qui

qui *Magnos manducos* istos; eosque qui cibum cædant, seu absumant, facerè *Cibicidas* appellitauit illo versu:

*Viginti domi, an triginta, vel centum cibicidas alas.*

*Apulcius* quoque *Offulam contruncare, Detruncare cibum, Item alibi: Ac dum auidâ ferocitate cuncta contruncant.* Sunt tamen, quibus *Contrucidant* persuasum est legi potius oportere in *Plauto*.

Respondet huic *Pamphilippus*:

*Videlicet illum fuisse parvum senem, qui dixerit.*

Cui confirmis illa quoque *Afinaria* loquutio:

*AEdepol senem Demenerum lepidum fuisse nobis.*

Sequitur:

*Quoniam ille illi pollicetur, qui eum cibum poposcerit.*

Priorem versum illum ita corrigit *Briardus*: Qui hoc dixerit, & quod sequitur:

*Quoniam, siue (vt alij)*

*Quando ille illi pollicetur, &c.* hunc habere sensum existimat: Iniquè & sordidè nimis facere Senem, qui munem suapte sponte ac munificum, ulterius porro sumptibus onerare pergat. Est enim propriè *Polliceri* apud *I. C<sup>tos</sup>* quum  
vltro

vltrò offerimus, & Pollicitatio solius offerentis promissio. Vnde rectè est in Casina: *Operam uxoris polliceor foras, Quasi catilla.*

Placet autem, vt cum interrogatio-  
ne potius rescribatur: *Quî eum cibum po-  
posceris?* τὸ *Quî* aduerbium vt fiat scilicet.

A D S T I C H V M.

C A P V T X I X.

Ducere sese pro adolescentulo.

Abire, Abitio. *Plautus ter-  
-nis locis emaculatus.*

**H**A B E S eâdem Scenâ, ex personâ  
Pamphilippi de focero suo, præ-  
ter speciem atque ætatem nimium iu-  
uenante; ac ( Lyncei Propertiani in  
morem) insaniente amores seros, quasi  
per admirationem exclamantis:

*Vt iam nunc scelestus esse ducit pro adole-  
-scentulo?*

ineptâ sententiâ, imo (verius vt dicam)  
nullâ. Quæ etiam Lambino causâ ex-  
stitisse videtur, vt *Cupit*, pro *Ducit* in  
Plauti sui contextû retulerit; insciensq;  
(vti

(vti aliàs sæpè) plus fecerit, quàm sciens, boni. Nam de mutatione aut diuersitate Lectionis in Commentariis suis verbum nullum. Non quòd *Cupit* hoc loco potius, quàm *Ducit*, à Poëtâ scriptum censeam; *πῶλλ' ἐ δέει* sed, quòd ea scripturæ varietas occasionem porrò præbuerit nobis, ad locum istum pressius aliquantò ac diligentius considerandum. Neque id frustra. Nam aut ego falsâ ratione auguror, aut Plautina mihi, sic quasi ex latebrosis fodinis, eruta veritas. quam hanc de ipsius sententiâ esse pro com-  
 perto adseuerare auisim :

*Vt iam nunc scelestus sese ducit pro adolescentulo?*

Cuius dictionis insolentiam causam sciolis præbuisse opinor locum deprauandi. Raris enim animus, ad ea quæ non intelligunt, neq; ad captum suum faciunt, defensitanda. Dúcere ergo *sese pro adolescentulo*, aliud nihil erit, quàm: *Habere, & stimare; gerere pro adolescentulo sese.*

Emendemus & sequentis Scenæ principium, quod ex personâ Gelasimi in Editione Camerarij conceptum legitur.

gitur hac formulâ :

GE. *Sed ita quod occepi narrare vobis, quum  
hic non affui,*

*Cum amicis deliberavi iam, &c.*

Namque quis non videt, particulam illam aduersatiuam (*Sed*) minus nihilo facere ad mentem perditissimi Parasiti? nimioque adeo melius constaturam sententiam, si Lambini exemplum sequamur, rescripturi hoc modo :

GE. *Est ita, ut occepi narrare vobis, &c.*  
ut referatur ad illa secundæ ab hac retro Scenæ :

*Certum est amicos conuocare, ut consulam, &c.*

Cuius correctionis nulla ratio tamen reddita à Lambino. credo, quod Camerarianam scripturam fortasse à suâ seorsum sentire ignorauerit, per imprudentiam scilicet. Quâ quidem in re singulari fuisse videtur fato. Sed ego industriosissimi viri Manes non sollicito. pax mihi cum mortuis potius. Neque enim nobis, neque cuiquam mortalium, in quo adsit pudor, decorû vnquam, Luctamen instituere cum Laruis. Proinde rem ad exodium ali-

l

quando

quando ducturus, illud Lectorē prius  
commonitum velim, Lambinianæ le-  
ctionis discrepantiam probari quidem  
nobis; neq; itā omninò tamen, vt eam  
examussum Plautinam esse iudicem,  
aut certè hāc nostrā, quam eidem suc-  
cidaneam facturū, integriorem. Rem  
considera :

GE. *St. ita vt occæpi narrare vobis, quum  
hæc non adfui.*

Sic enim scribo, Sed, vel, Est, τὰ St.  
(quam silentiariæ notæ loco antiqui-  
tus vsurpatam. à Comicis, quis tam  
bardus in literis, qui ignoret?) haud  
veritus commutare.

Sub. eiusdem Scenæ finem Gelasi-  
mus, rebus suis desperatissimis, quo-  
niam spes omnis cænatica à Pamphi-  
lippo decollauerat, animamque effla-  
uerat planissimè; oratione tandem ad  
semet ipsum conuorsâ, hæc solus fa-  
bulari secum veluti consultabundus  
inducitur :

GE. *Iamne abisti, Gelasime? vide quid es  
capturus consilij.*

Quo loco Abisti, ἀπὸ τῆς Obisti, positum  
lubet suspicari. Abitionem enim, pro  
Morte.



*Morte δυσφημίας* vitandæ veteres vsur-  
passe gnarum nobis ex Festo, vt semet  
ipsum interroget Parasitus, quasi am-  
bigens, vtrûmne inter viuos, an mor-  
tuos potius numerari; hoc est, in *Libi-  
tina Censum* referri debeat porrò, omnium  
mortalium occisissimus. Nisi si quis  
fortè ad Pamphilippum binas illas di-  
ctiones priores trahi oportere, proba-  
bilius existimet; quibus à Rege pro  
foribus suo, & quidem solus, desertus  
ac ludificatus denique; eum pse intrò  
desubitò proripientem sese prosequa-  
tur Gelasimus. Quod si cui probabi-  
tur, interrogationis notula post *Abisti*,  
collocanda erit, & vocatiuus *Gelas-  
ime* sequentibus adstruendus, ad istam  
faciem:

*Iámne abisti?* (scilicet, ô Pamphilippe)

*Gelasime, vide quid es capiturus consilij.*

Idque tibi non LVGDVNO, mi  
Lector, verùm DELPHIS hercule  
RESPONSVM dicito.

## CAPVT XX.

*In Plauto recepta lectio asserta. Indidem quid sit, Decumâ fonte, nunc primum explicatum.*

**S**CENA, ab hac, alterâ triennio post herilé patriam reuiscens huiusmodi salute impertit Sagarinus :

*Saluete Athenæ, quæ nutrices Græciæ,  
Terra herilis patria, te video libens.*

Sic enim Camerarij nostri Editio. perperam. nam laborat versus non dico in fine, verùm in ipso hercle frontispicio. Cui malo si de Lambiniani Codicis præscripto remedium quæremus, vnius literæ adiectione scribendum nobis erit: *O terra herilis, &c.* Sin autem nostro Marte potius, & copiis domesticis rem gerere capiemur, particula **VT** præmissâ audebimus emendare:

*Vt terra herilis patria te video libens ?*

Itaque ipse alibi quoque :

*Vt te conspicio libens ?*

Sed & Catull.

*Quàm te libenter, quamq; latus inuiso ?*

Atque

Atque idem ferè principium repe-  
rias in Bachidibus:

*Herilis patria salve, quam ego biennio*

*Postquam hinc Ephesum abi, conspicio libens:*  
de Menandræis istis, ut videtur, Sena-  
riolis expressum:

*χαῖρ' ὦ φίλη γῆ, διὰ χρόνον πολλόν σ' ἰδὼν.*

*Ασπάζομαι, & cætera quæ in Com-*  
mentariis Græcorum est lectitare.

Scenâ. *Agite, ite foras, ferte pompam:*

*Vide quot cyathos hos bibimus? ST. Tot quot:*  
*digiti sunt tibi in manu.*

id est, quinque. Nam alteram manum  
modò intelligere videtur *δείκνυς*. Sti-  
chi enim, quippe huic conuiuio Stra-  
tegi, siue Modimperatoris prouincia  
erat numerum cyathorum diffinire,  
modumque bibendi præscribere. Iu-  
bet igitur Sagarinus; *Vide*, id est, dicta,  
seu præscribe nobis, *quot cyathis* (uti est  
in Persâ) *committimus hos ludos?* atque ibi-  
dem non quinque (proinde ut hîc) ve-  
rum septem cyathorum sit, mentio.  
Notandum autem perparuum men-  
suræ modum fuisse, binosque cyathos  
effecisse sextantem.

Sequitur versu interiecto post paululo

*Tibi propino decumâ fonte, tu tibi inde, si sapis.*  
 Quam lectionem pro corruptâ ducit  
 doctissimus Lipsius, ac restituendam  
 hoc modo:

*Tibi propino decem, æffonde tu tibi inde, si sapis.*  
 Sed enim optimè sententia constatu-  
 ra sibi, si quidem Scauri Grammatici  
 auctoritatem sequentes, *Fontem*, foemi-  
 ninum esse Positione dicamus, quoties  
*Crateram* significat; *Decumam* autem, de-  
 cumanam, hoc est, grandem ac capa-  
 cem intelligamus. Igitur porrò *Inde*  
 illud Imperatiui modi fuerit signifi-  
 cans, *Infinde, misce.* ne quis Aduerbi-  
 um censeat. Sic idem alibi: Si *viniguttam*  
*indidi in os.* quod & nos vernaculo hodie  
 sermone dicimus: *Doet daer wat in.*  
*Indoen/* ergò respondebit Latino *Indere.*  
 Lambiniana istiusce loci corre-  
 ctio nauci non est.

Scenâ: *Morem vobis geram, &c.*  
 nequam & seruile illud:

ST. *Vapulat peculium. actum est. fugit hoc*  
*libertas caput.*

& vide an sublit ambiguitas in dictio-  
 ne *Peculium*, & æs seruile, & verpam sa-  
 lacem pariter significante. Sed quid si,  
*Vapula*

Vapula peculium, rescribamus, ad exemplum inquam Prouerbij veteris: Vapula Papyria. Quâ de re suo loco plura in Fragmentis Plautinis.

A D T R I N V M M V M.

C A P V T XX I.

Immune facinus: *quid sit, contra Lambinum, & Muretum, Festi auctoritate in fraudem inductos, enarratum. Hostes, pro peregrinis.*

**H** V I C ego Capiti nomen Trinummi faciam. Nam quî minus tandem mihi hoc licere deputem, quàm Sycophantæ illi Plautino, qui non ad artes nugatorias, quasi ille, verum (sicuti ego iudico) huic ætati vtilis & conducibilis operam meam liberaliter locauit? Quod ita esse alij quoque persuasum uti habeant sibi, prò re decretum est mihi, Trinummi istius & naturam & facultatem non aurificis staterâ, sed quadam litterali trutinâ ire examinatum. Illud primum, quod & Criticis, & Antiquariis nostris in cōtrouersiam  
 l 4 .                      fuisse

fuisse video, iam inde ab antiquo, *Immune facinus* quid sit, in huiusdem fabulæ exordio. Sed locum ipsum repræsentem, optimum est:

*ME. Amicum castigare ob meritam noxiam  
Immune est facinus: verum in state vile*

*Et conducibile.* Et Nonius quidem, *Immune sine officio, sine munere*, interpretatur; quasi *Officioso* contrarium. Festus contra, pro *Improbo* dictum sumere videtur. cuius opinionē amplexus etiam Lambinus; in quâ me rivalem habiturus est nunquam. Sed neque Noniana explicatio satis Plautino argumento respondens; nî forte quis *Officio* pro *Beneficio* ab illo positum, argutari sustineat scilicet. Vt ut est, in obscuro esse non potest, quidnam castigator iste pòl velit sibi: cuius ego hanc esse sententiam opinor: Amicum ob meritam noxiam concastigare, immune quidem facinus videri, id est, non haberi pro munere, siue beneficio, cæterum ex re & usu magis, quàm ex sententiâ peccantis esse; eius dico, qui ab amico seuerè ac seriò increpitus, officij sui tempestivè commone-

tur,

tur, sitq; melior præceptis obiurgatoris  
fui. *Immune facinus* ergo nihil aliud fue-  
rit, quàm ingratum benefactum, siue  
officium; parumque adeò ex lubricine  
eius, cuius res agitur, & ad quem casti-  
gatio illa peculiariter pertinet. Proinde  
(pace Mureti dico) quod sententiam  
istam Plautinam adeò acriter inces-  
feret Hippolytus Cardinalis, causa  
non erat.

Scenâ II. aurichalco non cara con-  
trâ sententia illa, ac digna hercule, quam  
non in libris aut labris modò, sed &  
pectoribus penitissimis inscriptam atq;  
insitam gerant mortalia secla :

M. E. Quia omnes bonos bonasq; accurare  
addecet,

*Suspicionem & culpam ut ab se segregent.*  
de quâ adumbratum fortasse Auso-  
nianum illud:

*Nec vero crimine laedar*

*Nec maculer dubio. paullum differre\* videtur, \* forte*  
*Suspectus verèq; reus.* videtur.

Sed & Cicero Philipp. Atque utinam  
ut culpam, sic etiam suspicionem vitare potuisses.  
Legitur deinde:

*Atque id tamen lubeat suspicari.*

Interpono Mî, vt Senariorum dimensoribus ratio constet sua, hoc modo.

*Atque id tamen mî lubeat suspicari.*

idque eò confidentius, quòd in antiquitus excusis disertè impressum est, *Mihi.*

Eadè Scena obiurgationem continet Megaronidis, quâ idem amicum suum innoxium castigat Calliclem ad hunc modum :

*Tum autem sunt alij, qui te Volturiū vocant,*

*Hostisne, an ciues comedis, parui pendere.*

sententiâ insubidâ atque inficetâ prorsus, qui quidem ad antiquitatem sapiat parum; verum qui sapiat satis, succi & suauitatis plenâ oppidò. Hostes proinde, peregrinos ex Varrone, & vetustâ loquendi ratione interpretor. quomodo idem quoque planius Rudente antea :

*A M. Cur tu aquam granare amabo, quam hostis hosti commodat ?*

*Sc. Cur tu operam granare mihi, quam cinis cini commodat ?*

Item Curcul.

*Si status condictus cum hoste intercèdit dies.*

*Id quod de x i i. Tabulis petitum esse,*



esse, indicat nobis M. Tullius primo Officiorum. quo loco idem pluribus etiam vocabuli huius significationem exsequitur. ad quam item pertinere arbitror Veterem illam Formulam in Sacris quibusdam vsurpari solitam, cuius meminit Festus. Alitū hīc Lambini silentium, prorsus ēdē 296. Pergit idem Megaronides:

*Quin eum restituis, quin ad frugem corrigis?*  
 Propriè. Corrigimus enim luxata, id est, locis suis emota, seu deprauata potius. Sic Bacchid. de perduto item ac corrupto adolescente:

*Ego illum haberem rectum ad ingenium  
 bonum,  
 Nunc propter te tuamq; prauus factus est  
 fiduciam.*

A D

*Trinummus correcta.* Affidui ciues.  
Bonis aliquem euertere. Ab re  
consult. Res foras labitur. De-  
iuuare. Immunis.

**E**ADEM in Scenâ quo loco legitur:  
*Hascene me propter res maledicta differunt?*  
reponendum hariolor, *Maledictis.* Quod  
si admiserimus, subintelligendum erit  
antiquum in morem, *Homines*, aut *Cines*,  
aut aliquid tale. Quo modo & à Ti-  
bullo scriptum est:

*Parce puer quæso, ne turpis fabula fiam,  
Cum mea ridebunt vana magisteria.*

Ita enim locum illum restituendum,  
prò quod in nostris est *Turbis*,  
docuit nos iam pridem in Verisimili-  
bus quondam suis, nunc verò nescio  
quâ nouâ metamorphosi Fanniani iu-  
ris factis Lucas Fruterius Brugensis.

Habes ibidem sub finem:

*Quàm urbani affidui cines, quos scurras vo-  
cant.*

*Affidui*

*Aſſidui*, prò locupletibus, & facile munus facientibus. Sic vocitati ab *aſſibus* duendis, id eſt, dandis. Vide Agell. lib. xvi. cap. x. Niſi ſi quis forte *Scurras*, id eſt vrbanoſ aſſiduoſ ciueſ iſtoſ, ità dictoſ deputer, ab aſſidendo, vt ad conciliabula, vel potiuſ deſidia-bula referamus, in quibuſ hoc hominum genus aſſiduè garriendo, famigerando, accriminando abſenteſ, bonas horas peſſimè collocare, totamq̃ue ad- cò ætatem ſuam, ſic quaſi peregrinanteſ diſperdere conſueuère.

Notabilis quoque illa loquutionis ratio :

*Boniſ qui hunc adoleſcentem euertiſſet ſuiſ.*  
atque huic ſimiliſ illa alibi, nō fallor,  
in Perſa :

*Euertes tuo arbitratu homineſ fundiſ, familiiſ.*  
denique in hac ipſâ Comoediâ poſteriuſ :

*Vt agro euoriat Leſbonicum, quando euoritur  
adibuſ.*

Scenâ i i i. illud perperam à Lam-  
bino declaratum, quo Amoriſ arteſ  
eloquitur adoleſcentſ Lyſiteleſ :

*Eiſ (ſcilicet, cupidoſ homineſ) cupit,*  
eos con-

eos confectatur, subdolè blanditur, ab re  
*Consult, &c.*

Videlicet Plautum dixisse: *Ab re consult, hoc est, Ea consilia capit, quæ è re amanti-  
 tium sunt maximè, quæ ad rem pertinent.* quo  
 quid minus tandè ad rem fingi potest?  
 quam quidem ipse aliquando acu. ut  
 tangam, prorsus è contrario commen-  
 tabor: ut significet cordatus adolescens:  
 Amorem ea cupidis & sectatoribus  
 suis suadere atq; consulere, quæ nihil  
 minus, quàm ex re ipsorum & usu esse  
 experiundo inueniantur.

Pergamus porrò cum Lysitele: *Illico  
 res foras Labitur, liquitur.* Idem de  
 capte profusione Lucretius:

*Labitur interea res, & vadimonia sunt.*

Utitur eodem ferè modo & Sallust.  
*Dilabitur, pro diffluit ac dissipatur.*

Scenâ quartâ Lesbionici sodalis sui  
 egestatem tolerare se studens patri ob-  
 strigillanti respondet Lysiteles:

*Deferere illum & deinnare in rebus aduersis  
 pudet.*

Amicè & benevolè, imò prorsus ger-  
 manum in modum. Cur autem, quo-  
 niam bellissima est occasio, hinc etiam  
 locum

locum Festi emaculare cessamus, in Verbo *Desuare*, quod idem ille *Desine* re interpretatur. quum ad hoc Plauti exemplum indubitanter respexerit: & absque ventosissimo illo abbreviatore fuisset, hoc ipsum fortasse à Festo citatum haberemus: in eoq̃ue procul dubio *Deiuarz*, pro *Desuare* reponendū.

Nam sapiens quidem pol ipse fingit fortunam sibi. Eandem sententiam in Paradoxis expressam habēs apud Cicer. ubi ait: Nec est ullares quæ plus apud sapientem polleat, quàm ipsius voluntas atque iudicium. cui quidem etiam quæ vim habere maximam dicitur *Fortuna ipsa cedit*, sicut sapiens Poëta dixit;

*Suis ea cuiq̃ fingitur moribus.*

Item ab Appio in Sallustianâ ad Cæsarem oratione: sed res docuit id verum esse, quod in Carminibus Appius ait: *Fabrum esse suam quemque fortunam*. Adde postremò ex Nepote in Vita Attici: *Sui cuiq̃ mores fortunam fingunt*.

Quod autem præcesserat:

*Is est immunis, cui nihil est, qui munus fungatur suum,*

quisnam ex illâ Isidori definitione interpretandum non videt? referentis

lib.

lib. Orig. xiv. Amœna loca Verrius Flaccus dicta ait, quod sine munere sint, nec quicquam in his officij, quasi Amunia, id est, sine fructu, unde nullus fructus exsoluitur. Inde etiam, nihil præstantes, Immunes vocantur. Et hoc Interpreti prætermissum, haud abs re visum huc apponere.

Concludit tandem Ly siteles patris benignitatem in se prædicans, ei que hâc breuissimâ laudatione quasi gratias agens:

Ly. *Lepidus vinis.* id est, es lepidus, præbesque te, erga me filium tuum, & commodum & lenem patrem. estque ἀγαθὸς ποτὶς, quo usus & Catullus noster:

*At tu insulsa, mala, ac molesta vinis.*

Adde alterum quoque à Plauto exemplum de Amphitruone; in cuius Prologo ad Quirites Mercurius:

*Virtute dixit vos victores vjvere.*

CAPVT XXIII.

*Trinummus aliquammultis locis  
emaculata, illustrata.*

SCENA: Minus quindecim dies, &c.  
Nam quid obsecro loquutionis est  
illud; — Confit cito,

*Quàm si tu obiicias formicis papanerem.*

Nonius certè hunc versum longè  
aliter adductum citat, & fortasse haud  
paullò emendatius, quàm in Plautinis  
Editionibus hodie volgatur: Itaque  
est apud illum:

*Quasi obiicias formicis papanerem.*  
nisi si fortè legendum sit:

*Quasi tu obiicias formicis papanerem.*  
vt & nostris exemplaribus aliquan-  
tum tribuamus. quod eò mihi sit ve-  
rissimilius, quòd videam pleraque ve-  
terum testimonia perperam haud rarò  
à Grammaticis, & transpositis verbis  
laudari. exemplo credo Nonij, cui pa-  
rum fuit, quòd hunc Plauti versum in-  
uerso (vt dixi) verborum ordine addu-  
xerit, nisi etiam insuper de Trinummo  
m in Asi-

in Asinariam transferret, haud minus dissimiles inter se, quàm Lais & Hermione apud Celtiberum Poëtam nostrum. Quæ res Ioachimum Camerarium (at quem virum?) in multò maiorem etiam fraudem induxit, qui memoriâ lapsus, quum exemplum, quod proposui, in tota Asinariâ non reperitaret, illud de Asinariâ Pomponij, (cuius item commemorat Nonius) descriptum iudicauit. Vt ut est, *Quam si* istud induci debet, ut quod penitus sententiam perturbat, atque in eiusce locum, vicarium illud, *Quasi*, ex Nonio restituendum: aut *Cito*, pro *Citius* interpretandum, ut positium hoc loco comparatiui vicem præstare dicamus.

Ait mox ibidem Philto:

*Pater cum peregrè veniet, in portâ est locus.*

Lego ac distingo:

*Patri, cum peregrè veniet, in portâ est locus.*

Habes deinceps:

*Qua sponsione pronuper tu exactus es.*

Sed quidnam obsecro est: *Pronuper?* non nauci istuc quidem, nisi in duas voces disparetur hoc modo: *Pro nuper*,

ut post-



vt postposita sit Præpositio, primo  
alioqui loco secundum constructionis  
ordinem conlocanda, vt sit sensus:

*Prò quâ sponsione ipse flagitatus atque exactus  
es nuper.* Sequitur:

LE. Factum. ST. Vt quidem illud perierit.

LE. Factum id quoque est.

Nam nunc (al. Tunc) eum vidi miserum,  
& me eius miseritum est.

Ex quo responso apparet Lesboni-  
cum longè aliter accepisse dictum Sta-  
sini, & proinde ac si Seruus suus dixis-  
set: Vt quidem ille (scilicet, adolescens) prò  
quo sponderas, perierit. Pergatur:

*Tribus tantis illi minus reddit, quàm obseueris.*

Ille, pro Illic positum accipio, non (quod  
Lambinus subintelligit) Lesbonico.  
Neq; verò loquutionis eius raritatem,  
(Tribus tantis inquit) sepelibilem fieri  
est æquum, quam etiam in Bacchidi-  
bus est arbitrari, vt:

*Sexcenta tanta reddam, si vino, tibi.*

Illud porrò ab improbâ interpun-  
ctione laborare videmus:

*Tum autem Syrorum genus, quod patientissi-  
mum est* [xerit].

*Hominum, nemo exstat, qui ibi sex menses vi-*  
m 2 D. stin-

Distinguendum enim :

*Tum autem Syrorum, genus quod patientissimum est :*

*Hominum, nemo exstat, &c.*

Atque hoc ad pathicum morbum potius, quàm ad laborum tolerantiam referendum: vti rectè aduersum à Lambinò.

*Ibit istac aliquo in maximam malam crucem  
Latrocinatum aut in Asiam, aut in Ciliciam.*

*Latrocinatum, pro militatum, vti dictum est prius. Cæterum videtur, Istinc, pro Hinc potius, quàm Istac in Trinummo scribendum.*

A D T R I N V M M V M.

C A P V T X X I V.

*Plautus ternis locis emendatus;  
item Curtius semel.*

**S**CENA insequenti nimis probatæ hercule acrimoniæ sententia illa, quippe mihi ipsi quoque præsentibus experimentis, veræ cognitæ non semel:

*Nimum difficile est reperiri amicum, ita vix nomen cluit;*

*Cui tuam quam rem credideris, sine omni cura dormias.*

In quâ illud utique bellissimum: *Ita uti nomen cluet.* Quod quid sit, declarat nobis ipse in Bacchidibus suis verbo aliquantò tritiorè, ubi verum ac legitimum amicum circumscribens ait:

*Homini amico, qui amicus est, ita uti nomen possidet,*

id est, Cuius opera & facta respondent nomini, & qui (proinde ut Flaccus autumat) *Id curat esse, quod audit,* nimirum amicus, haud quidem consiliarius, verùm ferentarius maximè, hoc est, reapse, non logis iuuans, ubi re est opus.

Scenâ deinceps:

*Atque ego istum agrum tibi relinqui ob eam rem enixè expeto,*

*Vt tibi sit, qui te corrigere possit.*

Corrigendum autumo:

*Vt tibi sit, qui te corrigere possis.*

ut rò *Qui*, ablatiui vicem sustineat: hoc enim efficacius, quàm ut cum Lambino ad *Agrum* referendum perperam opinemur.

Et illud integrare iam pridem cupido est mihi, vel impetus potius:

*Tum igitur tibi aqua erit cupido, genus qui restinguas tuum.*

Puto enim patrio casu rescribendū: *Aque*. Sic enim in *Heroidib.* *Naso*:

*Sape venenorum sitis est mihi:*

id est, cupido (quomodo hic noster loquitur) id potionis fumendæ, quod te nunquam transeat.

Sub eiusdem Scenæ finem hæc ex personâ *Stasimi* pronūciata habemus:

*Non sisti potest.*

*Video caculam militarem me futurum, aut longius,*

*Aut aliquem ad Regem in saginam herus se coniecerit meus.*

Quæ si ab aliis satis intelligantur, haud equidem scio; nisi (ut meus est animus) fieri vix posse arbitror. Ita partes eorū deformatas intelligo. Sed quid si porrò ad consuetam nobis remedia confugiamus, easdemque restituamus hoc modo sanitati?

*Video caculam militarem me futurum haud longius,*

*Aut aliquem ad regem in sagenam herus se coniecerit meus.*

*Haud longius, id est, video propediem breuique*

breuique oppidò futurum, militaris  
 cacula vt fiam. Cuius ſententiæ ele-  
 gantiam literæ vnus (vt vides) ſuppo-  
 ſitio vitiauerat vſque adhuc. Quod in-  
 commodum, ob vicinitatem credo,  
 ſenſit etiam verſus qui ſequitur. Illuc  
 enim prò *Sagina*, *Sagenam* cum Lambi-  
 no induximus, quæ propriè retis genus  
 eſt, quo piſces è naſſâ auferuntur; aut  
 retis ſinus, vnde exire nequeunt. tra-  
 latione vtique manifeſtâ, quæque gra-  
 uiſſimorum adeò Poëtarum auctori-  
 te aſtrui atque probari poteſt: primùm  
 Plauti ipſius, tum verò & Lucretij,  
 quorum alter in hac ipſâ Comœdiâ:

*Nunquam*

*Amor quenquam niſi cupidum hominem po-  
 ſtulat ſe in plagas*

*Coniicere.*

Lucretius verò ſub finem libri I V.  
 huncce in modum:

*Nam vitare, plagas in amoris ne iaciamur.*

Sic enim inibi retinendum ex loco  
 Plauti, quem dixi, ſuo loco docebi-  
 mus contrà opinionem Lambini.

Quod ſi quis *Saginam* tamen *Sagena* an-  
 reponēdam potius cenſuerit hoc loco,

haud magnopere pertendam : præsertim qui cum lectione istâ proletariâ Propertium meum conspirare meminerim, quum scribit :

*Qui dabit immunda venalia fata saginæ,  
Vincet ubi erasas barba pudenda genas.*

Cuius adeò exempli occasione admonitus, haud alienum facturus videor, si locum quendam Curtianum fædissimi mendi contagio liberauero. Legitur is lib. IX. huiusmodi :

*Intererat epulis Dioxippus Atheniensis, pugil nobilis, & ob eximiam virtutem virium Regi pernotus & gratus. Invidi maligniq; increpabant per seria & ludum saginati corporis sequi inutilem belluam.*

Quo loco, Saginam, rescribendum, Historici illius Editores, vel mussantibus nobis, ipsius sententiæ ratio commonefactare debuerat.

## A D T R I N V M M V M.

## C A P V T XXV.

*Plauti Trinummus passim correctus,  
declaratus, illustratus.*

**L** E G I T V R Scenâ ab hinc proximâ :

*Ignota facies, quæ non usitata sit,*

Itâ enim potius duco cum Came-  
rario, quàm cum Lambino,

*Ignota facies atque inusitata sit, lectitare.*

Consimile est huic illud è Pseudolo :

*Atque eum, qui non hîc usitatus sæpe sit.*

Idem quoque apud Appuleium re-  
perias lib. I. Floridor.

*Frequentiam tantam, quanta ante me in au-  
ditorio Philosophi nunquam usitata est.*

Quanquam & hic, & inibi, *Visitata*,  
hoc est, crebrò & frequenter visa haud  
inconcinne etiam legi possit. quâ phra-  
si alibi idê Appuleius usus aliquoties.  
vtitur & Poëta noster ad hoc exem-  
plum in Persa :

*Mihi quidem tu iam eras mortuus, quia te non  
visitavi.*

Quod tamen hoc loco simpliciter potius, quàm frequentatiuè accipiendum videtur.

Addam & alteram à me pensio- rem haud paullò emendatiunculam in Scenâ illâ longiore, quâ datatim inter se ludos faciunt Charmides & Syco- phanta. nam vbi legitur:

*Ego sum Charmides.*

*Sy. Neque adeo tu is es, neque hodie is unquam eris auro huic quidem.*

audacter quamuis prædico, postremas tres dictiunculas ex auro præposterè in carbones degenerasse, eorum hominum (opinor) comitate qui sententiam in plano sitam, fecerunt ut difficilis foret, incuriâ maximè & ignorantia, pessimis consultoribus vti, an abusi verius. quibus tandem effectum, ut voces quatuor ex confuso proletariæ scripturæ compendio, in numerum trium coartatæ, & quasi in angustum contractæ appareant. quas uti rursus in pristinas sedes suas reducere insistam, haud dubitabo scribere:

*Neque hodie is unquam eris, aurum hoc cui dem.*

Notan-



Notandum & illud Scenæ Succidaneæ :

*Vetera querit, vetera amare hunc morem maiorum scias.*

In cuius enarratione immane, quibus & quantis ærumnis deluctauerit Lambinus noster. Atqui omnia in procliui futura, si quidem nostræ coniecturæ vel per somnium illi in mentem venisset modò; hacce formulâ conceptæ:

*Vetera amare hunc, more maiorum, scias.*

Legitur porrò ibidem :

*Strennuos præterire more fit.*

Et rectè utique. dixerat enim antea:

*Petere honorem pro flagitio more fit.*

Quod eò visum est addere, quòd hunc locum non bene à Camera-rio acceptum animaduortam : qui, Ignavos, desiderari putavit. quòd quantum à verâ ratione tum sententiâ Poëtæ nostri remotum fiet, iis examinandum relinquo, qui Festum legerint modo, vbi de *Præteritis Senatoribus* agit. Hoc enim est illud, quod queritur Stasimus iste Plautinus, more scilicet & consuetudine fieri, vt strennui prætereantur

tereantur, atq; ab improbissimo quoque in honoribus publicitus petendis victi discedant, locoque moueantur. quod quidem id temporis ignominiosum cum primis habebatur.

Adeas licebit (vt dixi) Festum.

Ait inibi sub finem Charmides senex:

*Propter eosdem, quorum causâ fui hac ætate exercitus.*

Cæterum in Nonio, huiusdem exempli laudatore, *Hoc ætate*, legitur. Vnde leuissimè suspicor, fortè à Plauto scriptum: *Hoc ætatis*, id est, ætate ita pol præcipiti, atque effætâ. Vt. *Hoc noctis*, pro, Nocte tam serâ, siue intempestâ in Amphitruone, item Curculione, explicauimus antea.

Illud autem Actûs III. Scenæ II. ad Lysitelis obiecta ex Lesbionici personâ responsum:

*LE. Facile est inuentu; datur ignis, tamen si ab inimicis petas.*

ad Parœniam trahendum, quâ vulgò dictitare consueamus:

*Alterâ manu fert aquam, alterâ ignem.*

Quamuis enim hoc dicere videatur Comicus, ignem etiam ab inimicis  
vtendum

utendum quondam fumi solere, ad frigus defendendum scilicet; aliud dissimulanter innuit tamen; nimirum, si quis rei iratus suæ, cum Vehere illâ Tibullianâ, messes priuas combustum ire se postulet, ei porrò homini vstrinæ istiusmodi concinnandæ materiâ nullo vnquam tēpore defuturam; etiam si mutuò illa vel ab inimicissimis petenda. à quibus quid mirum, si ardor iste Vulcanius impetratu facillimus, quem hoc genus manu promptum gestitat assiduè; ob causam, quam exposui: non item aqua; quâ incendium restinguas? Et hæc est germana paradoxæ huius sententiæ declaratio; quâ me oculis tuis, Lector, fumum iam omnem dispulisse persuadeo mihi; quem mehercle multò maximum & grauissimum ex igne isto minus cautè tractato, nobis concinnaucrunt Interpretes. quod multotiens iam antea in Plauto patratum, suis passim locis planissimè nos commonstrasse; etiam succidaneo hocce exemplo planius insuper commonstrassere, est confidentia. \* *Act. IV. Scen. 133.*

Rem vide: \* *Ch. Hinc quisquis est,*

*Circulio.*

*Curculio est exercitor. is hunc hominem cursuram docet.*

Vbi quantopere *Curculio* iste Alciantum, Lambinum, alios exercitos frustra habuerit, superuacuum arbitror commemorare; reapte ostendere contentus, *Curculionem* hoc loco, haud quidem prò vermiculo improbissimo illo triticei farris populatore, sed verò pro eâ gutturis parte, quâ *λαρύγξ* eminet, quam inter comedendum moueri cernimus, interpretandum; siue prò gulâ ipsâ potius; vt *Gurgulio* fiat scilicet. In quo gratiam dicto insuper (vt vides) conciliat *ἀμφιβολία*; præter duo ista, quæ proposui modò, etiam ad Plautinam Fabulam illam accommodari idonea; in quâ Parasitus *Curculio* consimiliter sese ad cursuram exercens inducitur; quò tamen obliquè alluisse videri possit Charmides, diuersum tamen volt intelligi, senili parcimoniâ serui sui edacitatem sugillans, cui agitator atq; exercitor *gurgulio*, id est, gula, siue adeo pars illa, per quam in ventrem descendit cibus.

Addam & aliud, Ciceroni (vt spero)  
de Plauti

de Plauti Trinummo gratificaturus; de quo ne per somnium quidem in mentem venit Tulliastris istis. Scribit proinde ille libro ad Atticum XII. Epist. XXXIX. de Q. Fratris Filij maledictis atque iniuriis sic quasi *ἐν ἀνίγμοι* stomachosè conquerens.

*Sed tamen quid impurius? O hominem cauendum! quanquam mihi quidem. Sed tenendus dolor est.*

Vbi vocibus illis, *Quanquam mihi quidem*; *ἀποσιώησιν* subesse, iuxta mecum vident ac sentiunt quantum est literatorum; cæterum sententiæ commodè vel explendæ, vel explicandæ, ne Bosianum quidem acumen collineasse viderur satis. Hanc enim ille Ciceronis mentem fuisse hariolabundus coniicit: *Quanquam mihi quidem, scilicet, iam pridem satis ab illo cautum est, ita ut nunc obesse mihi nequeat.*

Ingeniosè, fateor: sed nihil ad Tulliani stomachi explementum: quod quidem ego haud aliunde cōmodius, quàm de hoc Trinummi versu, ex personâ Senis filium paternè increpantis prolato arcessi posse iudico:

*Mibi*

*Mihi quidem etas acta est fermè, tuà istuc  
refert maximè.*

*èò fidentius, quòd exemplum hoc  
ipsum, & quidem integrum, à Cicero-  
ne iteratum Libro Epistolarum ad*

*\* Epist. 11 M. Brutum, \* his verbis :*

*Sed de hoc tu videris. De me possum idem,  
quod Plautinus pater in Trinummo: Mihi quidem  
etas acta fermè est, &c.*

*Illud etiam oscitanter prætereun-  
dum non erit, Pudicum in Trinummo,  
(quomodo & in Persâ) pro Pudente  
& verecundo positum illo versu :*

*Is est honos homini pudico. meminisse officium  
suum.*

*Quod ne & ipse quoque oblitus vi-  
dear hoc loco; plausu prius (ut par  
est) huicce Comœdiæ postulato ad  
Truculentum (si potest) molliendum  
in tempore me conferam.*

FINIS.











